

Pl. 27

C. 1



Al. Colap. d. s. Ximenez. D E dila Comp. & Jesus de Juan.
PVLSVVM ESSENTIA,
DIFFERENTIIS, COGNITIONE,
CAVSIS, ET PROGNOSTICO, LIBER VNVS
in quinque sectiones diuisus. *Edela lib. 212.*

AVCTORE ILLEPHONSO NVNESIO,
Clarissimi Domini D. Petri Gonzalez de Azenedo, S. Ecclesiae
Placentina Episcopi dignissimi, Medico.



SALMANTICAE.
Ex officina ARTI TABERNIEL Antuerpiani.
M. DC. VI.

PALSAVALI ESSENTIA

DIETETICA

كتاب
الطبيب

PHARMACOPOLYGRAPHICA



PHARMACOPOLYGRAPHICA
M. DC. VI

A P P R O B A C I O N .

EL Doctor Sosa, Cathedratico de propiedad de Vísperas de Medicina, en la Vniuersidad de Valladolid. Vi por commission de los señores del Consejo Real de su Magestad, vn libro de pulsos, del Doctor Alonso Nuñez: el qual me parece de mucha y buena doctrina, y digno de que salga à luz. Y assi soy de parecer, que se le puede, y deue dar licencia, para que le imprima. Fecha en Valladolid à diez y ocho de Oçtobre de mil y seyscientos y quatro años.

El Doctor Pedro de Sosa.

T A S S A .

YO Alonso de Vallejo, Escriuano de Camara, del Rey nuestro Señor, de los que residen en el su Consejo, doy fee, que auiendo se visto por los Señores del vn libro intitulado: De pulsibus, compuesto por el Doctor Alonso Nuñez, que con su licencia fue impresso, le tassaron à tres maravedis y medio cada pliego en papel: el qual tiene cincuenta y ocho pliegos sin los principios, que al dicho respeto suma y monta dozientos y tres maravedis. Y mandaron, que à este precio se vendá, y no à mas. Y para que dello conste de mandamiento de los Señores del Consejo, y pedimiento de la parte del dicho Doctor Alonso Nuñez di esta fee en Madrid; à 11. dias del mes de Iulio de 1606. años.

Alonso de Vallejo.

Tiene mas quatro pliegos de tablas y principios que son en todo sesenta y dos pliegos que montan a la dicha taxa dozientos y diez y siete maravedis.

EL REY.



O R quâto por parte de vos el Doctor Alôso Nuñez, nos fue fecha relació, q̄ auia des cópuesto vn libro intitulado de Pulgi bus, en el qual auia des puelto mucho estudio, y trabajo y era de mucho prouecho, nos suplicastes os mãdassemos dar licē cia para le imprimir, y priuilegio por veynte años, ò comò la nuestra merced fuesse, por quâto en el dicho libro se hi zo la diligencia, q̄ la pregmatica por nos sobre ello fecha dispone, fue acor dado, q̄ deuiamos mandar dar esta nuestra cedula en la dicha razon, y nos tuuimoslo por bien. Por lo qual vos damos licencia y facultad, para q̄ por tiēpo y espacio de diez años cúplidos primeros siguiētes, q̄ corrē, y se quen tā desde el dia de la fecha desta nuestra cedula en adelâte, vos, ò la persona, q̄ para ello vuestro poder vuiere, y no otra alguna, podays imprimir, y ven der el dicho libro, q̄ de su so se haze menciō. Y por la presente, damos licen cia y facultad à qualquier Impressor destas nuestros Reynos, q̄ vos nõbra re des, para q̄ durante el dicho tiēpo, le pueda imprimir por el original, q̄ en el nuestro Consejo se vio. q̄ va rubricado, y firmado al fin, de Alonso de Va llejo nuestro escriuano de Camara, y vno de los q̄ en el nuestro Cõsejo re siden. Con q̄ antes q̄ se venda le traygays ante ellos, juntamēte cõ el dicho original para q̄ se vea si la dicha impressiō estã conforme à el, ò traygays fē en publica forma, como poi Corrector por nos nombrado, se vio y corregio la dicha impressiō por el dicho original. Y mãdamos al Impressor, q̄ ansí im primiere el dicho libro, no imprima el principio y primer pliego del, ni en trēga mas de vn solo libro cõ el original al Autor, ò persona à cuya costa le imprimiere, ni otra alguna para efecto de la dicha correctiō y tassa, hasta q̄ antes y primero el dicho libro estē corregido, y tassado por los del nue stro Cõsejo, y estando hecho, y no de otra manera pueda imprimir el dicho principio y primer pliego del, en el qual inmediatamente se poga esta nue stra licēcia, y la apruaciō, tassa, y erratas. y no lo pueda vender ni venda, el ni otra persona alguna, hasta q̄ estē el dicho libro en la forma susodicha, so pena de caer è incurrir en las penas contenidas en la dicha pregmatica, y leyes de nuestros Reynos, que sobre ello disponen. Y mãdamos que durã te el dicho tiempo persona alguna sin vuestra licencia no le pueda imprir ni vender, so pena, q̄ el q̄ lo imprimiere, y vdiere, aya perdido y pierda qualesquier libros, moldes, y aparejos q̄ del tuuiere, y mas incurra en pena de cinquenta mil maravedis por cada vez q̄ lo contrario hiziere. De la qual dicha pena, sea la tercia parte para la nuestra Camara, y la otra tercia parte para el q̄ lo sentenciare, y la otra tercia parte para el q̄ lo denunciare. Y mã damos a los del nuestro Consejo, Presidente, è Oydores de las nuestras Au dien-

diencias, Alcaldes, Alguaziles de la nuestra casa, y Corte, y Chancillerias, y otras qualesquier justicias de todas las ciudades: villas y lugares destos nuestros Reynos y señorios, y à cada vno en su jurisdiction, ansí à los que agora son, como a los q̄ seràn de aqui adelante q̄ os guardé y cúplan esta nuestra merced q̄ ansí vos hazemos, y contra ella no vos vayan, ni passén, ni consientã yr ni passar en manera alguna. Sopena de la nuestra merced y de diez mil maravedis para la nuestra Camara. Dada en Valladolid à diez y seys dias del mes de Nouiembre de mil y seyscientos y quatro años.

YO EL REY.

Por mandado del Rey nuestro señor.

Ioan de Amezqueta.

¶ 3 CLA-

CLARISSIMO, ET
DOCTISSIMO D. PETRO GON-

ZALEZ DE AZEBEDO, SANCTÆ ECCLESIAE

Placentinae Episcopo, ac Regio consiliario, Do-
mino suo plurimum obseruando, atque
colendo, Illephonsus Nune-
sius. S. P. D.



*VLPA digni sunt (Presul amplif-
sime) homines illi, qui detractorū
officio functi, aliorum labores de-
mordere, velut ipsis mos est, non
defatigantur. Flagrāt etenim ip-
sorū viscera ardentissimo incen-
dio, ac repetitis flāmarū impulsibus, ita re vera absu-
mūtur, vt ea similia pati conspiciamus cū illo Aetnae
barathro, ex quo semper ignis expirabat: aut certē cū
mariuaga illa Sicilia voragine, vbi maxima tēpe-
state ingruēte, tumescens mare per scopulorum cauer-
nas, procellosa circumuolutione iactatur. Voluuntur
namq; illi in sua detractiōnū rota, velut Ixiō, aut si-
cut Tātāl^o in Stygia illa palude, torquētur siti, ne vn-
quā bonarū artiu aquas dulcissimas degustant, tantū-
modō salebrosa maledicentiae calūnia deprauati; atq;
quod magis cōdolendū est, relabentē suae murmuratio-
nis scopulū, ad verticē vsq;, velut Sisyph^o, deteriori ani-
mo impulsi cogūtur denuo succutere. Cū igitur hoc no-
stro seculo, non paucos huius generis homines nouerim;
quib^o in prōptu est, aliorū scripta, si possint, obscurare:
cumq;*

cumq; eodem de pulsibus, op^o sanè tã vtile, quã diffici-
 le, scribere aggress^o sim; Verius, ne quos cõtinuò studio
 cõsumpserim labores, maleuolorũ animis obliuioni tra-
 derentur, aut fortè, ipsorũ inuidia, bona siquæ sunt præ-
 cepta, extinguerentur, sub tui clarissimi nominis splen-
 dore, in lucẽ edere existimaui. Scio enim te multa præ-
 stiturũ, quib^o, veluti antidoto salutifero, omnis prorsus
 tetra ac infestissima qualitas venenati detractorum
 morsus, propulsabitur. Nã si quæ scientiarũ viã portẽ-
 dunt, à viro probatæ eruditionis, ac morũ præstãtissi-
 morũ eximiaq; virtutis, foueri exposcunt: te proculdũ-
 bio cerno, atq; nō paucis ab hinc diebus agnosco, omni
 ex parte literatissimũ, bonarũ artium cultorẽ, ac eorũ,
 qui studiorũ auidissimo capiũtur amore, protectorẽ: ¶
 Ut vnicè dicã, ad studia frequentanda ¶ virtutem
 omnem exequendã, viuum exemplar; siquidem non
 tãtũ quãdo alij ad literas excolendas, tẽpore hilari ac
 suauì exitatur, sed ¶ nimia caloris intemperie adhuc
 infestãte, ¶ sub Caniculæ seruore, diũ, noctuq; ab assì-
 dua lectiõne haud desistis. (Testis oculat^o loquor, nec va-
 ga fama hec ad me pertulit.) Et quod pulchri^o est, ac
 memoria digni^o, omnia, quorũ veritatẽ inquiris, non
 vulgari ratiocinio, sed intensissima perscrutatione, ut
 nec quid desiderij relinquatur, inuestigas, ¶ mirifico
 proponis stylo. Nec solũ in sacra Theologia, ¶ sanctorũ
 Patrum exponendus decretis, in quib^o plurimũ excellis
 ut tui ipsi^o scripta patefaciunt: Verũ ¶ in naturæ
 arcanis quæ suos philosophos ac Medicos ingēter an-

gunt, ac cruciāt, adeo eruditè procedis, & argutè agi-
tas, ut in ijs, sicut & in alijs, non possim nō ingenij tui
fœlicitatem admirari. Sileo præterea quā in te Græcæ,
Hebraicæq; linguæ, omnes norunt eloquentiā. Nam, si
quod tibi natura ad omnia hæc lumen affluxit, minus
timuim velim percurrere; rerū undiq; occurrentium mul-
titudine, in medio, veluti obrut⁹, ac præ magnitudine
defess⁹, præpediar. Itaq; sapientissime Præsul, philoso-
phia delectaris, medicina gaudes, historia ornaris, lin-
guarum eloquentia fulges, & sacra deniq; Theologia
magnificè superas. Nec enim tu is es, qui leuitati ser-
uias, cui⁹ studia ad plausum populi referātur, quē mise-
rè distringat ambitio, & transuersim à recta viuendi
via deducat: sed qui vitæ cōsilia ad exactissimā pru-
dentiæ normā dirigas, omnesq; tuas actiones verè vir-
tutis, perfectiq; officij metiaris. Ijs igitur & multis alijs,
quæ inuoluerè recusō, fulcitus, hanc meā de pulsib⁹ tra-
ctationē, in lucē edere nō vereor. Rat⁹ etenim sum rigi-
dū omniū detractorū Boreā dimouendū, ac ipsorū in-
sidias dilucidè arcendas. Et sicut ineunte vere prata
virentibus vestiuntur germinib⁹, Zephyroq; suauiter
perspirante, suis florib⁹ cōdecorātur: sic te Patrono, meū
hoc opusculū elegās, vtile, ac suaue reddendum spero.
Hoc ergo leta fronte excipe, ac ut de more habes tuum
Nunesiū ad maiora excita: quæ, si Dñō placuerit, non
multò post in lucē editura, quorū aliqua domi latitāt,
habeo. Interim tamē, ut istud foueas vehemētè exo-
ro. Vale studiosorū omnium humanissime Mæcenas.

PROOE-

PROOEMIUM.
ILLEPHONSVS
NVNESIVS MEDICI-
NAE STUDIO. S.



AE P AE contingit, optime lector,
vt plurimi sint viri doctissimi, qui
multa assidua lectione elaborata,
præclare cōscripserint; quæ si in lu-
cem ipsi proderent, quibusdam in-
cunditatem, quibusdam verò non
mediocrem utilitatem adducerēt:
at illi tantis carere bonis ceteros
patiuntur, ne sui labores, sibi ignominiam pariant, qui
absq; dubio gloriâ, sempiternamq; suæ vitæ memoriâ
afferrent. Viget tamen his nostris tēporibus praua quæ-
dam consuetudo, vt nihil tanto homines studio inqui-
rant, quàm, vt aliquid sibi offeratur, quo & suum furorē,
& caninam rabiem, viperinis erodendo dentibus ex-
pleant. Misera & nefanda profectò hominum conditio,
quæ tot utilitates bonarum artium studiosis arcet! Ego
verò maiori emolumento, quàm pessimorum inuidiæ
nitens, de pulsibus, quæ potui diligentia, in re tam diffi-
cili, meam præstantioribus, qui de hac re scripserunt,
annectere opinionē audeo: quam benignè vt accipias,
obsecro, nec maleuolè ab aliquo redarguendâ sinas: imò
potius ità cādidò animo, ad eā diiudicandâ accingaris,
vt nec in posterum, alia quæ exarato ferè habeo, in lucē
prodere verear. Non enim eorum astipulor sententiæ,
qui suam alijs coniungere opinionem grauantur: si no-
ui quidpiam, aut inauditum, proferendum non habear.

Proœmium.

Nam quid, quæso, sub cœlo tam nouū esse potest, quod si non omnium, saltem aliquorum aures, aut intellectus, multò antea non perceperint? Aut quis tam perspicaci ingenio ostentatur, qui quod & ipse assequitur; alter inquirendo non adipiscatur? Quod, si portentosas, aut inauditas prorsus, isti machinari tractationes cōtenderint, faller illos suæ eximiæ cupidinis arrogantia dum aliud perquirat, aliud verò in probatissimorum hominū sententia apparet. Quin, & quod risu dignum (à quo nec quispiam continebitur modestissimus), se confingendi noua placita causa, à sua scientia, quam profitentur deflectentes, in messem alienam falcem immittant, sacrā paginam (si fas est dicere) inutiliter inuoluentes, Medici cū sint. Atq; sic quidā confessarijs documenta, quæ Medicis pauci sunt momēti, se exhibere credit. Et inter hos alter, totus metaphysicus, & altiuolans, Theologis, physicis, Medicis, & demum ijs, qui de bella literarum supellectili bene sentiunt, dicatum, ostentat prodigiosum opus. Tam enim est huius sæculi nostra medicina inuoluta cauillis, vt ea, quæ antiquitūs Hippocrates, Galenus, reliquiq; prisci, toto constuac summis viribus ad curationem direxere; illi ad varias imaginationes, seu confabulationes adducere conentur. Sophistica appellat Galenus, quæ Medicos non docent curare, & ab arte aliena; quæ autem isti cōfingunt, nec curationis præcepta in limine salutant. At ratio nostra non sic procedit, vt ingenium monstrare tentemus: sed toto, vt aiūt, animo nostram colere facultatem appetimus. tractantes ea, quæ magis ad tyrones erudiendos perrinent, & vtilitatem allatura sunt. Nec noua quæsiuimus inuēta, aut excogitata; sed vera reponimus præcepta, ex Galenō, cæterisq; Medicis, tanquā ex vberissimo fonte deprompta: atq; in omnibus, quò magis aptè ad difficillimam de pulsibus tractationem pateat aditus, intendimus.

Quod

Proæmium.

Quod si quid vtile, aut ingeniosum inuenias, id Deo Optimo Maximo acceptum referre debes; qui hominum ingenia, tam variè illuminare ac disponere voluit. Clarioris igitur doctrinæ gratia totū opus in quinque dissecaui sectiones: in quibus, quæ Galenus, sexdecim de pulsibus libris, & libello ad tyrones scripsit; stylo, quo potui, clariori comprehendere: nullum eorum omit- tens, quæ ad veram pulsus notitiā conferre videntur; quæ vero confusione subiecta sunt, aut minus vtilia: illa clariora reddens: hæc vero resecans cum solum proli- xiori vertantur orationi. Prima sectio pulsus essentiam cōtinet, & quæ pro ipsius explicatione necessaria sunt. Secunda differentias per sua capita exponit. Tertia dif- ferentiarū cognitiones. Quarta causas omnīū differen- tiarum, ac quorundam affectuū pulsus explicat, in qui- bus Galeni textum, vt vitium confusionis vitaremus, & epilogo quodam circumscriberentur, libuit apponere.

Quinta & vltima sectio circa prognosticaverfatur.

Hæc igitur benigne Lector animo candi-
do accipito; animumque ma-
gis. Vale.

COL

COLLEGIUM
OROPESANVM SOCIETATIS

IESV, IN LIBRVM DOCTORIS

Ildephonfi Nonnij de
Pulsibus.

EPIGRAMMA.

Mercuri Phæbo, medica qui præsidet Arti,
Tradidit inuenta fila sonum Lyra.

Atq; ait, has fibras ubi docto pollice pulses,

Parebunt ictis vitæq; morsq; sonis.

Huic Chely Pastor Ius centeno lumine cessit:

Huic cedunt proprijs aspera fata vijs.

Munere Latoides gaudet: verum ardua fila

Quis doceat scit et tangere, cura fuit.

En tibi, ait, Doctor, terris quem sæcula promēt

Sera licet, sacro Nonnius ingenio.

Hæ qui pulsantur fibra, libro ille docebit:

Hic posuere suas vitæq; Morsq; vices.

Ἐρίξει δὴ θά Τέχνη
 Μητρὶ φύσει φθονοῖσα,
 Ἐφ' ᾧ καμοῖσα πλεῖστα
 Ὡμως πλεον ὕδεν εἶχεν.
 Τέλθ' δ' ἀμίλλας εὖρυν
 Ἀνὴρ ἰατρῶν ὁχ' ἄριστος
 Ναννῆς, ὁ θεῖα γραφας.
 Ὡ τὰς ἱνῶν κινήσεις
 Ἰδεῖν ἔδωκε χεῖρων.
 Βίβλον αὐτὸς ἐξέδωκε
 Τῷ ταῦτα μὲν διδάσκειν
 Ἄλλως ἰατρῶν παῖδας,

Δώροισι δέ νικᾷν φύσιν.
 Τοῖς ἥδε κληυμένη
 Ἐπασχέτι, καὶ ἔφησεν.
 Τέως ἡδέωδην χεῖρας
 ὧς νίκηθεῖσα δύναι
 Ἄλλοις δ' ἰατροῖς δ' ὁμῶς.
 Νῦν ἴσσοσάδ' εὖ παθοῖσα
 Ἰατρικῆς πρὸς Τέχνης,
 Καὶ τοσσάδ' ἐλπίξασα
 Οἶσιν ἐκ τῆδε βίβλου,
 Τοῖς τῇδ' ἰατρεύουσιν
 Ἐκυσσά δώσω χεῖρας.

I D E M.

*Æmula Naturam demum certamine vicit,
 Et iubet ut victas porrigat illa manus.
 Illa videns librum quem Doctor Nonius edit,
 Hic vita est; Arti nunc, ait, ecce manus.*

I D E M.

IDEM COLLEGIVM OROPESANVM.
EPICRAMMA IN LAV-
DEM LIBRI DE PVLSIBVS DO-
CTORIS ILDEPHONSI NVNESII.

Alloquitur librum.

CVR liber placidas erumpere nequis in auras,
Lucis & vsura liberiore frui?

Namq; manus extrema extremaq; incude recusus
Inficiet frontem nulla litura tuam:

Sed potius fulges & ectus pernicibus alis
Lustrabis terras integer, à maculis.

Nam te dum cerno tam pulchro exire decorum
Cultu: sic tua me docta Minerva capit,

Vt nisi plana forent eruditi scripta Galeni
Iurarim hæc ipsum præripuisse tibi.

IDEM.

EPICRAMMA IN LAV-
DEM DOCTISSIMI DOCTO-
RIS ILDEPHONSI NVNESII.

VT meliora artis fiant documenta seuera,
Disciplina & usus perficit indocilis:

Sic vigilantes tuos laudat medicina labores,
Quos & sum constat iam peperisse tibi.

Nam tangens trepidos pulsus, aduersa notasti,

Hincq; malos cernens hinc documenta paras.

Præsulis at tantitans, didicisse videris,

Eximium quidquid continet iste liber.

I D E M.

A D L E C T O R E M
E P I G R A M M A.

NON in spinosis nascuntur lilia dumis,
Reddit & incultus nil, nisi gramen, ager.
Non tellus omnis segetes, non pingua prata,
Nec rigidus præbet floridaserta rubus.
Arida non platanos, nec amantes littora myrtos,
Terra, nec albentes horrida Scylla rosas.
Culta sed ornantur violis topiaria, namq;
Elicit effectus libera causapares.
Scire cupis qualis sint ista vireta coloni,
Inspice quod pignus soluerit eius ager.
Inuenies vario depictos ordine flores
Verborum, & sensuum dulcia poma leges.

I D E M.

E P I G R A M M A A D
A V C T O R E M.

QUID sibi vult, medicus cum sis, & tãgere puls?
Assuescas, pulsum tu quoque des alijs?
Est quia Fortuna pulsum dat quisq; peritus
Nec stat in incertis rebus ab arte salus.
Fortunis valeat da sors, & nomine claro:
Si pulsum tentas, indicat iste liber.
Da valeat, pulsusq; tuos da tangere rectos
Tu pulsu sanas dum vehis ille manu.

I D E M.

SONETO AL MISMO
SOBRE EL LIBRO DE
PULSIBVS.

DIO la naturaleza prouidente
A los Medicos muestras y señales,
Por donde conociessen nuestros males,
Para darles remedio competente.
El pulso es el indicio mas patente,
Que de su mal ò bien dan los mortales:
Mas otras muestras ay mas principales
Del Medico que es docto, y eminente.
El pulso en todas cosas recatado
El juyzio sano muestra, y la cordura,
La buena dicha, el arte, el buen empleo.
Todo esto en vuestros pulsos concertado,
La prudencia, el saber, y la ventura,
La salud, buen acierto, y juyzio veo.



ILLEPHONSI NVNESII LLERE-

NENSIS MEDICINÆ DOCTO-

RIS, DE PULSVVM ESSENTIA, DIFFEREN-

tij, dignotione, causis & prognostico, Li-

ber vnus, in quinque Sectiones

diuisus.

S E C T I O P R I M A

De pulsuum essentia.

C A P V T P R I M V M.

Quid sit pulsus?



OMNIS disciplina, quæ de re aliqua recta methodo instituitur, ab ipsius essentia quâ primùm exorditur: vt intelligatur, quid sit id, de quo agitur, ne aberrare contingat. Essentia autem in scientijs definitione es-

A sentia-

sentiali, proponitur: quæ rei, de qua pertractatur, naturam apprimè declarat. Nos igitur, quibus in præsentiarum de pulsus essentia incidit sermo, ne rectum peruertamus ordinem, à definitione proficiscemur: si quidem fieri nō potest, ut vnius rei specificas differentias inueniamus, prius eas definitione siue substantiæ ipsarum oratione, ad vnguem circum scribamus, auctore Galeno ex Platonis sententia 1. Meth. med. cap. 3. Varias definitiones ex Antiquorū sententijs. 4. libro de differentijs pulsuum Galenus refert: sed quia omnes inanes sunt, & minimè vtilis ad pulsus essentiam explicandam, refutatas relinquit. Verum definitionum, ut auctor est Aristoteles, duo sunt prima genera. Alterum, quod rei notionem explicat, quod qui ponunt rei nomen habent. Alterum, quod rei essentiam docet; sed utrique propria est virtus. Nam quæ notionem explicat, omnibus debet esse testata, qui eadē vtuntur lingua, & ad rei essentia non aspirare: quæ vero essentiam docet, ei, quæ notionem subiicit, consentire, nec tamen cum ea eadem esse. Prima nominis definitio ab Arist. nuncupatur. Secunda definitio, quæ quid sit explanat, & cuiusque definiti essentiam docere habet. Sed ne arbitra iudicetur, quæ à rei essentia exorditur, prius Galenus eam quæ notionalis appellatur aggreditur,

tur, utpote, in qua altera principium & fundamentum reponit: tamen ex seipsa fidem habet res perspicuas explicans, & manifestas, ut cuiq; artis medicæ ignaro patere constet. Est namque motus inuoluntarius (quin etiam si naturalem dixeris, vel non voluntarium, vel citra appetitionem nil refert) sensibilis, qui in partibus est, quibusdam animalium sanguine præditorum, quiete interpollatus. Huic definitioni ne quidquam præter commemoratum addi potest. Nam, si quid etiam addiderit quispiam, siquidem additio est inutilis, inaniter garriet; si verò utilis videatur, ut discedat ea re ab notione, & ad rei essentiam accedat, oportet. Est huius rei ratio: quia in quibusdam partibus cutis percipimus motum quendam; non modo, si attingamus, sed interim oculis etiam. Hic in omnibus valentibus motus multis corporis partibus cernitur, de quibus est carpus manus; atq; palam quidem animaduertimus quidam de profundo ascendere, & nos ferire: abictu interdum aperte recedere, inde requiescere, ac rursus id reciprocè à natiuitate hominis ad obitum usque. Neminem latere potest, cum motum omnes pulsum appellare, atque optimè ex ijs notionalem definitionem compositam esse. Verum cum definitiones, quas notionales vocant, ijs, qui iam rem cognoscunt, sint superuacaneæ, ab

*Definitio
nominis.*

*Definitio
pulsus essen-
tialis.*

ea breuiter exorſi, ad eſſentiaē notitiā cum Galeno nōs deducemus. Eſt ergo pulſus actio peculiaris praeſcipuē cordis, deinde arteriarum; quae diſtentione & contractione mouentur, à facultate vitali, quo caloris natiui mediocritas retineatur, generentur autem in cerebro ſpiritus animales. Satis prolixa hāc apparet definitio. Verūm vt ait Galenus. 4. de diſſ. pul. cap. 2. aut nulla pulſus assignabitur definitio eſſentialis, aut praelonga erit. Nam definitio, quae totam rei eſſentiaē ob oculos eſt poſitura, nihil debet eorū, quae illi praeſcipua ſunt & propria maximē omittere: ſicut e contra vbi abundē eſſentiaē declaret, inutile erit, quidquid deinde addatur, vt etiam ipſe tradit eodem libro Zenonis definitionem exponens. Praedicta verō omiſſum quidpiam nō eſſe eorū, quae ad pulſus plenā eſſentiam explicandam attinent per ſingula capita exponamus, à cauſa efficiēti initio pulſus initium ſu-
mentes.



CAPVT SECVNDVM

Quot sint facultates animal gubernantes, & quæ illarum sit causa efficiens pulsus.



VERNANT animal tres inter se diuersi generis facultates, toti corpori ex suo quodam, veluti fonte, quæq; distributa, vt ait Galenus. 9. Meth. med. cap. 10. Inest enim necessariò cunctis animalibus facultas, quæ quod aëreum & igneum est, dissipatum tamen assiduo fluore, vt pote vitæ necessariū, influeret: sicut altera, quæ quod crassum ac terreum non minori opere ad nutritionem accommodatum recuperaret. Cumq; animalia longè præstantiora sint plantis, & perfectione alimenti ipsas exuperent, ac similiter cū ipsis in nutritione conueniant, vtraque facultas eis fuit necessaria: & quæ crassum restituat; & quæ aëreum & spirituosum est, resarciat. Prima nutritiua, alitrix, appetitrix, aut naturalis dicitur, quæ in iecore residet, ac communis est plantis; nam & ipsæ alimento crasso nutriuntur, vt tradit Galenus. 1. de sympt. caus. c. 7. & 4. de vsu partium cap. 4. Secunda vitalis, seu irascibilis, quæ in corde sedem habet, à quo ceu fonte quodam, arteriæ veluti canales deducuntur; per quas sanguinem & spiritum, in omnes corporis partes defert; calorem etiam na-

tiuum, animæ genuinum instrumentum per ipsarum arteriarum motum in mediocritate tuetur. Prætereà cùm animal ob sensum sit, vt ait Aristoteles. 2. De Anima, cap. 5. sensus autem & motus etiam pro vita conseruanda sint necessarij, tertia alia insurgit facultas, quæ motus & sensus sit effectrix, animalis, & in hominibus ratiocinatrix, appellata, quæ in cerebro domicilium habens, particulis etiam vtitur quibusdam, seu canalibus, nempe nervis, per quos sensum & motum in totum animal trāsmitit. Tres igitur sunt distincti generis facultates, vitæ necessariae. Nam sicut prima partibus alimētum subministrat, quæ naturalis, siue vegetabilis dicitur: & tertia, quæ animalis, sensum & motum: sic secunda vitalis appellata præterquam quod spiritum & sanguinem purissimū defert ad omnes corporis partes, per cordis & arteriarum motum pulsum efficit: quæ distinctam actionem & mouendi formam à reliquis habet, vt infra sumus ostensuri. Propter quod tres inter se diuersi generis Galenus loco citato libro nono Meth. & 7. de Hipp. & Plat. decretis cap. 3. & 6. eiusdem operis. 2. cap. & 2. libro cap. vltimo, & alibi sæpè constituit. Igitur hæc facultas vitalis genere à reliquis distincta pulsus est causa efficiēs, quod Galenus expressit 1. De causis pulsus secundo, & quarto de præ-

sag.

sag. ex pul. ultimo, & plerifq; alijs in locis. Nec
 multum interest, si quis facultatem vitalem, na-
 turalem vocet, quatenus libera non est, dum-
 modo distinctam cum Galeno, & Platone fa-
 teatur. Non enim motus cordis voluntarius
 est, sed continuò in actione consistit à vitæ
 principio in finem usque, ut ipse asserit. 2. De
 motu musculorum, cap. quinto & .i. de diffi.
 respirat. 9. de Hippocrat. & Platonis decretis
 ultimo in medio. Similiter, si facultates reli-
 quas animalem, scilicet, & naturalem vocemus
 vitales, non inconuenit. Nam has facul-
 tates seruare, nil planè est aliud, quàm vitam
 seruare, ut constat nono Meth. citato & capi-
 te decimo tertio sequenti. Cæterum commo-
 dius quæ in corde residet vitalis appellabitur;
 quia potissima est, quæ calorem innatum con-
 seruat, & corporis partes peculiari influxu vi-
 uificat, adeo, ut sine ipsa, protinus reliquæ
 proprijs actionibus destituantur: ipsa enim de-
 ficente protinus reliquas deficere, scribitur
 quinto de locis affectis, capite primo, & secun-
 do de victus ratione. tex. 47. in medio. Hæc
 à nobis, ut vera in primis reponantur, quæ ve-
 luti fundamenta sunt eorum, quæ in poste-
 rum trademus. Quæ ut clarius exponantur,

*Quæ sit fa-
 cultas vita-
 lis queritur.*

inquirere oportet, quidnam sit hæc facultas,
 quæ pulsuum est causa efficiens: nec enim in

Galenī doctrīna inueniemus facile . Nam libro primo de causis puls. capit. secundo, essentiam illius ipsum fugere, insinuare videtur. Siquidem postquam causam esse à qua pulsus
,, mouetur, adinuenit, sic ait. At quæ hæc sit
,, non procliuè inuenta est, vnus natium calorem,
,, rem, alius contentionem, alius temperamen-
,, ti proprietatem, hic vniuersam structuram
,, corporum, ille spiritum tantum, est qui quæ-
,, dam horum, alius etiam omnia simul affir-
,, mat. Et verò quidam etiam facultatem quam-
,, dam nullo præditam corpore introduxerunt,
,, quæ peculiaribus instrumentis motus, quæ
,, retulimus, vtatur, vel omnibus, vel pluribus,
,, vel vno. Deinceps ait, propriam instituens opi-
,, nionem. Hanc causam quæ pulsus molitur,
,, quæcumque illa sit, licet eius nos fugiat essen-
,, tia, quod facultatem habeat pulsus efficien-
,, di facultatem illam vocauimus: vt quamlibet
,, aliam facultatem, à facultate faciendi, cuius
,, habet facultatem, solemus nominare: alicuius enim est facultas, & eius notio est relatio-
,, ni subiecta. Ita quando essentia ipsius incog-
,, nita nobis sit, hoc appellamus nomine. Hæc
Galenī, sunt verba, quæ placuit ita morosè as-
ferre, vt percipiamus quam ancipitem & dubium in huius facultatis essentia inquirenda ipsum redeat rei difficultas. Adeò enim his,
quæ

quæ ad animæ nostræ cognitionem attinent, cruciatur vbique, vt ad ignorantia angustiam redactus fuerit: quippe confessus est se animæ substantiam ignorare, vt constat, libello de vtilitate respirationis cap. 5. & passim vbi de ipsa pertractare aggreditur. Ad nostrum tamen institutum in præsentī attinet aliqua, quæ essentiam facultatis vitalis exponant, indagare, & præsertim ea, quæ magis propria videntur ad Galeni mentem. Pro quo, vt adnotemus oportet Aristotelem, quatenus ad animæ facultates attinet, à Platone diuersam habuisse sententiam. Nam ille non diuersas constituit animæ partes, siue substantias diuersis sedibus assistentes, quemadmodum Plato, sed facultates omnes animæ ab vna sede, corde scilicet, originem trahere existimauit: & præterea vitalis huius facultatis mentionem non fecit. Nam libro primo de anima animam principium esse alendi, & sentiendi, intelligendi, locoque mouendi scribit, nec alius vitæ gradus. (quem distinctum necessario esse ab alitione debemus fateri) meminī: quod vitam aliam esse non posse præter eam, quæ per alimentum fit arbitratur. Vnde nec pulsus à facultate aliqua fieri, sed à calore sanguinem in elationem siue tumorem excitante, vt procedendo nostra declarabit

*Gal. fatetur
se animæ
substantiā
ignorare.*

*Sententia
Aristo.*

rabit oratio. Altricem præterea facultatem à corde enasci, & ab eo sanguinem ortum habere, & ibidem generari, ac idem cor etiam principium esse sensus & motus testatur, quod quibuldam parum firmis rationibus ostendit libro tertio de partibus animalium capite 4. Quas consulto nos prætermittimus: siquidem quisque pro sui ingenio, perceptis his quæ dicta sunt, & quæ deinceps dicemus, eas soluet facile. Potissima verò ratio, cui Aristoteles nititur, nituntur etiam nonnulli, qui eum sequuti sunt, hæc est. Vita alitione constat, sed alitio ab alimento perficitur, ergo principium alimenti erit vitæ principium: atque alimenti principium cor est, quoniam sanguis non haberet potestatem alendi, nisi in corde coquatur & elaboretur: in iecore verò solum veluti ad hanc coctionem disponitur. Verum ratio hæc, sicut & aliæ parum firmam præstant doctrinam, animadvertentibus nobis in animalibus vitam aliam, seu clariùs dicam, vitæ gradum, à plantis perfectiorem constituendum esse. Nam ut supra diximus, nutritiua, seu vegetabili gaudent potentia, cuius principium iecur est in animalibus. Cum verò & ipsa perfectiora sint, opus fuit illis, facultate aliqua, quæ hanc adimpleret perfectionem. Præterea ex igno-

ratione

Argumentatio hæc constat. 2. lib. de Plac. Hipp. & Plat. c. ult.

ratione facultatis huius (quæ vitalem spiritum & sanguinem puriorem & tenuiorem producit, quibus cuncta animalia asseruantur) Aristotelem eiusque sequaces, in prædictam sententiam lapsos fuisse constat. At quam falsum sit, quod principium alimenti sit cor, constabit infra, dum distinctam esse vitalem, quæ in corde residet à nutritiua, quæ in iecore est, ostendemus. Plato verò, quem Galenus insequitur, & communiter omnis Medicorum schola, tres animæ species, siue partes adinuenit, tribus præcipuè membris assistentes, & tres diuersas facultates ipsis respondere: à quibus vniuersum corpus regitur, & gubernatur. Quod accipiendum est, vt ipse Galenus 6. lib. de Placitis Hipp. & Plat. cap. 2. animaduertit, non quatenus anima similis sit, & eiusdem rationis, sed quatenus per facultates illas (vt *Explicatur Plat. placitum.* corpus informat) rationalem, irascibilem, & concupiscibilem, in varias, prorumpit operationes. In solis enim similaribus, quod differt species non est, siue sit carnis, siue venæ, siue adipis pars. Nec verum est, si de his intelligentes dicamus ex tot talibusque quibusdam speciebus, totum constitui, sed in dissimilari- bus id sit, vt specierum, formarumque differentie numerum partibus præscribat. Similem quandam rem esse animam nostram, ait Plato
ex tri-

Platonis opinio.

Explicatur Plat. placitum.

ex tribus compositam partibus, quas ita effigit, ut concupiscibilem variæ multorumque cuidâ capitum belluæ; irascibilem Leoni, homini rationalem comparat. Quas & species & partes appellat: quoniam & sedibus eas separatas, & naturæ longè inter se discrepantes opinatur. Sed partes etiam nominat, quoniam ex eiusdem Platonis doctrina quidquid species est appellatur etiam pars, non tamen quidquid pars continuo species, nisi solum in dissimilaribus. Insuper addendum est ex eodem Galeno libr. 2. de caus. pul. cap. 12. has animæ partes, siue species, commercium aliquod, siue societatem inter se habere, quippè naturam vnâ componunt, vnde inter se consentire debent; ne tria cogamur alioquin concedere animalia in eodem. Vnâ enim est confluxio, & conspiratio, & omnia omnibus consentiunt (ut ipse citato loco Hipp. testimonio libello de alimento comprobatur.) Proinde natura vnâ est: species item illæ vnâ complent essentiam totalem, quæ physica ratione parciales species sunt: quare Plato partes eas appellauit. His iactis, quæ nō mediocriter faciunt ad explanationem dicendorum, dicamus oportet, vniuersam Medicorum Scholam insequentes, quæ Platonis sententiam sectatur, tres esse diuersi generis facultates ex suo quodam veluti fonte distributas. Ad inueniendam

*Pro exponē
da Platonis
sententia quid
supponēdū.*

*Diuidūtur
facultates
secundum
Platonis
sententiam*

dam vero eam, quæ in corde residet, quæ pulsus est causa efficiens, adnotemus iterum, quod ea animæ pars, quæ cor inhabitat iuxta proprietatem ipsius substantiæ; propriam præstare functionem. Est enim hoc insitum & proprium singulis corporis partibus, ut iuxta ipsarum substantiæ proprietatem, proprias sortiantur functiones, ut Galenus scriptum reliquit. 6. de Hipp. & Plato decretis cap. 8. Nam sic iecur ex ipsius natura, siue substantia, propriam consequitur actionem, quæ circa sanguinis alterationem, & elaborationem versatur. Similiter cerebrum, pulmo, renes, & aliæ eiusdem generis partes quia quælibet ab alia distinctam sortitur substantiæ proprietatem, proprias etiam obtinent functiones. Hæc autem substantiæ proprietas ex commoda quatuor qualitatuum temperie siue mixtione constat: quod obiter clarioris doctrinæ gratia sit dictum. Igitur quia cor propria constat substantia, ideo ea animæ pars, quæ id inhabitat, diuersam ab alijs membris, imò & præstatiorem efficit actionem. Vbi verò actio aliqua adest facultas etiam; siue potètia esse debet, quæ illius sit causa efficiens, nam adinuicè relationi subiiciuntur, ut constat supra libro 1. de causis pul. citato. Est enim facultas causa à qua procedit actio, actio vero motus actiuus à facultate procedens. Cū igitur in corde actio

distin-

*Inquiritur
ratione, fa-
cultas vita-
lis.*

*Cap. secūdo
Quid facul-
tas quid
actio.*

distincta à reliquarum partium actione consi-
 stat: debet etiam & facultas consistere, quæ in
 rei veritate, temperamenti proprietates esse non
 potest (siue commodam quatuor qualitatum
 temperiem dicas nil prohibet) vt quidam falso
 opinatur. Quam sententiã insinuat Galenus. 1.
 de præfag. ex pulsibus ca. 4. Nam facultatē pulsi-
 ficam incorpoream posuit ipse, vt quæ ita celer-
 rima fungatur actione, vt per arteriarum tūni-
 cas momento temporis, ad corporis permeet
 omnes partes, vt in sequentibus dicemus am-
 plius. At proprietates ista substantiæ corporea est;
 ei ergo implicat tam breui tempore ad longin-
 quas ferri partes. Quid ergo erit hæc facultas
 vitalis, quæ pulsum efficit? Nil plane (vt quæsi-
 to solutionem demus) nisi virtus, siue vis ani-
 mæ, quæ in corde residens in cæteras corporis
 partes influit, atque per arteriarū & cordis mo-
 tum calorem in symmetria tuetur. Hæc tamen
 iuxta partis proprietatem, substantiæ peculiare
 efficit actionem, qua veluti instrumentum vitur:
 & hanc proprietatem vocat Sanctus Thomas
 calidum innatum, vt constabit sequenti capite.
 Non enim immediate anima, siue virtus illius
 motum cordis efficit, sed mediante calido in-
 nato, quod ex quatuor qualitatum (caliditate,
 scilicet, frigiditate, humiditate, & siccitate) mix-
 tione constat. Sed interim maxima afficior ad-
 mira-

*Quid sit fa-
 cultas pulsi-
 ficæ.*

*In opusculo
 de motu cor-
 dis.*

miratione, quod Ludouicus Lemosius (vir in re
 physica non vulgariter eruditus, à quo Llerc-
 næ multa bona accepi præcepta) sentiat animæ
 instrumenta ad hanc actionem non esse calo-
 rem; cum sit (vt ipse ait) vbique calor animæ in-
 strumentum, sed spiritum vitalem in sinistro
 cordis ventriculo genitum. Quod quam sit à
 ratione alienū, declaratur ex eo, quod facultas,
 actio & opus res sunt distinctæ: sed spiritus vita-
 lis opus est facultatis, non instrumentum. Item
 quid prohibet calorem vbique esse animæ in-
 strumentum, vt in corde id amittat? Imo hæc
 ipsa ratione & in corde similem præstabit ope-
 rationem, cum par sit quæ præcipuè vitam gu-
 bernat, mediante calido. Nec negamus calorē
 in sanguine & spiritu propriam habere sedem in
 animantis corpore, tamquam in subiectis qui-
 bus inhæret, nihilominus ipse instrumentum
 est animæ præcipuum. Sed hæc plana sunt,
 quare ad nostrum pensum redeamus. Hæc fa-
 cultas vitalis, de qua nunc agimus, quia faculta-
 tem habet spiritus & sanguinis tenuissimi atq;
 purissimi efficiendi, quorum influxu, potissimū
 cuncta viuunt animalia: & prætereà calorem in
 debita mediocritate tueatur, vitalis appellatur.
 Sed Galenus, qui in inquirenda animæ essentia
 vbique confunditur contentus est, eam, quia fa-
 cultatem habet pulsus efficiendi, facultatē ap-
 pellare;

*Lemosij**lapsus.**Li. 3. de na-
tura facul.**cap. 14.*

*Auerrois
sententia.*

pellare; nec altius quid nam sit scrutatus est. Tamen cum viderat actionem esse animantibus planè necessariam, à quapiam prouenire causa cognouit, quæ tamen illa fuerit non explicuit exactè; licet. 1. de presag. ex pul. capit. 4. essentiam facultatis, in commodo temperamēto singularum partium constituere videatur: Nec etiam sialiorum referat sententias alicui astipulatur: verum illam incorpoream esse necessariò, quoniam celerrima fungitur actione, quæ ei maximè repugnaret, si corporea esset: quoniam mouēdi celeritas corporibus proculdubio aduersatur; quæ facultatibus inest: vt ipse ait libello an sang. sit in arterijs cap. vltimo. Ex his igitur patet satis, quæ nam sit facultas, quæ pulsum efficit, & quomodo distincta sit à nutriēte, vt percipiamus, quàm falsa sit Auerrois sententia, qui 2. Colliget. capi. 7. pulsatilem facultatem de genere nutrientium esse affirmat. Ait enim: Sed virtus pulsatiua est de necessitate, cibatiua virtus, & diuisiua, & princeps: quia cū ipsa cor dat calorem alijs membris, & est sicut seruiens virtuti principali cibarius, quia cum ipsa conseruatur: & ideò no est conueniens ponere illam vnam virtutem per se ab alijs distinctam. Est etiam hæc Auerrois sentētia suo principi opposita qui Fen. 1. 1. doct. 6. cap. 4. de facultate vitali sic ait. Et hæc quidem virtus virtutibus

tibus naturalibus similatur; ideo quod nō à voluntate proueniunt, quæ ab ea proueniunt, & similiter virtutibus animalibus propter operationum diuersitatem: ipsa enim dilatat & constringit simul mouet: ergo motibus contrarijs. Et inferiùs addit. Et si naturalem vocauerit illam, quæ rem nutrienti ministrat, & conuertit, siue ad hoc, vt remaneat indiuiduum: siue vt remaneat species, non erit naturalis, sed erit tertium genus. Sed iam ratione comprobemus quàm vera sint, quæ hucusque tradidimus: & maximè, quo attinet ad hoc, vt vitalis facultas distincta sit à nutriente. In primis sumpto ab experimento argumento, quod non leui est momenti in arte Medica. Videmus namque facultatem hanc, non plantis, sed animalibus tantum inesse, vt ait Galenus 4. de præfag. ex pul. cap. vltimo, quod si talis esset qualis altrix siue vegetabilis in plantis etiam inueniretur. Item experimur sæpè vitalem facultatem lædi posse, altrice illæsa immanente: & è contra altrix læditur, vitali illæsa. Siquidem in morbis, quos Medici vocant venosi generis, crudi existunt succi, qui altricem offendunt, non tamen vitalem: nam & pulsum constare & calorem vitalem salubrem esse percipimus. Rursus vitalis in peste, & in morbis malignis maximè offenditur, vt videre est per pulsum: nec tamen naturalis per-

Ratione probatur distinctam esse vitalem facultatem à nutriente.

- perinde læditur: imo interdum nullam concipit læsionem: apparent enim per totum morbi discursum vrinæ naturales: tamen inopinato accidit mors vitali pergrádi læsione correpta.
- 3 Item probatur vulgari Philosophorum axioma, ex Aristotele sumpto. 2. de anima cap. 4. Potentiæ distinguuntur per actus, & actus per obiecta: sed facultas vitalis diuersos habet actus, atque etiam diuersa obiecta à nutriente; nam vitalis pulsum efficit, qui motus est dilatationis & constrictionis in corde & arterijs situs, ordinem seruans & sensu tactus perceptus, interim etiam & oculis: cuius obiectū seu finis est, natiui caloris mediocritatem seruare, & spiritus animales in cerebro generare. Naturalis, siue nutritiua motum præstat, non sensatum, non ordinatū, non perpetuum, nō solum iecori, sed & carnibus, & ossibus, & reliquis corporis partibus insitum: cuius obiectū est, vel sanguinis generationem, vel partis assimilationem. Sed quàm diuersi hi sint actus, quàm etiā diuersa obiecta, videt ingenij multū inops.
- 4 Vltimò non magis operatur facultas pulsatilis reliquis partibus, quàm operatur cordi: sed sanguis & spiritus, qui in cordis ventriculis perficiuntur: & motus prætereà dilatationis & cōstrictionis, non faciunt ad cordis nutritionem, cum vena caua priusquàm dextro cordis vetriculo
- inse-

inferatur, pars eius tanta quanta maximè ipsi nutriendo satis sit, seiuncto circa cordis caput extrinsecus obuoluitur, & per omnes ipsius partes dispergitur, auctore Galeno 6. de usu partiu capit. 17. Igitur facultas pullatilis ex genere nutritiui, siue naturalium non erit. Nec me latet id quod Galenus loco citato tradit, putum scilicet sanguinem, & tenuem in arterijs cõtineri, quod spiritui animali alimentum erat supeditaturus; & in eodem capite rationi congruum esse, cor pulmoni præparare alimentũ, sibi autem ipsi minimè: quibus ad nutrientem videtur accedere facultatem. Nam si Galenus hoc vitali facultati tribuat, diuersam tamen à nutriente constituit. Nam, licet pulmoni alimentum paret, & spiritui etiam animali, distincta mouendi forma, quæ præstantioris est naturæ, id efficit. Quod beneficium illi aduenire ex commercio dignioris formæ & præstantioris, adnotauit Ludouicus Mercatus; cuius opera hoc nostro sæculo, cunctis maximam præstant vtilitatem, quod variæ & multæ sint lectionis. Denique, si quia sanguis & spiritus à vitali facultate elaborantur, ideo nutritiua est, eadem ratione facultas animalis, quæ sensus & motus est causa, etiam erit è numero nutritiui: nam etiam ipsa spiritum animale in cerebro perficit, & elaborat. Nec

Obiectio.

Obiectionis
solutio.Lib. de arte
puls. tract. 3

enim in modo hoc operandi à vitali differt. Si-
quidem; sicut vitalis spiritus in corde gignitur
materia generationis ex inspiratione, & humo-
rum exhalatione sumpta: ita animalis ex vitali
perfectiùs concocto oritur, vt refert Galen. 7.
de Hipp. & Plat. decretis, cap. 3. in fine. Sed ani-
malis facultas non est nutritiua, igitur nec vi-
talis. Quare opus non est ampliùs in hoc diua-
gari: sed vt verum id statuamus, ad alia nos
conuertentes.

CAPVT TERTIVM.

*An qua Beatus Thomas scripsit de motu
cordis Medicorum opinioni cohereant.*



SCRIPSIT Beatus Thomas opuscu-
lum de motu cordis, in quo per-
quirens ipsius motorem non esse
operationem animæ nutritiua: nā
ipsius operationes sunt generare, alimento vti,
& augmentatio, quorum nullum motus cor-
dis esse videtur: nec appetitiua, cū volunta-
rius quidam sit motus, sed propriam scribens
sententiam, motum cordis ait esse naturalem,
quasi consequens animam, in quantum est for-
ma talis corporis, & principaliter cordis. Nam
naturalia, ait, sunt, quorum principium motus
est

est in ipsis. Nihil autem proprium magis est animalibus, quàm cordis motus, quo cessante perijt eorum vita. Sicut autem formam elementari sequitur motus naturalis: sic nil prohibet alias formas sequi alios motus naturales. Nam ut ferrum ad Magnetem mouetur, non in quantum est graue & leue, sed in quantum continet talem formam: sic animal in quantum habet animam, non prohibet habere aliquem motum, qui ipsam, in quantum est talis corporis forma, & præcipuè cordis insequatur. Itaque existimat sanctus Doctor motum cordis naturalem esse à principio intrinseco animalis factum: qui quidem ipsam animam insequitur, quemadmodum alij motus alias insequuntur formas. Verum quidam Medici sinistrè admodum hanc sententiam percipientes, veram non esse arbitrantur. Cæterum non solum veram esse sed & secundum Medicorum placita traditam breuiter ostendemus. Proinde nobis prius est inquirendum, quo pacto Sanctus Thomas motum cordis naturalem vocet, cum Medicici vitalem appellare consueuerint. Et prætereà, quomodo motum hunc animam insequi, in quantum est forma corporis, dicat, an immediatè id fieri sit dicendum, an vero, ex eius mente, mediante aliqua potentia,

Medici quidam sinistrè percipiunt Doctoris sententiam

tentia, quæ ipsius forma sit peculiare instrumentum. Primum igitur, ut aggrediamur, ait citato opusculo ex Aristotelis intentione, octaua Physicorum. Quorumcumque mouentur principium motus in ipsis est, necesse est naturaliter moueri. Cum igitur motus cordis viuentibus sit necessarius, ut vita, ipso pereunte, careant, à principio intrinseco oportuit fieri, cuius ratione naturaliter moueatur. Erit tamen principium, à quo actio hæc procedit, idem & à quo reliqui motus, qui naturales sunt proueniunt, nempe, anima ipsa, quæ in viuentibus est principium, quæ principaliter operatur. Vnde cum motum efficiat cordis non ut est sensitiua (nam sic ex apprehensione appetitus esset motus cordis, quod falsum est) sed secundum quod est forma viuentis corporis, necessariò talis motus est naturalis: nam fit secundum naturam & à principio ipsius. Quæ consideratione non solum Sanctus Thomas, verum Medici omnes naturalem vocarunt motum cordis; quod etiam nos cum Galeno supra ex libro secundo de motu musculorum retuli-

Cap. 5. mus. Motus igitur cordis naturalis est: sed vitam ideò Medici appellant: quia ipso cessante protinus animal vita orbatur: quod opusculo citato (ut nec clariori indigeamus doctrina)

Arina) his verbis aperuit . Motus autem pro-
 gressius animalis causatur , propter appre-
 hensionem sensus , & appetitus , & propter
 hoc Medici distinguunt operationes vitales , ab
 operationibus animalibus : & dicunt , quod
 cessantibus animalibus , remanent vitales , vi-
 tales appellantes qui motum cordis conco-
 mitantur , quibus cessantibus cessat vita : &
 hoc rationabiliter : viuere enim viuentibus est
 esse . Ex his igitur verbis percipiemus , quas
 Diuus Thomas vocat operationes naturales,
 nos rationabiliter (vt ait ipse) vitales ap-
 pellare . Item idè motum cordis vocat na-
 turalem , quia in eo efficiendo operatur anima
 in modum naturalium formarum . Nam si-
 cut formæ naturales positæ necessarijs inces-
 sante in operatione procedunt : ita anima
 per vitæ discursum motum cordis incessan-
 ter operatur . Distinguuntur tamen certo quo-
 dam modo . Nam , & si anima incessanter
 efficiat motum cordis , non vsque ad vltimum
 potentiæ mouet ; sicut reliquæ formæ na-
 turales solent efficere . Anima vero prout ma-
 gis , aut minus instat necessitas refrigerij
 (variatur enim motus ad calidi proportio-
 nem) reliquæ formæ semper vniformiter ope-
 rationem præstant . Et hac ratione vocat San-
 ctus Thomas motum cordis naturalem . Quia

*Motus cor-
 dis quomo-
 do cōueniat
 cum formis
 naturalibus
 & differat.*

*Secundum
dub.*

tamen hoc ipso principaliter tuetur vita, Medici vitalem dicunt. Vnde Medici & ipsum, re idem affirmant, separantur verò solum verbis: Sed clariùs si secundum enodemus dubium, an scilicet, in opinione Sancti Thomæ anima immediatè operetur, vel media potentia, in motu cordis efficiendo. Opinatur Rodericus à Veiga Lusitanus, artis Medici. 31. Diuum Thomam præcitato opusculo tenuisse, motum cordis non fieri ab anima intermedio alicuius ex quinque facultatibus, vegetatiua, sensitiua, appetitiua, secundum locum motiua, nec intellectiua, sed ipsa sola: sicut cælum à forma sua, & leue & graue à suis ad certa loca

Thomas Rodericus male interpretatur Diui Tho. sententiam.

mouentur. Verum si diligenter, quæ Sanctus Doctor scripserit legerimus, non dubito quin Lusitanum male interpretatum fuisse illius mentem inueniamus. Ait quippe citato opusculo, motum cordis fieri ab anima, in quantum est forma talis corporis. Et prima parte, quæst. 77. artic. 1. Animam non esse, immediatum operationis instrumentum, licet immediatè det esse & viuere. Tunc sic colliges. Si motus cordis ab anima fit, & anima non est immediatum operationis instrumentum: ergo potentia media motum cordis debet efficere, non ipsa sola: nam turpe admodum erit, si sibi pugnare Angelicum Doctorem existimes,

cum

cum vbique, si bono animo perlegas, quæ ab ipso tradita sunt miram inuenies doctrinam vndequaue sibi constantem. Insuper id declarant verba, quæ in libro de morte & vita, & respiratione super Aristotelem tradit. Siquidem ait, Et ideo dicendum est, quod „ motus cordis per se fit à forma animalis ha- „ bentis cor. Et ratio huiusest: quia principa- „ lis operatio animalis habet attribui principali „ agenti: sed principalis operatio in animale „ est motus cordis, quare debet esse à causa prin- „ cipali, hoc est, ab anima: anima igitur est „ causa principalis motus cordis. Vnde sicut „ mixtis inanimatis debetur aliquis motus, „ etiam simplicibus elementis: & ferro debetur „ motus, quo mouetur ad Magnetem, ita ani- „ mali: vnde animali habenti perfectum cor „ debetur aliquis motus: hic autem est motus „ cordis. Et quamuis anima sit causa principa- „ lis istius motus; tamen anima agit istum mo- „ rum mediante calido. Sicut enim ignis ca- „ lefacit formam suam, tamen mediante cali- „ ditate: ita anima mouet cor, tamen median- „ te calido. Anima igitur sensitiua causa est istius „ motus; & causa principalis, & calidum est „ secundaria, & sicut instrumentum. Hæc San- „ ctus Thomas. Ex quibus explicitè constat, non „ immediate à forma proficisci motum cordis,

*Explicatur
dictum S.
Thomæ.*

vt ei falso imposuit Lusitanus. Quod si motum hunc, vti cœlum à propria forma, & graue & leue à suis mouentur, fieri tradit: similitudo tenet tantum in operationis modo: nam incessanter fit motus cordis, sicut formę naturales positæ requisitis mouentur ad operationem incessanter. At anima operationem variat, quādo motum cordis aggreditur, prout calor noster innatus eundem, aut dissimilem tenorem seruat: (in quo à formis naturalibus separatur, vt diximus.) Et itā necessariò fuit media potentia variationes illas adimplere, quam potentiam Medici vocant vitalem: nec illam negat Sanctus Thomas: siquidem Medicos rationabiliter operationes vitales ab animalibus distinguere ait. Si igitur has operationes admittit, concederet etiam potentiam, quæ effectiua sit illarum actionum: tamen hæc agere mediante calido, vt superiori capite à nobis ostenditur. Ex quibus non animam solam, motum cordis efficere satis patet. Igitur motui, cordis propria inest potentia, quæ formis naturalibus ob simplicem mouendi modum denegatur. Colligitur etiam miserrimè hallucinari, qui cor à generante, in quantum est graue & leue moueri, Sanctum Doctorem existimasse credunt. (Itā sentit quidam Salmanticensis præceptor noster non continendæ crudi-

*Rodericus
Soria pri-
marie Ca-
thedræ pro-
fessor.*

eruditionis.) Nam præter ea, quæ allata sunt: quæ manifestè contrarium ostendunt, aduersus eos extant verba præcitato opusculo sic. Per hoc ergo de facile soluantur, quæ in contrarium obijci possunt. Nec enim dicimus motum cordis esse cordi naturalem, in quantum est graue & leue, sed in quantum est animatum tali anima. Non est igitur quod amplius insudemus, in explicanda Angelici Doctoris mente: siquidem ex ijs, quæ diximus, eandem cum Medicorum vniuersa schola habuisse sententiam, constat.

C A P V T Q V A R T V M.

An quæ Aristoteles de causa pulsus tradit, vera sint.



EST nobis Arist. sententiā examinare. Qui lib. de spiritu post principium, motum pulsus accidentalem esse, qui non finis cuiuspiam gratia, excitatur, videtur insinuare: sed necessitatē caloris sequitur agentis ob fetuorem, & in elationē excitantis. Et libro de spiratione in fine, pulsum esse humoris incalescētis flatuosam elationem: quibus non necessitate quapiam nec fine intento, sed ex accidenti pulsum fieri fatetur. Nec deest, qui istius opinionis assēcla, illā rueri nitatur.

*Turisanus
opinio re-
darguitur.*

nitatur. Nam Turisanus. 3. Tegni, com. 35. quibusdam inualidis rationibus tuctur illam, quibus satisfacere non erit difficile, quare nec ipsas adducemus: interim tamē falsa ipsius fundamēta manifesta faciamus. Nam si ob humidi spumificationem, & caloris feruorem pulsus fit, quo fuerint arteriæ sitæ prope cor, cum sit principium & fons tanti feruoris, fortius & vehemētius pulsabunt, quam distantes. Consonū enim est rationi, quod maior feruor & ebullitio, qui in corde gignitur, proximioribus, quam ijs, quę in lōginquo sunt sitæ magis cōmunicetur. Sed
 1. quam falsum sit hoc, testatur experimentū, cū eodem modo & eadem proportionē tam distā
 2. tes, quam propinquæ moueantur. Item tam constantē mouendi modū à vitæ principio ad interitū vsq; procedentē, repugnat ad humorū incertā efferuescentiā esse referendū, siquidem intellectus nō percipit motus adeò ordinatos, & cōcinnè editos, à re ita indeterminata progredi posse. Præterea sit quidā continente febre, seu causone affectus, cui etiā viriū languor
 3. iungatur: si humoris illa agitatio & efferuescētia pulsus est causa, quo pacto languor discernetur? nam huic pulsus magnus & vehemēs est consonum fieri, cum maior sit ebullitio & feruor. Ergo iam nequit viriū imbecillitas, aut robur in febribus adurētibus exactē distinguī.

Accedit

Accedit, quod in corpore nunquam reperia- 4
tur utilitas sine facultate aliqua, quæ sit causa
illius. Quæ igitur maior esse potest, quam cor-
dis motus, quo cessante protinus animal perijt.
Igitur actionis adeò naturæ necessarię insitam
esse facultatem suadet ratio. Demum aduersus 5
Thurisanum facit ratio, quam Galenus ad-
uersus Erasistratum tradit libello: An san-
guis sit in arterijs, capite ultimo. Perfore-
tur arteria, & in eius cavitate fistula ænea in-
tromittatur, atque simul utrique cum laqueo
comprimatur. Tum sic: si humorum effër-
uescentia pullum causat, partes post arteriam
laqueo compressam pulsare debent; nam relin-
quicur spatium, per quod sanguis & spiritus in
illas partes deferantur: at non pulsant, ut experi-
mentum confirmat: non ergo erit feruor ille,
& agitatio pulsus causa. Soluere hanc rationē
ipse conatur, quia compressa arteria necessum
est impediri caloris communicationem, quæ
per arterię substantiam demandatur, ut humo-
res in elationem agitentur. Sed obstat primò
quia sanguis & spiritus in se calidi & feruidi
sunt lib. de tumoribus præter naturam, cap. 2. in
medio, & de fœtus formatione, ca. 3. & nec per
arterię compressionem qualitates deperdunt,
cum præsertim, si quem calorem habeant ipsę
arterię à sanguine & spiritu ipsis cōmunicetur:
nam

nam vt Galenus, sanguis & spiritus sunt caloris subiecta, libro de sang. miss. capitu. 5. Vnde cum non impediatur sanguinis & spiritus transitus ad partes post arteriam laqueo compressam; non impediatur calor qui feruorem excitat. Præterea compressa arteria subito perditur pulsus, sicut ipsa soluta repente redit motus: at calor per arteriæ substantiam in distantiores partes delabi non potest: non ergo pulsus efficit: accidenti enim corpori subito moueri repugnat: nam facultatibus mouendi celeritas conuenit: corporibus verò eadem aduersatur, vt Galenus tradit citato loco.

• *Libello an
sanguis in
arterijs sit*

Omittimus consultò experimentum illud ex dissectionibus acceptum, quo vititur Leo Roganus, pro refutanda hac sententia, in præmio libelli ad tyrones, sic dicens. Si viuum secundum thoracem animantem, cor eximas, ipsum spatio quodam agitari videbis: quamuis dissecti sint ventres, adeò, vt vniuersus sanguis, qui in illis continebatur foras effluerit, quare non sanguinis feruore, & vt quis dixerit spirituificatione pulsus efficitur, sed facultate quadam, quæ cordi insita sit, ni prohibet aliquo temporis spatio seruari. Hæc Leo Roganus. Verum nos cor ab animali exemptum, videmus spatio agitari, non facultatis ratione, quam necessario corde extracto peri-

• *Le Rogano
repugnans.*

re est in comperto. Nam si anima non informatur viuens esse non potest, nec facultatem habere opificem. Ait siquidem Galenus primo de causis. puls. capite secundo. Vbi interit animal, nec ullam arteriam, nec verò ipsum cor amplius pulsare. Præterea cum facultates animæ sint virtutes, quæ in cōseruari pendent ab ipsa, diffiteri non possumus separata anima, ipsas quoque separari. Vltimò vulnus illatum cordi celerrimè animal enecat, vt patet. 5. de locis affectis, capite secundo. Quo igitur pacto vniuerso sanguine effluxo, viuens esse potest, & facultatem habere operantem? Quare dicimus cor ab animali extractum, si vniuerso sanguine & spiritu destituatur motum non habere, vel si quem habet ob sanguinis, & spiritus feruorem fieri affirmamus: non aliter ac membrum aliquod princeps statim ac abscinditur spatio agitatur non enim sanguis & spiritus, vt primum ab anima distituuntur, confestim refrigerantur, aut restringuntur; quod doctissimè Conimbricenses Societatis IESV, in commentaria ad librum Aristotelis de spiratione, capite septimo tradiderunt. Euidens ergo est, vt ad propositum reuertamur, efferuescentia, & humorum agitatio per se non esse pulsus causa efficiens, sed tantum accidentalis, siue excitans ad pul-

Conimbricenses Societatis Iesu.

pulsus generationem (vt alij sentiunt) licèt Turisanus aduersus communem Medicorum sententiam, falsam suam protulisse conetur.

CAPVT QVINTVM.

*Facultas pulsifica, quæ per arteriarum tunicas communicatur, duplex est: motibus contrarijs constans, quos de necessitate quies interfecat: Et an quietes sint actiones in-
tente à natura.*



FACULTAS vitalis dissecatur in eam, quæ sanguinem & spiritum in omnes corporis partes defert, quæ per arteriarum cavitates, ceu per lapideos canales influit: & in eâ, quæ caloré natiuû animæ genuinum instrumentum tuetur: quod motu dilatationis & contractionis, qui pulsus est, assequitur. De hac igitur facultate, quæ pulsus est causa efficiens, vt supra ostensum est, est nobis agendum. Hæc itaque incorporea cum sit, à corde, ceu fonte quodam continuò per arteriarum tunicas ad fines vsque ipsarum permeat: non aliter ac animalis facultas per nervos, vt efficiat sensum, & motum ad corporis partes defertur. Vt enim, si digitum pedis mouere decreuerimus, ipsum statim mouemus,

mus, non quia decernens facultas in digito resideat, sed quia momento temporis vix quædam ad ipsum transmittitur: ita à corde quædam motrix facultas delegatur illico: nam facultatibus mouendi inest celeritas, quæ corporibus proculdubio aduersatur. Cæterum per arteriarum tunicas facultatem pulsificam in corporis partes permeare constat, libello de usu pulsum, capite 4. & libello an sanguis in arterijs contineatur: aduersus falsam Eracistrati opinionem experimēto à dissectione accepto; quo supra nos, pro Turisani positione abijcienda, etiam vti sumus. Nam, si vnā ex magnis, & conspicuis arterijs à corporibus adiacentibus, nudemus, ita quod filum circum immittere possimus, deinde secundum lōgitudinem eam inscindamus, & concauum calamum, qui peruius sit, aut æneam fistulam intromittamus, obturato vulnere, vt nec sanguis foras exeat: videbimus secundum se totam arteriam pulsare. Si verò filum abductum in laqueum contrahamus, & ipso arteriæ tuniciæ constringantur, partes ipsius, quæ vltra laqueum sunt pulsu destitui euidenter conspicimus: etiam si sanguis, & spiritus ad ipsas, vt antea deferantur. Si igitur ob sanguinem & spiritum, partes arteriæ, quæ supra laqueum sunt pulsan: pulsabunt etiam illæ, quæ sunt vltra ipsum, non impedito per ca-

uitatem, sanguinis & spiritus transire; at non
 pullant: igitur planum est, non per sanguinem
 & spiritum motum habere, sed ob virtutem
 per arteriarum tunicas à corde in ipsas trans-
 missam. Sed huius fundamenti veritas satis ijs,
 quæ supra aduersus Turisanum tradidimus ro-
 boratur, vt nec sit opus hac in parte iterum
 illa inculcare. Verùm facultas sit ne duplex,
 dubium est apud aliquos. Alij enim existi-
 mant vnicam sufficere, vt motus illos contra-
 rios dilatationis, & contractionis efficiat. Si-
 quidem videmus animalem facultatem vnā,
 membra in varias & contrarias motiones defle-
 ctere; sic igitur vitalis arteriam poterit in con-
 trarios motus euertere. At ratio hæc nihil certò
 monstrare ex eo accipimus, quod animalis fa-
 cultas cōtrarios & varios motus diuersissimu-
 lis exorditur: arteria verò vna dilatata & cōtra-
 cta pulsum efficit. Alij via alia incedentes hoc
 ipsum asserunt, vnā nempe esse facultatem,
 quæ dilatationē efficit, cōtractionem minimè:
 nam arteria cum dilatatur statim contrahitur.
 & ad pristinam sedem qua deiecta erat, sua spō-
 te redit, nec eius ad hoc peculiaris necessaria
 est actio, cum potius actionis (dilatationis scili-
 cet) sit veluti quædā cessatio. Hoc placitum re-
 probat Galenus libello de vsu pulsus cap. 7. nā
 contractionem similem esse expirationi, quan-
 do

*An facultas
 vas pulsifica
 sit duplex.*

do vehementi fit efflatu affirmat. Expiratio ve- *Quando ex-*
 rò hoc modo facta actio est cuiusdem faculta- *piratio fit*
 tis: quando vehemens non est efflatus, sed solum *facultatis*
 spiritus quædam est emissio, quæ naturalē non *actio.*
 excedit locum, tunc actio nō est, cum solū ces-
 sati o quædā vel pectoris sit remissio sola graui-
 tate ipsius facta. Iuxta quod (vt obiter dicā) dif-
 ficillimo Gal. loco patet explanatio. 2. de motu
 musculorū ca. 9. in principio vbi ait: Expiratio-
 nis enim nullus musculus opifex est, sed hoc
 opus thoracis, aut potius affectus hic deciden-
 tiæ à nobis ante nominatæ est similis: efflatio
 autē est spirituslatio simultanea extra, quæ per
 musculorū intercostaliū à facultate fit animali.
 Huic igitur similis est pulsus contractio, quæ
 actio facultatis est vitalis, quādo efflatui respon-
 det. Si enim necessitas expellēdi fuliginosa ex-
 crementa, quæ actione caloris in humido con-
 geruntur, vrget; tunc efflatum animal appetit:
 cum verò excremēta illa ob succi temperiē vel
 caloris mediocritatem non colligūtur tantū fit
 spiritus redditio: sic vbi arterijs congesta sunt,
 contractio similis fit efflatui, cum contrarium
 accidit fit veluti in respiratione spiritus reddi-
 tio, quæ velut remissio est actionis. Quod verò
 actio sit vitalis facultatis contractio, explicitē
 tradit Galenus non solū deutilitate pulsus cita-
 to, sed 4. de differentijs puls. cap. 12. in quo loco

Athenæi familiam fatetur insequi, quæ vtrumque motum in functionibus habebat, & distinctionis & contractionis. Et ratione suadet. Primo; quia contractio non semper eandem sedem, vel eundem terminum seruat; nam aliàs videtur celerior, aliàs tardior, proprium locum quem ex naturali possidet compositione euarians: quod iudicium est obitæ actionis; alioquin illum non excederet. Nec obstat, si quis propter arteriarum duritiem, aut mollitiem in varias mutationes deflecti obijciat: nam nec tantillo tempore, in quo subitas aliquas modulorum conspiciamus mutationes, mutari in duritiem, & mollitiem potest arteria; quippe interdum contractionem celeriores, interdum non ita celerem, quin etiam & tardam, breui temporis spatio animaduertimus; in quo arteriam mollitiem & duritiem acquirere videtur impossibile. Secundò ostenditur: quia absurdum aliquem esse naturæ motu contractionis: nec tamen facultatem ingenitam, quæ huiusmodi motum efficeret datam esse. Silco alias rationes, quas Doctissimus Ioannes Brauo Petrascianus, noster nunquam pœnitendus præceptor 1. de febrium. diff. capite. 11. ad id confirmandum, refert suo clarissimo, simul & eruditissimo, quo ubique narrat stylo. Igitur liquet, duplicem esse facultatem pulsatilem, quæ scilicet

*Ioannes Bra-
uus noster
præceptor.*

cer, cor dilatat, & ipsum constringit, quod Gal. 3. de presag.
 2. de presag. ex puls. cap. 8. ubi dicitur totum pul- ex puls. c. 4
 suum differentiam fieri tradit, concurrentibus contratio-
 duabus facultatibus, & quæ distendit & quæ cō- ne actionem
 trahit cor. Nec existimabimus pulsum unū esse fatetur. &
 compositum per se, sed potius complexum ex 2. eiusdem
 motibus contrariis, ut hac in parte à calumnia operis. ca. 1.
 vindicemus Auicennā, quam Cōplurēsis Vega
 ipsi imposuit: ait enim, compositum fecisse pul-
 sum Auicennam ex cōtrariis motibus. Verū nō
 aliud princeps visus est sentire, nisi quod Gal. q.
 ad Zenonis mentem 4. de diff. puls. ca. 8. his ver-
 bis refert. At non male mixtū dixit esse pulsum, ,,
 non simplicem nec vnus formæ: siquidem ex ,,
 contrariis partibus constat, ut motus in respira- ,,
 tione. Cum quibus etiā Auicennā cōsentit: 1. 1.
 docti. 6. cap. 4. cū systolem & diastolē inter se
 motus esse cōtrarios affirmat. Sed vltius per-
 curramus, inquirentes, an quies de necessitate hos
 intercitat motus. Nam geminā abcidere quie- An quies in-
 tem in pulsu, vnā ab distentione, antequā con- ter motus
 trahatur, alteram verō à contractione, antequā cōtrarios in-
 distēdatur, tradit Gal. 1. de diff. puls. ca. 3. Quas tercidat sē-
 etiam, inquit, expertorum tactus cognoscit: nec per.
 minus demonstrat ratio. Priusquā enim arte-
 ria cōtrarium motum exordiat, priorē sedat,
 atq; sedare subsistere est, & in quiete esse, sic mō-
 tus intercedit quies. Aristoteles etiā 8. physi-
 corum

corum ca. 7. in fine duos contrarios motus, sine
intermedia quiete, eidem simul esse non posse
statuit. Sed non desunt, qui hoc redarguentes,
perpetuū non esse credāt: quod euertere hoc si
mili tentāt. Sagittæ sursum proiectæ si derepē-
te lapis, aut turris prægrandis occurrat, ante
quam sui motus finem attingat; deorsum pro-
culdubio sine quiete trudetur. Nam si conceda-
mus quietem fecisse, & lapidem similiter, aut
turrim quiescere affirmare debemus, quod est
præter rei euidētiā, & absurdum maximè.
Nam quo pacto moles adeo magna à parua sa-
gittæ resistentia detinebitur? Si dicas: quia par-
ua est resistentia, quietem adeo esse breuem,
ut sensum lateat: debes etiam fateri, quam-
cunque resistentiam suo modo quancum-
que molem detinere: unde & aer etiam des-
censui resistet. Atque ita partes ipsius singulæ,
totidem quietes efficiēt in moli prægrandi,
quæ cum infinitæ sint proportionales infinitas
debēt habere quietes, quod & sensui & rationi
repugnat. Id confirmat, quod Gal. 2. de prælag.
ex puls. ca. 8. diçrotorum pulsum effigiē de-
pingēs, deperdi quietes tradit: igitur non in vni-
uersum inter contrarios motus quies mediat:
quod Vallesius 3. contr. cap. 6. vt verum recipit.
Cæterum nos Arist. & Gal. (relictis quibusdam,
quæ ad præsentem quæstionem inutilia sunt)

verum

verum esse placitum cōcedimus, semper enim
 necessariò contrarios motus quies interfecat,
 siue vnus naturalis, alter violentus, siue ambo
 naturales, aut violenti fuerint, dūmodo finem
 motus mobile pertingat. Nā si in medio prape-
 diatur duo nō sūt integri motus, vnde nec quies
 illos interfecat, cum violēter sint impēditi, quō-
 minus propriū terminū ad quē accedere debe-
 rent, acquirant: id tamē propter violētās causas
 cōtingere negabit nemo: Quod perspicuū esse
 in argumento conuincitur, vbi sagitta deorsū in-
 truditur violentē, antequam proijcientis im-
 petum totū absorbat, & terminū vltimū acqui-
 rat. Sed instabis: quid enim refert, motus inte-
 gtos esse, & terminos attingere, vt quiescat mō-
 bile, aut fractos esse? Nam sicut est contrarietas
 totius motus ad alterum contrarium motum:
 sic singularum partiū vnus, ad partes singulas al-
 terius, quare si inter illos integros mediat quies,
 mediabit etiam & inter partes, quæ contrariæ
 sunt. Facile dissolues nodum, si causas violen-
 tās consideres, quæ motum partitum esse fa-
 ciunt, nec vltimum complementum habere.
 Si tamen desinant, vt mobile suum pertin-
 gat terminum, impossibile est non quiesce-
 re, id quæ sensibilibiter, aut ita quod sensum
 nostrum quies illa brevis admodum, & ferē
 momentanea effugiat. Nec ex omni parte re-

ut in re
 ut in re
 ut in re

Obiectio.

Responsio.

vera perditur, quantumvis violentā excogites causam, si mobile ad vltimum peruenit terminum, licet possit sensibilis non esse. Quod clare mōstrat Galenus 1. de differ. pul. cap. 15. & alibi sæpe in dicroto pulsu, vbi arteriæ motum, nullā, quæ sentiri possit, quietem interfecare scribit. Quare cū medicus sensu ducatur, & præcipuè in dignoscendis pulsibus, ideò quietes deperdi in dicroto pulsu, locis citatis fatetur; duas quietes, quas in pulsu tactu dignoscimus externam, scilicet, & internā, per accidēs non per se pulsus esse partes. 1. de dignoscēdis pul. ca. vltimo cōstat: cum hoc tamē pulsus substantiam integra-

*Anquietes
sint anatu-
ra intentæ.*

re, & naturæ actiones esse affirmare debemus. Quo enim modo motus à natura intēditur de quietibus est sentiendum: externa siquidē opus est naturæ, interna solum, quando ultra mediocritatem agitur: nam habet, vt contractio naturalem situm, in quo vere otiiū est, & à natura nō intenditur: secus verò si naturalē excedat. Tunc enim actio est naturæ: sicut expiratio, quādo est efflatus, & contractio, quādo naturalem situm amittit, iuxta Galeni sententiā, citato libello de vsu pulsus. ca. 7. Est verò argumentū, quietes à natura intēdi, variatio & inæqualitas, quæ pro occurrentis corporis humani, varijs affectibus animaduertitur: q̄ vt utilitate aliqua ipsis natura fruatur cōstat fecisse. Nā sic Gal. 1. de dignosc. pulsibus.

pulsibus citato ait. Sed quoniā quædā denun-
 tiāt de ipsis dignoscēdis operæpretiū est vt ver-
 ba faciamus. Si igitur & à motu quid distinctum
 denuntiant, vt opus sit de ipsarum agere cogni-
 tione, quis inficiabitur cōmodum aliquod per
 ipsas acquiri? Quippe si bene attendimus, hac
 eadē ratione, contractionis ingenitā esse facul-
 tatē asserit Gal. Sed dices fortē, quomodo ipse
 partes pulsus per accidēs fatetur? Quia scilicet, *Quare quie-*
 non primario, sicut motus à natura sunt inten- *tes per acci-*
 tæ: q̄ enim primū ipsa intendit motus sunt, qui *dens partes*
 bus attēperatur calor, & expurgatur q̄ est velu *pulsus dicā-*
 ti fauilla & fumus: deinde secūdario quietes, vt *tur.*
 commodius id assequatur. Nam sic communi
 sermone dicimus morborū symptomata, quæ
 actiones lædūt re vera, per accidens id efficere
 quia non primario sed morbi interuentu actio-
 nes lædunt. Ad eundē modū quia motus prius
 quam quietes in pulsu acquiruntur, per accidēs
 dicimus ipsas pertinere ad pulsum: ipso enim à
 natura propter motus sunt intētæ, ob q̄ in pul-
 sus definitione eas silentio præterijt Gal. quāquā
 quidā quietū tantā esse præstantiā, tātāmq; di-
 gnitatē, vt propter ipsas factos esse motus existi-
 mēt. Cæterū cū verbis veritatē superare, planē
 sit vitiosū, & si ingenia ostētādi quis aggredia-
 tur: nō immeritò nos, qui veritati solūmodo ac-
 cēdim⁹ ab ijs enodādis supersedere poterimus.

CAPVT SEXTVM.

*Quæ sint pulsus instrumenta, & quomodo
ad eundem moueātur modum: & an cere
bri motus secundum diastolen & systo-
len sit pulsus.*

PULSVS instrumenta sunt cor & arteriæ,
quæ cum cōtinuò moueātur, à natu-
ra duplici tunica sunt constitutæ: sed
pulsus actionem esse cordis primū, deinde ar-
teriarū optimè tradit Galenus: nam in cordis
corpore vis est, vnde cōtrahitur & dilatatur, in
omnes arterias per tunicas earum influens: sic
eas cogit apeririq; quemadmodū ipsum cor. Nā
sicut illud cum dilatatur, ea, quæ osculis suis ap-
propinquant, trahit, cū contrahitur, expellit: sic
& arteriæ cum se aperiunt, ad se vndiq; trahūt,
cū contrahuntur in omnem partem expellūt
ait Gal. cap. 4. libelli de vsu pulsus, quod ca. 1. ad
tyrones etiā tradit. Igitur omnes, inquit, inter
se arteriæ & cor habet eandem pulsandi ratio-
nem; quamobrem ex earum vna de cūnib;
colligere possis. Itaque si cor dilatatur, dila-
tantur simul arteriæ: sicut si contrahitur si-
mul etiam ipsæ constringuntur. Hoc etiam insi-
nuauit Auicenna Fen. 1. lib. 1. doct. 6. ca. 4. cum
dixit. Ipsa enim constringit & dilatat, simul mo-

uet ergo duobus motibus contrarijs. Quod, sci
 licet, eadē facultas genere (licet specie duplex)
 quæ cor dilatat simul & arterias, easdem etiā &
 cor constringat, diuerso tamē tempore motus
 hos contrarios præstans. Et hoc quidē, vñ nostra *Andilatate*
 fert sentētia, verbis istis, visus est sentire Auicen- *corde dua-*
 na: sui tamē expositores ab ipsis ansam sugge- *tentur arte-*
 runt, qua barbarè à suo principe discedant. *ria & è con-*
 Nam si simul (ait Gentilis) hoc est, eodem *tra.*
 tempore motibus contrarijs, non debet esse in
 relatione ad idem mobile: cū eodem tēpore
 repugnet vnū existens his motibus moueri: erit
 igitur in relatione ad diuersa mobilia: & sic dila-
 tato corde constringentur arteriæ, & ipso con-
 tracto dilatabuntur. Huic additur ratio alte-
 ra; quia omne, quod suscipit dilatatur: est
 enim opus maiori capacitate ad suscipiendum:
 sed contrahit sanguinem, & spiritum ipsis
 arterijs: ipso igitur corde contracto dilatabun-
 tur arteriæ. Item; sicut ipsæ sanguinem & spiri-
 tum suscipiunt, sic cor aërem ab arterijs trans-
 missū: igitur contractis arterijs, dilatabitur cor.
 Cæterū hi non animaduertentes, corpora, quæ
 satis amplam habent capacitatem (& si contra-
 hantur) simul recipere, & transmittere posse, ma-
 nifestè hallucinantur. Nam & si arteriæ mirifi-
 cè constringantur nec omnino concidunt, ac
 si tunicis tunicæ cohærent. Quinimo semper
 intra

intra proprium spatium cavitates quædam effatu
 digna, qua simul transmittant, & suscipiant, re-
 linquitur: quare simul transmittere & recipere
 possunt, absque vlla dilatactione. Hoc perspi-
 cuum fit, communi exemplo vtrius, qui liquo-
 rem aliquem in se continens (collum tamen ha-
 beat latum ac satis longum) constat, partibus alijs
 vndiq; contractis, liquorem in collo suscipi simul
 & transmitti, absque dilatactione: similiter arte-
 riæ à corde recipiunt simul & transmittunt, licet
 constringantur: quia ipsarum cavitates ad huc
 contractæ, satis amplæ relinquuntur ad suscipien-
 dum. Adeo namque cor, & arteriæ patentia
 cauæque sunt, vt simul dilatatis, aut contra-
 ctis non impendantur, quominus simul expel-
 lant, & recipiant. Insuper addendum est ad
 aeris receptionem non dilatari cor, saltim qua-
 tenus illud ab arterijs suscipit, siquidem exi-
 guus est, qui recipitur: nam pro naturæ modulis
 se habente animale, exiguum aliquid recipitur,
 vt tradit Galenus libello de vsu pulsus cap. 5. ex
 intentione Hipp. 6. epid. sect. 6. tex. 1. & 3.
 Præterea suadetur ratione, arterias ad eun-
 dem modum cum corde pulsare: siquidem vis
 in corde residens arterias mouet. Si igitur ipso
 à corde, vt à principio & fonte ducuntur, quo
 pacto contrario motu ab eo, quem ab origine
 participat, mouebuntur? Quo enim modo prin-
 cipium

cipium à facultate mouetur, constat, & quæ
 ab ipso ducuntur motu cieri, cum facultas ab
 ipso in arterias feratur. Accedit, quod si quis ma-
 num vnā thoraci adhibeat, altera verò carpū
 attingat, concentum & pulsandi ordinem eun-
 dem in vtraque parte percipiet. Nec solum lo-
 cis citatis Galenus hanc sequitur sententiam,
 sed etiam. 3. de præsag. ex puls. capite 3. & 4. de
 diff. puls. capite 6. in quo loco Herophili appro-
 bat placitum, & Eracistratū minus probè con-
 trariam habuisse sententiam ait: quod passim
 vbiq; in Galeni sententia reperiemus facile.
 Aristoteles etiam lib. de spiratione, circa finem
 eandem insequitur sequentibus verbis. Atque „
 etiam vniuersæ venæ mutua simul opera palpi „
 tant: quia ex corde pendunt; quod quidem mē- „
 brum cum assiduū efferat motum, facit, vt „
 ipsæ quoque nullum mouendi tempus inter- „
 mittant: & quidem mutua simul opera cum il- „
 lud ipsum membrum, motum excitat. Verum
 Galenus cordis & arteriarum motum esse pul-
 sum affirmat, secluso cerebri & membranarum
 motu à pulsus definitione, Quod difficultate
 nō caret: mouetur siquidem cerebrum, dilata-
 tione, & contractione: quarum motus in capi-
 tis vulneribus penetrantibus visu dignoscitur
 quin etiam & in nup̄ natis infantibus ob ossis
 sincipitis imbecillitatem: nam capitis os, post
 omnie

*An cerebri
 motus, sit
 pulsus.*

omnia alia ossa cōcreuisse circa sinciput, perspicuū est, cum admodum tenue sit atque imbecillum, adeo, vt non solum tactu, sed & visu, cerebri percipiamus agitationem: quod refert Galenus. li. de foetus formatione capite 3. in fine. Circa huius quæsitæ doctrinam variæ sunt sententiæ, quas refert ipse 4. de diff. puls. cap. 2. Quidam membranas pulsare affirmabant, quidam cerebrum, alij cerebrum & mēbranas; aliqui præcipuè cerebrum, membranas per accidens: contra alij nec membranas nec cerebrū pulsare censebant, sed ad arterias hoc pertinere, & per accidēs ad illa. Hanc vltimam opinionem insequitur Veiga Lusitanus Artis medici cap. 36. aduersus Galenum. Nos cerebri motū secundum anteriores ventriculos respirationē esse credimus. Quod ex eo cōprobamus quod attractu eodem aēr attrahitur in cerebrum, & in pulmonem & eodem impulsu simul expellitur: est igitur argumentum quod idem sit motus: quare cum pulmonis & thoracis motus sit respiratio erit etiam & cerebri. Prætereā proportionem eandem, quam seruat thorax in motione, seruat & cerebrum; vterque enim voluntatis imperio subiicit: nam fit maior & minor, rarior & frequentior pro nostro arbitrio. Confirmat id Galenus lib. de instrumento odoratus in fine per hæc verba. Adde, quod cū respira-

Cerebri motus est respiratio.

tio tota ob eandē causam à cerebro moueatur, „
vt cordis calor in quodam moderatione serue- „
tur æquū est ipsum cerebrum hanc ipsam respi „
rationem sibi primum parare: siquidem suapte „
natura ijs rebus facillimè obnoxii, est, quæ im- „
moderate, aut calfaciunt, aut refrigerant. Quid „
igitur an cerebro natura motū illum ingenitū „
ad hanc vtilitatem non dedit, quo spiritum tra-
hat, vt sese ventilet atque refrigeriū captet, rur-
sus autem eundē reddat, vt & cætera excremen-
ta & pituitosa atque mucosa effundat? Et 2. de
sympt. caus. cap. 4. in medio desternutamento
agēs id comprobatur. Prætereà 8. de vsu partium
cap. 10. cerebri duos anteriores ventriculos, in-
spirationem & expirationē, quæ partes sunt res-
pirationis efficere fatetur. Accedit etiam expe-
rimētū à dissectionibus acceptū, quo compro-
batur cerebrū non arteriarum motione agitari.
Nam viuente animale etiā si relegentur sopora
les arteriæ ingredientēs caluariā, cerebrū diluci-
dè mouetur sicut antea: euidentē est igitur non
ipsarū causa in motionem agitari. Nec obstat si
dicas ratione arteriarum, quæ per transuersos
vertebrarū ceruicis processus caput petunt, talē
fieri motū: nam necessariò notabilis aliqua ces-
satio erat animaduertenda, religatis soporali-
bus: sed contrarium accidere visu dignocismus,
quippe sine sensibili noxa motus elucescit:
est

est igitur motus cerebri respiratio, à facultate motrice in ipso residente effecta. Nec etiam obstare potest, quod cerebrum instrumēto destituatur ad efficiendum motum, quod musculus est in omni motu voluntario, qualis est respiratio, Galeno auctore 1. de vsu partium capite 10. & 16. & 1. de motu musculorum capite 1. si quidē diuersa est ratio in reliquis corporis partibus & in cerebro. Nam illæ demādata ab ipso indigent facultate, vt in motum prorumpant, quod necessario medijs sit instrumentis; at cerebrum insitam habet motricem facultatem: atque ita musculo non indiget: cum præsertim à natura paratum sit, vt principium huius motus, imo & reliquorum, qui voluntarij sunt: nec vllam aliam partem præter seipsum moueat. Reliquæ partes graues sunt, & motui repugnantes: atque etiam alias sibi coniunctas mouere debeant: vnde & motus instrumenta illis adaptare fuit opus, quibus possint motum præstare. Inualida denique est Lusitani ratio, dum ait, ventriculi cerebri tertius, quartus, & quintus, qui in dorsali sunt, eadem constant cōstitutione, temperatura, & substantia: eiusdē igitur vsus gratia, cum facultates substantias sequantur, sed non illi respirandi cerebri gratia formati: ergo nec anteriores cōsimiles. Fallax tamē est ratio: siquidē temperie & cōstitutione eadē anteriores

*Ratio Rodē
rici Lusita
ni impugna
tur.*

riores cerebri ventriculi, & posteriores, falsum est. Nam qua ratione cerebri partes diuersas constantes temperie diuersas animæ rectrices potentias, in vna magis, quàm in altera reside-
re, consensu vno Philosophi dicunt, eadem cõ-
uincemus, ventriculos etiam diuersas habere
temperaturas: siquidem, ad diuersas disponun-
tur actiones. Operatio igitur vna in anteriori-
bus fieri potest: hæc autem est respiratio, quæ in
alijs minimè excerceatur. Reliqua quæ Lusita-
nus tradit soluto facilia sunt, nec nostra indi-
gent redargutione.

CAPVT SEPTIMUM.

*Quæ sit pulsus utilitas, & quem vsum præ-
stet pulsus in refrigeratis.*

UTILITATEM pulsus explicans Gale-
nus, tâquam ipsius causam finalem,
ait esse, calidi innati in mediocritate
conseruationem: & animalis spiritus
in cerebro generationem. Seruatur mediocri-
tas, siue calidi innati symmetria; ipsum quando
excedens est à temperando: atque recremẽto-
rum, quæ in dies, actione caloris in humidum,
aceruantur, repugatione. Dilatatione igitur &
contractione cordi & arterijs prædicta munera

Cap. 7.

comparantur. Dilatatis siquidē arterijs per poros cutis ex ambiente sibi & vniuerso corpori aërem frigidum, quo caliditas natiua attemperetur, immittunt: quemadmodum & aërem calidum simul cum vstilaginoso ac fumoso recremento, ipsis contractis propellunt. Iam etiam, & in libro de vsu pulsus (ait Galenus 2. de præfag. ex pul. ca. 1.) arteriæ functionem demonstrauimus contractionem esse, non secus ac distentionem: vtraque enim naturalis caloris tuetur mediocritatem: distentio veluti inspiratio quædam excessum ardoris refrigerando, & ventilatione, quod extinguitur incendendo: cōtractio in modum expirationis, fuliginem expurgando. Est enim pulsus & respirationis cōmunis vsus: nisi, quod ex respiratione vni præstatur cordi, id expulsu calori illi, qui in toto est animali, accedit, vt tradit ipse libello de vsu pulsus, cap. 3. Cor namque viscus calidissimum maiore refrigerio, quam arteriarum suctu præstatur, indigebat, ob quod necessaria fuit animalibus respiratione, quod arteriarum tantilla refrigeratione non fuit illis satis. Cæterum quando pulsus cum respiratione non solum in vsu, verum in multis alijs conueniat, vt auctor est Galenus de difficul. resp. per plura capita & alibi sæpe, non immeritò dubium quod ipse libro de utilitate respirationis, capite tertio, in respiratione

tradit, nos in pulsu, vt ad præsentem tractionē non pauci momenti disputabimus. Nam si refrigerationis gratia vsus respirationis fit, ita, vt quando amplior, quam secundum naturā, caliditas in locis circa cor & thoracē fuerit aggregata (quēadmodū in æstuosis omnibus affectibus) statim & ampliùs solito respirare appetimus: vt quid refrigeratis eisdē organis, vt fit in magna fame, & vbi quis in magno frigore fuerit versatus, respiramus? Siquidē excessus nullus caloris instat attēperādus: quin poti⁹ calfactione indigent prædictæ partes, vt quæ parū abest, quin penitus refrigerētur. Ob quod, li. 1. de dif. resp. ca. 8. respirationē fieri magnā & velocem, in quibus multa coaceruatur caloris copia, traditur: in quibus perfrigeratus est calor, contraria accidere, adeo vt respiratio in quibusdam, penitus perijsse putata sit. Simile nos possumus inuehere dubiū in vsu pulsus. Nā si propter calidi-innati attēperationē fit, in corporibus refrigeratis (in quibus nulla est necessitas refrigerationis, vt sunt in quibus per exigua reperitur sanguinis & spiritus copia) qui frigidum ex naso, & ore expirat. 1. prog. 24. propter quā utilitatē pulsus vsus efficietur? Nā semoto fine, necessum est & omnia, quæ in finē tendunt auferri: at nullus caloris adest excessus, qui attēperatione indigeat: pulsus igitur semouebitur. Nā vt ait Gale.

*Quis vsus
sit pulsus in
refrigeratis*

Calor naturalis conseruatur sicut externa flamma.

citato loco de vtilitate respirationis, quẽadmodum si neque omnino à principio statim quidquam factum fuisset, quo refrigeratione indigeret, nulla fuisset respirandi vtilitas: ita etiam si prius erat, nunc verò periit, non indigebimus: quod similiter vt in respiratione, procedit & in pulsu. Sed hinc initio sumpto cum Galeno absoluemus dubium. Conseruatur calor innatus ad eundem modum, quo externa flamma ad ipsius: igitur in ventilationem omnes modos percurramus, per quos flamma, aut extinguitur, aut augetur. Extinguitur, si quis eam in cauo quodam circũponat, aut frigoribus excellentibus, aut vehementi ventilatione, aut materię multitudine, aut si quis balneis & solis ardoribus ipsam exposuerit. Ob propriam præterea conseruationem duplicem sortitur motũ, alterum versus radicem pabulũ quærens: alterum verò extra à proprio principio, quo fertur fursum. Augetur & roboratur frigore moderato, quo versus principiũ trahitur: nã si excellens fuerit ambiens, frigidũ, aut calidũ; illud immodicẽ intra protrundendo: hoc verò immodicẽ extra extendẽdo, extinguunt: vt in solis ardore, & balneis contingit. Roboratur etiam modico alimento: nam immodico suffocatur. Moderata præterea ventilatione, per quam flamma expurgatur, quidquid adest repurgandum. Est igitur

tur ad hunc eundem modum caliditas innata, referente Galeno, ca. 3. lib. de vtilit. resp. citato, & lib. de rigore, tremore, & palpitatione, cap. 6. Nec enim materia sufficit, à qua accédatur modica, sed quod liberè ventiletur: vt duplici motu, quo mouetur expellat, quod est veluti fauilla & fumus: & attrahat, quod in sui attēperationem fuerit necessarium. Et prētereà quēadmodum externa flamma moderata refrigeratione protrusa versus pabulū incenditur: sic calor innatus per pulsum & per respirationem, nō modo attemperatur, quando instat necessitas; verū modica ventilatione sufflando accenditur, in immodicē refrigeratis: non aliter ac externa flāma sufflando roboratur, ac incenditur. Quod clarissimē dēmonstrat Galen. 3. de prēsag. expul. cap. 4. dum ait. Cor, quod frigidius iam est, remissē ad actionē progreditur, vnus adhuc tantum gratia vsus ventilandi, altero iā qui maior erat refrigerandi amisso. Et 2. eiusdem operis, cap. 1. Arteriæ functionem demonstrauius contractionem esse, non secus ac distentionē: vtraque enim naturalis caloris tuetur mediocritatē: distentio veluti inspiratio quādam excessum ardoris refrigerando, & ventilatione, quod extinguitur incendiendo. Ecce quomodo Galenus his vltimis verbis, ventilatione calidū innatum incendi tradit. Et 6. epid. sect. 6. tex. 2.

Cap. 8.

Secūda: pul-
sus. vtilitas.

idē refert. Ex quibus quē vsum in corporibus refrigeratis præstent pulsus & respiratio, satis patet, vt non absque naturæ ope in ipsis intenduntur, tamen pro indigētia vltus adeo, vt interdū parua sint vt perijsse videantur in prædictis corporibus, quod ipse Galenus explicuit. 1. de diff. resp. cap. 8. citato, licet nec pulsus, nec respiratio in totum pereant, donec superfuerit animal, attamen perijsse videntur, propter paruitatem, quod de pulsu constat. 1. de præfag. ex pul. cap. 3. & de respiratione. 1. de diff. resp. citato. Itaq; ventilatione principij ipsius insiti calor & ex moderata refrigeratione ac eius quod in ipso velut fumosum est in totum defluxione, vnum coaceruatur caput, & summa conseruatio, videlicet caloris naturalis. Dū pulsus huius calidi innati mediocritatem tuetur, spiritus animales in cerebro generantur, quod est pulsus secunda vtilitas. Erat enim opus sanguinis euaporatione ad eorum generationē: quare si frigidus procrearetur sanguis in vapores nō esset aptus resolui: si verò admodum calidus in ipsos dispergeretur, verū turbidos & fumosos. Talē verò minimè oportuit esse spiritū animalem, sed si quem alium purissimum & optimū. Nam si biliosus, aut melancholicus in vapores dispergatur, alter ad melancholiam, & alter ad phrænitidem perducunt: vnde euaporatio pu-
ra.

ramoderata & tenuis fuit necessaria, quā quidē caliditas naturalis in mediocritate persistens, procreabit cōmodē. Hinc igitur prima & maxima vtilitas insiti calidi est conseruatio: secunda animalis spiritus generatio. Verū Auerroes. *Auerro.ta-2.* Colliget. ca. 19. de anhelitu pertranctans, hāc *natur.* vltimam vtilitatem videtur reprobare. Quippe ait. Sed aliud iuuamentū, quod dicunt esse, est, vt det nutrimentum virtuti intrinsecē ex aëre, qui recipitur, restaurando ex spiritu, tantū quātum resolutū est. Hoc est falsum, quia impossibile est, compositum nutriri ex simplici: quoniam si ita esset, iam inueniretur animal esse simplex ex vno solo elemento. Et Galenus negat hoc: & propterea dicit, quod aqua non nutrit: & propterea dico, quod primū verax est. Hāc *Non generantur spiri- tus ex solo aëre.* Auerr. quibus ex inspiratione spiritum animalem non generari contendit. Licet hāc opinio vero nitatur fundamento (quod nullum compositum nutriatur ex simplici) falsam suppositionem assumit; quod scilicet, ex aëre solo spiritus generentur, & refarciantur. Nec enim Galen. nec Auicenna, imo nullus eorum, qui de re Medica bene sentiunt, id affirmare contendūt; cū cōmunius apud omnes, & præcipue Gal. aliud reperiatur; quam quod ex parte sanguinis subtiliori & inspiratione aëris attracti spiritus generentur, simulque refartiantur. Quod in de

vt il. resp. cap. 5. asserit, & 7. de Hipp. & Plat. decretis, c. 3. sic ait. Sicut verò vitalis spiritus & in arterijs & corde gignitur, materia generatio- nis ex inspiratione & humorū exhalatione sumpta: ita animalis ex vitali perfectiùs concocto oritur, & 12. Meth. ca. 5. Ergo animalis spiritus cerebrum, veluti fontem esse clarè ostēdimus: qui partem ex inspirando, partim ex eo, quod reticularis plexus suppeditat irrigatur, atq; aliter. Ratio præterea testatur, non ex aëre solū, per respirationem, seu pulsum attracto, spiritus fieri; nam odores qualescunque exhaustos spiritus recuperarent. At non ita fit: sed qui alimentosi sunt & à re substantifica euaporant, hi sufficientes sunt ad nutriendum: quia sanguinis tenuioris & spiritus vices gerunt. Auicēna item Fen. 1. 1. doctr. 6. cap. 4. id expressè sentire videtur, dum dixit, spiritus ex subtilitate humorum procedere. Sed maiorem admirationem mihi intulit Ferdinandus Mena libello de pulsibus ad tyrones in Gale. qui ex aëre spiritus procreari posse fateatur. Cum purum elementum (ait) mente potiùs, quàm re vera sit, ac proinde non inconuenit quin spiritus, mixta quēdā imperfecta, ex aëre præsertim impuro procreentur: sicut meteorologica ab elementis nasci, fatetur philosophantium schola. At mihi imperceptibile videtur ex vno elemento quantumuis impuro

*Taxatur
Mena.*

mix-

mixtum posse generari; etiam quæ in secunda
fuit æris regione meteorologica dicta. Mix-
ta siquidem quantumvis imperfecta alterato-
rum vnione fieri tradit Aristoteles. 1. de ge-
neration. & corrup. cap. vltimo. Quo circa in-
ter se elementa simul agi ac pati, quo mixtum
progrediatur, fuit necessariū, quod vni elemen-
torum quantumvis impuro euenire non potest,
cum vnus ad se ipsum nulla sit repugnantia, si-
ue reactio, quæ ad hoc necessaria est. Quod si
mixta fuerint imperfecta, minore mixtione per-
miscentur: non tamen est dicendum ob id im-
perfecta esse, quod ex vno impuro elemēto cō-
stituantur. Præterea quo pacto spiritus ex aëre
impuro fieri possunt; si quidquid in ipsis extra-
neum ac impurum est, omni ex parte aufertur?
nam prætenuis quædam est substantia vaporoso-
sa, purissima & optima, vt Galenus ait. 6. de vsu
partium, cap. 10. & lib. de vtilitate respirat. cap. 5.
Nec propterea negamus, non esse ad spirituum
generationem necessariā inspirationem, cum
potissimam alimenti partem ex ipsa per nares
accedat; vt patet ex Hippocratis sententia, prin-
cipium alimenti, spiritus, os, nares, guttur, pul-
mō, & alia respiratio, lib. de alimento, circa me-
dium, quam Galenus loco citato de vtil. resp.
refert. Nec obstat experimentum, quod ipse in
eodem loco aduersus Erasistratum tradit; si ar-

*Quid sit spi-
ritus.*

teriar, scilicet, circa collum laqueis constringantur, nil patitur animal: quin potius totum diem inspirare, ac expirare simul & moueri citra impedimentū visitur. Quo videtur nullum spiritui animali alimentum ex corde suggeri: siquidē carotidibus vocatis arterijs, vinculo exceptis, exiguum per sentit incommodum, aut nullum: nam & per integrum diē animal sine noxa perdurat. Quod etiam constat, libello de vsu pulsus, cap. 2. Igitur non vaporosa substantia à corde delata, animali spiritui, alimentum suppeditatur. Cæterum si parum mente attendamus, hoc experimento Galenus id non aggreditur probare: cū cap. 2. de vsu pulsus, citato dicat, quod etiam si arteriæ vinculis constringantur, omnem non possumus adimere calorem, quoniam per tunicas non nihil confluit. Nam cū totum corpus, ex Hipp: sententia sit conspirabile, atque confluxibile, non solū per arterias, sed etiam per venas, in omnem particulam aliquid defertur: propter eum, qui est de vna in alteram continuum trāsitum. Quod igitur probare intendit aduersus Erasistratum, id est, non fieri animalis spiritus generationem ex aëre à corde per arterias ad cerebri membrana delato: sicut eius sectatores affirmabant, quod manifestè prædicto experimento reprobatur, non verò quod euaporatio omni ex parte impeditur:

Lib. de alimēto.

tur: sicut aëris ingressus prohiberetur. Nā ob id ait, exiguum esse commodum, quasi potissimū sit id, quod ex respiratione per nares accedit. Quod si animal per integrum diē priuata prædicta continuatione cerebri cum corde innoxie mouetur id ob spiritus copiam implexo reticulari contentā fieri est asserendū, vt prædicto cap. 2. de vsu pulsus, asserit Galen. vnde & longo tēpore posse moueri, præsertim si quiescat animal, cum animales spiritus, in motum voluntariū minime consumantur, nā cū mouetur prius probè currere vidit ipse, deinde languidius, postea currere non posse resumptis spiritibus implexo illo contentis. Nec simile poterat accideret, si solū aërem continerent arteriæ, sicut Erasistratus opinabatur: nā ipso vacuatæ constringi oportebat. Sed norandum est interim, hanc spiritus nutritionem, re vera talem non esse, sed imperfectam quandam alterationem, siue transmutationem, aut si libet cum Vallesio 2. cōtro. cap. 4. in finē commutationem cum quadā coctione facta: veluti fit ex pane chylus. Perspicuū igitur est, per pulsum non modo prædicta caloris symmetria seruari: verū & spiritus animalis generationem in cerebro fieri, quod per respirationem similiter fieri, ex dictis colligemus: siquidem vtriusque idē est vsus, vt tradit Galenus, lib. de vsu pulsus, cap. 3. & de vtilitate respirationis.

Spiritus animalis generatio nō est vera nutritio.

In quo conueniant pulsus & respirationis.

pira-

pirationis 3. & 5 veluti lib. de diff. respirat. per totum. Quod si vsus diuersimodè fiat, in respiratione, ac in pulsu, ideò accidit, quia pulsus & respirationis non vna est facultas: quare respiratio interdum magna est & rara in phræniticis; non perinde pulsus: similiter, qui largiter cibos sumpserunt ob spiritualium instrumentorum respirationi inscruientium compressio- nem, & ob eorundem dolorem; crebra agitur eis, & parua respiratio, pulsus celeris & magnus. Instrumenta etiam eadem non sunt vtriusque, vt idem refert Galen. 1. de diff. resp. cap. 9. Mouet enim animalis facultas & motus præstat voluntarios, medijs musculis. 2. de motu musculorum, cap. 5. Pulsus citra voluntatem pro indigentia vltus fit à facultate vitali, medijs corde & arterijs, tamquam instrumentis, vt satis ostensum est. Sed in quibus conueniant, & in quibus etiam differat pulsus & respiratio, ex dictis colligitur. Quare ad secundam sectionem, quæ de differentijs pertractat accedamus, explicandam.

ILLEPHONSI NVNESII LLERENEN- SIS MEDICINÆ DOCTORIS,

DE PULSVVM DIFFERENTIIS,

Seçtio secunda.

CAPVT PRIMVM.

Quot sint pulsus differentie generica.



CONSTANT pulsus motibus contrarijs, vt abunde superius explicuimus: qui duplices cum sint, totidem in ipsis accidunt quietes: proinde multa consideranda in ipso artificio se obijciuntur, à quibus varia, & inter se diuersi generis differentia desumuntur. Nam quantitatem, aut qualitatem conspiciamus, qualitas rursus, aut in ictu est, aut in arteria dispositione siue substantia: tempus etiam motus, aut quietis adnotatur: quemadmodum etiam vtriusque motus tempus quod interiacet perpendimus. Iuxta hæc, quæ potissime in pulsu considerantur octo depromuntur pulsus differentia generice, quas libello ad tyrones, & .i. de diff. pul. cap. 3. Gal. tradit.

Magnus & parvus.

Celer & tardus.

Frequēs & rarus.

Vehemens & languidus.

Durus & mollis.

Eurhythmus. Et arrhythmus.

Æqualis & inæqualis.

ordinatus & inordinatus.

tradit. Quantitas distinctionis & cōtractionis, quæ secundum trinam dimensionem debet dissecari, pulsum præstat magnum & parvum; tempus motus, celere & tardum; quietis tempus, frequentem & raru: qualitas si percutiōni inest (vbi pulsus contentione quamdā habet vt ægrè & languidè, aut promptè & valenter operatur) vehemētem, & languidum. Si verò in arteriæ substantia fuerit qualitas, durum & mollem. Vtriusque motus tempus quod interiacet cōtractionis, & dilatationis pulsum eurhythmu aut arrhythmu parit. Si igitur omnia hæc paritatem seruant, equalis fit pulsus: sicut quando paritatis acciderit corruptela inæqualis, quæ septima est in ordine differentia. Atque hæc inæqualitas, ordine progreditur, aut contrario modo, & fit vltima differentia, secundum quam pulsus ordinatus est, aut inordinatus. Sunt insuper (ne sicco pede ista narremus) quidam, qui pulsus naturam amplius inuestigantes, calidum & frigidum inuehunt pulsum, & Galenus 1. de diff. puls. citato, plenum & vacuum considerandum obijcit. Arabes etiam & eius sectatores cum suo principe decem pulsus differentias constituerunt. Sic enim Auerroes 4. Colliget. cap. 17. septem scribit pulsus differentias ad essentiam pertinentes: tres verò accidentales. Sed veriori sententiæ & Galeno

magis

magis genuinæ nitentes, octo dictas differen-
 tias approbamus, sumpto exordio ab ijs, quæ
 necessario pulsus insequuntur, abijcientes,
 quæ impropria sunt, & minus in ipso conside-
 rantur. Nam pulsus essentia motu & quiete cõ-
 pletur, quare quæ in motu & quiete præcipuè
 consistunt, aut in ipsis considerare possunt, ge-
 nericas pulsus differentias efficient. Sed quan-
 tus sit motus, qua deinde celeritate agatur,
 quanto tempore in quiete persistat, quam vali-
 de efficiatur, quæ sit proportio motuum, quæ
 æqualitas, aut inæqualitas ijs omnibus insit, &
 quæ inæqualitatis ordo, aut ordinis perturba-
 tio, in motu vel in quiete sunt. Verum quò pa-
 cto duritiem, aut mollitiem ad pulsus attinere
 ostendemus: siquidem in substantia arteriæ cõ-
 sistunt, & absque motus consideratione vel
 quietis perpenduntur? Facile quidem si prius
 cum Galeno fatear libello ad tyrones capit. 3.
 duritiem & arteriæ mollitiem, non ita esse pul-
 sus differentiam propriam, ut reliquas, celerita-
 tis, & tarditatis, magnitudinis & paruitatis. Illa-
 rum enim (ait ipse) differentia celeritatis & tar-
 ditatis posita in qualitate erat motus: vehemē-
 tiæ & remissionis in ictus qualitate: magnitudi-
 nis paruitatisque in quantitate distentionis: at-
 que non caret motu distentio. Molle verò cor-
 pus, atque durum, ut sit tale non requirit mo-
 tum:

*Anduritiæ
 & mollitiæ
 sint pulsus
 differentia.*

tum: quibus duritiem & mollitiem nō ita propriè, vt cæteras pulsum differentias, ad ipsum pertinere constat. Verba ante prædicta id etiā confirmant. Mollitudo autem & durities sunt tunicæ arteriæ qualitates: mollitudo cum arteria quasi carnosior apparet: durities, vbi veluti sicciior rigidiorque in modum corij. Atque hæc quidem est differentia pulsum, vna statim cum arteriæ motu percipitur, non tamen est, vt tres ante prædictæ propria. Nihilominus ad pulsum substantiam pertinere ex eo probatur, quod pulsum essentia arteriæ mollitudine & du-

*Durities
ad pulsum
pertinet sub
stantiam.*

ritiæ immutatur re vera. Nam si durior est arteria ineptior redditur ad magnos motus & paruos: præstat, siquidem vbi pulsum magnopere est durus, paruus fit & ob ambo hæc caloremque creberrimus, vt refert Galenus. 4. de prælag. ex pul. cap. 5. Secus res se habet in primis arteriæ qualitatibus, à quibus quidam pulsum con-

Frigus & calor nullam efficiunt pulsum differentiam.

stituunt calidum & frigidum. Namque primæ qualitates non aliter arteriæ insunt, ac inest nigredo & albedo: sed hæc nullam efficiunt pulsum differentiā: ergo nec illæ. Ex eo enim, quod quisque calorem largiorem, aut acriorem sentiat, non ad pulsum refert eas qualitates pertinere, sed ad febres, in quarum genere reponendū esse calorem ait Galenus. 4. de dign. pulsibus. cap. 2. & 3. sequenti sic scripsit, Quando ergo

existet plenus, aut quem patietur pulsus affectus? Tum, ne ubi calorem largiorem vel acriorem sentiat atque non ex pulsus differentiis id agnoscitur, an cum humiditatem vel siccitatem: sed nec hi sunt affectus differentiarum pulsus: cum hæc vel citra pulsus, si manum admoueas corpori laborantis, explorare possis. Accedit quod in modo repellendi tactus nullam à primis qualitatibus pulsus differentiam spectamus, quæ vel facultatis, aut illius actionis quidquam per pulsus repræsentet: sicut si arteria fiat durior, aut mollior, quam oportet. Cæterum de pleno & vacuo pulsu maior est difficultas. Nā Galenus 1. de diff. pul. cap. 6. ex Archigenis definitione, plenum pulsus ait esse, qui arteriam ostendit pleniorē & occursum humidè tumidum: vacuus qui arteriæ elationem facit bullosam, ut digitorum impressioni egressus per vacua occurrat. Cap. tamen 6. lib. 3. eiusdem operis, cōfusē, & sine distinctione Pneumaticos appellationem pleni, aut vacui pulsus inuenisse, cum nullam pulsus differentiam à reliquis distinctam affirmant: & si quæ sit illa prorsus sensui incognita. Quin & 4. libro de dign. pul. cap. 2. Archigenem & reliquos in expositione pleni & vacui pulsus nobis Sphyngis proposuisse ænigmata dicat. Ac merito, ait, vir quidā huius ætatis minime malus, verborum dicitur

*An plenus,
& vacuus
sint pulsus
differentia*

esse commentationem pulsuum. Qui hercle dixit rectissimè, quod multa verba funditent, nec quidquam doceant commodi. Præterea, cap. 3. sequenti meritò Erophilum reliquas pulsus differentias, plenitudinis omissa, distinguit. Sed si re vera exquisitè pleni & vacui pulsus naturâ examinemus, non dubium erit, ad reliquas, quæ connumeratæ sunt differentias, reducendum esse. Nam nec arteria vacua dicitur, quod in se substantiam aliquam non contineat, quemadmodum dolia & reliqua vasa externa vacua, si ab aëre aliam substantiam non contineant appellamus. Siquidem arteriæ, ut sanguinem & spiritum contineant natæ sunt: quare tribus præcipuè modis vacuæ, aut plenæ dicuntur, ut tradit Galenus initio capitis 3. citato libro 4. de dig. puls. Primus respectu corporis arteriæ, quod declarat, quo statu sit: Secundus respectu qualitatis substantiæ in arterijs contentæ: Tertius respectu facultatis natiui spiritus. Nec alijs modis plenitudinis naturam explicabimus; si primum inuestigemus, in quo Archigenes plenitudinem cognoscebat: non proponitur tactui alia quædam qualitas præter molliitudinem & duritiem. Et ita Galenus pulsuum ex hoc modo acceptum, durum & mollè appellauit loco citato, & 3. de diff. pul. cap. 6. Si tertium cōsideremus, in quo natiui spiritus est

facul-

Plenus & vacuus pulsus, non efficit differentiam a reliquis.

facultas: tunc aut spiritus calidissimi feruidissimi-
miq̃ue sunt, qui pulsus differentiam nullam
constituent, sed febris, vt exposuimus supra:
aut contentionem quandam, qua quidam
violentus occurfus tactui repræsentatur, aut ci-
tra violentiam languidus: vnde ad languidum
& vehementem talem attinere differentiam
inueniet adhuc expers rationis. Superest ter-
tius modus, in quo substantiæ contentæ quali-
tas ostenditur; qui magis ad pulsus pleni, &
vacui naturam accedere videtur. Sed conten-
ta substantia, aut multa est, aut pauca, quod
si multa fuerit distendet insigniter pullum:
si exigua contrarium efficiet, ex quibus effigies
magni aut parui pulsus manifestatur. Propter
quod ergo plenus, aut vacuus erit: nisi quod
substantia hæc tenuis sit vel crassa, spirituola,
aut humoralis? Sed hoc euidentius impugna-
tur. Nam quo modo solo tactu hæc distin-
gues, vt veram distinctionem assequaris? Si qui-
dem in hydropis speciebus, tactu solum modo
verā cognitionē non adipiscimur, sed vel pressu
cauata cute in anasarca, vel in tympanite peri-
toneū, siue abdomē pulsantes, vel agro in late-
ra cōuerso, vt fluctuationē exaudiamus in ascie-
re. Sed his etiam modis si utamur substantiam
in arterijs contentam non agnosceamus: tam
crassa enim tunica munita est arteria; vt peri-

tonei sit sextupla, quam prætereà cutis contegit bene carnosa. Imo & in contabescentibus corporibus dictis modis hydropem dignoscimus: quare & id, quod in arterijs est multò minùs cognocetur. Accedit, quòd non parum ad confundendam notitiam perpetuus efferat arteriæ motus. Quod si arteriæ corpus reniti contingat ad ipsius duritiem, non verò ad substantiæ contentæ crassitiem est referendum; cum impossibile prorsus sit humores adeò indurari intra venas, vt luto & lapidibus assimilentur. Quod etiam si fieret, cute intermedia & arteria sextupla proportionem maiori peritoneo, non comparabimus notitiam. Solo igitur tactu, quæ sit substantia in arterijs contenta nequit distinguere, proinde à reliquis distincta differentia non est constituenda, vel si sit nobis remanebit incognita, vt Galenus citatis locis, & præcipuè. 4. de dig. pul. cap. 3. scriptum reliquit. Erunt ergo octo pulsum differentiarum genericè non plures. Verum est annotandum, singularum differentiarum mediocritatem esse, quæ inter cuiusque differentiarum extrema, alteram distinctam nascitur, magni & parvi pulsus, celeris & tardi, frequentis & rari, & sic reliquorum, mediocritas est, quæ differentiam seiunctam ab ipsis constituit. Nam excessus vtriusque semper mediocritas est, quæ medium obtinens, extremorum

*Singularum
differentiarum
est mediocritas.*

rum vitium fugat . Præterea notandum has
 differentias etiam prima genera differentiæ *Differentiæ*
 pulsus nos posse appellare cum Galeno. 2. de *pulsus, pri-*
 diff. pul. cap. 6. Sed differentiæ nomen meritò *magenta-*
 usurpamus: namque omnibus potest assignari, *appellari*
 generibus, speciebus, quantitativis, qualitati- *possunt.*
 bus, relationibus, & ut vno verbo omnia com-
 prehendam, vniuersis, quæ existunt: nam ab eo
 quod differat alterum ab altero, nomen diffe-
 rentiæ factum est & conceptum . Sic vniuerso
 operi de pulsum differentiis, titulum fecit Ga-
 lenus, ut constat. 2. de diff. pul. in fine. Sed cu-
 riosa hæc nominum impositio nobis superfluit
 qui Galenum in hoc opere sectari statuimus.
 Quare & vbique id omitemus, cū nostratum
 sit, epilogo quodam, differentias, dignotio-
 nem, causas, & pulsum præsentia explicare,
 rescantes, quæ minus apta fuerint ad horum
 explicationem, præsertim si longiori doctrinæ
 & prolixitati incumbant: seorsim singulas ex-
 ponentes differentias à magno & paruo
 sumpto principio proce-
 damus .

CAPVT SECVNDVM.

De differentia magni & parui pulsus.

DIFFERENTIA, quæ à quâtitate distē-
tionis desumitur, in nouē simplices
differētias distribuitur, secundū tres
dimensiones, quæ quantitati insunt,
longitudo scilicet, latitudo, & profunditas, siue
altitudo. In qualibet harum dimensionum, cō-
sideratur excessus, mediocritas, & imminutio.
Sic in longitudine pulsus est moderatus, & qui
hunc excellit, vleo est inferior: qui excellens
est dicitur longus, inferior brevis, medius mode-
ratus. In latitudine similiter moderatus est, &
duo immoderati, excellēs dicitur latus, inferior
angustus. Eodē etiam modo fit in profunditate,
siue altitudine, vnus moderatus, alius altus, &
alius humilis. Ex his nouem in quâtitate distē-
tionis proueniunt pulsus differentia. Longus,
moderatus, brevis, latus, moderatus, angu-
stus, altus, moderatus, humilis. Si pulsus se-
cundū omnes dimensiones actus fuerit, mag-
nus dicitur; ita quod pulsus magnus, longus sit
latus & altus. Si vnde quaque fuerit imminutus
pulsus parvus erit: qui non alius est quàm bre-
vis, angustus, humilis. Sunt prætereā compo-
sitæ aliæ differentia, quæ in omnibus simul di-
mensionibus viginti septem sunt numero: vt
con-

constat 1. de diff. pul. cap. 4. Eas tamen libello ad tyrones silentio præterijt, tres simplices solum scribens, fortè quia in instituendis tyronibus, clariorè doctrinam erat redditurus. Qua etiam ratione ductus contractionem pulsus, quietem appellauit, vt patet capite 4. eiusdem libelli. Cæterùm compositæ differentiæ patefient facilè hoc præhabito fundamento. Differentia, quæ in prima dimensione consideratur, quoad eam partem, quæ excellens dicitur, nouem inscribatur in omnibus suis differentijs semel, ità, vt nouem repetatur in longitudine, totidem in mediocritate, & eodem modo in breuitate. In secunda dimensione scilicet, in latitudine, quoad partem, qua excellens est, cum singulis tribus illarum nouem ter debet stare, similiter quoad partem, qua moderata est, & quoad eam, qua est inferior: ita, vt ter cum tribus illarum nouem, latus dicatur, & cum alijs tribus moderatus, & cum reliquis tribus ter angustus: & sic eodem ordine cum omnibus longitudinis differentijs compleri debet. Vltima dimensio semper debet variari secundum suas partes cum omnibus alijs longitudinis & latitudinis: vnde semel erit pulsus latus, semel moderatus, & semel humilis. Ne tamen hæc confusè prolata appareant, placet Galeni tabellam huc asserre.

T A B E L L A

1. Longus	Latus	Altus	—Magnus
2. Longus	Latus	Moderatus	
3. Longus	Latus	Humilis.	
4. Longus	Moderatus	Altus.	
5. Longus	Moderatus	Moderatus	—Gracilis
6. Longus	Moderatus	Humilis	—Gracilis
7. Longus	Angustus	Altus	—Gracilis
8. Longus	Angustus	Moderatus	—Gracilis
9. Longus	Angustus	Humilis	
10. Moderatus	Latus	Altus	—Turgidus.
11. Moderatus	Latus	Moderatus	
12. Moderatus	Latus	Humilis.	
13. Moderatus	Moderatus	Altus.	
14. Moderatus	Moderatus	Moderatus	—Medius
15. Moderatus	Moderatus	Humilis	
16. Moderatus	Angustus	Altus.	
17. Moderatus	Angustus	Moderatus	
18. Moderatus	Angustus	Humilis	—Gracilis
19. Brevis	Latus	Altus	
20. Brevis	Latus	Moderatus	—Turgidus
21. Brevis	Latus	Humilis.	—Turgidus.

22. Bre-

22. Brevis Moderatus — Altus — Turgidus
 23. Brevis Moderatus — Moderatus — Turgidus
 24. Brevis Moderatus — Humilis
 25. Brevis Angustus — Altus
 26. Brevis Angustus — Moderatus
 27. Brevis Angustus — Humilis — Paruus.

Qui pulsus in omnibus his differentiis excellens fuerit, magnus appellatur, sicut qui deficit & diminutus est, paruus, & qui in omnibus medius est, moderatus, aut medius magni & parui, seu in quantitate distentionis naturalis. Nam dum animal secundum naturam habet, valde moderatam inuenies distentionem; inquit Galenus de pulsibus ad tyrones, capite primo. Reliquæ differentiæ proprijs carent nominibus. Quædam tamen multis generatim tribuuntur. Nam in quibus longitudinis dimensio reliquas duas exuperat gracilis nuncupatur: ut in 5. 6. 7. 8. & 18. Si contrario accidat modo, ut longitudo ab alijs superetur turgidus, sicut fit in 10. 19. 20. 21. & 23. Auicenna. 2. 1. doctrina 3. sum. 1. doctrin. 2. cap. 1. §. genus verò quantitatis, turgidum grossum, & gracilem subtilem vocat. Est etiam notandum (quod multi momenti est ad declarationem huius) magnitudinem & paruitatem, secun-

Magnitudo pulsus non sumitur à corporis arteriæ magnitudine.

dum quam pulsus magnus est, & parvus non accipiendam esse à corporis arteriarum magnitudine, quam possident secundum suam naturam ipsæ, sed potius ab spatio in quo arteriæ distenduntur, seu ut clarius dicam, à distentione maiori, vel minori quæ singulis arteriarum cavitatibus inest. Habet enim arteria quælibet, præfixum distentionis motum naturalem. Quem, si propter aliquas causas transierint, aut non attingant, maiorem tunc, vel minorem magi distentionis motus fatebimur: si excedunt magnos appellamus pulsus, si deficiunt paruos, siue arteria magna sit, siue parua, aut mediocris. Quippe non attendimus ipsius corporis magnitudinem: nam sic arteria parua nunquam præstaret pulsus magnos, nec magna paruos, quod præter rei est euentiam, & absurdum maxime. Potest enim pueri pulsus moderatum superare, ita referente Gal. 2. de dig. pul. ca. 2. & in ampla arteria consistentis ætatis, paruū pulsum inueniri. Igitur arteriæ spatium, siue terminū conspiciemus naturale, ut metiri possimus, an pulsus magnus sit, aut paruus. Hac eadem ratione vnus in quantitate distentionis moderatus pulsus dari non potest, cum spatium varium sit, prout varia sunt corpora, in quibus sunt arteriæ, ut constat ex eodem Galeno, secundo de dig-

Transinquantate distentionis moderatus pulsus non datur. de quo sec. 3.

de dig. pul. capite. 3. quod latiùs explicabimus dum huius differentia dignotionem assequemur.

CAPVT TERTIVM.

De differentia celeris & tardi pulsus.

TRES pulsus differentia in celeritate sunt, quemadmodum in reliquis: nam aut moderatus est, vel excellens, qui celer appellatur, vel deficiens qui tardus dicitur: quas definiens Galenus 1. de diff. puls. cap. 4. celerem dicit qui fit, cum modico tempore mouetur arteria: tardum cum multo, moderatum cum mediocri. Verum non tempus solum modo speculantes, pulsum celerem esse, aut tardum inquiremus: siquidem fieri potest, vt pulsus motus longiori tempore obitus eò sit velocior qui breuiori agitatur. Qua ductus ratione 2. de dignosc. pulsib. ca. 1. & 3. eiusdem operis, cap. eodem, antiquos reprehendit, qui celeris pulsus definitionem, temporis breuitatem consulentes solum aggrediebantur. Formicans enim pulsus paucò tempore motum finit, nec tamen velociter mouetur, quippe in extremam recidit imbecillitatem, paruitatem.

*Proinueniē
da diffien
tia celeris,
& tardipul
sū spatij quā
titatem, nō
solum tem
poris consi
deramus.*

tatēq; Quare imbecillus, paruus & creberrimus cum sit, celeritatis falsam effigiem præ se fert, re vera tamen celer non est, vt Galenus aduersus Archigenem 2. de dig. pul. citato & 1. de differ. puls. capite 27. adnotauit. Nec verò ipsa, de qua nomen pulsus inuenit, formica celeriter mouetur, sed breues eiusdem esse & languidos motus crebrosq; conspiciamus, celeres autem nunquam. Pauco igitur tempore in hoc fit motus, ne tamen celeriter mouetur. Nam in formicante arteria breuissimo vehitur intervallo; & idèò minùs consumit tēporis: sicut formicā ob spatij exiguā quātitatē etiam exiguo mouet tempore. Rationem ergo habendam esse, non solum quantitatis temporis, sed & spatij, quod motor percurrit. Siquidem fieri potest; vt duo motus diuersorum corporum pari tempore moueantur, & vnum multo tempore dicamus esse factum, non perinde vtrumque. Exemplo Galenus id perspicuum reddit. 3. de dign. puls. capite primo. Sint duo pueri in diuersos locos dimissi, & simul reuersi, ita quod vnus maiorem alio spatij quantitatē percurrat. Laudamus illum, qui maius spatium absoluerit, breui tempore id factum dicentes: alterum verò culpamus quod multo. Ex viā namque longitudine estimationem facimus, cum paucum vel multum dicamus non absoluto sermone.

At constat pari temporis quantitate, motum
 vtrumque fuisse factum, vnus tamen tardus est,
 non verò similiter alter. Igitur temporis quan-
 titatem ad spatij quantitate metiemur, vt re-
 ctè celeris & tardi pulsus differentiam inuenia-
 mus. Quod si proportio temporis, spatij por-
 portioni respondeat, veluti, si æqualis sit tem-
 poris ad tempus proportio: sicut spatij ad spa-
 tium, cum neuter alterum anteuertat, pulsus
 fient moderati in celeritate & tarditate, seu si
 mauiſe què diurni, & celeres. In exterioribus
 motib⁹ posito exēplo, clariùs explicabitur: duo
 mot⁹ vna hora quinquaginta stadia percurrāt,
 æquè veloces dubio proculerunt, nam eadē est
 proportio tēporis ad tēpus, quæ spatij ad spatiū.
 Rursus, si tēporis ad tēpus, aut interualli ad in-
 teruallum maior fuerit proportio: tunc celeris
 vnus erit, alter verò tardus. Sed in qualibet pro-
 portione tripliciter fit. Nam celer, verbi gratia,
 tunc erit quando maior est proportio spatij ad
 spatium, quàm temporis ad tempus, quia mi-
 nore tempore maius spatium pertransijt, vel
 minore tempore par spatium, vel pari tempore
 maius spatium. Exemplum primæ differentię:
 percurrat motor quatuor horis quadraginta
 stadia, velociùs mouetur eo, qui duabus horis
 decem, quia spatij ad & spatium quadrupla est
 proportio, temporis ad tempus dupla. Secundę

exemplum: quinquaginta stadia vnus vna hora, aliter tribus horis perficiat: patet, primū minori tempore par spatium pertransisse. Tertiæ exemplum. Si vnus centum stadia vna hora, aliter verò eadem triginta pertranscat, primus pari tempore maius spatium percurrit. In tardo similiter contingit, si maior sit proportio temporis ad tempus, quam spatij ad spatium: quia, scilicet, in maiore tempore minus spatium, vel in maiori tempore par spatium, vel pari tempore minus consumit motor, quæ in exemplis allatis manifesta sunt contrario sensu ea immutando.

Dubium.

Vt si decem stadia quis quatuor horis absoluat, tardius mouebitur eo qui vna hora quinque: quod similiter in reliquis inuenire nō erit laboriosum. Dubium tamen mihi adfert Gale. doctrina. 2. de dig. pul. c. vltimo, dum pari celeritate arterias omnes moueri tradit: quod ijs quæ explicuimus contrarium videtur. Nam si non solum temporis quantitatem, sed spatij etiam, ad celeritatem constituendam defini- mus, cum spatium idem non sit, intellectu non capimus, arterias eodem modo motas, non solum paritate tēporis, sed & impetu dispar spatium posse percurrere. Nam ob id vnus in quā- titate pulsus moderatus non datur, quod spa- tium non vnum, sed diuersum cuique arteriæ existat, vt capite antecedenti dictum est, &

dice-

dicemus etiā infra sectione. 3. Si igitur spatium est dispar repugnat arterijs eodem modo motis æquē celeriter pertransire. Vnde nec bene consuluit libello ad tyrōnes, ad eundem modū omnes moueri, vt nos vñam de omnibus colligere possimus. Cæterū relinquentes quæ multi in hac absoluenda difficultate tradiderunt dicamus oportet: aliud esse celeris & tardi pulsus differentiam speculari, & in propria essentia reponere. Hoc enim fit, si tēporis & spatij quantitatem inter se compāremus: aliud hanc ipsam differentiam dignotioni tradere, in quo interualli mentionem facere, non est opus cum non modo laboriosum, sed & existimationis perdifficile sit atque impossibile visum. Quando ergo Galenus de dignoscendis agit pulsus differentijs, multa relinquit, quæ cognitu sunt ferre impossibilia, imò interdū nullo modo cognoscūtur. Sic in celeritate cognoscenda impetum solum considerat, quo fertur arteria, spatiorum nulla facta mentione. Atque itā arterias omnes eiusdem corporis æquē esse celeres apparet, vt earum quāmlibet ad cognitionem sumamus. Secus se haberet, si spatium metiamur, & eius quantitatem, cum in omnibus dispar reperitur. Nam vt magnitudine differunt corpora: itā arteriarū spatia diuersa esse par est: quæ in huius differentiæ cognitione latius

Solutio.

consta-

constabit. Sed adnotandum est (vt confusio-
nem, si qua est, abscindamus) quod licet in hac
differentia, & in superiori de spatij quantitate
mentionem facimus, distinctum aliud esse ip-
sum metiri respectu arteriæ, prout magis vel
minus distenditur, vt fit in superiori, aut ipsum
respectu motus considerare, prout arteria mul-
to aut paucio tempore ipsum pertransit, quo-
modo hanc, de qua sermonem facimus, con-
stituit.

CAPVT QVARTVM.

De differentia crebri, & rari pulsus.



CREBER pulsus is est, qui breui quie-
te motum finit: rarus qui longa: mo-
deratus qui mediocri. Quemadmo-
dum enim in motu quantitas tem-
poris consideratur, vt celer, aut tardus sit pul-
sus; sic & in quiete quantitas eiusdem animad-
uertenda est. Vnde Galenus libello ad tyrones,
ca. 4. ait. Creber est, cum quietis: fit breue tem-
pus, rarus cum longum. Verum qui cōtractio-
nem sentiri posse negarunt, ipsam interuallum
& quietem appellantes, ex interualli magnitu-
dine, quæ inter distentiones agitur, crebrum &
rarum pulsum mensurant, vt refert Galenus 1.
de diff. pul. cap. 7. Quo pacto ipse libello ad ty-

tones citato capite; pro ipsis exercendis, cōtractionem quietem concedit, quia cognitu sit difficillima, & per temporis spatium in profunda hæsitatione ipse persistens, eam non cognovit: quousque tandem, vti lux splendida, cōtractionis notitia subitò eluxit. Quod proprio loco latius prosequemur. Sed cum quies gemina pulsui accidat, vna à distentione, priusquā contrahatur: altera à contractione, antequam distēdatur, crebrum & rarum pulsum ab vtraque desumemus, vt in propria reponamus differentia. Disputat Vallesius 3. contr. ca. 6. an pulsus possit venire ad tantam crebritatem, vt quietem alterutram omnino amittat. Quæstio tamē hæc eandem inuoluit, quam nos supra sectione. 1. cap. 5. disputauimus: an duo contrarij motus, siue media quiete coniungi possint: proinde hic paucis eam absoluemus. Credimus, vt eo loci diximus, propter violentam causam præpediri motum, adeò, vt interdum mobile terminum non attingat: atque ita, quod quiete priuatur. Antequam enim vnus finiatur defacile alter ipsum excipit. Quod insinuant Galeni verba 2: de præ sag. ex pulsibus cap. 8. distentionē priusquam mensuram impleat contractionem excipere ait, & è contra contractionem nondum absolutam motum contrarium retrahere, propter quod in dictoto pulsu quietes deperduntur,

Sectione. 3

*An pulsus
alterutram
quietē amit
tat.*

tur, non solum quoad sensum propter motus assiduitatem; sed re vera omni ex parte percunt propter violentam causam. Nec inconuenit etiam uiuo existente animali quietes amitti, ut quidam religiosè admodum, uiuentis conatum metientes sunt arbitrati. Nam si principalius in pulsu natura motus intendit, ipso tamen adhuc permanente, vita per causas violentas orbatur, ut perspicuè in intermittenti pulsu cōspicimus. Quid igitur mirum est quietes etiam in ipso deperdi? Fatendum tamen est, non omnes nec omni ex parte (quemadmodum de motibus dixit Galenus. 2. de præsag. ex pul. ca. 4) perire posse vita constante animali. Id amplius cōfirmat, instātia quam citato loco de sagitta sursum proiecta, cui occurrat lapis molaris, aduximus. Ante quam enim sagitta sui motus finem attingat, sine quiete deorsum truditur, cum imperceptibile prorsus sit lapidem molarem sagittæ vi moram contrahere posse, quod proculdubio affirmare cogimur, si in quiete sagittam detineri dicamus. Nec valet dicere, quod anteaquam sagitta lapidem attingat, impetu aëris cōmoti posse quiescere. Nam, si ita vehemens est impetus aëris, ut sagittæ motum sursum tendentis detineat: trudet certè & sagittam confestim sine quiete, antequam ipsa lapidem attingat. Crebritas igitur in pulsu tanta esse potest, per cau-

fas violentas , vt quies alterutra deperdatur, quod indicato pulsu manifestè fatetur Galenus. Occurrit nobis hoc loco consequutio- *Quo ordine cōparetur magnitudo celeritas & crebritas.* ne sermonis adductis (siquidem tres superiores differentias explicuimus) quæstio de ordine, quo comparentur magnitudo , celeritas & crebritas. Sunt in hac quæstione permultæ sententiæ, quas superfluum fore existimaui recensere , cū veriore nobis inquirere & explicare sufficiat. Ac in primis à Galeni exordia mur doctrina , qui libro primo de caus. puls. capite. 7. in fine , quæstionem in hoc sensu ait procedere : calore accrescente , facultate vitali valida existente , & tandem tertio instrumentis ad actionem obedientibus . Præterea capite 5. eiusdem libri propriam , & veriore exposuit sententiam . Nam dixit : Si amplior in corpore sit collectus calor , opus erit animanti maioribus pulsibus : & quia maioribus continuò etiam celerioribus & crebrioribus : deinde exemplum assumit ad clariorem proponendam doctrinam dicens . Vt qui sitiunt non multum modo , sed & celeriter potant ac crebro , sic qui indigent refrigerio , copiosum simul id & celeriter crebroque attrahunt . Et in fine citati capitis, tres esse in omnibus caloris excessibus rationes , quæ vbi vna sufficit , alterius opus non

est. Nec enim, ait, vbi liberaliter calorem distentionis magnitudo refrigerat, irritat celeritatē, nec crebritatem vbi ambabus auxilium consequitur. Alterius enim illarum semper defectus corrigitur altera; magnitudinis celeritate, celeritatis crebritate. Itaque vbi vsus primò viget, primum magnitudo comparatur: vbi hæc non sufficit, celeritas: & adhuc vrgentiori, crebritas. Quod etiam 1. depræsag. ex puls. cap. 2. tradit. Et 3. eiusdem operis capi. 2. crebritatem supra magnitudinem & celeritatem factam, insignē significare calorem dixit. Nam creber si largē vlui a magnitudine & celeritate satisfactum sit, nulla sit ratio. Quare pro caloris accretione, vbi magnitudo non sufficit, accedit celeritas, & cum opus est, etiam crebritas. Namq; primum magnitudo comparatur; mox celeritas, inde crebritas accedit: quod est Gale. & veritati conueniēs doctrina. Nec desunt, qui illam euertere conentur ex eodem arrepta occasione, existimātes nil certum in hoc diffiniri posse. Ait siquidē. 1. libro de caus. pul. cap. 8. nonnullos itineris magnitudinē, dum modò lentē fiat magis eligere, quam breuitatem si celeriter iter peragēdū est: ē contra alios magis breue etiam, si celeriter sit percurrendum, quam magnum si morosē & lētē. Ex quibus idem similem vitali facultate seruandum esse affirmant: vt nunc ipsa magis gaudeat,

deat, in quibusdam magnitudine: in alijs crebri-
tate, & celeritate. Cæterû hi falsa similitudine
decipiuntur, non animaduertentes motus pro-
gressiuos, qui voluntarij sunt, & pulsum distin-
ctam habere rationem. Nam progressiuus ab
animali facultate procedit, quæ ob consuetudi-
nem varias illas mutationes eligit, siquidem
sunt quidam senes, & non multum valêtes, qui
laboriosas motiones ob consuetudinem magis
quam iuuenes ferant, vt aphorismo. 53. secun-
dæ sectionis scripsit diuinus Hippocrates. At in
pulsu consuetudo esse nulla potest, cum perpe-
tuò ad necem vsque (nisi varietur aliqua conti-
nentium causarum) eodem modo animantem
concomitetur, quia secundum naturam fit ci-
tra voluntatis imperium, vt dictum est. Quæ ve-
rò naturalia sunt, cum ex frequenti actione nil
denuo acquirant, nunquam assuescunt, vt ait
Aristoteles. 2. Eticorum capite. 1. Igitur Galeni
sententiam, quæ verior est, aggrediamur confir-
mare, hunc sumpto sermone. Facultas quæli-
bet quando valens est semper optimum inten-
dit, sicut vbi languet de possibilibus facit, quod
melius: quæ sententia philosophorum omniû
est communis. Sic quando accrescit calor facul-
tate valida existente & instrumētis optimè dis-
positis, in quo sensu procedit quæstio, optimû
intenditur, quod sane magnitudo est, quia me-
lius

*Naturalia
non assues-
cunt.*

lius reliquis pulsus differentijs calori copioso satisfacit. Melius enim excessus ipsius refrigerantur multa aëris quantitate attracta, quam pauca celeriter & crebro exhibita. Insuper cōmodiùs per eādē pulsus magnitudinem, fuliginum etiam copia repurgatur, quod contractio is est vtilitas altera. Quod si comparata magnitudine pro attemperādo calore nō sufficit, quia plus iusto modū excedat, & copiosissimus sit, statim celeritas accedit, & his, si necessitas postulet, etiā crebritas: nam attracta multa quantitate & non sufficienti, indigentia resarcietur, si eadem celeriter exhibeatur. Quod si adhuc ampliùs vrgeat, etiam crebro, tanquā id, quod reliquis, repetitis vicibus vim maiore in attemperādo calido sit natū adaugere. Sed aliqūa ijs opposita videtur, quare oportet, vt ea diluamus.

Prima obiectio. Primū à faciliorib⁹ exorditur natura: sed crebritas faciliùs acquiritur magnitudine, nam nec indiget virtutis robore, nec instrumētōrū obediētia: quinimo cū arteriarū duritie & facultatis languore, si vsus vrgeat cōparatur: ergo nō incipiet à magnitudine, sed a crebritate. Constat solutio quia quādo virtus valet nō intēdit faciliùs, sed

Solutio.

Secunda. cōmodiùs tāquā id, quo maximè gaudet. Secundū accrescat vsus valida existēte virtute, & arteria sit in motu, aut in quiete cū accrescere incipit: ergo pri^o erit celer, si in motu sit, aut creber, si in-

si in quiete, quā magnus pulsus; pri^o enim debet per celeritatē, aut crebritatē trālire, quā ad magnitudinē perueniat. Respōdem^o calorē sensim *Solutio.* crescere, & dū arteria mouetur, siue à quiete incipiat pulsus, siue à motu momētaneas & breues efficit impressiones tactui, quæ exactè non dignoscūtur, properās ad magnitudinē, quā ut melius intēdit. Fit igitur, vt licet a quiete vel a motu incipiat statim ad magnitudinē accedat: quare propter breue tēpus, nec celeritas, nec crebritas percipitur, bene tamē magnitudo quā effatu dignam comparat, vtpotē familiarē, & statui illi optimam. Hæc igitur ad comparandi modum dicta sunt. At in amissione celeritatis, magnitudinis, & crebritatis, decrescēte vsu aliter est sentiendum iuxta eiusdē Galeni decretum 1. de prælag. ex puls. ca. 2. & 1. de caus. pul. ca. 7. Cōtra cū refrigeratur, vt ait ipse, raritas manifestè prima, altera tarditas, & postremo paruitas. Itaque refrigerato calore primum comparatur raritas, deinde tarditas, & vltimo loco paruitas: semper siquidem facultas magnitudinē ad vltimum vsque adseruat, quia magis est familiaris. *Quomodo amittatur celeritas, magnitudo & crebritas.* Quid si aliquando cōtrarium animaduertamus in pulsu, ante reliquas paruitatem percipientes decrescēte vsu? Nam & in Arte medica capite 30. in frigidiori cordē pulsus minores fieri constat, non tamen necessario tardiores, vel

Solutio.

rariores. Id ob facultatis lāguorem accidit quæ pulsum paruum nata est efficere: ~~nam~~ valida virtus ad magnitudinem in posterum seruandam requiritur. 3. de præfag. ex pul. ca. 4. Sic & in frigido corde facta cum sit temperies, facultatem deijcit: nam hæc est, quæ virtutem debilem reddit, cum facta sit & permanens. 3. de præfag. ex pulsibus cap. 2. Quo etiam modo locum artis medicæ interpretatur Veiga Lusitanus, cum dixit. Facultas infirmatur ob factum intemperamentum, quod ab ortu contraxit.

Artis medicae ca. 3^o

CAPVT QVINTVM.

De differentia vehemētis & lāgidi pulsus.



CONSIDERATUR in pulsu alia differentia, secundum quā dicitur vehemēs, quā Galenus in occurfus, siue ictus qualitate libello ad tyrones ca. 3. considerat. At qualitatem ictus, esse contentionem quandam virtutis, vt ægre vel languide, & prōpte valenterq; operetur, constat 1. de diff. pul. cap. 3. & 6. Cumque arteriæ contentio fortitudo sit, siue robur, quatenus pulsat: ita vt tactum subuertat & irapellat, manifestum erit vehemētem pulsum in contentione hac consistere. Nā lib. 3. de diff. pul. capite. 5. hanc esse ait differentiam, quæ robustè siue valenter, aut violenter
siue

siue contentè pulsat. Proinde si medicis vocabu-
lis nostra potestas sit instituendis, contentum
cum pulsum, non vehementem appellaremus,
nunc quia à plurimis iam pridem vehemens
est vocitatus, nomen nil mutamus. Tamen si
vulgò non sumus nescij vehementiæ nomen
actioni semper attribui valde simul & citatæ:
siquidem luctæ vocantur vehementes; & ge-
nus leonum appellant omnes vehemens: quo-
niam huius quoque contentam actionem, atq;
citatam conspiciunt. Verùm cum Galenus di-
cat hanc actionem vim esse, siue robur, possu-
mus pulsum, per què robur facultatis dignosci-
mus, vehementem appellare, & cùm hoc etiam
consueto utemur nomine. Est igitur pulsus ve-
hemēs, qui tactum subuertit, siue impellit, hoc *Quid sit
pulsus ve-
hemens.*
est validè & cum renisu quodam: languidus qui
imbecilliter, & citra renilum, & violentiam pul-
sat: medius inter vtramque erit moderatus. Li-
bello tamen ad tyrones ca. citato, vehementiā
fieri dixit, cum violenter tactus impellitur: re-
missionem cum debiliter. Auerroes 4. collig.
capite. 17. vehementè pulsum, siue fortem de-
finiuit sic. Fortis pulsus est, qui extrema digito-
rum fortiter percutit. Omnes vero hæ diffini-
tiones in vnā conspirant formam qua pro-
pter, quamcumque eligere licebit. Cæterū me-
diocritas, quæ in hac differentia reperitur, sitne *An sit pul-
sus medius
inter vehe-
mentem &
languidum
qui natura
lis sit.*

naturalis, ita vt aliquis sit vehementiæ gradus præter naturam, dubium antiquum fuit, & durat adhuc his nostris temporibus. Siquidẽ Vallesius. 3. controuersiarum cap. 11. aliquem gradum vehementiæ in pulsu esse præter naturam affirmat: quod manifestè contrariatur Galeni sententiæ. Ait enim Vallesius, aliud esse robustam actionem, aliud robustam esse facultatem. Nam facultates, quæ non agunt vsque ad ultimum potentiæ, sed pro indigentia ratione, possunt etiam si robustæ sint imbecillas actiones edere, aut non tã vehementes, quàm possent cum extremo conatu. Igitur quando pulsandi virtus mouet, pro ratione vsus, nõ pro viribus, potest vehementiorem edere actionem, non aucta re vera, sed apponens maiores conatus. Nam aliud est maiores habere vires, aliud maiores vires accommodari actioni. His suppositis infert: cum vehementia, quo maior est, semper sit melius: & conatus à re præter naturam excitetur urgente vsu, vt in ira, vini potione, & alijs, qui vsum adaugere sunt nata: gradus, qui ex vehementia naturalis est, qui verò ex conatu præter naturam. Roboratur etiam sententia per Galenum, qui 4. lib. de caus. puls. cap. 2. facultatem vitalem, & animalem per causas violentas maiores conatus apponere testatur: igitur potest esse aliquis gradus vehementiæ præternaturalis

rualis. Hoc placitum duo inuoluit, quæ ni falli *Vallesius*
mur à veritate recedunt. Primum facultatē vali *taxatur.*
dam actionem debilem edere posse: secundum
conatus naturæ, qui fit per violentas causas esse
præter naturam. Primum manifestè rationi re-
pugnat. Nam facultatis vitalis robur actionem
vehementem perpetuò facit: siquidem propriā
alioquin retrahēs actionē ex arbitrio esset. Qua
re Galenus vehementes pulsus necessariò facul-
tatem validā in se quī fatetur, à qua prorsus sunt
inseparabiles, vt cōstat 1. de caus. pul. ca. 4. & 1.
de prælag. ex pul. c. 7. Quod enim dicitur, vita-
lē facultatē, pro indigētīæ vsus operari, intelligē-
dum est in ijs differentijs, quæ vsui adaucto, vel
diminuto peculiare sunt. Hæ autē sunt magni-
tudo, & paruitas, celeritas & tarditas, crebritas
& raritas: nā cōparātur pro ratione maioris vel
minoris vrgētīæ, non absolutè, vt diximus, ante-
cedēti capite, & in sermone de causis, sectione
4. dicetur amplius. In ijs verò, quæ necessariò fa-
cultatē cōsequūtur (quemadmodū in vehemē-
ti pulsu, & debili, aut duro, & molli respectu fa-
cultatis roboris, & remissionis, aut instrumēto-
rum duritiæ, & mollitudinis) nō sic res se habet,
vt possit facultas valida cū sit, debile efficere
pulsū, aut non ita vehemētē, sicut robur adau-
ctū est. Sicut nec vbi arteriarū status mollis est,
durus efficietur pulsus, aut minus mollis, quam
& ipse

& ipse postulat: consequuntur enim hæ pulsus differentię perpetuò proprias causas, à quibus, nisi ipsæ varientur, prorsus separari nequeunt, licet interdum ultra propriū vehementię gradū excitata facultate à causa aliqua, conatus apponat, illam utpotè contristantem nitens à se propellere; quod non est pro indigētia vsus operari, sed propter molestiam impetum assumere aduersus rem moestantem, quem nisi potens esset non aggredieretur. Nec exemplum, quo utitur Vallesius de vehementiori luctatore deuictō à debiliori, quia minores præstauit conatus, quā pro sui ratione poterat, aduersus nos facit. Nam luctator ex arbitrio operatur, quare quid quid voluit, potuit facere: at facultas vitalis in ijs, quæ insita habet, ac prorsus inseparabilia sunt, naturaliter agit, propriā nunquā retrahens actionē, aliter voluntati subijceretur, q̃ præter rationē, est. Secundum etiam incertum est: quia licet conatus naturæ à causis violētis excitetur, non propterea & ipse præter naturam est: ac ex consequenti nullus erit vehementię gradus in pulsu præternaturalis: insequitur enim conatus facultatis robur ipsa firmiori redditā ad actionē. Quo enim modo maiores vires acōmodaret actioni, nisi ipsa potens esset tales efficere? Nemo quidem dat quod non habet, ut dici solet; si igitur maiores vires exhibet actioni, constat illas

*Secunda
pars opinio
nis Valle-
sij taxatur*

illas habuisse: siquidem actio à facultate procedit, & qualis ipsa est, robusta vel languida, talis quoq; debet esse actio languida, aut firma. Id in sene constat, qui cum feram aliquā aut latrones inspiciat ingruere valide aufugit: nam propter metum compellitur omnes vires accommodare ad opus, ut ait Gal. 1. de caus. pul. cap. 7. quas nisi constantes ad opus haberet sua sponte, non fugeret motu cōcitato, etiam si maxime contēderet. Ergo conat⁹ à facultate robore firmata fiūt: quare naturales sunt. Sic & in bonis iudicationibus conatus apponit natura, & vehementes fiūt pulsus, qui naturales sunt, cū futuræ iudicationis bonum sit signum, ut 4. li. de caus. pul. ca. 2. Gal. fatetur, ex quib⁹ ipsi conat⁹ naturales sunt, secundū ipsius sentētiā (non verò præter naturam, quemadmodum Vallesius ex eodē probare nititur) Quod clarè docuit li. de plenitudine ca. 7. dum ait. Ergo sanè affirmaverim quod si actiones valētiores edēdæ sunt, quod necessario foret simul & virium robur adaugere. Et 1. de præfag. ex pul. ca. 8. connumerās quæ robur virtuti adaugent naturæ ad iudicationem impetum (ni malueris conatum dicere) opposuit. Igitur necessariò gradus quicumq; vehementiæ fiet à facultate aucta, & firmiori reddita ad actionem; & proinde naturalis erit, etiam qui apponente natura impetum siue conatum committitur.

titur. Nec obstat, quod à causis violentis, siue morbificis excitetur, nā actio hæc facultatis robur insequitur, quod bonum est animalis. Nec enim euacuationes omnes in quibus impetū, & conatū capescit natura, aliter naturales sunt, etiā si à causis morbificis excitetur, nisi, quia ad animalis fiunt commodum, & vtilitatem. Sic quia impetus à facultate procedit robustiori reddita, ita, vt quanto sit robustior tanto validior appareat operatio, naturalis etiam est. Hinc Gal. medium inter vehementem & languidum pulsum non esse naturalem tradit 1. de caus. puls. cap. 7. & apertius multò 1. de prælag. ex pul. ca. eodem. Auicenna etiam 2. 1. doctr. 3. capite. 4. in reliquis generibus, naturalem medium statuit: nisi fuerit fortis, inquit, quoniam naturalis est in eo augmentatus. Verum quid de Galeni loco dicemus 4. de caus. puls. capite 2. vbi facultatem repente in imbecillitatem & robur variare non posse tradit? Ait enim, pulsus vicissim clarè fieri languidus, & vehemens: non quod tam repente facultas in imbecillitatem variet, & robur. Igitur & conatus apponit, non quod tam repente firmior reddatur, sed quod à causis violenter excitetur. Huic obiectioni dicimus Galenum de inæqualitate pulsus agere, quam præstat facultas dum à causis morbificis opprimitur. Cùm igitur eas moles tan-

*Moderatus
in vehemen-
tia non est
naturalis.*

Obiectio.

Solutio.

tas decertat & superare nititur, vehementes efficit pulsus; è contrario languidos cùm ab eisdem veluti defatigata premitur, & grauatur: sicque rursus ac versus eas contendens vicissim superat, & superatur. Hoc verò non tollit, quin ipsa firmior sit, siquidem potest aduersus causas contendere. Vnde robur non repètè acquirit, dum vicissim vincit, sed ipsa in se còstans, oppressa quiescit, veluti defatigata, atq; rursus, vires colligens, suum pensum aggreditur donec ipsas superat, aut in opere succumbit. Hoc verò nò est repètè in imbecillitatem, aut robur verti, sed premi à causis morbificis, ac grauari, aut è contra ipsas decertare, nitens, vt molestantes rejicere. Quod & ipse Galenus tradit secundo libro. de caus. puls. capite 1. vbi inæquales pulsus fieri dixit, quando valida sit facultas sua sponte, opprimitur autem copia humorum. & 3. eiusdem operis capite. 16. inæquales fieri pulsus in omnibus affectibus, in quibus valida est facultas; oneratur tamen copia humorum, quod in sermone de causis sect. 4. latius sumus explicaturi. At Vallesij sententia eorum redolet opinionem, quam Galenus. 1. de caus. puls. capite 7. citato excludit. Affirmabat namque quidam, pulsum quendam ex vehementioribus esse præter naturalem, nempe, qui à certo naturæ modo (quem dicebant esse seruadū)

recedit: quæ fieri dicebant per iram, exercitationes, & vini potum in corpore temperato. Per has enim affectiones vehementius offendi, ac natura postulat fatebantur, ideoque non esse naturalem. Sed vtrumque dogma ex ijs, quæ retulimus satis impugnatur, sicut etiam & eorū sententia, qui dicunt prædictas causas, pulsū vehementē revera non efficere, sed magnitudine, & celeritate fictæ vehementiæ similitudinē inducere. Siquidē vini potio apertissime sanguinis & spiritus regeneratione pulsū robustiorē reddit. In ira verò & immodicis exercitationibus non perinde aperte: imò si quid illis accidat vehementiæ adeò est minutum, ut animadverti ægre possit, ut ait idem Gale. loco citato. Quamquam revera vehementes fieri pulsus nō solum quod tales appareant tum per iram, tum & per exercitationes sit affirmandum, quia natura per has affectiones impetus sumit, quod ipse annotavit 4. libro de caus. puls. capite. 2. Ex his præfatæ dubitationi responsionem dabitur, pulsū inter vehementem & languidum non esse naturalem; nec in corpore temperato reperiri. Quinimo si in aliquo, in corpore neutro simpliciter semper, cui proprius debet esse. Vehemens verò temperato corpori naturalis est. Cumque temperatum, siue eueratum corpus, propter externas causas interdum ad

*Responso ad
quæstionē.*

maio-

maiori vehementia gradum vrgeat, quam
obtinere potest dum ab his est immune, possumus
in hoc sensu naturalem quendam pulsum
reponere, qui medius sit respectu extremi: omnes
tamen naturales re vera sunt, cum robur
proculdubio insequantur facultatis. Quò pacto
Galenus libello ad tyrones capit. 7. in vehemēti
pulsu medium secundum naturam constituit.
Sed instaret quispiam, quare vehemens
pulsus naturalis est, non verò magnus, si vterque
facultatis robur postulat ad generationē?
Facilis est responsio. Nam vehemens necessa-
riò solam facultatem validam insequitur: mag-
nus calorem: præter modum adactum, instru-
menta mollia, non solum robur facultatis, quippe
his tribus causis familiaris est, vt sectio. 4. in
sermone de causis constabit.

CAPUT SEXTUM.

De differentia duri & mollis pulsus.

HÆC est illa pulsus differentia ab ar-
teria statu desumpta, quam Archi-
genes sub nomine pleni, & vacui
pulsus usurpabat: ita referente Gale-
no 4. de dig. pul. cap. 3. & lib. de diff. pul. cap.
6. quàm etiam alij ex Arabum familia Auerroem

sectantes 4. Colliget. ca. 17. accidentalem pul-
sus differentiam appellarunt. Verum ex his, quæ
huius sectionis cap. 1. scripsimus, manifestè
constat, licèt, vt reliquas non ita propriè pul-
sus substantiam re vera integrare. Constitue-
tur durus & mollis pulsus in propria differen-
tia, si prius notauerimus, durum pulsum cum
vehementi conuenire: quemadmodum mol-
lem cum imbecillo, sed quid cõmune; & quid
proprium sit in ipsis; dicamus. Duro & vehе-
menti occurfus violentus communis est, nisi in
repellendo certo modo distinguerentur, quod
Galenus 4. de dig. pul. cap. 1. aptissimis aperuit
exemplis. Vocamus siquidè vehementia; non
solū animatia, vt leones & tauros, sed inanima-
ta etiam, vt fluuiorū decursus, & ventos mag-
nos: alia præterea dura vt es, ferrum & lapides.
Igitur vbi hæc nos attingunt inferunt diuersos
affectus. Nā etsi in occurso violento, consistāt,
tam durus, quam vehemens, differunt. Quia
quemadmodum à ventis & fluuiorum flucti-
bus, euertimur, ita, vt si aduersus illos magna vi
ire contendamus prorsus prohibemur atq; re-
pellimur præter vllum pressum vel contusio-
nem: & à duris premimur & contundimur,
verum citra euersionem, & repulsionem: ita
in vehementi pulsu digitorum pulpa euertitur,
atque repellitur: in duro è contra contunditur
atque

atque premitur. Verum hæc dignotionem inuoluunt, atque ita ab eis vsque in proprium locum desistimus, cum solum in propria differentia pulsus constituere sit in præsentiarum nostrum institutum. Mollis pulsus & imbecillis communicant, quia tactui vterque cedit, sed quo pacto differant ex sequentibus constabit. Definit ergo Galenus duritiem ex Platonis sententia sic. Dura sunt, quibus caro nostra cedit: mollia verò e contra, quæ carni. Platonis verba in Tymeo hæc sunt. Durum autem dicimus illud, cui caro nostra cedit, molle, quod carni: resque inuicem, & duras, & molles eadem ratione vocamus. Aristoteles quoad durum attinet lib. 4. Meteor. capite 4. eandem insequitur definitionem. Ait namque. Durum est, quod per summam partem tactui non cedit. Molle verò aliter definiuit. Nam. 2. de gene. & corrupt. capite secundo mollities inquit in se cedit, nec obnititur & resistit. Et. 4. Meteor. citato. Molle est, quoniam nullo aduersu conatu tenetur. Vel vt alia habet translatio. Molle est, quod cedit non resuens. Insequitur Galenus tertio de diff. puls. prope finem, magis hanc de molli definitionem Aristotelis, quia climatiùs & magis propriè molli conueniat. Nam Platonis definitionem languido pulsui ait conuenire. Vnde ita ex Aristo. in-

Quid molle

entione definit. Molle est, quod in seipsum cedit. Siue hoc modo. Molle est, quod cedit nec de loco migrat. Iam etiam si simul vtrumque coniungamus apertius mollis naturam explicabimus. Molle est, quod cedit in se ipsum nec migrat. Nam in se ipsum solius mollis est proprium, nec imbecillo conuenit: sicut migrare in vicinum locum proprium est infirmi, & non demigrare, mollis. Quæ enim migrant & in latera abrumpuntur, & discedunt propriè molliæ non sunt. Et proinde a meteorum citato, aqua mollem non esse tradit Arist. Non enim, ait ipse, summa pars, in iunum expressu cedit, sed refluat, non comprimitur, sed abrumpitur, absceduntque illius particulæ. In summa igitur colligetur ex ijs, quæ dicta remanent, durum pulsum eum esse, qui tangenti non cedit, sed renititur:

*Quid mollis
& durus pul-
sus.*

mollem contra, qui nec obnititur, nec resistit, sed cedit in se ipsum, ita vt nec de loco migret, quemadmodum languidus: quæ satis sunt pro hac differentia.

CAPVT SEPTIMUM.

De differentiâ pulsû eurhythmi, & arhythmi.

TAMEN huius differentiæ apud auctores præcipuè barbaros, qui Auicennam explicandum susceptarunt, scripta reperiuntur: vt in ipsa explicanda,

longo forte sermone, nisi confusionem & prolixam orationem vitare decreuerimus, nobis erat opus procedere. Cæterum cum claritatē simul & verborum breuitatem, in vnum coniungere nō sit facilē, dicenda, vt clare percipiātur, ita vt ne quid tractationi deficiat studebimus, simul breuitatem intendentes. Ac primū in quo huius differentię natura sit reposita, deinde quas in se contineat species, seu modos inuestigabimus, quibus explanatio absoluta suis numeris clauderetur. Rhythmi naturam ex antiquis quidam (vt tradit Galenus. 1. de differ. pul. capite. 7. & 8. & 3. de digno. pul. cap. 3.) qui contractionem se sentire negarunt, ex proportionē temporis dilatationis, ad reliquum sumebant, reliquum tempus à sensibili motu contractionem, scilicet, & quietem, interuallum appellantes. Ita quod proportio, quæ inter tempus dilatationis, & quietis & cōtractionis tēpus reperitur, rhythmus sit. Alij qui cōtractionē se sentire dictitarunt, diuersimodē opinātur. Nam quidā rhythmum in distentionis tēpore vna cū tēporis insequētis eā quietis, ad tempus collato cōtractionis simul cū tempore insequētis eam quietis collocarunt. Alij verò solius distentionis tempus, cum solius tempore contractionis, rhythmum dicunt gigni. Gal. veriori vbiq; nitens opinioni huic vltimæ. 3. de dig. pul. citato

magis astipulatur. Nam prima opinio, licet rem dicat, quæ fieri possit, sed tamē inutilem, quod præcognosci ex tali rhythmo nil possit, nihilq; commodi ex eius doctrina percipiatur: siquidē in pulsibus lāguidis solū distētionis motū per- sentimus. Si igitur sensibile tempus cū reliquo toto comparemus, iam rhythmus constaret ex externa quiete & cōtractionis motu, atq; ter- tio interna quiete, & prætereā ex parte distētio- nis, quæ necessario in lāguido pulsu sensum ef- fugit, vt scēt. 3. constabit. Quare confundetur rhythmī notio, non aliter ac si quis qui musicus esset, non tempus eleuationis ad positionis tē- pus, proportionem diceret esse rhythmum, sed partes manifestē eleuationis ad reliquum to- tum. Secunda opinio, quanquam musicorum magis complere videatur, quæ cuique tempo- ri, insequentem eius quietem, adiicit: tamen, si prælagitioni nitamur, eius hac rationē facta comparatione destruit naturam. Vnde Gale- nus notionis nomine repudiato, utpote à mu- sica desumpto, quod ad prælagiendum attinet magis eligit. Quare & nos cum motu motum comparantes, separatim quietum tempus exi- stimabimus, nulla constituta rhythmī læsione, saltim quoad prælagiendi rationem. Nam, vt ait ipse 3. de dign. puls. capite 3. quid tandem faciemus damni, si cum motuū ex proportio-
ne

ne tempus perpendamus, nomen nobis, quo id appellemus deficiat? Etenim non in eo, quod in nominibus hæreamus, sed quia prælagire nequeamus, idè ars lædetur. Rhythmi igitur natura, in comparatione temporis distentionis cum contractionis tēpore collocabitur. Rhythmus idem est Græcè quod Latine modus; seu modulus, aut consonantia. Pulsus modulum hunc seruare cuique patet, pro inde quilibet pulsus est enrythmus, idest cum rhythmo, siue retinens rhythmum; qui enim cuique naturæ conuenientē modum seruat eurhythmus dicitur: sicut ei contrarius arhythmus. Vtriusq; porrò horum, arhythmi scilicet, & eurhythmi, enrythmus pulsus, commune est genus. Quare etsi arhythmus eurhythmo sit contrarius, nō ideo est quia omnino rhythmo careat, sed quia deprauato constat rhythmo. Sicut cum dicimus aphonum qui praua voce loquitur; non quia ipsa careat: Sed & nos quotidie in nostro sermone actionem deprauatam propriuatione eius vsurpamus: sic claudum non posse ambulare dicimus, & si ambulat, quia expedite passus non præstat, sed vitiosè. Arhythmus igitur vitiosus est rhythmus: sicut eurhythmus cuique ætati siue naturæ conueniens rhythmus. Arhythmi sunt tres differentię: pararhythmus, heterorhythmus, &

In quo consistat rhythmi natura.

ecrhythmus. Nam dum pulsus à rhythmo cui cuiq; ætati vel naturæ cōueniens est, deficit, vel mutatur in proximum, & vicinum, & dicitur pararhythmus: vel in quemlibet alium minimè proximum, & dicitur heterorhythmus, vel tandem erit ecrhythmus, quando nullius ætatis, vel naturæ pulsus retinet, sed à toto rhythmorum genere decidit. Quod non solum in ætatibus & naturis, verum & in anni temporibus & regionibus, omnibusque alijs statuendum est; suus enim cuique horum certus quidam rhythmus est, qui cum corrumpitur arhythmum intelliges, & quas eius diximus esse differentias. Sed exemplis hæc clarior reddatur doctrina. Pararhythmus fiet in ætatibus, si puer pulsus retineat adolescentis, in naturis, si sanguineus biliosi, in temporibus si in vere pulsus ætatis seruetur. Similiter heterorhythmus, si puer pulsus habeat senis; & sanguineus melancholici: & in vere autumni fiat pulsus. Denique ecrhythmus, quando ita prauo constet rhythmo, ut nec in his omnibus proportio vlla inueniatur. Rursus inter omnes rhythmos quidam pari proportionē constant, alij impari. Pari ubi distentionis tempus æquet tempus contractionis. Veluti si dicamus pueritiæ pulsus, quia motum utrumque æquabiliter vigentem obtinet, pari pro-

proportione fieri: impari si alteruter eorū excedat, vt in reliquis à pueritia ætatibus. Nam in iuuentute, viget magis distentionis motus, quam contractionis: in senectute vterque motus debilis agitur. Sed qui contractionis est longe debilior, quando alteruter motus excedit. Excessus aut certus est, aut incertus. Certus bifariam contingit: nam vel fit multiplici proportionē, aut ea, quæ est numeri ad numerum à Galeno super partiali, nuncupata. Sed interim, vt distinctius hæc exponamus, multiplex proportio ideo fit, quia maior numerus, minorem continet bis, & dicitur proportio dupla, vt est duorum ad quatuor: vel ter, & dicitur proportio tripla, vt est duorum ad sex. Et sic potest esse quadrupla, quintupla, sextupla, etcetera. Rursus in numeris, Arithmetici alias duas proportionē considerant, quemadmodum & musici. Prima dicitur super partialis: & contingit, quando maior numerus minorem comprehendit, & alteram eius partem, quæ si dimidia est, appellatur sexquialtera, vt est proportio trium ad duo. Si est tertia pars dicitur sexquitertia, vt est ea proportio, quæ est quatuor ad tertia, & sic in alijs secundum variam proportionis partitionem. Altera proportio vocatur ab Arithmeticiis super partiens: quæ tunc fit, quando maior numerus

minorem in se habet, & aliquas in super partes, quæ si duæ sint dicitur superbi partiens: si tres supertripartiens; veluti est ea, quæ est quinque ad tria, vel septem ad quatuor atque similiter in reliquis. Verùm duas has proportionēs Galenus sub proportionē super partiali dicta merito comprehendit: vt exempla capituli 9. lib. 1. de diff. pul. his verbis declarant. Vt numeri ad numerum, ait, cū quanta sint duo distentionis tempora, tanta sint contractationis tempora, 5. vel 7. vel. 9. vel. 11. Sed mirum profectō est; quā diligenter plurimi insudarint (inter quos Iacobus in Auicennam) in ijs explicandis proportionibus & notis musicis depingendis, cū parum ad pulsus naturam percipiendam pertineant, laboriosumque sit satis. Cū præsertim rhythmorum doctrinam absque his percipere poterimus. Quare & ab eis super sedemus, Galeno dumtaxat hærentes, qui cuiuslibet rei distinctè, & articulatim naturam aperuit, postpositis his, quæ solum confusione & orationis prolixitatem, nulla vtilitate, suggerunt. Proportiones siquidem in musica, aut Arithmetica sensibus dignoscuntur, in pulsu impossibilis prorsus est eius cognitio, nedum difficilis. Nam quis, tā breuiter motione facta simplices & compositas modulationes inquireret, vt excessus præfinire possit? Satis quidem
erit,

erit, si excessus multiplicis proportionis, duplę, scilicet, aut triple, vel eius, qui numeri est ad numerũ, quomodocumq; fuerit, sine eo, quod excessus definitẽ exactã notitiã assequi nitatur. Sed quantũ earum, & quomodo cognoscatur, huius loci non est inuestigare. Reliquum igitur est, vt. propositum ad Galenĩ mentem iterũ petamus. Excessus certus est (quẽ Arithmetici dicunt rationalem) vel incertus, & irrationalis: certus bifariã modo explicato: incertus in vniuersum est tripliciter: nã aut distentionis tẽpus incertum est, aut contractionis, aut vtrumque. Vbi notadũ est, quod sigillatim quodlibet horum interdum habet paululum amplificata tẽpora incerta, siue, plura sint, siue vnũ primũ, atque per tempus primũ, non quod tale est sua natura est accipiendum, sed illud, quod est primum sensu, tam, scilicet, in distentione, quã in contractione, vt optimẽ ipse Gal. tradit citato loco, cũ ait. Atque tempus primum planum est, non natura ipsa esse, sed sensu accipiendum: sic enim apud Medicos etiam fit. Cæterum hæc quæ Galenus de rhythmis tradit ex aliorum mente esse arbitrantur quidam, ac ex consequenti, Auicennam & Paulum in ipsis exponendis, quia ipsos Galeni genuinos & proprios existimẽt aberrare. Sed quã minus illud verum fuerit, constat ex his, quæ Galen. tradit

tradit lib. 1. de differ. pul. cap. 9. quæ consentire videntur cum ijs, quæ tertio de dig. pul. cap. 3. refert. Quod si in quibusdam dissentit, id eo factum fuisse ego existimo; quia in ordine ad dignotionem sententiam redditurus erat. Cum igitur multa sint in rhythmis, quæ sensum effugiant, ea lib. 3. de dign. pulsuum omisit, solum quæ cognitioni subesse poterant, referens, quæ clariùs multo constabunt, cum rhythmorum dignotionem exponemus, quo loco magis propria sunt.

CAPVT OCTAVVM,

De differentia pulsus æqualis, & inæqualis.



SI CVNCTIS differentijs, quæ expositæ sunt, paritas aut imparitas acciderit, pulsus alia oritur differentia, secundum quam æqualis, aut inæqualis dicitur. Nam pares si omnino appareant pulsationes, æqualis fit pulsus: si verò impares omnes, absolutè inæqualis: sicut, si in vna aut in pluribus, ex his, quas explicuimus, paritas reperiatur, aut imparitas, quatenus pares sunt pulsus, hætenus æqualis appellabitur, quatenus impares hætenus inæqualis. Nam absolutè
pulsuum

pulsus æqualem dicat, aut inæqualem, an aliquo genere multum refert; quod absolute æqualis, nec magnitudinem, nec velocitatem, nec aliud habet impar quidquam. Ille verò, qui in aliquo cum illius vult nomine dici, magnitudine, scilicet, inæqualis, aut æqualis, aut celeritate, si magnus aut celer fuerit, vel vtrumque simul, si vtroque modo fiat inæqualitas, aut æqualitas: vt Galenus fert. lib. 1. de diff. pul. cap. 10. Est igitur is pulsus æqualis, qui in omnibus differentiis paritatem seruat: sicut inæqualis si paritatis corruptela acciderit: inter vtrumque medius, quando partim inæqualis, partim verò æqualis conspicitur, qui secundum naturam esse non potest. Nam in hoc genere, solū æqualis naturalis est, vt constat libello ad tyrones, c. 8. Verum, qui inæqualis est varias patitur divisiones, vt nobis sit opus ipsas prius enumerare: deinde sigillatim quamlibet exponere. Inæqualis igitur in aceruo pulsationum fit, seu in pluribus pulsibus, quæ inæqualitas collectiua appellatur: aut in vno pulsu, qui simplex & singularis dicitur inæqualitas. Pulsus inæqualis in pluribus pulsationibus, aut est inæqualis æqualiter, aut inæqualis inæqualiter. Nam quatenus æqualitatem commutant (quod fit dum à naturali statu euariat) vocantur inæquales pulsus: sed quatenus æquas mutationes assequuntur:

Inæqualis cum additio

Inter æqualem & inæquale pulsum, nondatur medius naturalis.

Prima diuisio.

Secunda diuisio.

tur, æqualiter dicuntur mutari. Qui in æqualis fit æqualiter omnibus differentijs accidere potest, magnitudini, celeritati, crebritati & rhythmo (in vehementia & duritie, quomodo repariatur postea explicabitur) sed exemplis id explicemus à distentionis quantitate initio sumptum, vt Galenus fecit r. de diff. pul. cap. i. Nec enim Medicis in reliquis differentijs adeò celebre est nomen, sicut in quantitate distentionis vsitatum: quare in hac exemplum sumamus. Si plures fuerint pulsus tamen primo secundus paulò sit minor: & tantò secundo tertius, & tertio quartus parimodo, & sic ad plures

*Myurus
pulsus, siue
decurtatus.*

vsque perueniat pulsationes: hos Græci, Myuros vocant, Latini decurtatos, seu mutilos, à figuris, quæ in acutum terminant nomen mutantes. Ab alijs dicitur paulatim gracilescens, & ab Auicenna cauda foricinę in pluribus pulsationibus. Et est, inquit ipse, quando ordinatur in diuersitate suarum partium ex augmento ad diminutionem: dicitur tandem, & ab alijs fusilis. Rursus qui perpetuo minuuntur nec minui desistunt ad quietem desinunt, &

*Decurtati
deficientes.*

motu deficient, qui deficientes decurtati vocantur: aut minuuntur, & ad quietem non perueniunt. Qui dupliciter sunt: vel quia paritatem illam seruant constantissimè, quam suscipiunt, & in illa immorantur, qui myuri simpli-

citer

citer dicuntur: vel quia de integro augentur, qui decurtati reciproci sunt. Sed hi dum augentur ad parem reuertunt magnitudinē, vel ad maiorem, vel ad minorem. Similiter in decurtatis deficientibus procedit sermo. Sunt enim quidam, qui paritatem, in qua diminui defuerunt, primum, seruant constantissime: alij verò, qui à quiete augentur, idque ad parem, vel ad maiorem, vel ad minorem, qui similiter reciproci deficientes nuncupantur. Verum quemadmodum myurus, seu decurtatus fit ex augmento ad diminutionem, qui cauda soricina vocatur ab Auicenna: potest etiam secundum ipsius sententiā cōtrario modo fieri, nēpe, ex diminutione, ad augmentum. Sed si exquisitè hoc perpendamus ad decurtatos reciprocos, qui de integro auctiōnē capiunt, reducetur. Hæc de inæqualitate equaliter procedēte sunt. Quæ verò inæqualiter fit, prædictis differētijis accidere potest, magnitudine scilicet, celeritati, crebritati, & rhythmo. Tamen vtraque, tam quæ æqualiter, quam quæ inæqualiter procedit, in differētia vehemētiē & duritiē inuenire difficile est. Siquidem impossibile videtur tam repente ex forti, in languidam, & ex languida in fortem verti facultatem, vt in motus inæquales momento temporis prorumpat: quod de duritie similiter dubitamus. Nam si vera est durities

*Deficientes
reciproci.*

*Aut prædicti
pulsus,
vehemētia
& duritiē
accident.*

arteriarum, non tentio, nos latet quæ causa possit accidere inter ictus tam breui factos spatio, quæ inæqualitatem præstet. Siquidem hac ratione contractionem actionem esse probat Galenus, quod arteria nunc tardior, nunc celerior appareat: cum nec in mollitiem, nec in duritiem tam subito ipsa vertatur arteria, quod constat libello de usu pulsus capite. 7. Cæterum utraque inæqualitas accidere potest vehementiæ, seu contentioni: non quod tam breuiter facultas languida fiat, aut vehemens, sed ut optime annotatum est, cap. 5. antecedenti, facultate à causis morbificis grauata, ac oppressa languidos præstat pulsus. E contra vehementes, ubi conatus apponens aduersus ipsas contendit ac pugnat. In vera duritiæ nulla inæqualitas reperitur: tamen tentio, quæ duritiæ nomine usurpatur, accidere quidē potest. Nam ob motum conuulsium sentimus in vno ictu plus quam in alio arteriam veluti conuulsam: minime verò vera duritiæ, aut mollitiæ affecta arteria, ad inæqualitatem tam breui spatio vertitur pulsus. Sed animaduertendum est, Galenum, in distentionis quantitate posuisse exempla, quia in hac Medicis extant nomina peculiaria, & usitata, quibus id explicent, in reliquis verò omnia iam celebrē est, licet, quod attinet ad rem eandem est in vno quoque genere conuenientia.

Quare

Quare quę in quātitate distētionis minuūtur, decurtatos vocat, interdū deficiētes, interdū nō deficiētes, sed decurtati propriē deficiētes, fiūt per inæqualitatē æqualē. Nā qui per inæqualitatē inæqualiter procedentē in quietē recidūt, deficientes inæquales vocat, non verò decurtatos, vt patet lib. 1. de differ. puls. cap. 12. Sunt etiam duę alię differentię, quę propria habent nomina, intercurrentes scilicet, & intermittens, quorum intercurrentes ex sola inæqualitate constat crebritatis, siue æqualiter, siue inæqualiter fiat: intermittens ex inæqualitate raritatis: tamen opponuntur inter se. Nam sicut intercurrentes fit propter breuissimam quietem; ita intermittens propter ipsam longissimē productam. Vnde, sicut intercurrentes inter vnā, & alteram pulsationem, aliam vel plures præter naturam efficiunt, quę inæqualitatem crebritatis patiūt, itā intermittētes vna vel pluribus præter naturam deficiunt, quę raritatis inæqualitatem inducunt. At quo pacto intermittens & deficiens differāt pro complemento restat. Deficiunt siquidem ambo motu, adeò, vt in vtroque delitescat pulsus, & eius omnimoda appareat priuatio, in quo conueniunt. Differunt tamen, quia intermittens ex inæqualitate constat raritatis: deficiens verò ex eadem paruitatis: licet Galenus citato loco intermittentis nomen

Intercurrens

Intermittens.

Quomodo differāt deficiens & intermittens.

1. de differ. pul. 12.

H defi-

deficienti accommodet: vnde quidam intermittentes & deficientes nullam habere differentiã affirmarunt. Cæterum ex pulsus paruitate deficientes constare, intermittentes ex raritate aperta est Galenimens. Differūt prætereà, quia postquam deficit intermittens, parem rursus aggreditur motum: deficiens verò minimè, nisi reciprocus fuerit: nam inter hunc & intermittentem affinitas quædam reperitur. Denique deficiens pulsationes habet sensui minime conspicuas, antequam ad quietem perueniat, cum paulatim minuatur: intra illud nempè spatium, in quo finem contractionis & principium dilatationis sensum effugiunt. Nam præ nimia paruitate, arteria spatium nō assequitur, in quo sensui manifestus fit motus. Intermittens verò omnino deficit, quoad motus conspicuos, & inconspicuos. Quare Galenus opus facultatis diminutè operantis, pulsus deficientes esse insinuat, non verò abolitionem actionis, vt constat. 2. lib. de caus. pul. cap. 3. Equidem, ait, longè abesse abolitionem puto à pulsu deficiente. Illa enim velut est defectus, vt sensus quidam indicat, totius functionis: hic dimidiatæ amissio. Quib⁹ cōstat, intermittētes in ablata actione, deficientes in eadē diminuta consistere. Sed libet, antequā simplicē inæqualitatē explicem⁹ quæ diximus sequenti tabella clariora reddere.

Inæqualis pulsus, qui in pluribus cō- sistit pulsationi- bus, fit	Vel æquali- ter, qui dum minuitur de- curtatur di- citur: qui	Vel defi- ciens est	Reciprocus.
			Vel nonreci- procus.
		Vel non deficiens	Reciprocus.
			Vel non re- ciprocus.
	Vel inæqua- liter qui no- mine caret, nisi fuerit		Deficiens in quantitate distentionis.
			Intermittens in raritate.
			Intercurrens in crebri- tate.
			Sed hi æqualiter fieri possunt.

Quemadmodum quæ in pluribus fit pulsatio-
nibus collectiua appellatur inæqualitas: ita sim-
plex, & singularis, quæ in vno fit pulsu (in vna
scilicet distentione.) Verum patitur etiã varias dif-
ferentias secundum quod in varias dissecatur
partes sensu perceptibiles. Fit etenim, ut initio
tardior, in fine celerior, vel è contra initio cele-
rior, in fine tardior percipiatur motus. Vel ergo
hæc quæ singularis & simplex dicitur inæqua-
litas in pluribus arteriæ partibus fit, hoc est, sub
pluribus digitis: aut in vna, & sub vno digito.
Prius tamen de hac dicamus. Sub vno digito
tres differentiæ fieri possunt. Prima, quando mo-
tus quiete in medio facta interruptitur. Ante

*Simplex in
æqualitas.*

*Simplex in
æqualitas
secundum vnā
arteriæ par-
tem tres dif-
ferentias ha-
bet.*

quam enim distentio ad finem motus perueniat, in quo naturaliter debet quiescere, intersecatur quiete, post verò ipsum prosequitur, ut inceptum adimpleat, in qua differētia pulsus intermittentes sunt in eadem arteriæ parte & in vñica pulsatione. Secunda, quando motus continuus apparet, nec quiete interdicitur: tamen non paris est velocitatis. Nam secundum diuersas partes, quas in motu contemplamur, principiū scilicet, mediū & finē, imparitas quædā cōtingit: ut nunc celerior, vel tardior, vel moderatior in principio incipiat, in fine verò contrario desinat modo. Tertia fit differētia, arteria recurrente antequā quietem attingat, sed post iterum agitata. Cogitur enim vi aliqua retrocedere, iterum tamen resilit, non aliter ac malleus ab incude percussa, in qua fit dicrotus à Græcis appellatus pulsus. De prima ergo differentia, quæ primò loco est commemorata nouē pulsus proueniunt differētiæ. Nam dum in quiete recidit motus, confertur pars prima ante quietē, cum parte vltima post ipsam, hoc modo. Sit prior motus celer, alter trifariam conuertatur, fiatque vel celer, vel tardus vel moderatus, hic tres differentiæ pulsus emergunt. Rursus alterque tres, vbi prior maneat tardus, & trifariam secundus variet: aliæ item tres, si permaneat moderatus primus, variet autem tribus modis secundus,

*Dicrotus
pulsus.
Prima differētia.*

du, vt Galenus ait c. 14. lib. 1. de diff. puls. quod declarat sequens

T A B E L L A.

<i>Motus.</i>	<i>Quies.</i>	<i>Motus.</i>
1. Celer		Celer.
2. Celer		Tardus.
3. Celer		Moderatus.
4. Tardus		Tardus.
5. Tardus		Celer.
6. Tardus		Moderatus.
7. Moderatus		Moderatus.
8. Moderatus		Celer.
9. Moderatus		Tardus.

Sed antequàm ad reliquas differentias explicandas accedamus, dubitaret quispiam, quare Galenus in differentia celeritatis, has differentias explicuit, omissis magnitudine, crebritate, durtie, & contentione: an in his, sicut in celeritate, differentia, quæ in vnica fiunt arteria parte contineri non possunt? At constat, in magnitudine, has inæqualitatis differētias nō fieri in vna arteria parte, quod prius quam finem motus attingat, nequaquam liqueat magnitudo. Cæterum quo innotescat, hoc vnum pulsum genus requirit finem, vt ait Gale. lib. 1. de diff. puls.

*Obiectio.**Solutio.*

cap. 20. in duritie easdem inæqualitatis differentias fieri non posse, constat capit. 22. sequenti. Nam vna arteriæ parte, non potest initio distinctionis esse mollis, dura in fine, aut contra primo dura, in exitu mollis. In crebritate eadem militat ratio. Nā quies vna, quæ motus est priuatio. in diuersas partes sensu perceptibiles non diffecatur, vt possimus secundum aliquam inæqualitatem constituere. In cōtentione similes differentias ait Galenus fieri, sicut in motus celeritate. Nam, aut eādem partem, aut distinctas tenet inæqualitas: eādem tribus modis, aut interrupto motu, aut perpetuo, aut dicroto: distinctas bifariam, vel continuo motu, vel interciso, vt constat, cap. 21. eiusdem libri. Verum cū clariùs multo in motus celeritate percipitur in hac Galenus exempla adaparuit, ex quibus ad contentionem facilis sit aditus. Nam quæ exempla ante oculos est redditura differentia, reliquis clarior & manifestior esse debet, vt facilior ad alia proponatur doctrina. *Secunda differentia.* da differentia fit quando motus continuus apparet, nec vlla intersecatur quiete: non tamen paris est velocitatis: nam interdum motum velociter exorditur, & tarditate finit, interdum contra tardus est initio & celer ad finem vsque. Cæterum, quemadmodum in collectiua inæquales fiunt, vel æqualiter, vel inæqualiter: ita

ita in hac simplici motus, vel æqualiter fit vel inæqualiter. Est quidē inæqualis, quatenus equalitatem amittit secundū varias sui partes, principium scilicet, medium & finem. Sed quatenus æquam assequitur mutationem æqualiter dicitur mutari: veluti si tanto recedit secunda motus pars à prima, quāto tertia à secūda, sin secus inæqualiter fieri affirmabimus. Qui igitur pulsus hoc modo æqualiter est inæqualis, sex habere differentias tradit Galenus ca. 15. lib. 1. de dif. pul. Nam, vel fit motus ab extrema tarditate ad moderatū motum: vel à moderato motu ad ultimam tarditatem: vel ab extrema celeritate in moderatam: vel à moderato motu in extremam celeritatem: vel à celeritate non extrema ad tarditatem: vel ab hac ad celeritatē. Nec enim à summa celeritate ad tarditatē extremam, vel è contra à summa tarditate ad extremā celeritatē, si motus æqualiter procedat, pulsum inueniemus vllum: nam mutatio, quæ æqualiter fit, nō affatim, sed sensim fieri debet, atque prius cessat partis motus, quam tāta subsensum cadat mutatio. Imò etiam si inæqualiter mutatio fiat, rarò accidit, vt permutetur in æqualitas modo dicto: cum quemlibet affectū non possit tanta mutatio sequi. Si verò motus inæqualis fuerit, inæqualiter varias etiam facit differentias, quippe quidam duas se percipere

dicunt, alij tres. Galenus tres manifestè, & quæ tam obscurè animaduertisse ait, lib. 1. de differ. pul. ca. 16. Si quis tamen, refert, diu versetur in hac re, studiumque nauet assiduum, & exerceat tactum, quatuor cognoscere clarè. Verum cum maximo mentis auxilio duas solum motus differentias secundum eandem arteriæ partem posse percipere credo. Cum tamen ab initio Galeni ordinem insequar, schemata, quibus tam duæ, quàm tres percipiuntur, apponere non grauabor. Si duæ tantum differentiæ cognoscantur, nouè proueniunt differentiæ, ut superior tabella facilè ostendit; quam iterum cum Galeno depingemus: quia ordinis permutatione hæc à superiori dissidet, licet in vtraque eadem fiant differentiæ:

TABELLA.

1. Celer	Tardus.
2. Celer	Celer.
3. Celer	Moderatus.
4. Tardus	Tardus.
5. Tardus	Celer.
6. Tardus	Moderatus.
7. Moderatus	Tardus.
8. Moderatus	Celer.
9. Moderatus.	Moderatus.

Ab his tres auferri debent, quia æquales prorsus sunt, nempe, secundus, quartus, & nonus. Nam cum motus nulla interrumpatur quiete, vnus efficitur pulsus, isque æqualis, vel celer, vt in secunda, vel tardus, vt in quarta, vel moderatus vt in nona. Sed dicer quispiam, nonne celer in minus celcrem, & tardus in minus tardum, sicut moderatus in minus moderatum potest mutari? Subuenit Galenus obiectioni *Obiectio.* dicens, id esse prætereundum: quia maiorem obscuritatem afferret. Est enim obscurum satis partitiones ita minutim obseruare: quare claritatis gratia ipsas prætermittere oportet. Quæ tamen æquales prorsus sunt, opus est apponere, vt formæ concursuum percipiantur, quæ in hac differentia fieri possunt. Si tres percipiantur motus differentia, in ijs singulis ternos pulsus cominutos committemus, vt viginti & septem comparentur differentia: non aliter ac in quantitate distentionis variationem fecimus, in hac (sua seruata paritate) differentias componamus, quod planum ex tabella erit. *Solutio.* *Cap. 2.*

TABELLA.

1. Celer. T

Celer. T

Tardus.

2. Celer. O

Celer. T

Celer.

3. Celer. M

Celer. T

Moderatus

H 5

4. Celer

4. Celer	Tardus	Tardus.
5. Celer	Tardus	Celer.
6. Celer	Tardus	Moderatus.
7. Celer	Moderatus	Tardus.
8. Celer	Moderatus	Celer.
9. Celer	Moderatus	Moderatus.
10. Tardus	Celer	Tardus.
11. Tardus	Celer	Celer.
12. Tardus	Celer	Moderatus.
13. Tardus	Tardus	Tardus.
14. Tardus	Tardus	Celer.
15. Tardus	Tardus	Moderatus.
16. Tardus	Moderatus	Tardus.
17. Tardus	Moderatus	Celer.
18. Tardus	Moderatus	Moderatus.
19. Moderatus	Celer	Tardus.
20. Moderatus	Celer	Celer.
21. Moderatus	Celer	Moderatus.
22. Moderatus	Tardus	Tardus.
23. Moderatus	Tardus	Celer.
24. Moderatus	Tardus	Moderatus.
		25. Mo-

25. Moderatus Moderatus Tardus.
 26. Moderatus Moderatus Celer.
 27. Moderatus Moderatus Moderatus.

In hac quemadmodum in superiori, tres sunt æquales, scilicet, secundus, & decimus tertius: ille in celeritate; hic in tarditate; tertius, qui vigesimus septimus est in mediocritate. Super sunt viginti & quatuor, ex quibus duodecim cum superioris tabellæ differentiis coincidunt, ut nec minus ad illam pertinere videantur: nisi quod in hac motus maiori spatio fertur: namque sunt tres numero partes, in altera duæ. Secundus verò reliqui duodecim, qui his, qui primæ sunt tabellæ prorsus sunt dissimiles. Unde tabellæ inter se similitudinem quandam observant: non tamen omni ex parte coincidunt, sed quæ inter se conveniunt differentiæ, & quæ differunt apud Galenum exstant manifestè lib. 1. de different. puls. capit. 16. nec nostra indigent expositione. Tertia differentia ordine succedit, *Tertia differentia.* in qua sunt pulsus dicroti, siue recurrentes appellati. Relictis igitur, quæ ab alijs inutiliter traduntur, quæ sit Galeni aperta sententia examinemus. Ipse enim primo de differentiis puls. capite 17. pulsum dicrotum ad inæqualitatem simplicem, quæ in vno fit ictu pertinere testatur: quia vnica solum constat distentione. Licet enim

Recurrentes pulsus.

enim bis ferire videatur, non propterea duplici constare, est affirmandum. Fit etenim ut intermittens in vnico ictu, bis tactum feriat: & si quis solum ictum attendens, duos pulsus censeat esse, erit proculdubio in manifesto errore: cum vna tantum in ipso consistat distentio, quiete in medio interrupta. Intermittens, qui in vnica pulsatione fit, cum dicroto quandam habet affinitatem, quia vterque bis tactum ferit. Tamen differunt, quia intermittentem quies intercipit, dicrotum congressus, seu recursus, simul atque arteria distentionem efficit, mox pulsat iterum. Sed quod vna tantum sit distentio in dicroto, id indicat, quia nulla succedit contractio, ut alteram fieri distentionem iudicemus. Solum enim recursus arteriæ persentitur, qui contractio non est, siquidem quies interuenire debebat à distentione ante contractionem: sicut solet fieri à contractione ante distentionem. Sed nulla motus hos dirimit manifesta quies in dicroto: igitur nulla est contractio, & similiter nec altera distentio. Verum affirmare possunt ad collectiuam vocatam inæqualitatem dicrotum pertinere, qui arteriæ contractionem percipi negant. Nam cum ex ictu, & interuallo pulsus constare credant,

*Dicrotus
& intermit-
tens in vni-
ca pulsatio-
ne in quodis-
ferant.*

par-

paruam quietem inter duos motus interponūt,
atque crebritate inæqualem esse pulsum. Item,
quia ictus, qui à recurſu nos fieri affirmamus
cum Galeno, nec magnitudine nec tempore
parem cum ictu primo, seu ante curſum obito.
Horum cōnuincitur fallacia: quia præterquam
quòd nulla in dicroto quies agnoscitur, ictus
post arteriæ recurſum, cū nō ex multo incu-
tiatur interuallo, vt primus, nec ita valenter, &
tempore longiori animaduertitur. In illo enim
arteria redijt à prima reuulſione: in hoc verò re-
pellitur primum. Sed exemplis manifestum id
fecit Galenus dicens. Iſta res inſtar habet gemit-
norum ad incudem mallei ictuū, cū ex mul-
to interuallo prior incutitur, valdeque pulſat,
ſecundus porrò quaſi reſultat ab incunde mal-
leus, non ita multum, receditque in eam non
ita, vt antea valenter & breui interuallo. Simili-
ter ramus vi retractus, ſi dimittatur, contendit
ad priſtinum locum redire, impetu tamen mo-
tus it & redit, idque ſecundo & tertio, ſed non
ſemper ex eodem interuallo; quouſque paula-
tim minutionem acquirens motus ad abſolu-
tam aliquādo euadit quietem, nec amplius ra-
mus agitatur. Igitur quod præ cæteris dicroti
pulſus naturam docet, & à collectiua inæquali-
tate ſeiungit, genus eſt reſceſſus. Nec enim tūc
arteria contrahitur, ſed diſcedit quaſi concure-
retur:

*Taxatur,
neotericus
quidāquian
tiquos incre
pat in opi
nionē dicro
ti.*

*Ludovicus
Mercatus
de dicroto
verba facies*

retur:cuius delapsum à primo distentionis ter-
mino,nulla dirimit manifesta quies. Sed nimis
laboriosè contendit quidam neotericus, non
posse arteriam ità repelli, sicut malleum ab in-
cude,cùm nec ita dura sit,nec cutis quam ferit
adeò dura,& solida: atque ità Galenū sequē-
tes (veluti Auicennam, Paulum & Auerroëm)
fuisse hallucinatos, quod negligenter illius scri-
pta legerint. Quinimo & Galenū ipsum pali-
nodiam cecinisse opinatur. Ad quod proban-
dum ipsius verba aduxit. 2. de præfag.ex pul.
capite: 8. Cæterum, quod immerito antiquo-
rum dicta increpet (quæ potiùs beneuolè &
amicè sunt interpretanda, vt ait Galenus) & fal-
lacia quadam obruatur, deprehendemus ex ijs,
quæ citato. 2. de præfag.ex pul. scripta sunt. Nā
Galenus Archigenem in eo loco taxat, quod
male exempli mallei ad incudem percussam,
pulsus omnes bis ferientes explicuerat: cùm so-
lūm qui verè dicroti, seu recurrētes sunt, liceat
exemplo ab incude accepto exponere: cùm ta-
men durum ab altero duro resultare constet.
vt in dicrotis contingit. Vnde Galenus circa rei
notionem, veram Archiginis sententiam exi-
stimans in errorem fuit lapsus, quousque incū-
bens semper & instans sedulò, vt contractionē
dignosceret, tandem arteriam manifestò sensit
modò mollem, & nō vibratam, quæ duo in di-
croto

croto pulsu erat impossibile fieri, bene tamen in bis feriente, de quo loquebatur Archigenes: siquidem motus vibrationem pulsus dicroti est proprium, ut constat. 1. de differ. pul. cap. 17. Ita ut arteria in ipso primo ictu veluti euecta atque ex vniuerso loco demigrans efferatur. Sed hoc ampliùs declarant verba, quæ. 2. de prælag. citato, sic scripsit. Tertiùs, qui ex intemperie haud est dicrotus, sed bis modo pulsans, nec necessariò durus, quem si velit quis dicrotum appellare, nihil refert. Hoc tantum meminerit, non esse similem corporibus duris, quæ à duris percutiuntur. Cum igitur Galenus, se mollem tentare arteriam, & non vibratam, & his verbis, qui ex intemperie nascitur, non esse dicrotum, nec ei conuenire exemplum mallei ad incude percussa, constat, de bis pulsante, qui proprie dicrotus non est, fuisse loquutum: ac proinde sibi non repugnare, nec palinodiam recantasse, ut neotericus ait: quin etiam Paulus, Auicenna, & Auer. qui Galenum sequuntur in errorè minimè incidisse. Quæ pro hac inæqualitate sint satis, ut ad alteram perueniamus, quæ in pluribus fit arteriæ partibus. Alia differentia, quæ in pluribus fit arteriæ partibus, accidere potest, non solum celeritati & contentioni, sed & distictionis quantitati, duritiei, ut ca. 20. 21. & 22. lib. 1. de differ. pul. idem Galenus ostendit: crebritati,

Cap. 8.
Pulsus bis
pulsans non
est dicrotus
proprie.

Simplex
inæquali-
tas in diuer-
sis arteriæ
partibus.

&

& rhythmo etiam euenire tradit ea. vltimo sequenti. Verum in hac inæqualitate, via & diuisione eadem est procedendum, sicut in reliquis expositū est. Nā prima sui diuisione, aut inæqualis est secundū arteriæ sitū, aut secundū motū. Quādo secundū motū inæqualis agitur, aut fit motu continuo, aut interrupto. Cōtinuus aut æqualiter fit aut inæqualiter. (Docuimus enim tū in collectiua, tū in simplici inæqualitate in vna arteriæ parte appellata, qua ratione inæqualitas æqualis fit, aut inæqualis.) Qui pulsus æqualiter fit in diuersis arteriæ partibus, sex obtinet differentias, vt in vnica parte cōtingit iuxta superius dicta. Namque vel remittitur celeritas, vel augetur, vt diximus. Si tamen quantitati distentionis in æqualitas hæc, quæ in pluribus fit arteriæ partibus occurrat æqualiter, pulsus efficit decurtatos, seu Græcè myuros: ab Auicenna cauda scorinæ appellantur: qui reciproci etiam esse possunt, & non reciproci, deficientes, & non deficientes. Qui si in medio digito maiores fiant, versus primum & vltimum minores, ineuntes & circumeuntes dicuntur, hoc est, decurtati virinque, siue in vtraque parte, Galeno autore libro. 4. de caus. pul. cap. 10. Apud Auicennam Mesalius est. Et est (inquit) sicut dux caudæ scorinæ, quæ continuatur apud maiores eius extremitates. Si verò inæqualiter proce-

Myuri in simplici inæqualitate, se i decurtati.

Mesalius Auicenna.

procedat motus cum quatuor digitis occurrere possit motus : si duobus novem differentiarum orientur : si tribus viginti & septem : quod planum faciunt coniugationes in tabellis supra delineatarum. Sicut si quartus digitus cum alijs tribus etiam motum perferat, cum trifariam etiam evariet, additus cum hac evariatione supra reliquas coniugationes unam & octuaginta planas ostendit. Sed ab his omnibus tres, quæ prorsus æquales sunt ablatae, remanent sub duobus digitis, sex; sub tribus viginti & quatuor; sub quatuor digitis septuaginta & octo. Quod amplius non exponimus, siquidem ex supra allatis constat manifestè. Quando motus interruptus est (quia digitus appositus motum non perferit) quatuor sunt sortes, quas refert Galenus 1. de diff. pul. cap. 19. Nam vel primus, & tertius digitus motum sentiunt, non tamen secundus & quartus: vel primus, tertius & quartus, & non secundus: vel primus, secundus & quartus, non tamen tertius: vel primus & quartus, non verò secundus & tertius; His aliqui superaddunt aliam quintam, quando, scilicet, secundus & quartus motum sentiunt, non primus nec tertius. Verum cum pulsus solum sit interruptus ratione tertij digiti, qui inter secundum & quartum interiacet, reduci potest ad tertiam differentiam, in qua primus, secundus, & quartus sentiuntur,

*Inæquales
in situ arte-
rie.*

*Vibratus
& conuul-
sius.*

*Spasmo-
sus, tremu-
lus, retort⁹,
chordosus.*

*In quo dif-
ferat vibra-
tus & con-
uulsius.*

non verò tertius: vt opus nobis non sit aliam di-
stinctam enumerare. Quare ad secundum mē-
brū diuisionis redeamus, in qua diximus arte-
riam moueri secundum situm. In situ partium
consistit inæqualitas ex eo, quod sursum, deor-
sum, prorsum, retrorsum, dextrorsum, sinistror-
sum, traducta videatur arteria, vt tradit Gale-
nus lib. ad tyrones cap. 8. & 1. de diff. puls. cap.
25. In qua differentia duo pulsus nomina sortiū-
tur propria, vibratus nempe, & conuulsius. In
ipsis enim arteria locum vnum tenet, sed sur-
sum agitur, atque deorsum naturali sede de-
serta: in quo inter se similes sunt, vt ipse refert 1.
de diff. puls. cap. 28. Auicenna in hac differentia
posuit pulsum spasmosum, tremulum, retor-
tum, & sub retorto chordosum. Et 4. li. de causi.
puls. cap. 14. pulsus tremuli meminit Gal. vbi
ait. Interimq; vel sub tremere tibi videatur. Et
2. de præfag. ex pul. c. 12. idem refert. Verū spas-
mosus, & tremulus sub conuulsiuo continetur:
& retortus est vibrans. Omnes enim hi in hoc
conueniunt, quod situm eundem minimè ser-
uet arteria. At conuulsius & vibrans differunt:
quia arteriæ mutatio secundum situm magno-
perè & ad modum perspicuè animaduertitur
in vibrato: non ita in conuulsiuo. Vnde ma-
gnam requirit distentionem vibratus, paruam
conuulsius. Quare in vibrato partes quæ-
dam

dam arteriæ superiora petere, quædam dimitti, vno, eodemque tempore apertè conspicitur, in conuulsuo, rarò & obscure. Atque ita conuulsuus retrahi, contendique & conuelli videtur, vt fidem quamdam intentam æmuletur. In vibratis id non sentimus: quin potius eius motus iaculis celeri impetu vibratis assimilatur; dum crebram illam, & inæqualem concutionem efficiunt. Habent etiam inæqualitatem vtrimque, non modo in arteriæ sede; sed etiam in motu, si quidem motus partes quædam celerius, quædã tardius agitantur. At hoc magis apertè in vibrato, quàm in cõuulsuo cõspicitur. Cæterũ, ne quid tractationi deficiat ijs, quæ de inæqualitate pulsus dicta sunt, veluti non exiguæ utilitatis, annectamus, alteram pulsus differentiã cum altera, & vnã cum vna, & cum pluribus vnã, denique cum multis multas commisceri posse, vt patet libello ad tyrones capite 8. Cum tamen constet compositorum pulsus differentiã quasi infinitã esse posse, nec omnia nomina habere, vt tradit Auicenna 2. 1. doctr. tertia capite tertio. Solum quæ vsui medico communius obseruantur exponemus; reliquas omittentes, vt potè per multas, & nominibus orbatas, quibus explicari possint. In primo loco sit caprizans, qui ex genere est pulsus interrupti in vnius pulsationis medio, & in

*Composita
inæqualitas*

Caprizans.

Caprizans, vnica parte arteriæ: quare ad simplicem inæqualitatem pertinere videtur: tamen in motu compositionem admittit ex celeritate & contentione. Nam cum primū quiete deficit motus in medio & altera eius pars post ipsam celerior, & vehementior est prima, quæ ante quietem agitur. Sumpta similitudine ab animalibus, capris nomenclaturam accepit, testante Galeno 1. lib. de diff. puls. cap. 29. Quippe animalia hæc videntur salire, quasi geminum quendam motum efficientia, quæ vbi aliquantulum sese extulerint, & speciem desiti alicubi motus præbuerint, alterum motus nec opinatum impetū capiūt priori longè citiorē, veluti in seipsas insiliētes, vt ait ipse loco citato. In secūdo præterea loco inæqualitatē cōpositā, quæ in vna sit distentione, sed in pluribus arteriæ partibus reponitur: cuius quinque sunt numero differentiæ, quæ nomina propria habent: Vndosus scilicet, vermiculans, formicans, vibratus, & cōuulsiuus. At cum vibrati & cōuulsiui supra mētionem fecimus, his omissis de reliquis dicamus. Vndosus pulsus is est, in quo arteria ea inæqualitate, quam suscipit non simul distenditur, sed primo prima eius pars, deinde secunda, mox tertia, & ab hac quarta (continuo tamen nec vlla pars à motu libera) in modum vndarum, quo vna alteram motu desinentem excipit. Seruat hic pul-

pulsus cum vndis non mediocrem similitudinem. Nam, ut ipsæ non simul omnes agitantur, sed altera alteram excipiente: sic arteriæ partes in vndoso mouentur. Et quemadmodum vndæ quædam magis eleuantur, aliæ deprimuntur: sic arteriæ partes, quædam eleuantur magis, ac aliæ è contra minus. Nec solum vndarum exemplo vndosum pulsum Galenus aperuit, sed & mollibus, ac tenellis virgis illum comparauit secundo libro de caus. puls. capite 8. Cum enim ob mollitudinem flexibiles sint, si ex vertice apprehendantur, non simul omnes mouentur, sed quæ partes parti apprehensæ proximæ sunt prius, deinde reliquæ: ut quædam simul attollantur; quædam dimissæ remaneant. Verum, sicut in virgarum motu ab apprehensa parte motus capit initium: sic in arteria initium fluctuationis perspicuum est, superne semper esse, & ad arteriæ fines terminari. Vnde inæqualis est in motu, & distensionis quantitate secundum partes diuersas: & cum hoc mollis & magnus. Vermiculans in eodem genere est cum vndoso, sola magnitudine distans, ut constat primo de diff. puls. capite 26. & secundo de caus. puls. capite 8. Etenim maximum vndosum si singas perpetuò minui, tam pusillum inuenies aliquando redditum, ut vndosus an sit, an ver-

*Vermicu-
lans.*

*Taxatur
neotericus
qui depulsi
bus scripsit.*

Formicans.

*Formicans
non est ce-
ler.*

miculans, iam dubites: nec enim qualitas eos, sed quantitas disiungit. Quia verò gressui vermis assimilis est, vermiculans nomen inuenit: quod animal ipsum in vndarum modum vertatur. Cæterum neotericus quidam, qui artem & harmoniam pulsus se ostentare tradit, plures & celiorese esse pulsus in vndoso, quam in vermiculante asserit. Oscitater tamen, ac fortè dormitabundus rem peregit, passim Galenò dicente, magnitudine, non motus celeritate vndosum, & vermiculantem separari. Nam nec vndosus, nec vermiculans celeritatem habent, ut patet locis citatis apud eundem Galenū, & de vermiculante clarius 3. lib. de caus. pul. in fine vltimi capitis, & libello ad tyrones cap. 11. Formicans in eodem etiā est genere: nisi quia horum parvissimus est: siquidem ut vndoso in minutum succedit vermiculās, ita formicans vermiculanti: quare mire parvus est, languidissimus & creberrimus: non tamen, ut visum est quibusdā, celer ut 1. de diff. pul. cap. 27. & 2. de dig. puls. ca. 1. Galenus probat. Nam nec ipsa, de qua nomen pulsus inuenit, formica celeriter mouetur, sed breues eius esse & languidos motus crebrosque conspiciamus, celeres autem nunquam. Præterea nec languidæ vires, quales in formicante sunt, celerem pulsum procreare possunt, cum motum celerem robur facul-

cultatis, non extremus languor, qualis in for-
 micante est, reddat, vt trademus in sermone
 de causis. Item, non quia breuissimo moue-
 tur tempore, ideò celer est; nam habendam
 esse rationem non temporis modo, sed & spa-
 tij, vt pulsum esse celerem affirmemus, dixi-
 mus supra. Namque motus, qui breui tempo-
 re fiunt, si paruum percurrunt spatium, esse
 tardos, illorum respectu, qui maiori spatio
 feruntur in proportionem, constat manifestè.
 Sic Galenus libello ad tyrones capite octauo
 formicantem in specie celerem esse, re vera ta-
 mē non esse celerem, id est, ob paruos motus &
 creberrimos falsam celeris præ se fert imaginē.
 Verum vndosus, vermiculans & formicans, à
 vibrato & conuulsiuo distant. Quod etsi com-
 mune sit omnibus, partes motus quædam ma-
 turius, quædam seruius agitari: tamen vndosus,
 vermiculans & formicans in quantitate disten-
 sionis inæqualitatem habent: nam in pluri-
 bus arteriæ partibus ex magnitudine in parui-
 tatem & ex paruitate in magnitudinem va-
 riationem accipiunt. Vna enim hæc inæ-
 qualitas adiuncto sibi, vt partium motus
 alter anteuertat, alter cunctetur huiusmo-
 di pulsus gignit. At vibratus & conuulsi-
 uus inæqualitatem habent in arteriæ sede,
 licet in eis motus partes anteuertantur &

*Serrās pul-
sū.*

cunctentur. Ex quibus quam compositionem omnes hæc suscipiant differentię, & quibus separentur ostenditur. Ob serræ similitudinem etiam reperitur composita alia pulsus differentia, secundum quam serrans appellatur, aut ferrinus, qui in genere est eorum, qui in pluribus arteriæ partibus in vna dilatatione sunt inæquales, nam in ipso partes quædam motus delitescunt, nec tactui occurrunt, alteræ prominent. Vnde Auicenna eum fecit vndoso similem in partium diuersitate, & Auerroes 4. Colliget. capite 17. in ipso esse partes anticipantes, & postponentes, sicut in vndoso ait. Proprium verò habet, per quod vndoso dissimilatur, quod inæqualis sit in mollicie, & duritie. Sunt enim in ipso arteriæ partes inæquales, nunc quidem duræ, nunc molles, aut ita duræ, quod flexioni habiles non sint, ac proinde nec tactui occurrunt: vnde interruptus in pluribus arteriæ partibus apparet, non quod quiescat, sed nimia tensione impediēte, quo minus partes dilatentur & præsentiantur: & hoc non habet vndosus. Auicenna vnica definitione sic eum comprehendit. Et ferrinus quidem est pulsus, velox, spissus, durus, cuius partes in magnitudine diastoles diuersæ existunt, & in duritie & mollicie. In libello ad tyrones capite 8. inter compositæ inæqualitatis pulsus, hecticum

cticum connumerat Galenus: quem in primo de diff. puls. prætermisit. Verum pro complemento de eo pauca subjiciamus breuiter. Est hecticus pulsus, qui vndequaq; est similis, inæqualitatem, quam suscipit in perpetuum seruans, sic à febre hectica appellationem habens. Nam referente Galeno lib. 4. de caus. puls. cap. 11. pthysicis proprius est, siquidem hi habent etiam pulsum hecticum, quod febrem habeant hecticam. Est etiam & marcescētibus proprius, quia similiter non ex humoribus, nec spiritibus affectus procedat: sed in ipsis consistat solidis partibus, eodem Galeno auctore capit. 10. eiusdem lib. 4. de caus. puls. Quare sicut in hectica partes omnes similes redduntur, vnamque habent consentientem temperiem: libro de inæquali intemp. capite quinto, sic hecticus pulsus inæqualitatem, quam suscipit, in perpetuum seruat, similis vndequaque remanens.

His igitur inæqualis pulsus partitiones, nomina, & compositiones, quæ communiter vsu habentur, expli-

cuimus satis.

(?)

CAPVT NONVM.

*De differentia ordinati, & inordinati pul-
sus.*

SUPERIOR differentia, secundum quam pulsus æqualis est, aut inæqualis, in vna & in pluribus pulsationibus fieri posse constat: at ordinem & ordinis perturbationem in pluribus dumtaxat. Nam diuisa inæqualitate in circuituum paritatem, & in absolutam imparitatem, ordinatus & inordinatus generatur pulsus, sic in circuituum paritatem ordinatus: huic verò oppositus inordinatus. Igitur qui pulsus inæqualis circuituum paritatem seruat, ordinatus est, si verò prorsus nullam, inordinatus. Clarius autem sic explicabitur. Si pulsibus certo ictuum numero factis interueniat vnus impar, deinde rursus ad similia reditus, siue conuersio contingat (in quo potissimum consistit natura circuitus) iterum prioribus pulsibus aliæ similes superuenientes. Vt si, verbi gratia, tres sint pares pulsus, quartus ab ijs impar, vel quatuor pares, & quintus impar (& sic in quolibet

*Pulsus ordi-
natus & in-
ordinatus.*

bet alio numero) deinde verò superueniant tres alij pulsus prioribus similes, & quāto quartus similis impar: vel quatuor prioribus, alij quatuor similes, & quinto quintus impar, & sic deinceps, proportionem seruantes, sub sequentur circuitus, ordinatus erit pulsus: cuiusque circuituum imparitas adfuerit, inordinatus. Verum hoc in pluribus, aut in vna pulsus differentijs reperitur, licet Galenus in genere magnitudinis exemplum aperuit capite decimo, libro primo de differentijs pulsuum. Nam si sint primus pulsus, & secundus, & tertius magnitudine pares, contra verò quartus impar, liquet eum pulsuum magnitudine inæqualem esse (quippe impar quartus qui superuenit æqualitatem corrumpit) An verò ordinatus, vel inordinatus sit nondum est clarum: sed alij sunt quatuor expectandi, qui vbi pares prioribus, & similes sint, pulsus erit magnitudine ordinatus: siquidem æque primo duos circuitus retineat pares. Quod si non omnes alterius circuitus, primi circuitus pulsibus sint pares, pulsus erit inordinatus in magnitudine. Eadem est ratio in celeritate, crebritate, ceterisque differentijs. *Quomodo sit medius inter ordinatum & inordinatum.* Caterum inter eum, qui absolute est ordinatus, & inter eum, qui inordinatus, medius intercedit pulsus, quem Galenus loco citato

vocat

vocat ordinatum per circuitum, seu circuitim ordinatum. Et Auicenna hunc pulsum medium 2. r. doct. tertia, capite primo reponit. Nam pulsum absolutè ordinatum, & inordinatum connumerans: alium constituit & illud vocat ordinatū prope eum, qui est ordinatus. Si enim duo vel tres circuitus impares inter se sint, subsequatur deinde totidem eodem modo se habētes, tamē quartus primo, & quintus secundo, & sextus tertio respōdeant: cōstat certe pulsum hunc aliquam ordinis partem habere, & aliquam etiam perturbationis ordinē: siquidem nec absolutè ordinatus vocabitur cum non omnes sint circuitus pares, nec inordinatus absolute, cum certos obtineat, oritur: igitur medius inter vtrumq; cum extremi vtriusque rationem participet. His obstare videtur, quod idem Galenus refert libello ad tyrones cap. 8. Nec verò, inquit, hoc obscurum est singulorum aliorum contrariorum medium esse æqualis & inæqualis, medium esse nullum nec ordinati, & inordinati. Constat solutio: nam aliud est pulsum medium per extremorū participationem apponere, quo pacto æqualis & inæqualis (vt diximus capite antedēti) ordinati & inordinati medius esse potest pulsus. Alium verò medium pulsum quærere qui naturalis sit, & moderatus extremorum vitia

Obiecto.

*Obiectiōis
solutio.*

vitia fugens, quomodo inæquali & æquali, ordinato & inordinato talis non accidit, quia æqualis secundum naturam est, inæqualis & inordinatus semper præter naturam, ut citato libello ad tyrones idem Galenus tradit. Sed animaduersione dignum est, antequam huic finem imponamus: quod etsi Galenus ceterique auctores ordinem aut eius perturbationem in inæquali pulsus inueniri testentur: non propterea æquales pulsus, seu naturales ordinatos non posse appellari est asserendum. Namque ordo naturæ familiaris est. secundo de præ sag. ex puls. capite ultimo, & secundo de caus. puls. capite 14. & Auicenna in calce citati operis capite quarto naturalem pulsum mediocrem & ordinatum appellat. Quia etiam utitur appellatione Galenus libro tertio de crisis cap. 9. Nam in bona declinatione fieri pulsum vehementiorem, & æqualiorem, atque ordinatiorem dicit. Et libello ad tyrones capite de pulsu lethargicorum ait, raro inueniri pulsum inæqualem, qui sit ordinatus. Celsus item lib. tertio capite 6. inquit, cuius venæ naturaliter ordinatæ sunt. Verum ubi nulla subest varietas, veluti in naturali, aut æquali pulsu minus propriè ordinem concedemus: cum præsertim æquales pulsus ordinis perturbatos conspiciamus nullos: quare nec ordinatos propriè dicere.

Minus pro-
prie natura
les pulsus
ordinatio
cantur.

dicemus: inæqualibus verò vtrumque contin-
git, quæ alibi inquiremus longius cum de cau-
sis sermonem faciamus. Quæ sint de hac se-
ctione sufficienter dicta: si quæ tamé omis-
sa videantur, consultò ad alias, vt in pro-
prijs locis singula explicentur,
differuntur.

(?)



ILLEPHONSI
 NVNESII MEDICINAE
 DOCTORIS, DE PVL SIBVS
 DIGNOSCENDIS SECTIO
 TERTIA.

CAPVT PRIMVM,

*Quam necessaria, simul & difficilis sit pul-
 -sum cognitio, & an Hippocrates hanc
 obtinuerit.*



VÆCVMQVE oculorum con-
 spectum effugiunt, ea mentis
 oculis obtineri, & superari
 tradit Hipp. libello de Arte,
 post medium : inuentu si-
 quidem quæ in alto corpo-
 ris recondiuntur affectiones sunt perdiffici-
 les, vt ratiocinio ab signis apparentibus de-
 sumpto ni vtamur, earum exacta notitia, du-
 bio procul nostra intentio frustrabitur. Sunt
 verò signa, quæ interiores commonstrant affe-
 ctiones (symptomata appellata) differentia tri-
 plici. Aut enim in actionum offensa consistūt:
 aut in retentorū, vacuatorūve immodico ex-
 cessu: aut corporis ipsorū affectus, Gal. auctore

12. meth. cap. 1. alijsque pluribus locis. Verum ex signis, quæ in actionibus consistunt, ad internarum partium affectionem dignoscendam pulsus affert inquam. Quippe necessaria eius est cognitio, non solum in cordis & arteriarum affectibus, quarum actio est particularis: sed & ad reliquarum corporis partium affectiones, propter consensum, quem omnes in ipso, utpote primo principio, & origine obtinuerunt, ut insinuat Auerroes 4. Colliget. cap. 16. quare non modo in febribus, ut recto ordine in ipsis dignoscendis procedamus, pulsus dignotio adeo est necessario: sed in alijs affectibus, qui reliquas corporis particulas peruadunt, necessaria & perquam utilis existit. Hæc enim se inuicem indicant, atque attestantur, & quæ à principijs oriuntur, principij virtutem & vitium: & principium, ea quæ ab ipso nascuntur, ut ait Galenus capite 11. Artis medicæ, & libro 3. de locis affectis, capite primo. Igitur per pulsum reliquorum affectuum qui in corporis particulis, à corde & arterijs fiunt, dignotionem assequimur.

*Adquæ sit
necessaria
cognitio pul-
sus.*

Ipsæ etenim cum primo principio consentiunt: & ipsum, ut primum principium ipsarum ægitudines plerunque demonstrant: curando etiam, tum etiam & prælagiendo cognitio hæc, quo sine errore procedas, viam atque doctrinam mirificam patefacit. Siquidem vitalis facultatis actione
qui

qui pulsus est, quantum euacuare expediat, quantum alterare, & qua victus specie uti, potissimum regulamus: præfagiendo: quia prælagij potissima ratio ex vitalis robore ad morbum sumpta mensura dependet, ut idem affirmat Galenus, 4. de præfag. ex pul. cap. penultimo. At pulsus illius est actio, quam in egrotantibus robustam desideramus, ut parte 7. lib. Metho. ca. ultimo. Maxima igitur, inquit, est cordis officij dignitas, atque egrotantibus maximè omnium necessaria. Confert item, ut præfagiamus diem, quo de morbo decernetur. Nam ubi quis reliqua signa prognostica ad vnguem edidicerit, pulsum cognitionem adiungēs, facili negotio iudicij diem prænoscet: ut fertur libr. 1. de diebus decretorijs cap. 11. Quam verò difficile sit absolutam pulsus habere cognitionem, vnum primumque inter reliqua declarat, quòd et si Galenus, ut primum in arte Medica cœpit operam dare, atque à primis ætatis temporibus, usque in senectutem, hanc doctrinam commentatus est, aut omnem artem sibi videtur fuisse assequutum, ut 1. lib. de dignos. pul. cap. 1. fateatur. Quare ad exactam pulsus cognitionem requiri totam humanam vitam ait. Exercitato tactu deinde est opus, ut parvam differentiam exactè sentiamus: at tactum hunc, ni nostram operam sedulò nauemus: tum per longum

Quam difficile sit pulsus cognitio

temporis spatium, absolutam eius scientiam nunquam assequemur. Nam in alijs artis operibus, etiam citra nostram operam, præceptoris saltim industria multa intelligimus, & accipimus: quin & imitamenta molientes, per quæ etsi ad summum peruenire non possumus, ad plurimum tamen progredi ac prope finem peruenire possumus. In pulsus verò cognitione, quamquam exemplar non contemnendum habueris, nisi sedulò tactum exercueris, & per vitæ totum discursum, ad apicem & scientiæ vltimum non peruenies. Nam si figuli (inquit Galenus) pictoresque visum; si caupones, & cōqui gustum; olfactum vnguentarij; auditum musici, tametsi artis habent vbique promptam materiam, multos non dies dico, aut menses, sed annos, vt accuratè artem calleant, meditantur, ad tactum exercendum quantum, scilicet, censeas temporis Medicum quærere? Cui plurimum vnò tempore affectus arteriæ sunt attendendi; non, vt figulis solæ figuræ, aut pictoribus colores: sed differentiæ, quæ plurimæ & diuersimodæ cum sint breuissimo temporis spatio, tam in motu, quàm in quiete, annotandæ sunt, ac adinuicem, quæ fiunt, cum his quæ præcesserunt comparandæ. Nec item sat est generales has percipere, sed naturales, & quæ
cuique

cuique sunt propriae, ut rectum eliciamus iudicium : quas equidem percipere omnes est impossibile , quando tam varia sunt corpora diuerso arteriarum motu constructa. Præterea, si quem tangimus pulsum, minimo aliquo accidente affectum, diuersimodè agitur, ac est in propria natura: nec enim causam prope ullam reperiēs, quin pulsum immutet, ut constat libello ad tyrones capite nono. Est igitur cognitio hæc non vulgaris, sed cultu per difficilis, quæ hactenus veritatis studiosos desiderauit, quatenus voluptas superior sit, & regnet, honestas autem nulli curæ, nulloque sit numero. Nec enim voluptarios hæc commētatio, sed egregie gnauos, industriosq; querit. Ac proinde Gal. qui optimè hæc acceperit, quia labori, & honestati fuerit deditus, mille instar valere ad pulsum notitiam consequendā existimat: quemadmodū dicebat Heraclytus, quippe veritas nō numero, sed sapientia existimatur. Quisquis verò is fuerit, si huic insistens viæ, multis etiā annis inquirendo nihil dū profecerit, nō propterea eū desperatio subeat inueniendi, quæ indagat, nec deterreatur. Siquidem Galenus in profunda hæsitazione, ut contractionem perciperet, multos annos volutatus, nihilo magis indagare destitit: sed cū acrius etiam atque iterum in id incubuit, speciem

*Inquirendo
quomodo
difficilia
cognoscan-
tur.*

*An Hipp.
pulsus cog-
nitionē sit
assequutus*

contractionis aliquam percepit. Et cū am-
plius diutius immoraretur, clarissimam eius
notitiam consequutus est. Nam, ut ipse ait, qui-
dam inquirendo clam obducitur callus, vsusq;
comparatur, qui progreditur pedetentim, nec
prius quā absolutus sit, nūquam cōpisse ap-
paret, simul atque completus est, cumulatē fere
omnium ex haustorum laborum citissimē fru-
ctū; adeoq; ut rudiū dicam, cū ipsa vsura.
Quam igitur necessaria simul atque difficilis sit
pulsus cognitio, satis ex his patet. Verum, quod
dignum profectō est admiratione, id est, quod
Galenus. 3. lib. de crisi- bus, cap. vltimo scriptum
reliquit: signa, scilicet, ex pulsibus sumpta,
Hippocratem, vel quia non nouerat, vel quia
non magni momenti existimauerat, idcirco nō
esse assequutum. Cæterum, vel mediocriter in
Hippocratis doctrina instructo, pulsus illū ha-
buisse cognitionem, constabit: ut plura ipsius
scripta manifestē declarāt. Nam. 7. Epid. in hi-
storia Pytiodori: Pulsus ait, non defecit. & in se-
quenti Erotolai: Verū iuxta tempora pulsus
erat. In eodem lib. 7. historiam vxoris Theodo-
ri narrans: Erat autem ad manum frigidius cor-
pus arteriarū. Libello de humoribus post prin-
cipium, varia quæ Medici considerationi subij-
ciuntur referens, inter ea pulsū connumerat.
Quod etiam. 4. de ratione victus. 26. cōstat fe-
cisse,

cisse, vbi spirituum interceptiones in venis fieri tradit. Et Galenus id exponens sic ait. Nam veteres arterias venas appellabant. Sic etenim & ipse Galenus 6. de placitis, capite vltimo Hipp. sententiam. 2. Epid. sect. 5. in fine interpretatur, quæ habet. Cui vena in cubito pulsauerit, insanus & iracundus est; cui verò quieuerit stupidus. & 6. epid. sect. 6. tex. 2. Calidior venula sanguinis multitudine exustum procreat, illisque secernit, Galenus exponens sic ait: Per venulam calidiorem arteriam intelligito, omnibus Hippocraticorum librorum interpretibus venas non ab hoc solo, sed etiam à multis alijs veteribus & arterias appellari consentientibus. Adde etiam & in fine libelli de alimento per venarum pulsationes; pulsus manifestasse arterias, vt in cæteris intelligens. Sed, vt quid anxie loca aggregari nitor? Siquidem laboriosum nimis esset omnia, quæ de pulsu apud Hippocr. extant, hac in parte narrare: cum hæc satis suam ostendant sententiam. Quin & Galenus ipse hoc comprobatur, qui lib. 1. de pul. diff. ca. 2. Hippocratem artis, quæ de pulsu completur, non videri ignarum verbis clarissimis scripsit, licet hanc artis partem non multum elaborauerit. Aliqui contendunt, non de pulsu Hippocratem fuisse mentionem, prout tactu apprehenditur, sed de motu arteriarum oculis

Obiectio.

conspicuo, & manifesto; qualis est motus insignis & manifestus; qui quibusdam febricitantibus, tum etiam & iratis quibusdam, aut cursu fatigatis accidere solet. Nam pulsare, & pulsus de adeò vehementi arteriarum motione accipiebatur ab antiquis, ut prius quam tactu apprehenderimus, oculis subiiciatur: ita referente Galeno. 6. de placitis, cap. ultimo. Huic obiectioni subueniemus faciliè. Nam, licet Hippoc. interdum pro motu oculis conspicuo pulsus accipiat, non ita semper usurpandum fore, ex ijs, quæ supra adduximus, & ex multis alijs clarè constat. Sed liceat in re adeò perspicua aliqua ex dictis pro soluenda dubitatione afferre. Nā in historia vxoris Theodori. Erat autem ad manum frigidius corpus arteriarum, ait. Et 2. epid. citato. Cui vena incubito pulsabat: in qua parte visu pulsare arteriam non percipimus, sed tactu solummodo. Verum instat ex his dubitatio altera. Si ita necessaria, & utilis est pulsus cognitio, cur Hippocra. hanc non excoluit ac peculiari tractatu de ipso non pertractauit? Ita enim Galenus. 1. de different. puls. capit. 2. illum non multum hanc artis partem elaborasse tradit. Et capit. 12. libelli de præcognitione ad Posthumum, pulsuum solam notitiam Hipp. non excoluisse. Hanc enim, ait ipsum secuti, aliud alio addentes vsque ad nostra tempora absol-

Solutio.

Obiectio altera.

absoluerunt. Si quis diceret, nos incertos esse, *Obiectionis*
 an Hippocrates de pulsu peculiarem tractatio- *solutio.*
 nem præstitisset: cum non accusarem, cum
 Galenus. 3. epid. com. 1. tex. 4. in fine dicat,
 infelices libros fuisse Hippocratis, quorum alij *Libri Hip-*
 dissipati sunt, alij verò aliquid habent scriptis *aliqui dissi-*
 adiectum. Et libro de articulis com. 3. tex. 32. *patis sunt, al-*
 libros de venis & arterijs, quos Hippocr. scrip- *teri aliquid*
 sisse pollicetur, non extare refert. Cæterum *habent ad-*
iectum.
 aliter etiam dicemus, ipsum de respiratione co-
 piose egisse, quare de pulsu exactè agere fore
 superfluum existimauit: siquidem pulsus, &
 respirationis eadem est utilitas, auctore Gale-
 no, libello de pulsus usu, capit. 3. & de utilitate
 respirationis capite tertio & quinto. Diffe-
 runt solum facultate & instrumentis, ut supe-
 riori sectione in fine retulimus, & Galenus
 tradit libro de difficul. respirationis capite 2.
 Quare Auicenna. 1. 4. tractat. 1. cap. 6. inquit.
 Et cum ambiguus tibi sit pulsus & contra-
 ctio ipsius, scias ex anhelitu. Addendum etiam
 est Hippocratem primum inuentorem fuisse,
 qui omnia ad perfectionem exequi nō potuit.
 Nam, nemo satis esse potest ad artem simul,
 & constituendam & absoluendam, ut apho-
 rism. 1. sect. 1. tradit Galenus, qua ratione li-
 brum de victus ratione non ad perfectionem
 Hippocrat. fuisse scriptum, cum ipse primus

inventionem fuerit molitus, refert 2. de ratione victus, tex. 36.

CAPVT SECVNDVM.

An pulsus cognitio, vrinae cognitione sit certior, & quæ seruari debeant pro recta cognitione pulsus comparanda.

MAXIMA in omnibus febricitantibus signa in pulsu atque vrina consistere capite 2. lib. primo Artis cur. ad Glauc. tradit Galenus. Quodnam verò ex ipsis certior, tum in febribus, tum in reliquis alijs affectibus, quorum signa sunt, cognitionem præbeant, nondum ex eiusdem Galeni scriptis manifestum est. Fortè, quia pauci momenti, curando & præfagiendo id existimauit. Post ipsum tamen varias quidam habuerunt opiniones. Nam alij pulsum vrinae in præfagiendo præferunt, & curando etià. Siquidem facultas vitalis (cuius pulsus est actio) plus quam naturalis præstat: illa enim deficiente, omnes protinus deficiunt. 5. de locis affect. capite primo: naturali pereunte, non statim sed in tempus. Alij verò vrinam certior præstare cognitionem credunt. Nā
ad

ad prædicendum non sat est robur naturæ consequi : sed ad morbum collatione facta , quod ex vrina innotescit magis , cum si cocta sit, vincentem ostendit naturam . Erit igitur certior ad prædicendum cognitio , ut quæ naturæ robur , simul & morbi naturam declarer, pulsus verò virtutis firmitudinem solummodo . Alij item quo ad rei naturam attinet, certiores faciunt notitiam , quæ à pulsu desumitur , cæterum tam esse cultu difficilis, ut magis præferenda sit vrinæ cognitio , quia ex sensu proficiscitur nobis magis conspicuo. Siquidem quæ in vrina contemplantur visu assequimur, nec vllum nunquam mediocriter eruditum fugere possunt : in pulsu multa sunt , quæ literatissimos maximeque expertos petit viros . Christophorus Vega in præfatione libelli de vrinis , postquam multa ingeniosè scripsit , ad crises prædicendas magis pulsum laudat , ad morbi longitudinem dignoscendam , vrinam : ad mortem verò vel salutem ; ad illam pulsum , ad hanc vrinam . Nam cum optimis coctionis signis nullum Galenus vidit pereuntem , ut patet libro tertio de crilibus capite tertio , & cum pessima pulsu intermittente , scilicet , plus quam duobus ictibus nullum euadentem præcipue iuuenem libro secundo de præfag.

ex pulsib. capite 4. cum tamen plures pessimam vrinam habentes, qualis est nigra, ex Hippocratis sententia in libris epidemiarum liberatos videmus. Hinc igitur, ait, pessimus pulsus pessima vrina est deterior, & ad mortem prædicendam aptior: optima vrina optimo pulsu securior, & ad prælagiendam salutem certior. Nam cum optimo pulsu constans est facultas ab initio, quæ ob morbi magnitudinem, humorum copiam, facultatis naturalis imbecillitatem, fieri potest, ut langueat & prosternatur: at cum vrina optima contingere non potest, siquidem, postquam causæ morbificæ coctæ sunt, & iam natura superauit, ut homo moriatur est impossibile, ut idem refert Galenus lib. 3. de crifibus capit. 5. Vallesius 3. controuersiarum, capit. 1. quadam incedit via, inter dictas media; nam propter commoditatem signi, quia facilis est cognitionis, vrinam præfert. Ait enim. Tutius est, minusque contingit Medicum decipi, si vrina ducatur, quam si pulsu. Si tamen naturam solum spectemus signorum, & statuamus circa vtraque signa Medicum non aberrare, pulsum certiolem vrina dicit, verum non absolutè, sed quod attinet ad mortem prælagiendam. Nam melius colligitur. Virtus vitalis fere exoluta est: ergo morietur

ægro-

ægotans: quàm si dicas. Morbifica causa manet incocta, & inalterata, & præ malitia coctionem non admittit. Verum quid in hoc dubio nostra ferat opinio iam explicemus. Ita maxima sunt signa pulsus, & vrina (in suo genere quodlibet) ut cognoscendo, tum etiam & præfagiendo, vnum alterum non excedat: dummodo cognitio tam immediatè per vnum ac per aliud petatur. Id est, vrina & pulsus affectus, quos indicant & patefaciunt, æqua certitudine valent demonstrare, si cognitio immediatè ab ijs, quorum sunt signa procedat, nec suum genus in demonstrando quodlibet excedat. Vtimur etenim signis in arte Medica, tum ad patientem particulam, & passionem dignoscendam, tum etiam & ad morbi longitudinem, aut breuitatem prædicendam, tum ad crises futuras, tum denique ad mortem vel salutem. Hæc omnia æquè per pulsum ac per vrinam assequimur, dummodo eo horum signorum utamur, quod immediatius id habet ostèdere. Cum enim quodlibet signum sit suo modo maximum, si Medicus exactè eius percalleat naturam, multa per vnum certius assequetur (quia, scilicet, immediatius est signum ei cuius naturam inquirat affectui) quam per aliud. Hoc tamen non est certio rem notitiam altero præbere,

cum

Conclusio.

cum ex eo proueniat certitudo, quod sit signum altero proprius, & conuenientius ad talem affectum manifestandum. Age igitur, & si inquirere intendis, affectus iecinoris, venarum renum & vesicæ, à nullo profecto certius accipies iudicium, quàm ab eo quod immediatius & magis propriè est signum: qualis est vrina. Vis è contra cor male affectum, arterias pulmonis, insuper & reliquarum partium, quæ cum his communicant, pulsu id assequeris, qui actio est cordis, & arteriarum. Sicut si communis fuerit affectio à causa aliqua materiali pendens opus est tibi, vt vtrumque complectaris signum, vtpote maximum: nam vrina ex excrementis est, pulsus ex actionibus. Vnde meritò Galenus primo ad Glauc. capite secundo citato, maximum in omnibus febricitantibus vtrumque fecit signum, neutrum altero anteponebat. Nam ex quinque signorum generibus, quæ ipse libro primo de locis affectis capite. 5. ad affectum, & affectam particulam dignoscendam tradit, duo sunt hæc, vnum ex excrementis, alterum ex actione læsa desumptum. Si igitur per pulsum cordis, & arteriarum affectiones dignoscimus, & aliquas etiam reliquarum partium, quæ cum illis communionem habent, quid ni etiam per urinam, naturalis facultatis

tatis vitia, iccoris nempe, & venarum, in quibus potissimum residet partibus, inuestigabimus? Quibus addere possumus, quæ Vega pro sua confirmanda sententia adduxit, cum hanc etiam comprobent. Iam etiam & quod attinet ad morbi longitudinem, & breuitatem euidentis est ratio. Nam longitudo, aut morborum breuitas ex celeri, aut tarda humorum concoctione prouenit. Sic enim ait Hippoc. 1. Aphor. 12. quemadmodum & in morbo laterali, si statim sputum appareat morbum breuiat. In morbis ergo qui intra venas suam habent causam, certius erit signum, quod ab urina sumitur, cum excrementum sit eorum, quæ in iccore, tum etiam & in venis continentur, ipsaque cocta breuem formam annuntiat, cruda longum. Quare Galenus. 1. lib. de crisib. ca. 7. dixit. Nunc vero hoc tantum ostendisse sufficiat, quod coctionis, quæ in spirandi instrumentis fit, spiritus eius vero quæ in venis urinas illius autem, quæ in ventre alui excrementa signa statuere oportet: & quod in febribus omnibus (quoniam venosi sunt generis passionēs) ad urinas præcipue attendere oportet. Quæ clarius multo tradit. 2. de diff. febrium, cap. 7. Nam dum breuitatem cuiusdam febris vult prædicere, sic ait. Adhibenda insuper alia, quæ superuenerunt indicia coctionis, aut cruditatis morbi totius, ex quibus maximam

vim habet, quæ in vrinis apparent. Non tamen diffitendum est, aliquid etiam pulsum in coctione monstranda obtinere, vt visus est in sinuare Galenus nono Method. med. capite 4. vbi potum frigidæ, vsque quod in pulsu sint coctionis signa, videtur negare. Ceterum monstrat coctionem, dum summum vigorem ostendit, quo tempore ad summam celeritatem peruenit distentio, & contractionis celeritas diminuitur. vt quarto de præsag. ex puls. capite ultimo refert. Tunc enim fuliginosa excrementa minora sunt: quia tempore illo putrescentes humores ad coctionem perducti, contractio remissè ad actionem progreditur, vt explicaturi sumus sectione vltima. Crisis iudicium non minùs promptè ex pulsu, ac ex vrina sumitur: siquidem nec ad omnes crises, quæ fieri possunt certiorẽ nobis præstabit coniecturam pulsus (quod Vega citato loco pluribus Galeni locis ostendit.) Fiunt enim crises per multæ, tum per vomitum, tum per aluum, tum etiam & per alias regiones, nullum ad id præbente pulsu iudicium, nisi ei alia eandem crisin ostendentia accedant signa. Similiter vrina nec per se potens est crises futuras denuntiare; licet dum signa exhibet coctionis non mediocre præstet iudicium. Quare Galenus ad futuram crisin dignoscendam, libro

*Quomodo
pulsus monstrat
coctionem.*

In fine.

tertio de crribus, capite quarto, maximum dicitur coctiones inspicere, & mentem adhibere earum effatu dignis transmutationibus. Et capite tertio antecedenti, primum quidem & maximum, ait, inter omnia considerare coctiones ex urinis. Et primo aphorism. com. 20. optimam crism. cum signis coctionis fieri. Pulsus prætereà nec solus sufficit: nam nec statim ac vndosus est, & mollis, crism. licet prædicere futuram per sudorem: nisi signa reliqua eundem ostendentia annectantur. Nec Galenus libro primo ad Glau. in fine, crism. per fluxum sanguinis ex naribus per pulsum solum prælagire nititur, vt legenti patebit, sed alia etiam percurrit signa illi propria, & finitima, post quæ subdit. Si enim post hæc omnia pulsus in tumorem subito elati non reciderint in paruitatem, nec debiles facti fuerint, statim crisis expectanda est. Libro etiam quarto de prælag. ex puls. capite ultimo, & tertio de crisibus, capite ultimo & 2. de caus. pul. capit. 3. altum pulsum dicit excretionis esse notam. Qui verò magnus est & vehemens, non nisi inæqualitas cum antecedit: vt etiam si per bonas iudicationes vehementes fiant pulsus, quemadmodum tradit ipse 4. de caus. pul. capite secundo. Non tamen solum per eosdē futuras crises coniecturare licebit, nisi, vt

si, vt firmiori nitamur iudicio, reliqua signa id comprovent. In crisisibus igitur prædicendis, et vrina, quam pulsus præstant, quodlibet signum in suo genere æqua certitudine procedens. Habet tamen interdum alterutrum magis cognitioni conferre: quia ex sua natura, eius quæ futura est crisis, immediatius est signum. Similiter in futura salute, aut morte prædicenda, est affirmandum, si ab eo signo inquiratur notitia, quæ magis proprie vel salutem, vel mortem patefacere potest: tunc enim neutrum alterum excedit in certitudine. Age igitur, & ubi futuram salutem volueris prædicere, perpende signum, quo nature victoria aduersus morbificas causas ostenditur. Hæc coctione innotescit, quæ, vt diximus, in vrinis cernitur, proinde futuræ salutis certius præbet iudicium, quam pulsus. Vnde Galenus. 1. lib. de crisisibus. cap. 7. dixit. At verò coctionis signa salutem quidem hominis ostendunt. Et tertio lib. eiusdem operis, cap. 3. se nullum vidisse intereuntem, dum crisis millies interfuit, cui signa coctionis adfuissent. Et cap. 5. sequenti. Vbi enim natura superior euasit, & debellauit, & restitit vehementiori morbi conatu, & quæ infestabant expugnauit (hoc enim est ipsa coctio) fieri non potest, vt deinceps subcumbat. Mortem pulsus magis indicat, quia signum est immediatius eius facultatis, quæ principaliter

tuetur

tuetur vitam: eius ergo summus languor mortem certiore prædicet. Nam ex quibus summè esset læsum aliquod principium, nisi ex functionis noxæ vehementia ipsius principij venamur. Sic Galenus apoplexiæ magnitudinem, ex noxæ, quæ respiratori infertur, vehementia colligit. Ad eundem modum per pulsum, illius principij, quod vitam tuetur, languorem maximum & futuram mortem agnoscemus. Nō est opus, ut amplius diuagemur in dubio, quod curando parum utile videtur; satis enim ex allatis eius constabit enodatio. Cæterum quanquam suo modo quodlibet sit maximū signum, ac ex his pulsus perscrutanti rem Medicam certitudinē pariat; multa sunt prius obseruanda, ut recta eius comparetur cognitio, quæ in præsentibus sunt exponenda, ne in aliquo deficiamus: quod causa sit quo minus rectè notitiā inueniamus. Tangitur pulsus in pluribus corporis partibus, ubi arteriæ motus persentiuntur, nempe in temporibus, in brachialium parte interna & in radio. Verū enim uerò, ut ait Galenus libello ad tyrōnes, cap. i. nullam nec promptius nec commodius, nec honestius, si corporum, aut brachialium prætereas, tangas: facilitas siquidem exhibendi, ut Auicenna ait, præstat, ut promptius exhibeantur. Nam in partibus nullæ tectis carne clarius percipiuntur, quæ verò oper-

Qua sint obseruanda pro recta pulsus cognitione.

In quibus partibus tangitur pulsus.

Promptius in corporis parte tangitur pulsus.

tæ crassa carne sunt, aut sub ossibus latent, aut quibus corpora sunt alia obiecta, harum, dum valet animal, motum non percipimus: tantum enim in vehementer emaciatis, arteria, quæ secundum dorsum sita iacet, tangentibus abdomen motum solet repræsentare, vt constat ex eodem Galeno citato loco, & 1. de dig. pul. c. 8.

Honestius. Honestius etiam in brachialium interna parte tangitur, quia propter alias corpus nudare est opus, quod plane inhonestum esset: in brachiali verò nec vlla detecta parte pulsus præbetur.

Commodius. Commodius præterea, quia in rectū ductæ sunt arteriæ, à corde procedentes, quod non parum ad pulsum exactam confert noticiam. Fallitur tamen Gentilis in commentum ad Auicennā.

Gentilis error.

2. 1. doct. 3. cap. 1. dum arteriæ sinistri brachij certiores præbere cognitionem existimat: ad eundem siquidem cum corde modum omnes pulsare, vt ex earum quâlibet nos colligere posset, loco citato fert Galenus libello ad tyrones, ca. 1. Quin & processus tam in sinistro brachio, quam in dextro, quoad rectitudinem attinet, idem est; cōsultò igitur tum dextri tum sinistri carpi arteriæ tangendæ sunt. Sed vt has citra erroris commercium tangamus, oportet quædam in laborante seruare; quædam verò Medicum

Quæ requirantur ex parte laborantis obtinere. In laborante ne accidens extraneum ab eo, quod pulsus habet significare, reperiatur.

Sic

Sic etenim pulsus notitia facillimè peruertitur, 1.
 cùm causam prope vllâ reperies, quin pulsum
 immutet, libello ad tyrones, capit. 9. à quo loco
 hæc accepit Auicenna. Oportet prætereà, ait,
 vt tactus fiat in hora, qua ille cuius est pulsus,
 sit ab ira remotus, & gaudio, & exercitio, & om-
 nibus passionibus, & saturietatibus, quæ gra-
 uedinem faciunt, & fame, & dispositione relin-
 quendi consuetudines, & renouâdi vsus. Hinc
 igitur, si aliquod succrescat symptoma, præter
 id, quod per pulsum indagatur, donec sedetur
 expectare oportet. Manus laborantis in natu- 2.
 rali figura locetur ad angulos, scilicet, rectos su-
 pra thoracem: hæc siquidem locatio naturalis
 est, quam facillimo negotio, & citra virium ia-
 cturam tuetur natura. Nam supina si fuerit ma-
 nus, profundiore & tardiore facit pulsum;
 præcipuè in gracilibus: prona latitudinem, & lō-
 gitudinem auget. Causa vtriusque, inquit Gale-
 nus, lib. 1. de digno. pul. cap. 8. cutis est remissio
 seu laxitas; vt quæ in supinis manus figuris su-
 perne incumbat, & decidat in arteriam, quam-
 obrem cum distenditur in obliquum, ex altio-
 ribus circumfluens complicatur, & quasi rugas
 agit, atque hic in magnum acervum collecta,
 magnitudinē pulsus in his maximè partibus
 obssistit. In pronis deorsum vergit, & dependet,
 plurimumque distat: vnde nec interpellat arte-

- riæ motum, & ex consequenti nil de pulsus detrahit magnitudine; quare etsi te vera profundior sit, apparet tamen in altum ob hanc causam magis ascendere. Nam, vt ait ipse, cum longiori tempore videatur, quantum ad conspectum arteria, quæ in superioribus artus regionibus locata est, simul intelligitur maior in altum etiam ascensus fieri; quod enim in ascendendo longius tempus videtur ponere, hoc facile visum inducit longiore se spatio profectum esse.
3. Item laborantis manus quiesca iaceat, & digiti sint in media figura, nec nimis curui, aut exten- ti: & nec suspensa sit, sed Medici sinistra suble- uetur: nã si laboriose eam æger sustinuerit, po- terit pulsus mutatio accidere, & à propria na- tura euersio. Insuper animaduertere decet nõ- nunquam, arteriæ, quæ in carpi seu brachiali in- terna parte sitæ iacent, notabilem in situ varia- tionem recipere, tum ex cicatricibus à vulneri- bus derelictis, tum etiam & propter composi- tionis errorem. Cognoui ego mulierem & ho- mines alios, quibus in prædicta brachialium in- terna parte arteriæ motus non percipiebatur, eo quod per exteriorem partem præreptabant arteriæ, atque conspicuus earum motus in pol- licis radice repræsentabatur. Alium etiam vidi agricolam viribus robustissimum, arteriarum motu illis in partibus prorsus destitutum, vt

*In quibus-
dam arteria
recipit va-
riationem
in situ.*

opus fuerit mihi ad eas, quæ in temporibus sunt recurrere, vt pulsus ipsius notitiâ haberem. Medicus, vt rectam pulsus assequatur cognitionē, multa seruare debet. Primum omnes eius differentias ad vnguem circumscriptas & in singulis earum maxime se exercere, vt statim de quacūque quæ inter curandum obijcitur, iudiciū ferat, curationi commodum: quin, si possibile est, quæ cuiq; laboranti sunt familiares & proprię. Vnde integra sanitate præditi, atq; vacui omnis vehementis motus, nec non ceteris in statibus, frequenter tangendam esse arteriam, libello ad tyrones, cap. 2. præcipit Gale. Nam cognito, qui naturalis est vnicuiq; pulsus, de recessu iudicium ferre non est difficile. Omniū namque alterationum, quæ corpori accidunt, certissimam assequimur in illis corporibus cognitionem, quorū noscimus naturam, ita referente eodem Galeno lib. 1. de præfag. ex pul. ca. 1. Verū cum omnes experientia assequi impossibile sit prorsus, siquidē vocatur Medicus ad eos visitandos ægros, cū quibus, dum sani erant, nullū habuit vltum: communem quendam pulsum in optimis corporibus repertum, statuere oportet, cui reliqui relatione habita comparentur, formamque recipiant, ac proprias nomenclaturas, vt. 2. de dig. pul. cap. 3. decrevit Galenus. Insuper sensum tactus optimum seruare intē-

Quæ sint necessaria ex parte Medici.

I.

- dat Medicus, eumque per longum temporis spatium exercere. Ac præcipuè dum arteriam tangit, digitos ab omni extranea intemperie seruet: quod tempore hyemali marsupijs pilosis lana intertextis, aut pelliculis animalium cute pilosa constantium comparabit. Grauis etenim est error ad ægros Medicum accedere manus in modum intemperatas habentem. Nec rugosa callosave sit digitorum
4. pulpa, quibus arteria attrectatur. Item non statim ac ingreditur pulsus irruat, quod meritò his dixerim verbis, cum quotidie Medicos video itinerarios summopere, tam intrepidè pulsus petentes, ut vix quidquam
 5. tam brevì spatio possint indagare. Donec igitur sedentur cuncta è regione sedere, ac blando, sed graui sermone (quemadmodum Galenus de sermone dixit) ægrum interrogare decet: & mox sublati, si quæ præfuerant, accidentibus arteriam tangere. Nec verò statim ab applicatione manus est remouenda, sed aliquantulum immorari conueniet, donec recta pulsus comparetur notitia: quare quidam 15. alij verò 18. alij plures pulsationes expectandas esse affirmant. Cæterum in hoc certò nil definiendum est, sed tamdiu insistere, quandiu pro cognitione pulsus sit sufficiens. Similiter nec infernè ar-
 7. teriam

6. epid. sect.
4. tex. 9.

riam manu apprehendat Medicus : sed desuper digitorum summitates applicet, ea figura, qua manus non defatigetur, & libera sit ab omni motu voluntario. Quatuor etiam digitis arteriam attrectet, ut eius recte percipiat longitudinem. Nec inconueniens est, si dextra vel sinistra manu id præstet : nam nec dextra sinistris exactius persentiunt, ita referente Aristotele 3. sectione, proble. 12. & 13. 8.

Cæterum cum in tribus potissimum omnes differentias sensibilibus cognitionum positas esse tertio libro de præsagijs ex pulsibus, capite 2. constet, scilicet, in natura, exercitatione, & modo applicandi manus ; per ea quæ dicta sunt, satis duobus prioribus explicationem dedimus. Nam qui tactum natura appositissimum ad sentiendum, & probe exercitatum habet, tum etiam & sensibilibus decenter admouet, optimus hic explanator sit, eorum, quæ intus sunt recondita, eodem Galeno auctore citato loco. Reliquum est ut de modo applicationis pro tangenda arteria dicamus : quippe nec semper vnus idemque est seruandus. Nam interdum leuiter palpare & veluti manum suspendere conueniet, nil ferè pressa arteria : interdum è contra, arteriam violenter comprimere, & veluti impetere. Est etiam & medius applicandi modus, 9.

Dextra sinistris non sentiunt exactius.

Tres applicandi modi pro pulsibus dignoscendis.

quando nec comprimendo, nec palpando, sed applicando tantum manus apponitur, qui simplex appellatur appositio; nam in ea manū arteriæ admouemus, ipsam propria grauitate sine violento pressu omittentes. Tres igitur sunt applicandi modi: quorum primus, qui palpando fit, languido pulsui, longitudini, quieti externæ (& ijs etiam affectibus, qui extra prominent & sese ostendunt) dignoscendis cōfert. Secundus, qui violento pressu, vehementibus pulsibus, & duris & affectibus, qui intro recurrente arteria fiunt, vt quieti internæ cōtractioni profunditati dignoscendis conuenit. Qui tertius est inter hos medius, in quo tantum applicatur manus seu apponitur, pro pulsu naturali dignoscendo accommodatur. His tandem addendum est (quod maximè confert ad languidum pulsum dignoscendum) quod etsi leuis palpatio pro dignoscendo debili pulsu in vsu sit; licere interdum in ipso, arteriam aliquāculum premere: quando, scilicet, præ imbecillitate, suum spatium arteria non percurrit: aliter enim nec eius manifestum motum percipimus, obscurantibus notitiam quæ superiacent corpora; quæ nisi premantur, motum non sentimus præ facultatis languore.

Interdū licet premere languidos pulsus.

CAPVT TERTIVM.

De primis pulsum principijs, seu elementis dignoscendis.



XPLICITIS manus applicandi modis, qui in dignoscendis pulsibus necessarij sunt, absolutoque sermone eorum, quæ Medicus debet constantissimè seruare: hic proponatur pulsus principia, seu elementa, quæ fundamenta sunt eorum, quæ in ipso, re vera cognoscuntur. Sunt igitur hæc numero quatuor, duo motus, distentio, scilicet, & contractio, & quietes totidem, externa vna ab distentione, antequam contrahitur; interna altera à cōtractione, antequam distendatur. Distentionis cognitionem negarunt empirici, ità referente Galeno. 1. de dignoscendis pulsibus, capi. 2. contentiosè potius quam vere affirmantes ictum se tantum sentire, arteriæ verò distentionem ignorare; ictus verò arteriæ tantum est motus, hoc est, percussio atque plaga: distentio motus in longum, latum & profundum obitus. Cæterum euidens adeò est arteriæ distentionem nos percipere, vt multum temporis in hoc conterere, esset plane inutile. Nam si inæqualitatem in

*Quomododi
stentio sit
cognoscenda.*

vna arteriæ distentione sentimus, qua, scilicet, partes quædam plus, quædam minus distenduntur; quo pacto distentionem ipsius nos latere affirmabimus? Igitur euidentis statuamus, non ictum solum, sed arteriæ distentionem nos manifestè percipere; quamquam & in conuulsivis pulsibus parum obscurè, & interdum minus manifestè, arteria in fidis modum sursum deorsumque iactata.

*Quo affectu
cognoscatur
distentio.*

Affectus verò quo distentio persentitur, carnis digitorum est compressio, seu cauatio, quam tactui, arteria distenta, infertur. Verum leui palpatione est tangenda, vt quantitatem percipiamus distentionis, & nulla eius pars sensum effugiat, vt capite antecedenti explicatum est. Cæterum de contractionis dignotione antiqua admodum est disputatio, & his nostris temporibus apud ple-rosque dubia. Nam ex antiquis, vt fert Galenus primo de dignoscendis pulsibus capit.

*An contra-
ctio percipia-
tur.*

3. Agathinus arteriæ contractionem non posse sentiri dixit. Erophilus verò constantissimè, vt de re sensibili differebat. Erat itaque res adeò anceps, vt cui sententiæ adhæreret Galenus in profunda hæsitazione multos annos volutatus, scire haud potuit. Verum cum acrius etiam atque etiam in id incubuit, tandem aliquando spes contractionis tactui aper-

apertè apparuit . Cumque diutius in ea meditatione immoraretur , clarissimam eius notitiam fuit assequutus : non aliter ac in summis tenebris lux, subito splendida eluxit. Nos hinc sumpto exordio cum eodem Galeno eius notitiam pro viribus assequi nitamur . Pulsus differentię per affectus , quos tactui inferunt sunt cognoscendę , cum tactus ad ea dicatur, quę continguntur & persentiuntur . Sed quemadmodum est affectus seu passio, quo distentio persentitur , carnis seu pulpę digitorum impulsio , seu compressio : ita est alius, quo contractio manifestatur , nempe , constrictę carnis dilatatio, & ad pristinam sedem reditus : qui fit dum caro ipsa simul cum arteria , quę contrahitur, descendit & concomitatur . Hoc planè Galenus ipse libr. i. de dignoscendis pulsibus, capi. 5. insinuat, sic dicens. Quin etiam recedente arteria sentimus in ipso corpore nostro motū: siquidem intro cōpressa siue ea cutis est, siue carnis pars, arteriam descendentem concomitatur, pristinam sedem , qua deiecta erat occupans: simulque fit, ut in recessus cognitionem veniamus . Verum quo pacto affectus seu passio tactui referatur (dum caro cum arteria simul descendit) quo scilicet, in contractionis cognitionem veniamus , plenum patefaciet exemplum , quo communiter

*Differētię
pulsus quo
pacto innue-
stigentur.
Quomodo
cognoscēda
sit cōtractio*

omnes vtuntur & Galenus, capite tertio libro primo de dignoscendis pulsib. Duo igitur singamus corpora, quorum alterum imbecillius sit, & mollius; alterum fortius & durius. Hæc in superficie se contingunt leniter palpantia solum: aut euertunt, & impellunt, ita vt fortius & durius subuertat, & subintret imbecillius & mollius, hoc verò, duriori & fortiori comprimenti cedat; ita quod ab ipso euertatur, & illud amplectatur. Quando discedunt diuersus est recessus, prout tactus diuersus variusque est. Nam quæ in superficie se tangunt discedunt subitò, ita vt recessus nullum remaneat sub sensum cadens temporis spatium. Quæ verò impulsu seu pressu se contingunt non recedunt subitò, sed vt ait Galenus, quanto à primo occurstu progressa penitus urgebant, tantum illis descenditibus sensibile superest. Hoc est, quanto corpus fortius & durius subit & impellit imbecillius à primo occurstu, tantum in decensu sub sensum cadens superest temporis spatium. Hoc in vtre, vel vesica aëre, aut humida substantia pleno animaduertetur, capite 4. eiusdem libri. Nam si leniter contingamus, siue palpemus tantum, momento temporis discessus fieri videmus: si verò pressu & impulsu, non discedunt citra ali- quod spatium temporis: similiter in pulsu accide-

accidere dicendum est. Nam comparemus arteriam digito, & vesicæ, vel vtri corpus, quod arteriam contingit, carnem, scilicet, seu pulpâ digitorum. Sicut enim digitus vesicam impellit, & euertit: sic arteria corpus, quod eam tangit: & sicut vesica euertitur & impellitur à digitis: sic caro nostra seu digitorum pulpa ab arteria comprimitur, & impellitur. Quando arteria leniter & in superficie pulpam digitorû attingit: subito discessus fieri videmus (vt in languidis pulsibus vsû euenit, ita quod recessisse arteriam, non autem recedere sentiamus) siue pressu cauemus arteriam (vt fit in vehementibus) tempus intercidet, quo recedere arteriam prius, deinde recessisse fatemur. Nam sentimus ab impressione vehementium pulsuum, carnē nostram vna cum ambiente illam cute impelli. Hic autē est adiuncta moti & prementis cognitio, vt ait Galenus, capi. 5. citati libri primi de dign. pulsib. Igitur affectus est, quo cōtractiōnem dignoscamus, carnis, nempe, dilatatio; & cum ipsa arteria coniunctim consequutio, quæ fit dum arteria contrahitur, & simul caro nostra pristinam sedē, qua antea erat deiecta, occupat. Nec verò silentio prætermittere oportet dilatationis notitia sensui esse clariorē, magisque perceptibilem, siquidem mouetur sensus per violentias: passionēs magis, quàm per

Quis sit affectus quo arteria contractio dignoscitur.

Clarior est dilatationis notitia quàm contractio- nis.

natu-

naturales, quæ sponte à natura fiunt. Est tamē violentior motus, quem primum sentimus, in dilatatione, quando comprimitur caro nostra, quam ijs, qui in contractione, quo caro ipsa sua sponte suū quærit locū, quē antea possidebat, quod descendente cū arteria carne citra violentiam contingit. Imo & lentiùs fit carnis nostræ dilatatio, quam arteriæ fiat contractio. Nam & pulsus tardissimi contractio, carnis dilatationē præuenire solet; quare nec ita apertè per affectum contractionis ac per alterum distentionis sensus tactus mouebitur. Clarior erit igitur dilatationis, quam contractionis cognitio. Accedit, quod distentio in omnibus pulsum differentijs dignoscitur, cōuulsio excepto, in quo, aut nunquam, aut parum obscurè referente Galeno lib. 1. de digno. pulsib. ca. 2. Contractionis verò cognitio adeò est obscura, ut nisi vehemens fuerit pulsus, eius aperta nos lateat cognitio: atque inter vehementes alius alio magis prout maior, aut minor est vehemētia. Cui si magnitudo etiam, durities, & tarditas accesserint, clariùs multo, & adhuc clarissime, si maximus simul & vehementissimus, durissimusque sit, & non velox. Cæterum cum duritie maxima maximus pulsus coniungi non posse, liquidò constat, impediēte duritie, quominus in omnem dimensionem distendatur arteria. Si tamē fieri posset,

*In quibus
pulsibus sit
notitia con-
tractionis
clarior.*

posset, vt idem pulsus vehementissimus esset maximus, durissimus simul & tardissimus, appareret in talibus omnium apertissimè contractio, vt ait Galenus citato, lib. 1. de dign. pul. ca. 5. Cum igitur hi pulsus non secundum omnè combinationem coniungantur, prout magis, aut minus ad hanc accesserint; manifestior magis, aut minus erit contractio. Quare qui exercitare tactum voluerit ad contractionem percipiendam, ab ijs pulsibus, in quibus apertissime cernitur, initiumumat oportet: veluti sunt vehementissimi, qui maiorem in tactu faciunt impressionem: atque ita manifestior eius erit impetus. Similiter maximi: nam quantum ascendit à primo occurso arteria, tantum in contractione descendere iam est ostensum: vnde & maximo interuallo fertur vterque motus sursum dum distenditur: dum contrahitur deorsum. Durissimus & tardissimus pulsus sensibiliorem ostendunt contractionem, ille quia durities ad ictus vim confert nō exiguè, & in corpore quocunq; duro experimur. Magis etenim premimur, & euertimur ab lapide, vt potè duriori, quā à ligno molliori. Deniq; & in tardissimo, quantum tempus recessus auget tarditatem, tantum ostendit ipsa manifestiorem motum. Liquet ex his pro dignoscenda cōtractione, compressione esse opus, vt ca. 7. lib. 1. de dign. pul.

Ad percipiendam contractionem in quibus pulsibus exercitatio est faci-

Cōprimendo percipienda est cōtractio

pul.

pul. tradit ipse. Nam & pulsus vehementes, qui sensibilem contractionem ostendunt, hunc tangendi modum ex propria natura ferunt. Liquet prætereà abijciendam esse eorum sententiam, qui distentione semel agnita, contractionē manifestissimè deprehendi arbitrantur. Ita sentit Ferdinandus Mena in libr. ad tyrones. In languidis siquidem pulsibus agnita semel est distentio, & contractio non percipitur. Nam si arteriam comprimās, mira est res, quoniam modo sensum effugiat pulsus, eiusque motus prorsus pereat. Citra compressionem verò nō dignoscitur contractio, ut ex ijs, quæ Galenus citato ca. 5. lib. 1. de dig. pulsib. & alibi sepe, cōstat. Nec ratio, cui ipsi nituntur efficax est. Nam, & si per idem spatium arteria pulpam digitorum subingrediatur, per quod etiam descendit, atq; eo tempore tactus contiguus perseueret: in languidis, qui compressionem nō substinent, sed leniter tanguntur, licet idem percurrat spatium arteria, discedit tamen subitò, nullo tempore sensibile remanente, quo possimus recedentis corporis cognitionem insequi, ut ex explicatis liquidò cōstat: tota non sentitur distentio, imò nec contractio. Nam distentionis initium, & contractionis finis nostrum sensum effugiunt, ut probat Galenus, lib. 1. de dig. pulsib. cap. 8. & lib. 3. de prælag. cap. 4. Hoc perspicuum esse ex multis

*Initiū distē-
tionis & cō-
tractionis si
nō sensum
effugiunt.*

multis ostenditur. Nam habet arteria sedem propriam, intra quam prius mouetur, quam cum pertingat & ad nostrum tactum accedat. Item arteriæ superposita corpora id ostendūt: siquidem adeps membranæ, cutis præterea ipso subinde corpore arteriæ crassior eam muniūt. Igitur necessario arteriæ motū impertiri prius alijs corporibus, quin etiam & prementis cuti, & carni debuit, quam nostrum attingat tactum: quare & in illa spatij distributione non nisi temporis absumetur in quo principium distentionis, & contractionis finis occultatur. Iudicium etiā accipi potest ex gracilibus & crassis corporibus: nam in his pulsus paruus apparet: quia longitudo eorum imminuitur, & latitudo fit limitatior, cum multa carne cōstringantur. In gracilibus verò insignem possidet arteria, tum longitudinem tum etiam & latitudinem atque altitudinem, cum nil fere sit, quod has interpellat dimēsiones. Quies interna id comprobatur, cum longior externa appareat: quod non fieret nisi interni motus (nempe distentionis initium & contractionis finis) partes aliquæ nos præterierint. Contractionis verò maior pars, quam dilatationis, plerunque sensum effugit: licet aliquando par vtriusque quantitas persentiatur. Sed quanta distentionis, aut contractionis pars nos præterijt?

*Quantum
distentionis
& contra-
ctionis per-
sentiatur.*

Ex his colligere poterimus tantam, scilicet, non sentiri, quanta inter arteriæ primum impetum motus & ictus vltq; ad nostrum tactum distributionem intercedit: ita vt in magnis & languidis, quos leuiter tangimus plurima sit; in vehementibus verò, quos dignoscimus premendo, minima; media inter vtrumque, in manus medijs applicationibus, & in ijs, prout vehemens, vel non vehemens fuit pulsus, vt tradit Galenus libro 1. de dignoscendis pulsib. capite 9. quietis motus priuatione dignosci,

*Quomodo
cognoscantur
quietes.*

*Externa
quies.*

res ipsa declarat. Cæterum cum duplex sit; externa vna, quæ fit postquam confederit arteria ante contractionem: interna altera, quæ fit à contractionis motu, antequam arteria distendatur: externam tunc dignoscemus, quando citra vim vllam tactum applicauerimus: nam & hic applicandi modus commodior est, vt persentiat quanta sit externa quies. Contra verò si premamus, distentionem fieri prohibemus: vnde nec liberè quiesceret, nõ aliter ac arteria interdum in cubentium corpore onere opprimitur, & difficulter mouetur, vt tradit Galenus 1. de dignos. pul. ca. 10. Itaque pressus quantitas in hac dignoscenda quiete ad arteriæ robur erit metienda: ita vt eatenus cõprimamus, vt nec vlla pars externa motus sensum effugiat. Interna quies, nisi cõpressionem vtamur, nõ dignoscetur, sed modum hunc,

*Interna
quies.*

quo

quo arteriam comprimimus non sustinent, nisi pulsus fuerint vehemētes. In his ergo tantūmodo dignoscetur. Verū quies hæc varia est, maior vel minor. Nam cū ei duo accidunt tēpora motus, quæ sensum effugiunt, initium, nēpè, distentionis, & cōtractionis finis (componitur siquidē ex his, & ex vera quiete interna) vt ait Gale. citato lib. 1. de digno. pulsib. & lib. 3. de prælag. ex pul. cap. 4. liquet parem semper esse non posse: nam & motus partes interdum maiores, interdum verò minores, prout pulsus magis, aut minus vehementes, tactui occurrunt. Igitur interna quies in solis vehementibus pulsibus, qui comprehensionem sustinent, dignoscetur.

CAPVT QVARTVM.

De dignoscendis pulsibus magno & paruo, celeri & tardo, atque frequenti, & raro.

ANTEQVAM ad pulsum peculiare differentias dignoscendas accingamur, pulsum quemdam moderatū constituamus, cum quo vnaquæque differentia veluti cum regula arbitroque conferatur: ita quod formam & proprias nomenclaturas in ordine ad ipsum recipiant. Sic (exempli gratia) in celeritate, & frequentia moderatum constituere oportet, cui

Cap. 2. huius
section.

Vnus in
quantitate
distentionis
moderatus
pulsus non
datur.

reliqui conferantur: qui igitur excedunt celeres aut frequentes, qui deficiunt tardos, aut raros dicemus. Cæterum diximus antecediti sermone pulsum mediocrem, in corporibus bona valetudine, optimaque constitutione præditis reperturum esse: & præterea omni qualitate aduentitia, omni que motu liberis, quæ ex aliqua exercitatione, cibo aut potu, animi affectibus, & huiusmodi alijs fieri possunt. Verum quamquam in vno quoque genere vnum moderatū pulsum assignemus, cū quo reliqui regulentur, veluti cum norma quadam, vt fert Galenus 2. de dign. pulsibus cap. 2. & 3. vnum tamen in quantitate distentionis moderatum esse nō potest; nam vt magnitudine differunt corpora, ita arterias, nec æquales esse inter se nec æqualiter distendi possunt. Accedit, q̃ tēperatus homo, qui velut regula, & norma proponitur, optima corporis cōstitutione præditus esse potest, siue magnus siue parvus fuerit, referente Galeno li. 2. de digno. pulsib. ca. 3. Quæ nam tandem erit illa via seu methodus, qua pulsus in quantitate distentionis excedentes, aut deficientes agnoscamus? Certe si rem hanc ostenderimus detrusa confusione, quam in Galeni verbis inuenimus, non mediocris æstimationis ad præsentem tractationem soluemus ænigma. Est enim adco difficile corporum omnium arteriarū dī-

mensiones tenere, & pro earum termino tem-
 porumque variatione mediocritatem percal-
 lere, vt indistinctus prorsusque impossibilis
 oceanus repræsentetur. Igitur hinc initium ca-
 piamus, vt explicemus, quomodo moderatum
 inquantitate distentionis pulsus ad Galeni
 mentem inueniamus. Habent arteriæ propriū,
 & præfixum terminum, in quo naturaliter mo-
 uentur, imò & quælibet alia res, quæ cavitatem
 constat, intra quam si moueatur, ita quod nec
 cōtendat, nec laxam quampiam suam partem
 relinquat moderatè & naturaliter distendi di-
 cemus. Econtra verò, si ad id partes deuene-
 rint, vt amplius contendere non possint, ma-
 ximè distenduntur; sicut si remissæ admodum
 fuerint, nec terminum attingant naturalem,
 quin potius infra eum moueri contingat, par-
 uam esse distentionem constabit. Quare vesi-
 cam intumuisse magnopere & distentam esse
 maximè dicimus: vitem autem, qui viginti hu-
 iusmodi vesicas capit, nondum maximam di-
 stentionem esse consequutum. Censemus enim
 ad cuiusque cavitatem corporis, distentionem
 æstimandam esse, non verò ad eius magnitudi-
 nem. Similiter in arterijs, quæ corpora sunt ca-
 ua, terminos constituere oportet versum utrā-
 que partem: ita, vt nec nimis distendi nec in
 arctissimum redigi terminum videantur. Hinc

*Quomodo
 moderatus
 inquantita-
 te distentio
 nis inuenia-
 tur.*

quando terminum illum excellunt, magnum præstare pulsum, si verò non attingūt paruum fatebimur. Meritò igitur pulsus magnitudinem & paruitatem non ex arteriarum magnitudine, sed ex earum cavitatis termino metiendam esse sectione 2. diximus. Quin etiam, si dumtaxat arteriæ magnitudinem attenderimus, necesse erit in vno eodēque homine, magnos, paruos, & moderatos pulsus fieri: cum arteriæ fere omnes in eodem corpore distent magnitudine. Qua ratione in optima natura non omnes esse moderatos sequeretur: quod absurdum est. Imò & longe erit absurdius si idem sit pulsus magnus simul & paruus, ac moderatus: magnus si cum minoribus compareretur: si cum maioribus paruus: vtrisque simul moderatus, vt probat Galenus 2. libro de dignoscendis pulsibus capite vltimo. Ad cavitatis igitur arteriæ terminum, quem naturaliter ipsæ possident respiciētes quātitatis distentionem metiemur. Cæterum etiam arteriæ magnitudinem, quam tangimus aduertere oportet, vt pulsus tum magnos, tum etiam & paruos cognitione comparemus. Iam methodū, seu viā proponamus, quæ veluti regula sit, in magnis & paruis pulsibus dignoscēdis. Quod cōmode præstabimus, si dicta in vnū cōiungamus. Fingamus naturam optima constitutione, & tēperie prædi-

præditam, ab omni motu, & aduentitia qualitate liberam. Huius arteriæ, quam tangimus, tum magnitudinem, tum etiam & distentionis quantitatem (quæ ab ipsius arteriæ cavitae desumitur) animaduertamus: mox in alijs maiora, vel minora arteriarum corpora habentibus, secundum quandam proportionem, maiorem, vel minorem fieri distentionem faciliè inueniemus. Igitur, si tanta sit distentio, quantam fore conijciebamus, scilicet, quanta proportioni corporis respondere debet, moderatum appellabimus pulsum: si verò maior habita hac proportionem vel minor apparuerit, magnum, vel paruum. Nam si corpus aliquod maiores habere arterias videatur, quàm corpus temperatum, maiorem etiam habebit distentionem, ut pulsum suæ naturæ mediocrem efficiat. Si verò arteriarum magnitudo magnitudinem distentionis superet, aut minor sit, magnū tunc vel paruum vocabimus. Nam ubi maior apparet distentionis magnitudo, magnum: ubi verò arteriæ corpus maius & distentio minor, paruum. Itaque moderatum inueniemus pulsum in distentionis quantitate, proportionem quādam ad optimam naturam arteriarum corpora semper conferentes. Qua ratione Galenus moderatum & naturale in distentionis quantitate, libello ad tyrones 2. cap. constituit. Habemus ergo regulam, cū qua

veluti cum arbitro quodam pulsus magnos
 & paruos conferamus: quæ nec minus quate-
 nus ad optimam spectat naturam, reliquis etiã
 pulsum generibus inservire potest, vt in gene-
 re motus, in quo celeritatẽ & tarditatẽ dignos-
 cimus: in genere quietis, in quo crebritatẽ & ra-
 ritatem: contentionis in quo vehementiam &
 remissionem: ad hæc corporis autoris, in quo
 duritiẽ & mollitudinẽ. Moderato hoc sup-
 posito pulsu, magnum & paruũ conoscamus,
 qui excedentes sunt. Magnus pulsus, quemad-
 modum distentionem cognosci diximus, co-
 gnocetur, sentitur enim dilatatio constrictione
 carnis, similiter & quanta sit eodem modo.
 Nam tanta proculdubio erit, quanta tangentis
 carnis fuerit constrictio. Sed prius dimensio-
 nes quæ quantitatem componunt, compare-
 mus cognitione longitudinis scilicet, latitudi-
 nis & altitudinis. Hæ siquidem sunt primæ dif-
 ferentiæ, ex quibus veluti principijs, reliquæ
 omnes (quas sectione 2. depingimus in tabella)
 constare videntur. Cæterum, quemadmodum
 nec tota sentitur distentio: ita nec harum dimen-
 sionẽ, omnes partes sub sensum cadere possunt.
 Ob incumbentium enim corporum molẽ, non
 omnis distentionis quantitas sentiri potest. Pri-
 ma igitur quantitatis dimensio est longitudo:
 ad hanc dignoscendam, optimam esse rationẽ

*Quomodo
 cognoscatur
 magnus &
 parvus pul-
 sus.*

*Quomodo
 cognoscenda
 sit longitu-
 do.*

tangendi, in qua motus maxima pars sentitur: proinde nō premere, imo sæpe leuiter palpare, ac veluti manum suspendere oportet. Hic tractationis modus accommodatus est ad longitudinem dignoscendam, tum in pulsibus languidis & paruis pariter, & in vehementibus nec incommodus. Nam si pulsus languidos & paruos pariter premamus, motus magna ex parte perijt, sæpe vero vniuersus. Vehementes verò quanquam modicum pressum non grauiter ferant, tamen non læduntur, si palpando eos nil premamus. Imò & hoc modo tantam longitudinem sentiemus, quanta sub sensum cadere potest. Verum adnotat Galenus lib. 3. de dign. pulsib; capite 2. longitudinem numero digitorum definiendam non esse, vt quidam putant, si quatuor digitis occurrat longum esse pulsus dicentes, si tribus medium: si verò duobus breuiem. Nam cum corporis optimæ naturæ vna non sit mensura, vt supra explicuimus, magnitudinem variari est opus. Quare facta illa corporum dispositione ad moderatum corpus, imò & pro partium inter sese ad inuicem conferendo, secundum ipsarum magnitudinem, longum, moderatum & breuem inueniemus pulsus. Quod non est necessarium iterum referre, cum cōstet satis ex adductis. In dignoscendis reliquis dimensionibus ponit scrupulū

*Quomodo
cognoscan-
tur altitu-
do, & lati-
tudo.*

Galenus, quomodo manus applicanda sit, nam nulla admouendi tactus ratione, totum interuallum sentimus: ex cuius mensura profunditatis comparatur cognitio, siue altitudinis. Quippe si premamus quod solum in vehementibus licet pulsibus, postrema pars nobis occultatur, cum arteria liberè non totum percurrat interuallum: impeditur enim pressu quominus vltimum attingat terminum. Contra verò si leniter palpemus, percipiemus partem primam: quod verò procedit vniuersum ignorabimus. Iam si alia vtamur applicatione inter alias media, & prima pars interualli & postrema nos effugit. Quanquam tamen inueniemus rationem admouendi tactus, maior adhuc est difficultas, quomodo latitudo, & altitudo in corpore oblongo, & circulari, qualis est arteria, separentur. Nec enim sicut in quadratis corporibus separatim latitudinem, & separatim profunditatem distinguimus: sic in circulo, & globo, imò & in eo confusa sunt omnia. Tantummodo enim separamus circulum, & superficiem, ex quibus arteriæ constant. At cùm coacti simus per manifesta euenta, quadam necessitate, harum dimissionum separatim naturam dignoscere (nam vnā vocamus distentionem altam, & angustam, contrā etiam alteram humilem

milem & latam) explicemus conueniet modum, quo Galenus eas tradat cognitioni. Primum tamen duo supposita assumere oportet. Primum pulsus cognitionem, non solum sensu, verum & ratione comparandam esse. Nec enim solum quærimus, ut leni omnino quæ accidunt pulsibus cognoscamus, sed ut simpliciter cognoscamus. Secundum suppositum occursum, quem arteria efficit, dum mouetur, instar est circuli, non quidem veri, sed deficientis, & mutili. His igitur suppositis leniter tangamus arteriam & attēdamus occursum illum, an, scilicet, secundum plures partes gibbosior appareat: ita quod insigni circuli circumferentia tactui occurrat: tunc dicemus crassam esse distentionem. Contra verò si paucis partibus occurrat nec gibbosior sit arteria, gracile. Nec enim magnis circumscribi circulis gracilis distentio potest: nec crassa minutis. Cumque occursum instar circuli non veri, sed mutili, etiam sensui obijciatur, considerabimus, num partes obliquæ gibbosiores sint: supremæ verò, quæ sunt veluti medium, nec admodum prominent, imò planæ sint, veluti recta linea: tunc pulsus latus erit & humilis. Contrario modo, si medium gibbosum sit obliquæ verò partes infra medium constiterint: ita ut parum, aut nil appareat, altus angustus erit pulsus.

Diffi-

Dubium.

Difficultas tamen adhuc remanet in dignoscenda profunditate. Nam potest pulsus esse angustus in latitudine, & medium superficiem referre, arteria verò ex longo, vel moderato, vel breui interuallo suum motum ordiri: quare tangentibus eadem repræsentabit speciem, quanquam pulsus in se vel altus vel moderatus, vel humilis fuerit. Soluit hanc difficultatem Galenus, loco citato: sed non omni ex

Solutio.

*Lib. 3. de
digno. pul.
cap. 2:*

parte ei satisfacit. Quippe ait, tunc vel tactu, vel ratione iudicium esse insequendum. Nam in vehementibus pulsibus, qui pressu non labefactantur, si arteriam premamus, aliquam interualli quantitatem deprehendemus; quod si sufficiens non fuerit adiungamus oportet motus tempus, quo longè, vel breui factum fuisse dicimus, vna cum eius qualitate, secundum quam motus celer est vel tardus: quibus adiunctis interualli assequemur notitiam. Nā si celer sit motus multo tamē tempore factus, apertissimum est maximum percurrere spatiū: si tamen contraria ratione breui tēpore, & tardus, paruum. Atque hoc pacto, si vehemens sit pulsus, profunditatis quātitatem dignoscit Galenus. Si languidus est pulsus tūc nec tactu nobis est vtendum, nam pressu huiusmodi pulsus motus præpeditur. Vnde ratione profunditatē esse inielligendam, tradit: non tamen explicuit quæ

quæ nam illa sit. Quare si altitudo pulsus simul cum languore coniungi potest, illam nec sensu nec ratione dignosci existimo. Si enim in vehementibus, in quibus pressu utimur adhuc exactè interualli notitiam non assequimur, etiam temporis motus rationem contèplantes: quo modo in lāguidis, qui palpationem tantum sustinent, eam apprehendemus. Nisi enim ad occursum illum, qui insigni fit circumferentia recurramus, & æstimatione quadam, vnde exorsa sit arteria conijciamus, mente non capio, quæ altera esse poterit, quæ nobis notitiam præstet, via: imo & hæc laboriosa satis & cultu perdifficilis. His ergo sic cōstitutis, quæ pro cognitione dimensionum allata sunt, ad reliquas, quæ ex his componuntur differentias non est difficilis cognitio: quare ad alias transeamus. Celer pulsus ex celeri impulsatione cognoscitur: tardus ex remissa vel tarda. Verum aliter in propria constituitur essentia, aliter verò cognitioni traditur. Proinde animaduvertere oportet, nō spatij & temporis mutuò facta collatione cognitionem esse comparandam, nam id præter quam laboriosum & æstimationis sit perdifficile, prorsus esse impossibile affirmat Galenus, libro 3. de dignos. pulsibus capite 1. Multo enim atque longiori tempore opus est, quàm per arteriæ motum nobis suppeditatur. Quare

*In languidi
dis pulsibus
nullo modo
dignoscitur
profunditas*

*Celeris pul-
sus cognitio*

*Ex impetu
motus sine
agilitate co
gnoscitur
celeritas.*

vt celeritatē agnoscamus agilitatem inspicere tantummodū oportet, ac eā ex impetu motus iudicabimus: nō aliter ac in omnibus quæ mouentur corporibus, vsu euenit. Hæc enim cū facile a locis, in quibus sunt, discedūt, celeriter moueri cernimus: sicut tardū esse motū dicimus, si in illis immorētur plurimū. Sic in arteria ex impetu, quo progreditur à sede, in qua est, celerē, aut tardum inueniemus pulsum, nulla quantitatis tēporis & spatij facta mētionē. Vnde quam moderatus pulsus in hoc genere is sit, in quo spatij & tēporis æqualis est prōportio (vt scētionē 2. explicuim⁹) tamē quo ad cognoscēdi modū is erit moderatus, & naturalis, in quo arteria ita à loco discedit, vt nec moras præstet, nec subitō disimoueatur: reliquū siquidē perquirere inuentu est prorsus impossibile. Ad hūc igitur moderatū & naturalē pulsum reliquos cōferamus, excedētes dicētes, in quibus arteria à loco discedit celeriter, deficientes, in quibus tardius. Hoc breuissimē Galenus libello ad tyrones capite tertio complexus est, dum ait. Propriē ad motum pertinent celeritas & tarditas: quarum hæc motus est exolutus, illa incitatus. De his faciendum est iudiciū ex comparatione naturalis pulsus. Cæterū impetus, seu arteriæ agilitas, statim ac ad motus est tactus, nobis apparet, antequam ipsa suum motum compleuerit, & præcipuē

puè si motus secundùm omnem distentionem fuerit æqualis, vt possimus ex prima parte de tota ipsa iudicium ferre: quare & manũ veluti suspensam, leuiter contingentes arteriam applicabim⁹. Vbi distentionis partes inæquales fuerint, ita q̃ principiũ celerius sit simul & finis, mediũ verò tardius (vt cõtingit in inæquali pullu, nõ interrupto, qui sit in vnica pullatione, & sub vno digito, qualis est, inæqualitas febrilis nominata i. libr. de art. curat. ad Glauc. capi. 6.) tunc premendo contingenda est arteria, vt integrũ percipiamus motum, quoad fieri possit. Ita tamen pressu procedendum est, vt distentionis externam partem non prohibeamus. Ex quibus liquet huiuscemodi pulsus, prorsus oportere paruos non esse, nec languidos: namque motum sic non dissecabimus trifariam. Nam in paruis obstat paruitas, quæ diuidi in partes sensibiles non patitur: in languidis impedit facultatis infirmitas, quæ pressum non sustinet. Quæ Galeni est doctrina libro 3. de dignoscen. pulsib. capite 1. citato. Restat, vt cognoscamus crebritatem, & raritatem pro complemento capitis. Cum igitur tempore quietis creber pulsus aut rarus cõstituatur, quiete cognita, cognoscemus crebritatẽ & raritatẽ. Nam prout maior, aut minor fuerit quies, crebriorem, vel rariore fieri pulsũ manifestè patet. Cum verò duplex sit

Leniter applicanda manus proceleritate dignoscenda.

Diuersimode applicanda est manus, pro vt distentionis celeritas æqualis est aut inæqualis.

crebris & raris pulsus cognitio.

fit quies, externa vna, & interna altera: illa leui palpatione, hæc non nisi premendo comprehendantur: vtriusque non vnius solum ratione pulsus creber aut rarus est appellandus: ac pro ratione eius, qua constituitur pulsus, tactus est applicandus. Sic si respectu externæ leui applicatione, si verò internæ non nisi pressu: idque in vehementibus pulsibus solum, qui vt sæpius diximus, hoc premendi genus sustinent. Siue enim per internam quietē, quæ vera quies est, intelligamus siue (in opinione eorum, qui contractionem se sentire negarunt) totum intervalum, quæ inter distentiones agitur, quoad cognitionem attinet parum interest: sat enim est hos pulsus sicut & reliquos cognoscere, nempe ad moderatum, qui in optima est natura, collatione facta. Huius namque quies nec breue, nec productum debet habere tempus: sed moderate: ita vt si excedat creber sit pulsus, si deficiat, rarus.

CAPVT QVINTVM.

De dignoscendis pulsibus vehementi, & languido, atque duro & molli.



PLACVIT his duabus differentijs, peculiare hoc caput dicare: quia cognitione quodammodo communicant, & affines sunt: nec enim vna sine alterius cogni-

gnitione exactè dignoscetur. Igitur quid commune & quid proprium vnicuique sit explicemus. Occursus violentus, quem Galenus verè ictum esse existimat, lib. 4. de dign. pulsib. ca. 1. multarum pulsus specierum comes est. Nec enim vehementibus pulsibus ictus violentus, per què tactus longè impellitur, solum est proprius. Nā celeres, magni, duri, conuulsiui, & vibrati occursum violentum habent communem. Cæterum quomodo vnicuique proprius sit inueniemus, si conuenientiam, quam inter se habent, exacte exploremus. Celeres violentum occursum non accipiunt sine magnitudine: quippe celer simul & parvus non longè tactum impellit, sed longè impellere ad magnitudinem pertinet: imò & ad hanc etiam per accidens. Siquidem vbi magnitudinem, siue altitudinem cognoscere intendimus, non ratione, vt fit in languidis pulsibus, sed sensu violenter attingenda est arteria, cum sic interualli quantitatem magis percipiamus: (vt antecedenti capite dictum est.) At violento pressu non nisi in vehementibus vtemur, qui illum sustinere tantummodò possunt. Igitur etiam magnus, vt longè tactum impellat, expostulat vehementiam. Vibrati & conuulsiui pulsus, si quem habent ictum, quia duri imaginem seu speciè representant, cum habere constat: vnde solum vehementibus & duris ictus communis est.

*Vehemens
quid cōmu-
ne habeat
cū duro &
quo pacto
distinguan-
tur.*

Sed quę sit ratio differentię in vtrisque, ac quos affectus tactui inferant, inquiramus, vt exactam assequamur dignotionem. Quamquā occursum violentus vtriq; cōmunis sit, differunt, quia vehementes ita ictū representant, vt nostrū tactum euertant, & impellant: duri verò citra impulsione, aut euersionē premūt, & contundūt. Nā licet, quod durū est tactui nō cedat, nō tamē ipsum euertit, aut impellit. Verū hęc exēplis, quę Gale. citato loco refert, clariora euadent. Vehementia appellamus nō animata solū, vt leones, & tauros: sed etiā inanimata quædā, vt ventos magnos & fluuiorum decursus: alia item dura vt ferrum, æs & lapides. Hęc igitur vbi nos attingunt, diuersos affectus planē inferunt. Nam à magnis ventis & fluuiorem decursibus impellimur, ita vt si aduersos ipsos vi magna ire contendamus violenter prohibeamur, verū citra pressionem & contusionem omnium corporis partium, solumque sentimus progressum impediri. A duris verò premimur & contundimur, verū citra impulsū, & progressus impedimentum: tantummodò enim, veluti si lapidē non itā grauem alicui corporis particulæ imponeremus grauari, ac contundi percipimus. Nec vehementissimi venti itā euertunt, vt corporis aliquam particulam cauent: molles namque cum sint facilē circumfluunt, & circum corpus

corpus diffunduntur. Clarius hæc constabunt, si quis aquarum cursibus, siue fluctibus, aut vento vehementi manum unam ex aduerso imponat, alteram verò sensim lapidi admoueat. Ex aquarum fluctibus tactus euerti atque impelli, non tamen premi & grauari sentiet: contra verò à lapide premi non tamen impelli. Sensim dicimus manum esse admouendam. Nā si affatim fiat ex contentione, quam lapidi præstamus, non premi solū, sed & euerti percipiemus. In arteria simile fit, dum mouetur. Nam si impellimur & euertimur ab ipsa dum fortem pressum adhibemus (nam & tagendi modus vehementibus est proprius, ut multoties diximus) vehementis pulsus indicium est: citra impulsus continemur à duris: quemadmodum si vtriusque persentiamus affectus vehementem pariterque durum dicemus pulsus. Contrario modo languidos, & molles cognoscemus. Nam in languidis si premamus, vniuersus perijt motus; si vero palpemus non impellimur nec euertimur, sed debiliter & citra violentiam digitis arteria occurrit. Mollis pulsus nec premit, nec contudit, quin potius tactui cedit in se ipsum. Inter durum & mollem medius est pulsus, qui naturalis est, ad quem excessus comparemus. Nam in eo arteria nec cedit tactui nec ipsum premit, & contundit. At inter vehementem & languidum, medium secundum na-

*Languidi
& molles
quemodo co
gnoscantur*

*Inter vehe
mentem & lan
guidum non
est medius
qui natura
lis sit.*

turam esse non potest, vt sectione .2. cap. proprio disputauimus. Omnes enim, qui vehemētes sunt, statum naturalem insequuntur; imò & in corporibus optima natura præditis: tales fieri pulsus testati sumus Galenum insequentes. Quomodo igitur vehemētes & languidos metiemur? Dupliciter id fieri licebit. Primum inuento quodam pulsu medio, qui quanquā naturalis nō sit, erit tamen quoad sensum moderatus, qui illis corporibus proprius & familiaris est, quæ Galenus neutra vocat simpliciter semper, in Arte medica, cap. 8. Horum etenim pulsus nec ita violenter tactum contingunt, vt ipsum subuertant, & impellant; nec ita debiliter, vt remissionē repræsentēt. Huius igitur ratione vehemētes & languidos cognitioni trademus. Verum cum Galenus, moderatos omnes pulsus in quacunque sint differentia, secundum naturam esse, exceptis inæquali & inordinato affirmet, vt constat libello ad tyrones ca. 8. oportet etiam in vehementibus moderatum, qui naturæ conueniens sit, statuere. Quare secundo dicemus pulsum corporis temperati, quiete affecti, medium esse, respectu illius, qui corpus ipsum, per exercitationes, vini potum, & aliud his simile symptoma possidere potest. Est enim vehemens pulsus temperato corpori naturalis. Hunc igitur medium dicemus, reliquos vehemē-

mentiores ad illum comparantes, quod est ad Galeni mentem citato loco ad tyrones. Quamquam, si respectu languidorum conferatur, vehemens semper est appellandus; nam intra vehementium latitudinē continetur & naturalis est.

CAPVT SEXTVM.

De dignoscendis pulsibus, eurhythmo, & arhythmo.

RHYTHMORVM cognitio adeò est difficilis, & laboriosa, quantū motus cōtractionis & distentionis cognitu difficiles sunt; quorū cognitio adeò est necessarissima, vt nisi eā habuerimus, rhythmorū natura prorsus nos fugiet. Cæterū antequam vlteriùs procedamus adnotandum est, multa esse in rhythmis, quæ cognitionem exactā latent. Nā excessus illos, quos certos, aut incertos appellamus, itē proportionibus: quarū vna proportio multiplex nūcupatur: altera verò numeri ad numerū, & quæ harum proportionibus sunt, vix quisquā tactu adhuc exercitatissimo, absolutè percipere possit. Prohibet siquidē incōpleta tēporis motuū cognitio, tanta quæ in rhythmis sunt, exactè dignosci. Sed quæ cognoscenda sunt exponamus. Totū distentionis mo-

Cap. 3.

*Quo tactus
genere cog-
noscantur
rhythmi.*

*In non lan-
guidis rhyth-
mus etiam
cognoscitur*

tum, imo & totū contractionis nō sentiri, supra in hac sectione cōstat. Cū igitur ex proportio-
ne vnius ad aliud rhythmī sint dignoscēdi, ma-
nū ita applicabim⁹, vt vtriusq;, quantū fieri pos-
sit, notitiā assequamur. Nā quanto minores fue-
rint temporū motus partes, quę sensu percipiū-
tur, tanto magis rhythmorū cognitio lēdi par
est. Quare in lāguidis pulsibus, in quibus cōtra-
ctionis pars vlla sentitur; rhythmī dignotionē
nō assequemur. Solū enim in vehementibus, qui
ferē totā tum distentionem, tū contractionem
ostendunt, ipsius cognitio accidere potest. Nā
horū tēpore motus cognito, facile iudiciū pro-
portionis habebimus, ac rhythmorū cognitio-
nē cōsequenter. Cōtendit tamen Gale. lib. 3. de
dig. pul. ca. vlt. non solū in vehementibus, verū
in his, qui languidi nō sunt, rhythmos esse dig-
noscēdos. Verū ita digiti sunt applicādi modera-
tē, vt externi motus nequid interpellēt: siquidē
si plus iusto arteriā cōpresserim⁹, motus prorsus
cōsistere sentiemus. Cēterū obstat: quia, nisi om-
nino parū fuerit, quod nos præterijt, fieri nō po-
test, quin magnopere rhythmus lēdatur. At in
his, qui lāguidi nō sunt, & vehementiæ paruam
partē habēt, motus maiori ex parte nostrū sen-
sum effugit: quod citra rhythmorū læsionē cō-
ringere nō potest. Difficultas verò soluitur: quia
nō contractionis, & distentionis in nō lāguidis,
& ijs,

& ijs, qui languidi sunt omnes vehementiæ expertes simile cadit incômodû. Quia in illis ex partibus motus, quæ sentiuntur, iudiciû facere possumus, ac si totus persentiretur. Nā quā habet rationem totû distentionis tempus ad totû contractionis, eandē partes, quæ sub sensum cadunt, tū etiam & quæ ipsum effugiunt. Veluti (exēpli gratia) si duplū fuerit totius contractionis tēpus, ad totû distentionis comparatū, planū est, quacunq; parte cōtractionis cognita eādē etiam habere proportionem cū parte scita distentionis. Vnde facîle erit de reliquis persentire, perinde ac si totus motus sensui esset manifestus. Igitur cū motus tēpus dilatationis ad cōtractionis tēpus cōfertur, nouē esse proportionū primas differentias inuenimus: atq; multas etiā alias, quas excessu, & defectu harū dignoscemus. Tamen cū omnes eiusdē sint generis, præcipuas placuit sequenti tabella depingere.

Distentio.

1. Celeris
2. Celeris
3. Celeris

4. Moderata.
5. Moderata
6. Moderata

Contractio.

1. Celeris.
2. Moderata.
3. Tarda.

4. Celeris.
5. Moderata.
6. Tarda.

7. Tarda	Celeris.
8. Tarda	Moderata.
9. Tarda	Tarda.

Quanquam tamen in prima differentia vterq; motus celer sit, potest qui distentionis est, maxime concitatus esse, & motus contractionis esse moderato paululū superior, aut cōtraria ratione motus distentionis moderatū superare paululū: contractionis verò concitatus, aut vterq; moderato paululū maior, aut vterq; cōcitatus. Atque cū latitudo quædam esse possit ille per multū; hic verò paululum, aut paulo minus, atque iuxta varias æstimationes, quæ fieri in singulis possunt, variæ quoq; prodibunt proportionum differentia. Cæterum in ijs occurrit dubitatio non mediocris momenti. Nam quo pacto contractionem maiorem dilatatione dicemus? Si enim quādo finem attingebat naturalem, vltimas eius partes nostrum sensum effugere supra diximus, quomodo nunc illam concitam iudicabimus, latente nos ipsius fine, & ex consequenti, quod cum illo additum est? Auget dubium, quod distentionis maiorem partē, contractionis verò minorem nos sentire statuimus. Si attente perpendimus, quæ supra, cap. 4. remanent exposita, facilis huic dubio constabit solutio. Nam motus celeritatem non ex eiusdē quan-

Dubium.

Solutio.

quantitate tēporis, sed ex qualitate, hoc est, ex impetu, seu agilitate, qua à propria sede discedit arteria cognoscem⁹. Ad dignoscēdā verò qualitātē motus, nec opus est ipso integro, sed quālibet eius parte cognita, celet ne, aut tardus sit motus accepimus, & ex cōsequenti de reliquis iudiciū facimus. Præcipuē in ijs, quæ æqualiter fiunt motus, in quibus rhythmos cognoscēdos esse vult Galen⁹ citatō loco. Cēterū Vallesius li
 bello de pulsibus, hanc eandē proponens dubi
 tationē, solutionē Galeno incognitā & suo mar
 te excogitatā existimat. Diluit tamen eam co
 modo, quo nuper exposuimus ad Galeni men
 tē. Siquidē ipse lib. 3. de dign. pul. postquā ca. 1.
 celeritatem, per motus qualitātē, non quantita
 tis temporis, & spatiorum facta mentione esse
 cognoscēdā statuit: in fine libri sic ait. Nam eā
 cognitionē totū non desiderare motū, sed para
 ri ex qualibet eius parte posse nemini obscurū
 est. Quæ certe in vnū conspirare sensum, cū ijs,
 quæ Vallesius tradit legenti patebit. Ait enim
 pro soluēda dubitatione sic. Mod⁹ recessus sepe
 facit, vt mēte sensui adiūcta cognoscām⁹, quo
 usque res quæ moueri cœpit possit pertingere,
 etiam si aliquā motus partē non intueamur. Ex
 quibus patet, quā sit verū ad Gal. mentē, de par
 te motus cognita ad reliquas iudiciū ferre pos
 se. Nec ipsi incognita fuit doctrina: quare &

Cap. 9.

*Vallesius
 existimat so
 lutionē suo
 ingenio in
 uentā, quā
 Gal. refert.*

motus excipit inæquales, tū & pulsus ad summum languidos, in quibus contractionis notitiam nullam inuenimus. Solum enim vehementes, aut qui vehementiæ alicuius expertes non sunt, rhythmorum cognitionem ostendunt.

CAPVT SEPTIMVM.

De dignoscēdis pulsibus æquali, & inæquali, atque ordinato & inordinato.



VPERSVNT vltimò puls⁹ æquales, & inæquales, atq; ordinati & inordinati, vt cognitioni tradantur. Ita enim omni ex parte absolutā proponemus doctrinam, quantum ad pulsum cognitionem attinet. Verūm non opus est in his dignoscendis plurima inquirere, quemadmodū in reliquis hucusq; fecimus. Accidere siquidem potest æqualitas, & inæqualitas omnibus pulsum differentijs, vel singulis seorsim, aut duabus simul; quare dignotionem distinctā ab ipsis non postulant: imò per passiones proprias earum differentiarum, quibus accidunt, commodè cognoscuntur. Nam proponamus (exempli gratia) æqualitatem, aut eius contrarium, magnitudini, aut celeritati, aut vtrisque simul euenire. Percipiemus per passiones harum diffe-

rentiarum pulsus, si æqualiter fiant, æquales; si contrariò inæquales. Quare in his idem erit, differentias ad vnguem tenere, & earundem cognitionem percipere. Nam qui optimè differentias omnes æqualis & inæqualis pulsus (idè de ordinato & inordinato dicendum puta) memoriæ mandauerit; dignotionem etiam reliquarum differentiarum, quibus accidit, absque multo labore quoad cognitionem peritus manebit. Cæterum animaduertendum est, pulsum medium inter æqualem & inæqualem, ordinatum, & inordinatum naturalem minimè esse: solum enim ex his æqualis naturæ conueniens est, vt tradit Galenus libello ad tyrones, ca. 8. Adnotandum prætereà, secundo, reliquarum differentiarum Galenum cognitionem exposuisse, relictis æquali, & inæquali, ordinato, & inordinato: quia vt dicimus, non affectus alios distinctos representant, vt cognitioni tradantur. Qua etiam ratione, frequentes & raros pulsus silentio præterijt; quia quietum cognitionem lib. 1. de dignoscendis puls. cap. ult. explicuerat, in quarum tempore crebritas, & raritas consistit. Quibus huic sectioni finem imponimus.

ILLEPHONSI NVNESII MEDICINAE

DOCTORIS, DE PULSVVM

CAVSIS, SECTIO QVARTA.

CAPVT PRIMVM.

Quot & quæ sint genera causarum pulsuum.



ON solum in pulsibus, sed in alijs cunctis triplex quidem est causarum genus. Primum, quod præcipuum est, continens appellatur, eo quod essentiam affectus contineat. Secundum genus causarum externarum, quæ rei extrinsecus accidunt. Tertium internarum, quas etiam præcedentes vocamus. Primum igitur genus causas, quæ generationis sunt; secundum, & tertium, non generationis, sed alterationis causas habent. Nam dum aliquid gignitur, à proprijs causis originem ducit; quæ continentes & generationis causæ merito nuncupantur. Habent enim rei, quæ gignitur naturam & essentiam. Vbi verò iam genitum est, alterari multipliciter, penes varias causas, quæ ferè infinitæ sunt, contingit. Cæterum cum quædam extrinsecus,

secus, quædam verò intrinsecus accidunt, ad duo potissimū capita siue genera, claritatis gratia, reducuntur. Primū causarum externarum, secundum internarum, siue præcedentiū. Verū vtraq; acceptione causæ non generationis (non enim generant, sed genitum immutant & alterant) sed alterationis sunt. Sic etiam in pulsibus causæ sunt generationis, quas continentes appellamus: cū ipsorum essentiam & naturam contineant: quædam verò alterationis, siue cōmutationis. Continentes sunt, vsus, cuius gratia fiunt pulsus, facultas à qua fiunt, & instrumenta, per quæ distenduntur. Alterationis quædā sunt extrinsecæ, alteræ verò intrinsecæ, siue præcedentes, omnes tamen causæ non sunt vt pulsus fiant: quanquam causæ sint, vt immutentur, & alterentur; quippe humorum abundantia, & crassities, quæ causæ sunt internæ. Frigus itē externum, & calor circundans, quæ externæ sunt, pulsus efficere non possunt; immutare tamen ipsum possunt. At externæ causæ intercedentibus causis internis, siue præcedentibus, pulsū alterationes efficiunt. Omnes tamen tam externæ, quàm præcedentes, sine cōmutatione causarum continentium, pulsus non immutabūt. Priusquam enim continētes attingat alteratio, non possunt immutari pulsus. Nam continentis causæ proprium est, si mutetur, mutari etiā affect-

Causæ continentes pulsus.

Pulsus non alterantur nisi medijs continētibus.

affectus. Sicut etiam, si mutari, aut alterari affectum contingat, fieri non posse, citra continentium causarum permutationem. Quare continentes principes & precipuas, primas esse pulsus causas, reliquas verò harum gratia, libro primo de causis pulsuum, capite primo, tradit Galenus. Dogma hoc secundum Medicorum sententiam receptissimum adeò est, ut absque ulteriore probatione in præsentì reponere non inficiabimur, ni Valesius vir mirificæ doctrinæ ab eo dissentiret. Existimat enim causas quasdam esse, quæ & si continentes non sint, per se pulsus alterare possunt. Sunt verò hæ animi passionēs, siue motus, qui citra causarum continentium permutationem ad varios effectus, pulsus commutant. Rationes quibus potissimum ipse nititur, duæ sunt. Prima animi motus: cum ipsius magis sint proprii, quam corporis; non prohibet ipsum per se ad mouendum exitare. Sic enim dicitur de pulsu iræ, motum quemdam esse vehementem, qui non aliter vehemens, nisi quia animus amore vindictæ mouetur vehementer ad repellendam iniuriam: sicut in motu fit animali urgente necessitate: tunc enim maiores apponuntur conatus. Ad hanc verò, ait ipse, non obstat dicere cor calefit, proinde vltus augetur: quia in ardente febre etiam incalescit cor: non minus, quam

*Valesij opi
nio.*

quam in ira, nec tamen alti fiunt pulsus, sicut in ira, quanquam magni sint. Ergo per se ira ad altitudinem mutat pulsus, citra continentium permutationem. Secunda in repentino timore, fit vibratus pulsus; non tamen ex mutatione causæ continentis. Nam Gal. lib. 2. de caus. pul. vibratum pulsum constare, virtute aucto vsu, in obsequentibus instrumentis dicit: timor tamen vtrumque remittit, virtutem scilicet, & calorem; ergo facit vibrationem pulsus animi conturbatio seu timor. Ijs igitur affirmat animi affectus per se, pulsus ad varias differentias, secundum quod diuersi sunt, permutare posse. Verum addit id non contingere, quin animi motus causas continentes immutent, aut ipsarum aliquam. Nam motis spiritibus introrsum timore, aut tristitiâ, vel extrorsum gaudio, aut per efferuescentiam in ira, necessario calor augetur, vel suffocatur, virtus roboratur, aut debilitatur: vnde necessario continentes causæ immutantur. Cæterum mutationes per se ex animi affectibus proueniunt, quanquam continentes alterari contingat. Hoc placitum Valesij destruit totam prælagendi rationem ex pulsibus, quam in his continentibus causis Galenus præcipuè constituit. Quo enim modo, nisi harum habita ratione, firmum in pulsibus præsagium inue-

inueniemus? Insuper prima ratio nil certò concludit; siquidem etsi animi affectus, ira nempe, timor aut gaudium, ipsum animum mouere possunt: non propterea pulsus sine causæ continentis mutatione, ità vt illi præcipuè tributa sit actio, mutabitur. Nam præterquam, quod id proprium sit, & insitum illius, nulla animi affectio, imò & quælibet superior potètia corpus immediatè afficit; nisi actione corporea media, vt Diuus Thomas, in prima parte quæst. 117. articulo. 3. concludit, & nos in tractatu de potètia imaginatrice latiùs prosequuti sumus: vbi modum quo corpus ad varia moueatur tradidimus. Cum igitur per pulsus motum corpus immutetur, id sine actione corporea fieri non potest: quæ necessario per aliquam ex continentibus causis efficietur, cum pulsus naturam & essentiam contineat. Præterea, pulsus altitudo ab ira per se non causatur. Nam si id concedatur iratis omnibus, quacumque dispositione causis continētibus existentibus, altus esset pulsus. At hoc quam falsum sit ostendit Galenus. 2. de caus. puls. capit. 13. qui altum pulsus non perpetuò iratis adesse tradit. Ait enim, multis gracili corpore, nec facultate admodum firma pulsus si irascantur, magni, & non alti videntur esse. Reddens verò ipse rationem, cur id accidat in causas continētes totam redigit: siquidē

ait.

ait. Robur facultatis diximus esse tantum debere in altis pulsibus, ut maximam distentionem possit moliri, nec loca cingentia arterias capere eam valeant. Igitur altus pulsus non per se ab ira, sed quia ob usum adauctum arteriam maxime distendere potens est facultas. Cumque arteriarum loca, quæ à lateribus cinguntur, mole corporum impediuntur, quo minus facultas id facit, partes eminentes, quæ liberæ sunt, cæteris altius eleuantur: & hac ratione altus fit pulsus. Tandem euidentius patet ratione secunda, Galeni dogma non labefactari. Nam in repentino timore, licet ex retractione spirituum, cum sanguine ad intima animalis facultas dissoluatur, spiritu animali in instrumentis dissoluto ad motum conducentibus; vitalis non infirmior redditur. Nam quo pacto tantillo temporis spatio ex robore in languorem fiet transmutatio. Præsertim, cum sanguis, & spiritus ad cor, tanquam ad sacram arcem recurrant, ut opem ferant: quare nec in ipso virtus remittetur, nec calor. Quando tamen diuturnus est timor, aut admodum vehemens, non fit vibratus pulsus, sed ille, qui dissolutionem virtutis insequitur, parvus scilicet, languidus, tardus & rarus, ut capite 5. lib. 4. de causis pulsuum, & libello ad tyrones, capite proprio Galenus tradit.

dit. Nec obstat, quòd idem Vallesius in fine ca.
 14. eiusdem libri refert Iusti vxorem, pulsum ad
 inæqualitatem & inordinationem permuta-
 tū habuisse, audito nomine Pyladis, cuius amo-
 re trahebatur; nec tamē permutari facultatem,
 vsum, nec instrumenta: siquidem ex mentis tur-
 batione compatitur facultas, & veluti opprimi-
 tur, vt pulsus inæquales, & inordinatos efficiat,
 quod in expositione de pulsu timoris latiùs cō-
 stabit. Igitur, vt euidentis statuamus per se causas
 continentes pulsus immutare, reliquas verò nō
 nisi his intermedijs, quod Galeni & omnium
 communiter verior est sententia: proinde ad
 præfatam diuisionem nos conuertamus. Igitur
 pulsum causæ quædam generationis sunt, quæ
 continentes appellantur: quædam alterationis,
 quarum quædam externæ, siue procatharticæ
 sunt: alteræ verò internæ, siue præcedentes. Cæ-
 terum cum alterationem, aut mutationem,
 quam causæ istæ quæ alterationis dicuntur, na-
 turalem, non naturalem, & præter naturam in-
 ducant; consultò Galenus libello ad tyrones, ca.
 9. mutationes tripliciter diuisit, prima quæ na-
 turalis est: altera non naturalis, nec præter natu-
 ram: tertia præter naturam. Quare & causæ quæ
 pulsum alterant, quædam naturales sunt: qua-
 les sunt elementa, temperamenta, humores, spi-
 ritus, virtutes, partes nostri corporis, ætas, sexus,
 &cæ-

*Causæ natu-
 rales.*

&cætera. Secundæ non naturales, aër, cibus, & potus, somnus & vigilia, motus & quies, inantio, & repletio, atque motus animi. Tertiæ præternaturales, quæ tot numero esse debēt, quot sunt morbi. Sed mirabitur quispiam, quomodo inter causas commutationis, naturales reponimus: siquidem continentes, naturales sunt. Verùm cum citra continentes aliæ quædam sint, quæ naturaliter pulsum immutant: licet continentibus intermedijs, ideò seiunctum caput constituere licet. Ex earum numero sunt temperatura, ætas & sexus: quem ordinem Galenus insequitur ad tyrones citato. Addimus, pulsum à causis, tum naturalibus, tum & non naturalibus, atq; præter naturam immutari: quo tempore nec naturaliū, nec nō naturaliū, sed potius præternaturalium rationē subeunt. Non quidem, quia in proprio genere præter naturā sint; sed quantitate dumtaxat excedente. Sic enim ait Galenus ad tyrones capite. 11. Aëris status, ciborum copia, vt facultatem grauet: ad hæc exercitationes, & balnei, somniq; immodici, præter naturam sunt: excessus enim in quantitate naturalium causarum, & non naturalium desciscunt ad statum præter naturam. Igitur ex causarum diuisione, iam de vnaquaque quantum ad pulsum naturam attinet, sermonem instituamus. Primum tamen de conti-


Causæ non naturales.

Causæ præternaturales.

mentibus, utpotè præcipuæ & primæ, quæ fundamenta sunt reliquarum. Nam quæ ratione generandorum pulsuum, sunt origines, eadem etiam alterandorum: siquidem differentiarum causarum in quantitate & qualitate, pulsuum differentias in eisdem efficiunt. Cum verò, quantum ad illarum essentiam attinet, iam satis sectione prima habitus fuit sermo: opportunum erit nunc, quamobrem, quæquæ pulsuum generare possit, perpendamus.

CAPVT SECVNDVM.

Quæ vis causarum continentium, quas sensim efficiant pulsus differentias.

 A V SÆ continentes pulsus, tres numero ex ijs, quæ sectione prima, tum & antecedenti capite explicata sunt, satis constat. Sunt etenim (ut clarioris doctrinæ gratia iterum afferantur) facultas, quæ efficiens est causa suæ temperamenti sit proprietas, siue contentio, siue spiritus, aut quælibet alia res ex ijs, quas quidam secundum ipsorum varias opiniones posuerunt. Sufficit enim, ut ait Galenus libro 1. de causis pulsuum capite 2. hanc quia facultatem
habet

habet pulsum efficiendi, facultatem vocari, vt quamlibet aliam à faciendi facultate, facultas nominatur. Parum enim interest ad præsentem tractationem, si ipsius essentia nobis sit incognita. Verum ex ijs, quæ supra diximus, quæ sit hæc facultas, clarè constat. *Scilicet.* Vfus seu finis pulsus, vt caloris mediocritas, tam refrigeratione, quàm fuliginum expulsiōe, quæ adustione contrahuntur, & vt spiritus animales generentur, insurgit. Instrumentum arteriarum est corpus. Omnis enim facultas, quæ alicuius causa agit instrumenta, petit ad opus apposita: quod nō solum in naturalibus, verū & in arte constantibus conspiciamus. Nam sutores, excussores, & pictores, proprijs instrumentis opus efficiunt. At hi in hoc differunt, quod foris instrumenta attingant: pulsus facultas instrumentis indita est, & per ea tota diffunditur. Igitur cum ex his causis pulsus proficiscatur, oportet variationes, quas suscipere possunt, patefacere. Nam rationi consonum est, secundum ipsas, in diuersas differentias diffecari pulsus: siquidem facultas robusta est aut languida, vsus auctus est vel diminutus: instrumenta mollia sunt aut dura. Præterea in singulis harum mediocritas est. Cæterum hæc in instrumentis & vsu secundum naturam est. In his nanque excessus, & defectus natu-

Cap. 3.

rales minimè sunt: mediocritas verò semper naturalis est. In facultate excedentes pulsus naturales sunt: mediij verò nunquam, vt sectione secunda, in quadam quæstione disputauimus. Iam igitur quas efficiant differentias, videamus; ac primum de prioribus quinque, scilicet, quæ sunt magnus, & paruus celer & tardus, frequens & rarus, vehemens & languidus, durus & mollis. Sed primum adnotemus (quod tradit Galenus 1. libr. de causis pulsuum capite 7.) harum differentiarum quasdam esse proprias & necessarias, quasdam verò familiares. Propriæ & necessariae dicuntur, quæ causam aliquam necessario insequuntur, quia ab illa semper fiunt; ita quod sine ea talis differentia, nec talis causa sine ea differentia esse possint. Familiares non vnam tantum, sed plures habent causas: quare non vni solum, sed pluribus familiares sunt. Igitur robur facultatis necessario efficit vehementem pulsum; sicut infirmitas languidum. Instrumentorum durities, durum: mollitudo, mollem. Hæ sunt differentiae propriæ, & necessariae, quæ ab his fiunt causis, quas necessario insequuntur, vt constat libr. 1. de caus. pulsuum, cap. 4. quibus aliæ familiares sunt, vt statim dicemus. Vtui verò adauctio propriæ, & inseparabiles nullæ eueniunt differenten-

ferentia, sed omnes familiares sunt, scilicet, magnitudo, celeritas, & crebritas, quæ non necessario augmentum caloris concomitantur. Nam, vt tales euadant, facultatem validam, mollia instrumenta etiam postulant. Cæterum non simul adaucto vsu, omnes hæ differentia comparantur in pulsu; siquidem primum magnitudinem intendit facultas, quia reliquis vtibilior est (meliùs enim, attracta aëris multa quantitate, attemperatur excessus, quæ exigua celeriter, & crebrò exhibita) si hæc satis non est: quia excellentior est calor, celeritate refarcitur, quemadmodum & crebritate, vbi duæ primæ non sufficiunt; habent enim hoc, vt alterius illarum defectus altera corrigatur. Sicut si liberaliter magnitudo refrigeret, celeritate non est opus, nec vbi magnitudo, & celeritas frequentia, vt tradit Galenus, libr. 1. de caus. puls. cap. 5. Sed circa hoc pleniorrem absoluiamus doctrinam sectione 2. cap. 4. Hæ igitur sunt familiares differentia, incrementem calorem, nec tamen necessario consequuntur. Quæ verò ipsum imminutum concomitantur placet statim apponere: nam, vt Philosophi aiunt, opposita iuxta se posita, magis clucescunt. Sunt verò contraria differentia familiares, paruitas, tarditas, mox etiam & raritas. Nam, vt natura, quæ iam pridem refri-

gerata est, nec multum requirit, nec celere refrigerium, sic nec breuib. interuallis, capite sexto libri citati Galeno auctore: tamen raritas reliquis familiarior est. Quia cum imminui incipit calor, primum raritas, procedente verò diminutione tarditas, & vltimò paruitas acquiritur, libro tertio de præsag. ex pulsib. capite 4. Sed dicamus oportet de illis differentiis, quæ licet necessario facultatem & instrumenta non sequuntur, tamen illis familiares sunt. Pulsus magni, & celeres minus quam vsui adaucto, tamen familiares sunt robustæ facultati, & mollibus instrumentis. Nam multum progredi, aut fortiter impellere, quæ in motu concitato consistunt, fieri sine firma facultate nequeunt, cum infirma, nec multum nec velociter attollere arterias potest, quod Galenus, capite quinto libri primi de causis pulsuum in senibus, & paruis pueris exemplo posito declarat. Hi enim, nec multum progredi, nec velociter impellere valent, quia languidi sunt. Similiter, nisi mollia fuerint instrumenta attolli multum, aut celeriter arteria non potest; sicut vesica promptè, vbi mollis fuerit, distenditur; si vero dura resistit distentioni, etiam si in eam intendamus plurimum. Sic arteriæ tunica mollis perfacile à facultate distenditur:

tur: dura quanquam ipsa facultas, plurimum impellere, aut velociter nitatur, ipsi resistit. Verum mollities moderata esse debet, ad motus magnos, & celeres. Nam quæ immodica est, motui magno & celeri obest, ut patet citato, lib. 1. de causis pulsuum, capite 9. magis magis familiares sunt firmæ virtuti & molitudini instrumentorum, quam celeres. Huius argumentum est, quod firma existente facultate, si incipiat minui calor, magis retinetur magnitudo, quam celeritas: quare plus detrahit de celeritate facultas, quam de magnitudine. Sic etiam & quatenus ad instrumenta attinet: quia in omnem partem facilius distenduntur, magis familiaris est ipsis magnitudo, deinde celeritas. Id etiam probatur: siquidem quod durum est motus magnitudini resistit, non item celeritati. Contrariæ differentiæ facile percipiuntur, scilicet, paruitas, & tarditas familiares esse infirmæ facultati, & instrumentorum duritiei: namque contrariorum eadem est ratio. Quare sicut magnitudo, & celeritas robustæ facultati, & arteriarum molitudini minùs sunt familiares, magis vsui adaucto: sic paruitas, & tarditas magis vsui imminuto minùs verò infirmæ facultati, & arteriæ duræ. Restat, ut differentia crebritatis & raritatis in instrumento & facul-

rate explicemus. Cæterum ex allatis facilis est doctrina. Quippe raritas instrumentorum molitudini & firmæ facultati familiaris est. Siquidē fieri non potest, vbi firma est facultas, vt instrumentum obediens, vt pulsus sint parui, nec tardi: quare nec crebri, nisi ad summum adauctus sit calor. Sicūt vbi facultas infirma est, & arteria dura, nec sūt pulsus magni, nec celeres, proinde nec rari, nisi calor inmodū refrigeretur. Quare crebri instrumento duro, & languidæ facultati familiares sunt. Sic enim; quando præ inobedientia instrumenti accrescente vsu, dilatare arteriam ipsa facultas, nec plurimum nec celeriter potest, crebritate, quod deficit, vtriusque adimplere potest. Hæ igitur sunt pulsus differentia, quas quælibet causa continens, seorsim efficit. Reliquum est, vt inuestigemus, quas etiam efficere possunt, cū adinuicem coniunguntur, & implicantur, quod sequenti capite explicabimus. Quæ tamen in hoc continentur demonstrat sequens tabella.

Facul.

Facultas

Firma

Pulsus necessarij
Vchementes.Familiaries
Magnos, celeres & ra-
ros.

Infirma

Pulsus necessarij.
Languidos.Familiaries
Paruos, tardos, crebros

Auctus

Familiaries
Magnos, celeres, cre-
bros.

Vfus

Nullos habet necessa-
rios pulsus.

Diminutus

Familiaries
Raros, tardos, paruos.

Mollia

Necessarij pulsus
Molles.Familiaries
Magnos, celeres, raros

Instrumenta

Dura

Necessarij pulsus
Duros.Familiaries
Paruos, tardos, crebros

CAPVT TERTIVM.

Quas pulsuum differentias efficiant continētes cause, cum adinuicem implicantur, & inter se coniunguntur.



NTE causarum continentium implicationem, vt adnotemus oportet cū inter se coniunguntur diuersas pulsuum efficere differentias, sed omnes quidem familiares: de his enim nobis proponitur sermo in hoc capite. Nam earum, quę necessario causam insequuntur cui in separabiles sunt, nec meminisse est opus. Nam semper propriam concomitantur causam, quacumque occasione, & in quascumque ingradientur implicationes: siquidem semper, vehemens pulsus firmam habet facultatem, languidus languidam; & quod ad instrumenta attinet, durus duram arteriam, & mollis mollem. Familiares coniunguntur diuersimodē, quippe, aut duo tantum coniunguntur, vti vsus & facultas, aut vsus & instrumenta, aut facultas, & instrumenta. Vel omnes simul, vt usus facultas, & instrumenta, sed gradatim, & vt ordine sunt posita, quas differentias efficiant ab usu & facultate, initio sumpto

sumpto, explicemus. Quando vsus & facultas coniunguntur, quadruplex insurgit coniunctio, vt fert Galenus libro primo de causis pulsum, capite octauo facultas infirma est & calor siue vsus (idem enim sunt in præsenti) auctus, vel ipsa infirma, & vsus diminutus, vel firma, & calor auctus: vel firma simul cum calore diminuto. Hæ sunt quatuor coniugationes. Prima, in qua facultas est infirma, & vsus auctus, vel ità fieri potest: vt immodicus sit excessus in vtraque causa, ita quod magnopere sit imbecilla facultas, & calor igneus: tunc efficient pulsus paruos, tardos, & creberrimos. Si verò modicus sit excessus: quia facultas non admodum deiecta remanet, moderatos in magnitudine, & celeritate, creberrimos tamen vt antea; nam nil detrahitur de crebritate, quanquam moderati fiant in magnitudine, & celeritate. Quia, vt loco citato ait Galenus, ratione ignei caloris creberrimi ab imbecilla facultate fiunt, at verò extrema crebritate crebrius aliquid esse non potest. Ego autem quoad sensum sit perceptibile adderem. Nam in rei natura, quod suppletur in magnitudine, & celeritate, detrahi de crebritate debet; si alterius illarum defectus corrigitur, altera ipso Galieno auctore, vt supra diximus. Prætercà, idèd

vsus & facultas.

*Sectione. 2.
Cap. 2.*

moderati fiunt pulsus in magnitudine, & celeritate: quia facultas non admodum deiecta, ab vsus vrgentia excitata, potens est magnitudinis & celeritatis mediocritatem attingere, ad modum, quo non admodum languentes necessitate compulsi moderatam conficiunt deambulationem. Si tamen plurimum langueant, etsi maximè contendant, illam adimplere non possunt. In secunda coniugatione, quando facultas est infirma, & vsus diminutus, pulsus fiunt parui, tardi & rari, si modicè facultas fuerit imbecilla; nam vbi prostrata, non parui, nec tardi, nec rari, sed minimi intermittentes, & deficientes frequenter, de quibus infra tradetur notitia. Tertia coniugatio est facultatis robustæ, & caloris aucti, in qua fiunt pulsus maximæ, non verò perinde celerrimi, & creberrimi, non ita aperte: nam dum accrescit vsus, familiarior est magnitudo, deinde celeritas, tandem crebritas, modo supra exposito. In quarta, & vltima coniugatione coeunt facultatis firmitas, & calor diminutus: quare pulsus sunt magnitudine moderati, tardiores, & rari manifestè. Huius est ratio, quia magnitudo familiarior est robustæ virtuti, quæ tuetur in mediocritate cum non vrget vsus. Sunt tamen non tardi absolute, sed

*Sectione. 2.
Cap. 2.*

sed infra tarditatem. Quia etsi non postulet
vsus, valens facultas naturales tueretur motio-
nes; tamen valenti facultati tarditas non est fa-
miliaris, licet tardior non urgente vsu fiat pul-
sus, quàm minor, quia vtilior est magnitudo
celeritate. Sic enim videmus facientes iter,
quando concitato motu non indigent, magis
detrahere de gressus celeritate, quàm de mag-
nitudine: quòd si citatori opus sit, addunt plus
ad magnitudinem, quam ad celeritatem. Rari-
tas tandem manifesta est: quia vsus satisfacit
magnitudo. Has igitur coniugationes vsus &
facultas habent. Vsus verò & instrumenta etià
quatrupliciter implicantur: siquidem cum vsu
diminuto instrumèta esse possunt dura, vel mol-
lia, vel cum vsu adaucto similiter dura vel mol-
lia; vsus diminutus & instrumenta dura, quæ pri-
ma est coniugatio, aut pariter à naturali distant
statu: & tunc pulsus efficiunt tanto minores,
quanto duriores. In raritate autem, & crebrita-
te moderati, quia duris instrumētis familiarior
est paruitas. Vsui diminuto tarditas; cum au-
tem pariter distent, pares reddūt pulsus in vtra-
que differentia. Sin imparis sit deflexus, aut vin-
cit durities, & tunc fiunt pulsus minores, quàm
tardiores & crebriores: aut vsus diminutus,
& fiunt contrario modo, potiùs tardiores,
& rariores, quàm minores. hæc est prima. Se-
cun-

cunda, si vsus diminutus & instrumenta mollia, cum mollitudini familiarior sit magnitudo, refrigerationi paruitas, si hæc præualuerit pulsus erit paruus. Si verò molli- ties instrumentorum, magnus, sicut vbi par est deflexus: quia quanto à mollitudine in magnitudinem eleuantur pulsus, tanto à diminuto vsu contrahuntur in paruitatem moderati fiunt. Tamen hi, secundum naturam non sunt: siquidem, à causis præter naturam ortum trahunt, quæ quia parrem vim præstant moderatos edunt pulsus.

*Nō omnes
moderati
pulsus sunt
naturales.*

Ex quo patet moderatos non omnes esse naturales, licet naturales, omnes moderati sint oportet. In hac coniugatione omnes pulsus tardi sunt, & rari: & tantò tardiores & rariores, quantò superior euaserit vsus diminutio. Tertia fit coniugatio, quando vsus augetur & instrumenta sunt dura. Si vtraque multum à natura deflectit, celerrimi simul & creberrimi fiunt pulsus: non tamen ad vltimam deueniunt paruitatem, nisi afficiatur facultas: fiunt tamen iusto minores. In hac coniugatione celeriores & crebriores semper sunt: præsertim cum vsus superior sit. In magnitudine & paruitate, si vrgeat magis vsus, quam durities, iusto fiunt maiores: si e contra durities iusto minores. Nam vsui vrgentiori fami-

familiarior est magnitudo: quare quoad fieri potest illam assequitur, si non magnopere durum est instrumentum. Quod si tale sit cum ipsi familiarior sit paruitas, iusto efficit minores. In quarta coniugatione vsus augetur, & instrumenta sunt mollia: in qua si paris est distantia, tanto fiunt pulsus maiores, ratione mollitudinis, quanto celeriores ratione vsus adaucti: quod si his non satis fit vsui, crebritas adiungitur. Si imparis est distantia, & vincit mollitudo, cum familiarior ipsi sit magnitudo maiores fient pulsus, quam celeriores. Si superior sit vsus, tunc aut satisfacit distētio vsui, & tunc æquē sunt magni, & celeres: si non satisfacit multo celeriores simul & crebri. Restat facultas, & instrumenta, quæ tertia est implicatio, in qua similes numero euenire coniugationes in comperto est. Si quidem facultas, vel est infirma, cum instrumentis duris, vel mollibus: vel firma cum eisdem: à quibus quatuor prodeunt coniugationes. Prima si infirma est facultas, & dura instrumenta, quæ pulsus præstat semper paruos, tardos & crebros, magis aut minus, prout altera causarum superior euaserit. Secunda, si infirma est cum instrumentis mollibus, in qua si paris est distantia, eaque modica a naturali statu, pulsus moderati sunt in celeritate & magnitudine: & etiam similes fiunt si præualuerit mollitudo:

*Facultas
& instru-
menta.*

cæterum, si immodica, pulsus tardi, parui & crebri: quomodo etiam fiunt facultatis imbecillitate præpollente. Verum tamen moderati fiunt in magnitudine & celeritate, quando modicus est recessus, aut præualet mollitudo: quoniam facultas non admodum languida, nihil habet obstaculi, ut magnitudinem & celeritatem obtineat: quoniam nec durities impedit. Hac eadem ratione crebritate opus non est, cum usus adimpleatur. Sicut ubi admodum deiecta est facultas, in crebritate fit mutatio: quia alijs vsui non satis fit. Tertia, quando firma est facultas, & dura instrumenta in qua cum durities impediat, quominus facultas valida distentionis magnitudinem efficiat, in paruitatem vertit, & creber etiam fit pulsus, atque in celeritate moderato celerior. Nam quantum de magnitudinis mediocritate detrahit durities resarcitur celeritate & crebritate. Quarta ex firma facultate, & instrumentis mollibus constat. Vnde rationi conuenit pulsus maiores manifestò apparere, tardiores tamen & rariores. Habemus ex his implicationes, quæ duarum causarum continentium coniugatione fiunt. Reliquum est, ut inuestigemus, quo pacto omnes tres continentes causæ implicatæ coniugationes efficiant: siquidẽ ex allatis facilis erit explanatio. Sunt verò quæ in ijs tribus causis continentur octo numero. Quia cum facultate

*Facultas,
usus, & in
strumenta.*

rate infirma, & vsu diminuto instrumenta esse possunt dura vel mollia, ex quibus duæ fiunt cōplexiones, totidem vbi infirma est facultas cū vsu adaucto, & instrumentis, vel duris vel mollibus. Aliæ quatuor, vbi semper firma existēte, vsus diminutus est, & instrumenta, vel dura vel mollia, aut cum vsu diminuto eodem modo se habuerint instrumenta: in quibus opus non est multum temporis conterere, cū facilis sit auditus, si attēto animo superius dicta perpendamus. Igitur vbi infirma est facultas, vsus diminutus & instrumēta dura, pulsus fiunt parui, & tardi, non tamē crebri: nisi vsus inferior sit reliquis: si verò superior nil in crebritate variant. Verum in hac, sicut & in alijs pro ratione domīnātis causæ, quæmadmodum supra explicatum est, minores sunt, aut tardiores. Si secunda fiat implicatio ex facultate infirma, vsu diminuta, & instrumentis mollibus, parui, tardi, & rari remanent pulsus. Vbi tertia ex infirma facultate vsu aucto, & instrumento duro, vbi insignis est recessus horum à natura, minimi, creberrimi & tardi: quod si insignis non est, nō ita in crebritatem vertuntur. In hac namq; coniugatione cōparanda est distentio cū vsus quantitate: nā quāto fuerit inferior, tantū crescit in crebritatem: sicut tātō minores & tardiores, quātō minus facultas & instrumēta à naturali recedāt ordine.

aucto

mollibus

magis


Quarta fit ex infirma facultate, aucto vsu & molli instrumento: in qua si vsus alijs vrgentior fit, pulsus fiunt maiores, quam celeriores. (Nam ad hoc adiuuat instrumenti mollities.) Quinta etiam & crebriores iusto, non tamen ita, vt in superiori: quoniam in hac magis vsus adimpletur. Similiter si instrumenti mollities superior fit, facultatis languore, & vsus vrgentia, pulsus erunt moderati. Si facultas vehementer laboret, ita vt languor duritiem instrumentorum, & vrgentiã vsus superet, pulsus bene parui erunt, crebri & modicè tardi. Aliæ verò quatuor cõiugationes fiunt, firma semper existẽte facultate. Vsu verum in duobus diminuto, cum instrumẽto in vna duro & in altera molli in alijs duobus cum firma facultate, & vsu aucto, instrumentum durum est, aut molle. Prima, in qua firma est facultas, vsus diminutus & durum instrumẽtum, pulsus habet minores. Si tamen immodicè diminutus est vsus, & instrumentum nõ ita durum, non solùm minores, sed tardiores, & rariores. Si è contra durities instrumenti vincat vsus defectum, pulsus fiunt manifestè parui: & quia paruis non satis fit vsui, fiunt crebri & minus tardi, quàm si non ita esset durum instrumentum. In secunda, cù infirma etiam sit facultas, instrumẽta mollia & vsus diminutus, pulsus minores, & tardi sunt non manifestò, licet rari.

Cum

Cùm tamen cōtingit, vt insignis fiat vsus diminutio, manifestè apparebunt, tum minores, tū tardi & rariores. In duabus vltimis coniugationibus, quæ fiunt cum facultatis robore vsu aucto, & instrumentis mollibus, aut duris: si fuerint mollia, pulsus primò fiunt magni, quod si magnitudo pro complendo vsu non satisfacit, erunt celeres, etiam & vltimò crebri. Si durum est instrumentū cum facultatis robore, & vsus incremento, varij sunt pulsus: nam si parua sit durities, maiores, celeriores, crebrioresq; quam iustum sit. Si æqualis sit vsus vrgentia, & instrumenti durities, in magnitudine naturales sunt, celeriores tamen & crebriores. Sin vtraq; causa immodicè recedat, ità quòd immodicus sit vsus & immodica durities, pulsus fiunt minores, tardiores & crebriores. Quibus omnes cōiugationes, quæ rationabiliter ex ijs causis fieri possunt explicuimus: quas etiam Galenus cap. 11. lib. 1. de caus. puls. prædicto fert ordine. Cæterū pro clarioris doctrinæ gratia, cum eodem annotare oportet, pulsus quos familiares appellam⁹ (quia non vnā, sed plures insequuntur causas) interdum, vt extremi sint vnā, interdum duas, aut plures postulare causas. Nā potest vna sola causa tantam inducere alterationē, vt extremam efficiat pulsus differentiam, reliquis extrēmè non alteratis, sicut facultatis extrema deiectio

pulsus quam minimos efficere potest, molli ad huc existente arteria, & vsu vrgentiori reddito. Quod memoria tenere decet, ne pulsu minimo conspecto, ex omnib⁹ suis causis ad summū alteratis prouenire arbitremur. Valet enim vel vna de qualibet causa, quæ prorsus læsa sit vltimam pulsus alterationem introducere. Quare ad paruitatem extremam, sufficit facultatis deiectio extrema, quamquam mollis sit arteria, vrgatq; vsus. Vel si arteria immodicè induretur, ad pulsus magnitudinem, nec facultatis robur, nec vsus incitatus, nihil cōferent, quin etiā & ad pulsus comparandam extremam differentiam nō sufficit omnium causarum, à quibus prouenit, læsio, nisi ea extrema fuerit. Licet enim dura sit arteria, imbecilla facultas, & diminut⁹ vsus, non propterea pulsus minimi euadent, licet parui fiant. Requiritur siquidem, vt aliqua illarū summè lædatur, aut omnium simul causarum læsio, vnius maximam æquet offensionem, vt pulsus minimi sint. Libet tamen sequētib⁹ tabellis, omnes, quæ fieri possunt coniugationes, à causis cōtinētibus in quibusque prioribus pulsuum differentiis, clarius exponere.

(?)

Prima implicatio ex usu & facultate.

Secunda implicatio ex usu & instrumento.

1	Vfus diminutus & instrumenta dura	<div>Si vincit durities ——— Minores, tardiores & crebriores.</div> <div>Si pariter distāt ——— Eo minores quo tardiores, moderati in crebritate.</div> <div>Si vincit vsus ——— Tardiores, rariores quam minores</div>
2	Vfus diminutus & instrumenta mollia.	<div>Si vincit mollities ——— Magni, tardi & rari.</div> <div>Si pariter distant ——— Moderati in magnitudine, tardi & rari.</div> <div>Si vincit vsus ——— Parui, tardiores & rariores.</div>
3	Vfus & instrumenta	<div>Vfus auctus & instrumenta dura.</div> <div><div>Si vincit durities ——— Iusto minores, celeriores & crebriores.</div><div>Si multum distant ——— Celerrimi, creberrimi & iusto minores.</div><div>Si vincit vsus ——— Iusto maiores, celeriores & crebriores.</div></div>
4	Vfus auctus & instrumenta mollia.	<div>Si vincit mollities ——— Maiores quam celeriores.</div> <div>Si pariter distant ——— Tanto maiores quanto celeriores & interdum crebri.</div> <div>Si vincit vsus ——— Interdū æquè magni & celeres: interdū celeriores quā maiores & crebri.</div>

Tertia implicatio ex facultate & instrumento.

Facultas in
firma, & du
ra instrumē
ta.

-Semper paruos;
tardos & crebros
efficiunt.

2

Facultas in
firma, & in-
strumenta
mollia

Si vincit mollitudo.

Vel modice distant

Aut paris est distātia.

-Moderati in mag
-nitudine, & celeri
-tate fiunt.

Facul-
tas & in-
strumē-
ta.

Si vincit infirmitas

Vel modice distant

-Parui, tardi & cre
-bri

3

Facultas fir
ma & dura
instrumēta.

-Parui & crebri &
in celeritate mode
rato celerior.

4

Facultas fir
ma&instru
menta mol
lia.

-Manifestò maiores
& tardiores & ra-
riores.

Quarta implicatio, ex facultate, usu, & instrumento.

1	Infirma facultas, usus diminutus, & instrumenta dura.	Paruos, & tardos in crebritate nihil variant, nisi reliquis, usus sit inferior, & tunc crebros efficiunt.
2	Infirma facultas, usus diminutus & instrumenta mollia.	Paruos, tardos & raros.
Facultas, usus & instrumenta.		
3	Infirma facultas, usus adauctus, & instrumenta dura.	<p>Si insignis est recessus — Fiunt minimi, creberrimi & tardi.</p> <p>Si non est insignis — In crebritatem vertitur pulsus.</p>
4	Infirma facultas, usus adauctus & instrumenta mollia.	<p>Si usus superat — Maiores, quā celebriores, & crebriores iusto.</p> <p>Si superat mollitudo — Moderati fiunt.</p> <p>Si infirmitas — Bene parui, crebri & modicē tardi.</p>
		Firma

5

Firma facultas,
vſus diminutus, in-
ſtrumenta dura.

Si modicè minuitur vſus—

Minores ſiūt, tardiores, & rariores.

Si durities eſt immodica—

Parui, crebri, & minus tardi.

6

Firma facultas, vſ⁹
diminuit⁹, inſtrumē-
ta mollia.

Si immodica eſt vſ⁹ diminutio—

Minores & tardi non manifeſtò & rari.

Manifeſtò minores, tardi, & rariores.

7

Firma facultas, vſ⁹
auctus & inſtrumē-
ta mollia.

Si vrgentior eſt vſus—

Magni ſiūt, ſi nō ſatisfacit magnitudo, celeres primò, deinde crebri.

Maiores, celeriores & crebriores.

8

Facultas
firma, vſ⁹
auctus, inſtrumē-
ta dura.

Si æqualiter diſtant—

Magnitudine naturales, celeriores & crebriores.

Si vtraque immodicè diſtat—

Minores, tardiores & crebriores.

His igitur tabellis, quæ consecutione sermonis adducta sunt, clariora remanent: vt nec vitio vertatur idem bis, clarioris doctrinæ gratia, afferre.

CAPVT QVARTVM.

De causis rhythmici, æqualis & inequalis, ordinati & inordinati pulsus.

DE PRIMIS quinque differentiis pulsum, quo pacto ex continentibus causis oriantur, ac quæ familiares sint, & quæ necessario ipsas concomitentur, hucusque egimus Galenum imitantes. Nunc verò oportet, quæ sit cæterorum pulsum generatio, & quas etiam causas habeant, vt inquiram⁹, quo tractatio adimpleatur. Sicut autem sunt ordine repositæ, placet & eundem hic seruire, à rhythmico initium sumentes. Quando rhythmici à propria rhythmorum natura nō discedunt, ita vt pulsus fiat *eurhythmus*, planū est, causam continentem habere vsum proprium, & naturalem, qui in symmetria tuetur. Nam quibus in ætatibus, regionibus, tēporibus & naturis distentionis motus, cōtractionis motū æquat, ita, vt nec maior nec celerior, minor aut tardior, vnus altero appareat: vsum non muta-

mutare proprios ac conueniētes rhythmos tūc percipimus. At si rhythmorum mutatorū causas inquiramus, ex eiusdem vsus permutatione eas inueniemus. Dupliciter tamen vsus mutatur, aut aucto calore, cui satisfacit distentionis motus: aut congestis recrementis, quæ adustorum humorum sunt quasi fuligines, quorum excretiones contractionis fiunt motu. Cumq; ex vtriusquē motus proportionē (veriori sententiæ nitens) rhythmī constituantur: mutari contingit, secundum quod vsus mutatur, ita vt nūc distentio maior & celerior, nunc verò contractio appareat. Vnde variæ illæ rhythmorū differentiæ prodeunt, scilicet, pararhythmus, heterorhythmus, & ecrhythmus: quippè in quibus ætatibus, naturis, aut regionibus, multi procreantur humores. In his, cōtractionis motus motū distentionis maior est & celerior, cū multa supersint excremehta, quæ excernenda sunt: semper enim quantitati consectorum succorū, quantitas respondet excrementorum. Econtra verò in quibus pauci sunt humores, cū pauciora restent expellenda excrementa, contractionis motus minor est, & tardior (vt in senibus) distentionis maior & celerior. Igitur vsus permutatio, causa est, quod rhythmī à propria & conuenienti natura discedant: & pro vt variā est, tam distentionis, quam cōtractionis mutatio,

tatio, variæ etiam fiunt rhythmorû differentiæ, vt Galenus ait 2. de caus. pulsum. cap. vltimo, quod etiam insinuat lib. 3. eiusdem operis cap. 5. Hæc eadem vsus permutatio, si rhythmorum naturam ex quietum tempore mēsuremus: causa etiam est, vt proportio vnius quietis excedat alteram. Vt nec opus sit in eorum sentētia, qui rhythmotum per tempora quietû constituunt, ad alia recurrere: quod Auerroes 4. Colliget. ca. 18. insinuauit dicēs. Et similiter permutatio cōparationis duarum adinuicem quietum: est sicut permutatio cōparationis duorum motuū, hoc est, motu dilationis & cōtractionis. Quæ obiter hic dicta sint, licet verior sit sentētia, quæ ex motuum proportionem rhythmorum naturā inquirat, quæ latius exposita sunt sectione secūda cap. 7. Æqualitatis causas facultatem esse, quæ rectè imperat instrumentis, & instrumēta ipsa, quæ actioni obediunt, liquidò constat. Nā quando nec facultas in agendo læsionem recipit: quin potius libera omnibus suis arterijs imperat, pulsus similes & pares efficit, & proinde æquales. Inæqualitas verò aut in pluribus fit iētibus, quæ collectiua appellatur, aut in vno fit arteriæ motu, quæ simplex dicitur. De collectiua, vt potè apertior altera, prius verba faciam⁹, causas inquirentes. Tres in summa sunt inæqualitatis collectiue causæ, vt auctor est Gale:

lib. 2. de caus. pul. cap. 1. & 2. Facultas eaquæ vel languida, vel onere oppressa, instrumenta vitio affecta: & vltima quædam cordis inæqualis intemperies. Nam vsus si augeatur, magnitudinē, celeritatem, & frequentiam efficiet, inæqualitatem tamen, quæ sensibilis sit, per se efficere non potest: cum non ita subitò immutari possit vt pulsus, qui sensu percipiuntur, inæquales fiant. Id ostēditur in lenibus febribus, in quibus solū vsus mutatur: quales sunt tertianæ exquisitæ & ephemeræ, quæ vel insolationem, vel frigus, vel bubones, vel quamlibet aliam insequuntur externam causam. In his siquidem à principio ad vigorem vsque, pro caloris incremento, pulsus in magnitudinem, celeritatem & crebritatē veruntur. Verum ad inæqualitatem sensu perceptibilem, nunquā, nisi alia illis adiungatur dispositio, ex his quæ inæquales pulsus natæ sunt cōcitare: veluti nimij humores, aut compressio instrumētorum, aut inæqualis quædam intemperies. Licet enim secundum naturam, primo pulsui, secundus par non sit, nec tertius secūdo, ita vt ratione, si multum temporis intercīdat, diuersitatem diiudicare possimus: tamē, quæ sensu perceptibilis sit inæqualitas ex vsus alteratione inueniemus nullam. Nec obstat, quod in ira, in qua innati calidi sit quidam feruor, pulsus inæquales nonnunquam appareant, vt
appre-

apprehendamus ex vsu solum mutatione inæqualitatem fieri. Siquidem ita non sui ratione hos præstat pulsus: alioquin semper illos tales efficeret, sed quando illi adiungitur timor: tunc namque inæquales fiunt: cæterum ob diuersas & repugnâtes inter se causas, in quibus calor ad contraria permutatur, & fit quædam inæqualis intemperies. In ira enim propter vindictæ appetitum, alti, magni, celeres & vehementes fiunt. In timore propter spem potiùs accipiendi, quàm dandi malum, è contra humiles, parui, tardi & languidi. Prout tamen altera earum causarum excedit, variantur pulsus, & inæquales fiunt. Ita quod si timor ingens fuerit, non solum alteretur vsus, sed & facultas lædatur. Igitur inæqualitas omnis vitio fit vel facultatis, vel instrumentorum, vel quando vsus ad contrarias permutatur causas, ex quibus quædam fit inæqualis intemperies. Quando facultas offenditur pulsus efficit inæquales inæqualiter. Nam, sicut cum in agendo non læditur valens est, & optimè imperat instrumenta, paritatem seruat: sic si offenda-
tur eam labefactat. Offenditur quia in propria essentia imbecillis est, aut quia humorum copia veluti onere opprimitur. Verum imbecillitas, quæ in propria fit essentia non ita crebrò inæquales creat pulsus: sicut dum humorum aggrauatione fit. Siquidem tunc natura valens
cum

cum sit, oppressa tamen, manifestè inæquales
 sunt pulsus. Hoc exemplo languidissimi senis
 & robusti iuuenis declaratur. Nam hic, si pon-
 dus portet grauissimū, senex verò nihil baiulet,
 ambo nec multum nec celeriter progrediuntur.
 Sed in hoc differunt, quod senex etiam si con-
 tendat ferè æquis passibus procedit, nonnun-
 quam tamē aliquibus, vel magnis vel celeribus:
 at robustus iuuenis non perinde: sed conten-
 dens nunc magnos efficit, nunc celeres. Manife-
 stè, licet interdum onere oppressus, ad paruita-
 tem & tarditatem primam redeat. Idem etiam
 arterijs contingit. Nā languida existente facul-
 tate, languidi, parui, tardi sunt pulsus ferè sem-
 per (quomodo facultatis infirmitas citra aggra-
 uationē inæquales præstet pulsus declarauimus
 in fine capitis) at onere oppressa varios inæqua-
 lesque. Nam si eximia sit oppressio, pulsus par-
 ui, lāguidi, & tardi plurimi sunt: è contra si exi-
 gua plurimi, vehementes, magni & celeres. Cū
 verò mediocriter opprimitur, tot sunt vehemē-
 tes, magni & celeres, quot lāguidi, parui & tardi,
 ut tradit Galenus, lib. 2. de caus. puls. cap. 1. & li-
 bello ad tyrones, c. 11. Causa etiam inæqualita-
 tis sunt instrumēta vitio affecta. Vitiari autē cō-
 tingit: quia tumores aliqui velut est scyrrhus,
 abscessus, aut inflāmatio regiones occupat, in
 quibus arteriæ distendūtur, aut humoris nimia

copia obstruens; qua cōpressę ac veluti coarctata & tensę, impedimentū est, quominus liberę distendatur. Hinc facultas ob instrumentorum cōtumaciā, pares nō seruat motus: nā vrgente vsu, & nō potente illū ob arteriarū cōpressionē, adimplere, maiores apponit conatus, efficitq; pulsus vehemētes, magnōs, celeres (crebros verō ab initio, quia impariū actionū vsui necessariō adiungitur crebritas) vt superiori capite cōstat, cū tamen nec eos cōtinuō efficere possit defatigata quiescit. (nā opprimitur gravitate seu humorū sarcina) & ad pristinū se refert motū: atq; ita varius, inēqualisq; cōtinuō fit puls°. Sāguinis etiam cōpia eodem modo in venis & in arterijs coarctatū efficit motum, & inēqualē. Nam si in venis fuerit, arteriæ ipsis proximē sitæ instar tumoris cōprimuntur, & coarctantur: in arterijs ipsarū foramina, ac riuos crassus & lentus sanguis obstruens (vt nec libere reddere, nec suscipere spiritū possint) prædictam efficit inæqualitatem. Id tamen adnotandum est, quod si compressio, ex scyrtho aut inflammatione, aut abcessu procedat, longioribus interuallis pulsus fieri inæquales æqualiter; siquidem semper earundem arteriarum eadem partes premuntur, ab eisdē vel paribus magnitudine, vel similibus tumoribus. Cū verō humorum copia, quæ arterijs infunditur, aut venis, non perpetuō pari mensu-

mensura remaneat, nec easdē coarctet arterias, inæquales fiunt inæqualiter. Quippe aut ad mēbra ignobilia ex nobilibus, aut è cōtra ex ignobilioribus, ad nobiliora cōmigrāt humores, aut tenuati in halitū digeruntur: aut vehemētibus motibus, nō modo de loco in locū, verū è corpore fluere cogūtur. Superest vltimò, quomodo inæqualis cordis intēperies, puls⁹ inæquales creet. Quod accipiemus nō quidē ex li. 2. de caus. pul. sed ex 2. de præfag. ex pul. ca. 7. Hoc enim in loco totā explanationē tradit Galen. Cū igitur in cordis corpore facultas sit, quæ pulsus est causa efficiens, per duplicē motū, quem efficit, calidū innatū in symmetria tuctur. Nam per contractionis motū, fuliginosum excrementū expellit, & per eundē distentionis frigidū allicit spiritum. Quando corpus cordis ex æquo incalescit, aut refrigeratur, pari impetu omnes distentionis partes ad actionem contendunt: sicut & contractionis omnes similiter partes, si excrementis ex æquo cor impleatur, aut vacuū sit. Si verò inæqualis sit in cordis corpore intēperies, quia, scilicet, partes quædā sunt calidiores, quædā frigidiores, aut quædam excrementis cōfusæ, quædā puræ & ab eis vacuæ: tūc motus inæqualis est: siquidē quæ calidiores sunt ad motū cōtēdūt, frigidiores ipsum retardant. Atq; cū partes sint eiusdē instrumēti omnes, tā quæ frigidiores

Q 2 sunt,

sunt, quæ quæ calidiores, diuelli à se mutuò nec distrahi possunt: quare omnes eodẽ motu aut dilatantur aut comprimuntur. Verùm fit, vt maiorem numerum vtpotè velociùs ad motu contendentein, quæ imbecilliores sunt, & minores insequantur, namq; ex præpollētibus in cordis corpore partibus, cor ipsum, motus qualitatem cõparat. Sicut si multò plures sint partes calidiores, celerior & maior fit distentio: cõtra si multò plures sint frigidiores, tardior atque minor: ita etiam in contractione procedit sermo, secundum quod partes multò plures excrementis, aut confunduntur, aut puræ sunt. Semper enim motus principatus maiorem multò insequetur numerum. Caterum quando partes, non multò, sed paulò plures alteris sunt, non possunt reliquas perpetuò vincere, sed vicissim nunc vincunt, nunc verò vincuntur. Ex quo prouenit, vt motus varij inæqualesque sint. Nā si partes frigida non multò plures sint calidis, motus fiet minores, tardiores & rariores, atq; nō solum semel, sed etiā secundo, tertio, & quarto, donec partes calidiores, quæ maiori, celeriori, & crebriori indigēt motu amplius nō ventilatę incalescant, ac nō nihil caloris vicinis impartiat. Vnde rursus vincentibus ipsis (non modo, quia magis calidę, quam antea, verum quia plures incalescunt) motus redduntur maiores, celeriores, & crebriores.

res. Cumque hæ, quæ calidæ sunt, abunde refrigerentur, frigidiores verò præter modum, ita quod & frigiditatem vicinis mutuent, fiantque plures frigide, quam antea; necessum est iterum ad raritatem, tarditatem & paruitatem motus deuenire. Atque ita variationem, inæqualitatēque recipiunt pulsus, nō solū in distentione, sed etiam in contractione; dum cor vicissim ad contraria permutatur, inæqualem, scilicet, intemperiem aut fumosorum excrementorum inæqualem copiam. Ab his causis proueniunt pulsus, qui in quantitate distentionis, & in acervo pulsationum decurtati, seu mutili dicuntur. Verū non quomodocumque affectis, ut adnotauit Galenus lib. 2. de caus. puls. cap. 3. Nam facultas languida esse debet, ut non modo ad motionem ipsi graua sint instrumenta: sed etiā ab admotis digitis, veluti onere opprimatur. Secundum tamen maiorem, aut minorem imbecillitatem, decurtati varij sunt. Si enim non ad extremum sit imbecillitas, decurtati fiunt reciproci, æquas, scilicet, facientes mutationes. Si quidem facultas non admodum deiecta in sese colligēs, quodāmodo resistit. Si verò nec potēs est æquas illas adseruare mutationes, imbecillior est, ad summū ferè prostrata, deficientes decurtatos effecit. Qui reciproci sint, nō ita grādis est prostratio, sicut in ijs, qui deficientes sunt nō

reciproci, in quibus ita imbecillis remaneat facultas, ut arteriam mouere nequeat. Vitio etiam facultatis & instrumentorum in collectiua inæqualitate fiunt pulsus, qui in raritate intermittētes sunt, & in crebritate intercurrētes. Intermittētes dupliciter fiūt: vel summè lāguida existēte facultate adhuc magis, quā in deficientibus: grauius enim in illis, quā in his offenditur facultas, cū omnino sit actionis abolitio. In deficientibus verò velut est dimidij mor⁹ amissio. Quare Galenus loco citato intermittētes deficientium statū quoad imbecillitatē attinet, ait præcedere. Nā primo loco decurtatos pulsus reposuit, vltimo intermittētes, quos intelligit per perfectam pulsus abolitionē: medios verò inter ipsos deficientes (at quomodo differāt deficientes, & intermittētes explicuimus sect. 2.) quin etiam & intermittentes inter se maiore facultatis offensione cōmōstrant. Grauius enim facultas læsa est, vbi plures; leuius vbi pauciores motus deficient. Fiūt secundo etiam intermittentes, vbi arteriarum vicinarum cordi oscilla validè opulentur, aut arteriæ ipsæ cōprimantur, idq; aut à nimia humorū copia, aut crassitie, ita ut in se nihil attrahere possint, nec expellere. Quare vidim⁹ nōnūquā multorū crassorumq; humorū causa, motus intermittere, quod etiam traditur libr. 2. de præ sag. ex pul. cap. 4. Intercurrentes cōtrarij sunt inter-

*Intermittē
tis pulsus
causæ.*

Cap. 8.

*Intercurrē
tes pulsus.*

mitten-

mittentibus, qui etiam fiunt oppressa facultate multa humorum copia, aut instrumentis opilatione læsis, aut coarctatis. Surgens verò facultas ad expellendū, quæ contristant, non modo maiores, vehemētiore, & celeriores præstat, sed etiā plures, altosque pulsus, qui crīsim præcedere solent, vt ait Galenus lib. 2. de caus. puls. cap. 8. & 2. de prælag. ex pulsib. capit. 5. Quæ sint de inæqualitate collectiua satis dicta. Simplicis inæqualitatis causæ, quæ in vnico fit pulsū, ex dictis faciles sunt. Inæqualitas hæc, aut in pluribus consideratur partibus arteriæ, aut in vna & sub vno digito. Eundem igitur seruemus ordinē, quē in differentijs explicandis seruauimus. Inæqualitas, quæ in vna fit arteriæ parte tripliciter contingit. Aut enim motus interruptus est, aut cōtinuus sed dispar, aut tandē tertio recurrēs, siue reciprocus. Qui pulsus motu cōstat interrupto, quiete ipsum interfecante, causas habet, similes præcedētibus. Nā si vrgeat vsus & facultas obsequēs sit, instrumentorū verò opilatio, aut cōpressio, aut humorū nimia quātitas, causæ sunt, vt mot⁹ ante cōpletā distētionē interrumpatur, & in quietē recidat. Nā facultas humoris copia, aut instrumentorū vitio oppressa, in medio veluti respirās quiescit; iterū tamē in sese colligens, inceptū adimplet motum. Valida itē obstructio, aut cōpressio, quæ aëris trāsītū imple-

turi distentionis locum impediunt, etiam motum intersecant. Quod verò facultas sit obsequens & potens motum inceptum adimplere post quietem, simulq; vsus urgeat, comprobatur primo distentionis magnitudo, quæ in duas sensibiles motus partes diuiditur. Nam si parua esset, in duas, quæ animaduerti possint non discreta-
 caretur. Secundò, celeritas. Nam etiam siurgeret vsus, ni valida esset facultas, celeritatem non efficeret. Tertio, motus, qui post quietem agitur. Nec enim illum iterum absolueret facultas, nisi vsus postulare, & ipsa potens esset: sed ubi primum inhi-
 beretur motus ibi desineret ab opere. At non desistit, imò concitans se ipsam vires recuperat, & vim atque contentionem appetit: igitur urgente vsu & facultate obsequente, humorum copia nimia, aut instrumentorum opilatio, aut compressio, motus in vnica distentionis parte efficit interruptos. Ceterum hæc causas sunt communes omnibus distentionibus, quas quies diuidit. Singularibus verò differentiis non erit difficile eas accommodare: quippè ubi prima motus pars celer est, deinde à quiete tarda, validè ab humorum copia operatur facultas, aut valida est instrumentorum compressio, aut opilatio. Vbi tardus est ante quietem, & post ipsam, maior est aggrauatio, aut compressio, sine obstructio, ubi celer uterq; motus, minor est
 oppres-

oppressio: mediocris, vbi moderatus fuerit vterque motus pars: vt sit facilè ex his, ad reliquarum differentiarum, quæ in vnica distentionis parte motus habent interruptos, causas peruenire. Interim tamen clarioris doctrinæ ratione adnotemus, motus, quos tardos appellamus, non simpliciter tales, sed comparatione ad alios celeriores vsurpandos esse. Sunt nanque quidam celerrimi, quidam celeres, & vltimo alij non ita celeres, quos tardos ad reliquos conferentes appellamus. Nam si vrgeat vsus & facultas obsequatur, percipiamus celeres debere esse motus magis, aut min⁹, prout minor aut maior accrescat causa, quæ facultatē tū impedit, tū instrumēta, aut obstruit, aut cōprimit. Hæc Gal. tradit. 2. de caus. pul. cap. 4. Verū lib. 2. de præfag. ex pul. cap. 7. inæqualitatem, quæ vnus est pulsus etiā ab inæquali cordis intēperie procedere refert. Cū enim quædā in corde, aut arteriæ partes sint paulò alijs frigidiores, ac rursus calidiores altera ijs, quæ frigidiores. Hæ quæ calidiores sunt motus accelerāt, deinde verò vrgētibus frigidioribus, nō modo retardatur motus, sed etiā, vt in ipso subsistat facultas cōtingit. Paulò verò post quod propter calidas vrgeat vsus ad motū conuertitur. Quare inæqualis hæc intemperies, has efficere potest differentias, quæ, scilicet, in vno motu fiunt continuo, & dispari, & quæ fiunt in

motu interrupto, id quod etiam usu euenit, illis qui in itinere, vel alio quouis modo alteros cūctates retrahūt. Sic enim hi inordinatē retrahātur, itā impetū frangūt, vt nō modo impediatur motus, vt vel tardiūs vel etiā omni ex parte non procedat, sed etiā retrahūtur aliquādo de cursu quodā. Inēqualitas, quæ vni^o est pulsus cōtinui, nō tamē pari celeritate facti easdē habet causas cum motu interrupto, sed minus sunt difficiles: siquidē nō æquē magnū est incōmodum, motū omni ex parte præpediri, aut ipsum mutari, vt ait Gal. 2. de caus. pul. ca. 5. Difficilior enim causa ipsum intersecat: difficilis verò ipsum cōmutare facit: ergo minus in differētijs, quæ sūt in motu cōtinuo. Sed nō pari celeritatē oneratur facultas, & instrumēta cōprimuntur, quā in interfecto: quin etiā & in illis magis, aut minūs. Nā in quibus cōtinuò ad celeritatē insurgit motus, min^o, in quib^o è cōtra ad tarditatē magis opprimitur. Prætereā & in his differentijs, in quib^o affatim fit cōmutatio ad celeritatē, vel tarditatē non solū grauatur facultas, sed etiam instrumēta premuntur, & obstruūtur; siquidem in tam præcipite mutatione magnā vim inferri facultati est necessum. Quare nec solum grauatur, verum & instrumenta vitio afficiuntur. Ex his igitur interfecti & cōtinui motus simplicis inæqualitatis constant manifestē causę. Vnde mihi

*Libro. 4. de
presag. ex
pul. c. vlti.*

hi non exiguam admirationem exhibuit Valle-
sius, qui causas cur in eodē ictu in eadem arte-
riæ parte fiant pulsus celeritate inæquales Gale.
non docuisse existimet; cū potius ex ijs, quæ ex-
plicuimus, contrariū accipiamus. Illū verò in-
choasse pulsuū doctrinam quodā in libello, &
præcipue sermonē de causis, non tamen ad vn-
guē (vt in alijs fecit) absoluisse certò credo. Sed
iā ad recurrētis pulsus causas inuestigandas ac-
cedamus. Recurrentes pulsus etiā dicrotos vo-
cat Gal. lib. 2. de caus. pul. ca. 6. Atq; dicroti esse
non possunt, nisi vibrati sint: quare prius vibra-
torum causas exponamus. Vbi valida est facul-
tas, instrumentum durum, & vsus vrget, vibrati
sunt pulsus; ita tamen, vt si vnum istorum ab-
sit, etiam vibrati deficient. Quoniam si facul-
tas contendat & instrumentum durum non
sit, sed mediocriter molle, magnis erit pul-
sus, aut durum instrumentum, & non conten-
dens facultas, pulsus durus erit solummodo. *Pulsus tre-
mulus redi-
ciur ad vi-
bratum, vt
de infra de
pulsu phre-
neticorum,
cap. 7.*
Quin & facultas non contenderet duro existē-
te instrumento, nisi vsus vrgeret. Planum ergo
est, has omnes causas, ad pulsus vibrati gene-
rationem concurrere, vt constat. 2. de caus. pul.
ca. 6. & li. 3. de prælag ex pul. ca. 4. Cæterū quod
vrgeat vsus faciūt causæ per multæ in vibrato pul-
su. Sed instrumentorū vitium præcipua est, eaq;
vel sola, vel complicata cum vsu increscente, vi-
tium

Cap. 6.

tium instrumentorum & cōtumaciam efficiūt, vel, vt sæpius dictum est, opilationes, aut compressiones, aut durities, quæ ex ipsorum siccitate, frigore, tensione, cōuulsione, aut inflammatione causatur, eodem Galeno auctore citato libro de caus. pul. & 1. de diff. febr. capit. 7. & 1. de præfag. ex pul. cap. 4. & lib. 2. eiusdem operis ca. 5. Iā igitur ad dicrotos perueniamus, qui etiā vibrati sunt, proinde similes causas obtinebūt. Verū vibratio in dicrotis, aut manifestè percipitur aut non perspicuè. Nam vbi cum vibratione sublatæ arteriæ pars, quæ sola cute obtegitur facile attollatur, aliæ autem partes quæ vtrinque sunt positæ corporum incumbentium crassitudine, aut numero onerentur, ita vt nec tangentibus earum motus occurrat clarè, tunc necesse est ratione partis, quæ perspicuè attollitur, reliquas etiā, quæ obscurū habent motum attolli, ita vt vna cū ipsis redeat, & recurrat iterū foris illam tāgentibus, quare in manifestā fert vibrationē dicrotus: nō perspicuā, vbi pars quæ digitis occurrit calidior & mollior sit, partes verò vtrinq; positæ frigidiores & duriores. Fit igitur vt hæc motū retardēt, pars verò illa, quæ citiorē postulat motū, quia calidior & mollior, nō nihil à frigidiorib⁹ & duriorib⁹ retrahitur, & cūcta tur. Vnde fit dicrot⁹ sine perspicua vibratione, vt planū sit dicrotū interdū fieri propter ingētē duri-

duritiem coniunctam cum quadam intemperie vel crassitudine, vel abundantia humoris, aut carnis, quomodo perspicuè vibratus est: Interdum verò propter magnam inæqualem intemperiem cum parua duritie arteriæ coniunctam: tunc verò non perspicuè vibratus est. Inæqualis cordis intemperies recurrentem pulsum, qui propriè dicrotus, siue recurrens sit, absque arteriarum aliqua duritie efficere nō potest: quod in vibrato pulsu explicat Galenus (dicroti autē vt dictum est vibrati sunt) lib. 2. de caus. pull. ca. 6. dicens. Nam intemperata inæqualitas, si progrediatur, augebit quidem vibrationem, non tamen causa est vibratorum generationis. Secundo prætereà libro de prælag. ex pul. ca. 8. dicrotos non esse propriè pulsus, qui propter cordis inæqualem intemperiem, sine arteriarum duritie testatur, sed potius bis pulsantes. Quod si quis dicrotos appellare voluerit, non recusabo, dum modo sciat exemplum Archigenis, resiliētis mallei ab incude percussa eis non cōuenire. Quod aliud non est, nisi quod dicroti propriè non sint, cū careant duritie illa arteriæ, quæ ad dicrotorū generationem necessaria existit. Libro item tertio de prælag. ex pul. capit. 4. pulsum, qui bis ferit, proprium esse symptoma intemperiei cordis, & à dicroto distare mollitudine fatetur: ad cō vt si durities ei postea superueniat,

Sect. 2.

Causa pul-
sus bis ferie-
tis.

niat, in diororum vertatur. Sola igitur inæqualis intemperies, quæ corpus teneat cordis, pulsum efficit bis ferientem, qui propriè diorotus non est. Efficit etiam & illos pulsus, quorum motus quiete interpollatur, aut citra interpollationē motus dispar est, vt ostensum est supra. Verūm quomodo pulsum hunc bis ferientem præstat hæc inæqualis cordis intemperies (de alijs enim quomo fiant iam actum est) sequenti ratione fieri ait Galenus lib. 2. de præfag. ex pul. capite 8. citato. Cum partes aliquæ æstuant arteriæ distentione indigentes, aliæ fumoso excremento, quæ contractionem postulant. Fit igitur vt æstuentes distentionem accelerent, eandem vero cunctentur excrementis onustæ, quia contractione indigent, ex quibus pugna quædam suboritur, quæ triplicem parit bis ferientium pulsum differentiam, tam in distentione, quàm in contractione. Prima, quando distentioni nondū completæ superuenit contractio. Secunda, cū prorsus completæ distentioni succedat illa deperdita externa quiete. Tertia, quando contractio, nondum absolutam distentionem retrahit, ipsam tamen desinit post reditum reliquum compleere motum. Similes accidunt differentię in contractione respectu distentionis. Sed notandum est, nō esse pulsum bis ferientem, de quo hic agimus, qui captizans
appel-

appellatur: nā hic in vna distēctione interruptus est in eadē arteriæ parte, de cuius cāusis infra in cōposita inēqualitate agendū est. Tamen bis feriens est pulsus, qui impropriè est dicrotus, siue recurrens, saltim quoad differentiā, in qua contractio, distentionē nondū completā retrahit, redijt tamen ipsa ad reliquum motus implendum: quare & hic de eo, consequutione sermonis adducti, agere libuit. Qui pulsus inæquales sunt, in vno motu, cæterum in diuersis arteriæ partibus ab eisdē causis ferè proueniūt. Horum enim quidā inæquales sunt ob arteriæ sitū, quidam ob motum. Qui ob motum inæquales sunt, easdē causas habēt cū ijs, qui in vna arteriæ parte, vel cōtinui sunt & dispares, vel interrupti. (Sūt enim similiter qui in pluribus arteriæ partibus sūt continui dispares, inēqualiter, aut equaliter, aut interrupti.) Siquidem onerata facultas, instrumenta vitio affecta, aut cordis inæqualis intemperies causæ sunt, idque per se seorsim quælibet sumpta, vel si vna cum altera ad inuicem coniungantur. At verò in hoc inæqualitatis genere decurtati etiam fiunt: quemadmodum in collectiua inæqualitate, quin etiam & qui ineuntes & circumeuntes dicuntur, qui non easdem insequūtur causas, quippe omnes imbecillitatem consequuntur facultatis. Cū enim à corde facultas in singulas arterias permeat,

meat, in remotioribus partibus magis dissoluitur; quare motus efficit necessario minores & languidiores, vnde fiūt pulsus decurtati. Quod si in arterijs cordi propinquioribus, aliquando minor, & languidior appareat motus, & contrario modo in distantioribus maior & vehementior, id cōtingit ob situm arteriæ inæqualē. Siquidem fieri potest, vt distantior in superficie corporis sit, propinquior in profundo, atque ita ob corporum incumbendum onus, motus, & minor & languidior appareat. Si verò distātior & propinquior æqualem habuerit sitū, inæqualem intemperiem causam esse deducemus, Galenum sequentes lib. 2. de caus. pul. cap. 9. Nam planum est arterias, quæ temperatiores sunt, à pari facultatis robore facilius & magis moueri, quam intēperatiores. Igitur si quæ arteria propinquior est cordi, squallida, aut nimis humida sit, difficilius mouebitur, & minùs: è cōtra, quæ distantior faciliùs & magis si calore & humiditate temperetur. Incuntes & circumeuntes cum decurtatis conueniunt: nisi quod decurtati sint versus vtramque partem. In medio enim digito maiores apparēt: minores verò versus primum & vltimum; quare etiam imbecillam insequuntur facultatem, vt tradit ipse Galenus, cap. 10. citati libri. Nā quando imbecilla est facultas, & in parte quadā arteriæ, corpora superposita marcescant,

cescant, contingit in eadem parte emicare motus magis, ita vt eius magnitudo sicū aliarum adiacentium partium magnitudine comparetur, maior appareat : quare vtrunque decurtati sunt, versus illas partes, quæ præ imbecillitate non eleuat facultas, quia corpora nō sunt marcida, quæ eis incumbunt. Cum ergo imbecilla sit, non potest incumbentium corporum onus sustinere. Et ita efficit excellentiorē motum distentionis, in partibus nudioribus, quā in illis, quæ corporibus superiacentibus onerātur. Inæquales in pluribus arteriæ partibus ob situm arteriæ efficit tensio, dum ipsius arteriæ situm peruerit : tensio à multis fieri solet (quemadmodum in vtero & in alijs corporis partibus cernimus) inflammatione, scilicet, scyrrho, abscessu, crudo tuberculo, & vt breuiter dicam, tumor omnis præternaturam ad se partes retrahens tē sionē causat. Insuper & siccitas immodica, nimium frigus, conuulsiua intentio, & inæqualis intemperies arterias distorquet, & à propria sede deiiciunt. Fiunt in hoc genere pulsus vibrati, & conuulsiui appellati. De vibrati causis iam egimus, de cōuulsiui causis dicamus. Fit ex eo, quod arteria in modum tendatur, aut conuelatur, per nimiam duritiem, aut tensionem vt per affectum conuulsiuum accidit. Cum enim confluxio, & conspiratio sit vna & omnia, om-

nibus consentiant Hippocrate auctore libr. de alimento, fit; vt conuulsis nervis conuellantur etiã arteriã. Namq; ipsæ ad societate cū nervis deueniūt per fibras, quæ ab ipsis in singulas arterias deductæ sunt. Similiter & cor cerebro arterias transmittit, & cerebrū cordi nervos: quare cōpatiūtur, nō modo per actiones, verum & per affect⁹, quos nervosum gen⁹ per fibras arterijs impartitur. Vnde cōmunis apparet cōuulsio nervis, scilicet, & arterijs, à quib⁹ ita affectis cōuulsius efficitur pulsus. Causam igitur cōtinentē habet cōuulsius pulsus instrumenta nimis intenta. Super sunt, vt finē huic capiti imponamus cōpositæ inæqualitatis causæ, atq; pulsus ordinati, & inordinati. Cōpositæ inæqualitatis differentię permultæ sunt, prout vna cū altera, aut cū pluribus permisceri solet. Quare solū illarū causæ cōtinentes exponendę sunt, quę nomina propria habent, vt explicentur, atq; vsu sepe cōprobenentur cōmunioresq; sunt. In primo loco est pulsus caprizans ab Erophilo sic appellatus, Arabibus verò gazelans, qui bis pulsat, sicut dicrotus: à causis tamen diuersis procedit. Nā nec instrumentorū durities, aut intēperies illi adiūgitur: sed vbi fācultas valens cōtentionem ad motū apponit: cæterū ob humorū immodicā copiā, vel opilationē, vel cōpressionem instrumentorū, mot⁹ in medio præpeditur. Cū
verò

verò facultas, quæ valēs est vincatur, vires colligens, ac recuperās, cōtendit, quæ molesta sunt reijcere: atq; sic secūdā motus partē post quietē vehemētiorē efficit. Quare caprizās posteriorē mot⁹ partē vehemētiorē priorihabet, q̃ si vehemētior nō fuerit, iā caprizāte altera fiet deterior differentia, quę nomine caret. In 2. præterea loco sunt vndosi, vermiculātes, & formicātes pulsus, in cōpositæ enim inæqualitatis differentijs cū his etiā vibratos & conuulsivos reposuimus. Verū cū de his sermo supra sit absolutus, de illis tribus, quænā sint causæ inquirere oportebit. Cum enim sub eodem sint genere, solaq; paruitate differant, vt explicuimus sectione secunda, causas continentes easdem ferè habent. Nā facultas copia humorum oppressa, aut imbecilla, aut instrumenta extremè mollia has efficiunt differentias. Cū enim facultatis contentio non pari firmitudine in omnes arterias à principio progrediatur, causa est, vt quę propinquiōres sunt cordi, prius moueantur, quæ verò remotiores seriùs. Nam copia humorum ibi facultatis contentionem interpellat, ac sistit, vbi plurima confluxit, ex qua multæ fiunt distentiones in modum vndarum tactui occurrētes. Idem etiam facultatis infirmitas præstat citra humorum oppressionem in vermiculante, quod tota simul arteria distendi nequeat: sed

*Libro. 2. de
caus. puls.
cap. 7.*

*Ad calcem
cap. 8.*

parte distenta mox alterius distentionē aggredi-
tur. Verum hoc propter causas violentas con-
tingere ex his omnibus liquet: nec perpetuum
est facultate secundum statum naturalem se ha-
bente, quemadmodum Eracistratus autūma-
bat, ut fert Galenus lib. 2. de caus. pul. capit. 8. &
lib. 2. de prælag. ex pul. capit. 9. Namque secun-
dum naturam simul omnes attolluntur arteriæ,
& ad eundem modum cum corde pulsant, ut
alibi diximus. Atque cum vndoso, vermiculan-
ti & formicanti eadem sit inæqualitas, sola quæ
magnitudine differat, vndosus ex facultatis op-
pressionē provenit, ubi non multum valens sit
facultas, vermiculās ex illius imbecillitate. Cū-
que adhuc imbecillima, & ad extremum labefa-
ctata fuerit formicans efficitur, ut constat libel-
lo ad tyrones, cap. 11. Extremè mollia instrumē-
ta hos præstant pulsus, non aliter ac in mollibus
& tenellis virgis conspiciamus. Si enim ex verti-
ce apprehendatur & flectantur, partes, quæ ap-
prehensæ parti viciniore sunt, simul attollun-
tur, reliquæ veluti dimissæ manent, moxq; ele-
uatur. Sic arteriæ nimia humiditate molliissime
flectuntur, & quibusdam in partibus dissecan-
tur, ita quod partes quædam prius, alteræ verò
serius moueantur, quoniam contentio nō equa-
liter omnibus partibus à principio impartitur.
Quare si valida est facultas ita affectis arterijs
vndo-

Seff. 2.
Cap. 3.

vndosus fit pulsus, si imbecilla, vermiculās. (Nā in hoc paruis interuallis defecit contētio, & vermis prærepentis speciem repræsentat) Sicut si ad extremum deuenit imbecillitatis, minora-
 que fuerint interualla, formicans efficitur. Sed paululum hic oportet vt sistamus gradum, duo dubia non paucè vtilitatis inquirentes. Primū quod Galenus dixerit lib. 2. de caus. pul. capi. 8. (& nos eum insequentes id cōfirmauimus) vndosum pulsum ob humorum fieri abundantia, vermiculantem ob facultatis infirmitatem: & prætereā vndosum à vermiculante magnitudine differre. Ita enim ait. Porro quod inter hos pulsus interest, & illos, quos copia humorum constituit, magnitudo est: & libello ad tyrones, cap. 8. quod si coniunctum cum distentionis paruitate sit, vocatur vermiculans: si autem cum magnitudine vndosus simpliciter. Ex quibus constat vndosum, qui ab humorum copia onerata facultate fit, magnitudine differre, quod suspicione non caret. Nam quo pacto cū humorum copia magnitudo pulsus implicabitur; ipsa impediēte copia, quominus arteria distendatur? Certè Galenus non multū distēdi arteriam in vndoso insinuat, sed quod magis distendatur in ipso, quā in vermiculante: vt meritò differentiæ rationem à magnitudinis distentione in vtroq; colligatur. Alterum dubiū

est, quomodo ex facultatis imbecillitate vermiculantes pulsus effici possunt, atque pulsus inæqualitas edi. Quod ipse lib. 2. de caus. pul. cap. 1. & 8. de vermiculante tradit, & lib. 1. de diffic. resp. capite. 17. de inæqualitate ait. Sic relatum etiam est de illis (loquitur de arterijs) quod ob facultatis imbecillitatem pulsuum inæqualitas fieri possit. At idem Galenus lib. 2. de præfag. ex pulsibus, cap. 4. ex solius facultatis languore inæqualitatem non fieri testatur: siquidem ait. At cum debilitata dumtaxat facultas est cordis, nõ degrauatur tamen ab humoribus, hic omnino pulsus parui sunt & languidi ex facultatis imbecillitate: nulla verò illis adest inæqualitas, nisi quando ipsum etiam corpus cordis inæquali intemperie detineatur. Sunt igitur hæc inter se pugnancia loca, quæ non parvam ad præsens evertunt doctrinam. Nam si vermiculantes pulsus ex facultatis infirmitate fieri non possunt falsum nos docuit Galenus lib. 2. de caus. pul. citato capite. Quin & pulsus inæqualitatem ab eadẽ debilitate fieri cõstat lib. 1. de difficult. resp. ca. 17. In his cõformandis locis multa possemus obijcere, quæ variã huius tractationis eruditionẽ inuoluunt. Cæterũ, cum proprijs locis disquisita maneant, sufficiet pro repugnãtia abijcienda sic procedere. Facultatis imbecillitas per se pulsus inæqualitatem efficere valet, vt

1. & 8.

in

in vermiculante pulsu apertè probatur: non tamen ita crebrò, vt in ipsius oppressione còtingit, vt constat li. 2. de caus. pul. ca. 1. quod expositum est initio huius capituli. Verum quando tanta est facultatis impotètia, vt pro vna vice dilatare arterias nò possit, necessariò in ipsis & in corde aliquod vitium esse debet. Quare inæqualitas attestatur non solum supra impotentiam & facultatis languorem, sed etiam supra illud vitiosum, licet causa, quæ per se inæqualitem efficiat facultatis sit imbecillitas, quod insinuat Galen. libr. 2. de caus. pul. cap. 8. dum vndosum & vermiculantem, sola magnitudine differre ait. Et licet illum copia humorum creet, non denegat aliquid posse esse vitiosum in vermiculante. Quippe non adiecit solam facultatis imbecillitatem eum efficere, sed ipsam per se imbecillitatem potissimam esse causam; quomodo intelligendus est lib. 2. de præ sag. ex pulsibus citato. Possumus etiam repugnantiam soluere, quo pacto Vallesius lib. 3. controuersiarum, ca. 12. pulsus inæqualitatem instrumentorum vitio fieri tradit, scilicet, si compressione, obstructione, humorum abundantia ad facultatem, aut inæquali intemperie afficiantur. Vitium interdum non solum instrumenti est proprium, sed etiam vsui, & instrumento, aut instrumento & facultati commune. Sic igitur quando fa-

cultas debilis est per se inæqualitatem præstat; etiam si instrumenta sint optimè expedita: quia non sunt ipsa proportionē respondentia facultati, quinimo tanquam graue onus impedimēto sunt ad motionem (vt ait Vallesius) atq; motus fiunt inæquales. Vnde vitium est instrumēto & facultati commune, quomodo Galenus in omnibus locis est intelligendus. Nā lib. 2. de prælag. ex pul. cap. 4. ex sola imbecillitate facultatis inæqualitatem non effici ait. Et libr. 1. de diff. resp. relatum esse tradit arterias ob facultatis imbecillitatem inæqualitatem efficere, vbi vitium tum instrumento, tū & facultati tribuit: quod etiam lib. 2. de caus. pul. ca. 8. in vermiculante insinuat. In tertio loco est ferrans, seu ferrinus appellatus pulsus, qui ob istrumentorum læsionem constat fieri. Læduntur verò quominus habilia sint ad motum multiplici via, obstructione, compressione, duritie, aut tentione, vt constat initio huius capitis. Verum, quia duræ sunt arteriæ, & minus habiles ad motum, causa potissima est ferrini pulsus, aut quia tensæ sunt in modum: quemadmodum in pleuritide ob phlegmonem membranæ costas succingentis contingit. Tensæ autē cum sint, aut duræ, quædam partes magis, quam reliquæ minus eleuantur: quare arteriæ partes eminentes & depressas ad modum ferrę repræsentant. Sed de hoc inferius,

rius, cum de inflammationis & pleuritidis pulsus verba faciemus. Vltima compositæ inæqualitatis differentia est, pulsus hectici, de qua infra dum Physicorum pulsus inquiremus, agendum est. Deest solum ordinati & inordinati causas exponere. Qui pulsus inæquales cum sint ab eisdem semper causis procedunt; nisi quod ubi causa fixa est, & eodem permanens modo inæqualitatem præstat, hæc eadem ordinem seruare est in comperto. Vbi è contra variabilis & minimè fixa inordinatum facit; quippè pro causæ vincentis fixatione, aut variatione, ordo aut eius perturbatio gignitur, vt patet lib. 2. de capit. 14. Quare quæ fixationem habet, quodam ordine operabitur; ex quo ordinatus est pulsus: sicut inordinatus, quando causa varians est minimeque firma.

CAPVT QVINTVM.

Causæ naturales, quos pulsus efficiant.

RELIQUVM est, vt inuestigemus de causis alterationis pulsus: siquidem satis de continentibus egimus. Ac primum diuisionis initio huius sectionis propositæ ordinem insequamur. Nam causas alterationis (quæ tum extrinsecæ, tum

intrinsecæ esse possunt) in naturales non naturales, & præter naturam diuisimus. Meritò ergo in hoc capite de naturalibus sermonem instituemus, omittentes in sequentia de reliquis doctrinam. Causæ naturales, quæ potissimum pulsū alterant, sunt sexus, temperatura, corporis habitus, etates, anni tempora, regio, & tandē quædam corporis affectio, vt prægnatio. Sed à sexu incipiamus Galeni verba referentes.

*Sexus pul.
Gal. cap. 2.
lib. 3. caus.
pulsuum.
Comm.*

Viri mulieribus pulsū ferè habent longè tum maiorem, tum vehementiorem, paulò tardiorē, satisq; variorem.

Inuenta causa continente, quæ in sexu immutatur, facile erit causas conijcere, cur viris talis fiat pulsus, ipsi siquidem calidiores sunt fœminis, vt constat lib. 2. de temperamentis; vitalique robore firmiores. Vt igitur vsui satis fiat, qui auctior est, quam in fœmina, maior est pulsus & vehementior etiam, cū robore maiori consent. Magnitudo autem non solum caloris copia, sed etiam firmiori existente facultate efficitur. Namque, vt supra diximus capi. 2. validæ facultati peculiaris est pulsus magnitudo: viris ergo maior ac vehemētior erit pulsus: fœminis è contra paruior & debilior. Cum autem in viris magnitudo calorem attemperet, non opus est celeritate: imò nec multò minùs crebritate; quare paulò tardior fit, satisque rarior. In fœminis

nis celerior & frequentior, quia multa impedimento sunt, quò minùs magnitudo calori satisfaciat. Habent enim fœminæ regiones intervalla cōstrietas, quas adeps, molliſq; ue caro atq; excrementa pituitosa occupant, corpus item spissum, & ad hoc, vt per halitum digeratur nō rectè dispositum. Quin & in quibusdam corporis partibus plurimos crudos & crassos humores congerunt, à quibus omnibus arteriæ arctantur, & comprimuntur: vnde habitum habent ad pulsus paruitatem accommodum; ex qua celeriores, & frequentiores fiunt: quia paruitas vsum non adimplet. Nec obstat, quòd molliores sint, & mollitudo instrumentorum ad pulsus magnitudinem disponat. Nam præter id, quod paruitatis causæ quæ fortiores sunt in fœminis, hanc eandem obſcurāt, non tanta siccitate præditi sunt viri, vt ipsorum arteriæ non sint ad functionem sequaces, licèt sicciores dicantur respectu fœminarum. Imò tanta in fœminis potest esse humiditas, vt magnitudini reluctetur. Siquidem, cūm dicimus molles debere esse arterias ad motus magnitudinem, mediocriter id esse subaudiendum, cum Galeno explicuimus supra. Nec præterea obſtabit si fœminas frigidiores esse dicamus, imbecillioresq; esse: proinde sola paruitas vsui satisfacere, vt nec opus sit pensari defectum celerita-

leritate & frequentia: cùm potius vsui imminuto imbecillæque facultati, paruitas, tarditas, & raritas magis conueniant. Subuenit huic obiectioni Galenus, quemadmodum & superiori. Quia, licet minor sit vsus in fœmina, quam in viro, tamen paruitas multò minor est, quam pro vsus ratione necessarium; ideo celeritas adiungitur & crebritas. Cæterum pulsus maiores & vehementiores ferè esse in viris non absoluto sermone adiectum est. Quia esse potest fœmina temperamento calidissimo, vir autem frigidissimo non modo ex propria natura (vt si fœmina sit pilosa, macra, iracunda; vir autem obesus & pituitosus) verum & ex vitæ instituto, sicut si mulier ruri agat, laboriosa sit & victu vtatur modico; vir in vmbra degat, otio & crapulæ sit deditus, atque delicijs mollior indulgeat: dubio procul mulieri maior multò & vehementior erit pulsus, viro è contra minor, & languidior. At cùm hoc rarum sit, frequens verò maiorem, & vehementiorem in viro, meritò in oratione, ferè positum est, quia magna ex parte id solet accidere.

*Temperatura pul-
sus.*

Cap. 3. lib.

3. de caus. pul.

Comm.

Calidi natura multò habent maiorem, celerior, crebriorem, & vehementiorem, non item multò.

*Ratione tēperaturæ calidæ vel frigidæ im-
mutatur vsus, vt constat libro primo de prælag.*

ex pulsib. cap. 4. Vnde propter diuersitatē, quæ pro varietate ipsarum acquiritur, varij fiunt pulsus. Posuit verò Galenus proprios calidæ naturæ pulsus, quia illis cognitis, ad reliquorū temperamentorum pulsus facilis erit cognitio, si contrariorum eadem est doctrina. Igitur cū vsus immutatur per calorem, pulsum efficit maiorē, celeriorē, crebriore (nam hi familiares sunt vsui adaucto.) Si per frigiditatem ē contra minorem, tardiorē & rariore, non verò vehementiorē, qui contrarius est ei, qui non multò vehementior est ratione caloris. Vbi enim valida est facultas necessario pulsus est vehemens: sed valida efficitur vbi corpus in symmetria tueretur. Quod si per aliquam intemperiem à mediocritate recedit, secundum ipsam magis aut minus est robusta, & pulsus non ita vehemens, aut languidus. Ex quo patet Lupēi lapsus, qui si non multò attemperamento deducta sit caliditas, vehementiorē præstare pulsum eo, qui in temperato corpore fit, arbitratur: siquidem quò firmior est facultas vehementior est pulsus, & firmior nulla esse potest, quam ea, quæ est naturæ temperatæ, cū actiones omnes tantò robustiores sint quanto suis numeris absolutior sit tēperies. Quis igitur ambiget calidiores temperamento non ita vehementiorē habere pulsum? Nec quidquam suadet Lupēi ratio,

ratio, quod, scilicet, propter ascititium calorem iuuenes pueris vehementiorē habeant pulsum. Nam vehementia pulsus, nō ex calore: sed quia in propria natura facultas robustior sit iuuenibus, efficitur. Humida tēperatura & sicca vsum non permutant, sed instrumenta: nam humida mollis sit arteria, & pro inde mollis pulsus, durę verò siccitate, atque ad eō durus pulsus. Ex his, quę simplices sunt temperies, quo pacto in cōpositis fiant pulsus manifestabitur, tamen Galenus de calida solum pro exemplo reliquarum mentionem fecit.

Corporis habitus pulsus.
ca. 4. lib. 3.
Comm.

Graciliores maiorem, rarioremq̃, multò, & vehementiorem paulò: atque natura sic differunt.

Gracilitas, prout est habitus quidam naturalis non ex accidenti acquisitus (conuerso, scilicet, temperamento, vel facultate, vel alio quopiam affectu) vsurpatur: quomodo Hippocrates de crassitie & gracilitate agit. 44. aphor. sectionis secundæ, dum ait. Qui natura admodū crassi sunt, citius intereunt, quam qui graciles. Quare Galenus adiecit, sic differre natura, id est, qui à natura graciles sunt per pulsum maiorē, rarioremq̃, multò, & paulò vehementiorē, à reliquis, quibus cōtrarius in est habitus, differūt. In graciliorib⁹ maiores fieri pulsus ratio testatur. Nāque liberæ distenduntur arteriæ; nec ipsarū ascensus corporum incumbentium depressu inhibe-

hibetur, sicut in obesis contingit. Ampliores enim cū habeāt regiones, leuiaq; & exigua sint arterijs superposita corpora, euidēs est maiores debere esse pulsus. Sed iā constat, quod quantò increfcit magnitudo tantò etiā raritas augetur. Proinde quia maiores sunt, sunt etiā & rariores. Vehementiores paulò sunt non quod acquiratur maior cōtentio, sed quia cū non sint onere facultati corpora arterijs imposita, prodeunt magis, & videntur vehementiores esse, celeritatis & tarditatis opus non est cum vsus satis adimpleatur. Contrarijs de causis obesis pulsus fiunt parui & crebri.

Porro pro etatibus hoc pacto immutantur. Infantis pulsus creberrim⁹ est. Rarissimus senis. Omnes, qui inter hos intercedūt, proportionem seruant, prout, vel ad puerum, vel ad senē, propiūs accedant. Celerissimus item pueri iuuenisq; pulsus: senis tardissimus. Reliquarum etatū pulsus ambigunt inter hos. At senex à puero longe magis raritate, quā celeritate, distat. In vehementia & magnitudinis differētia maximus est, ut in etatibus pulsus iuuenum: min⁹ senum: medius & paulo maior pulsus puerorum. Iam vehementissimus iuuenum: languidissimus senum: medius inter hos puerorum pulsus.

In his pulsib⁹, qui per etates immutātur, placet clarioris doctrinę gratia, qui puls⁹ sint cui libet etati ppriij, deinde causas, cur tales fiāt inuestigare: licet

Etatum
pulsus.
Cap. 5. li. 3
de can. pul.

Comm.

*Puerorum
pulsus.*

*Senum pul-
sus.*

licet Galeni orationem proposuerimus. Pueri pulsus habent maiores, quàm senes, deinde celerissimos, creberrimos, & vehementes. Senes è contra paruos, tardos & raros, & debiles. Quia pueri calido innato abundant, substantiam postulant, quæ illum attemperet: quare motus distentionis magnus esse debet; quin & contractionis. Nam vaporosa excrementa in ipsis plurima aggregantur, cum habeant humores non ad nutriendum solum, sed & ad corporis augmentum. Spiritus item animales augentur, siquidem non modo ad substantiæ nutritionem sicut in adultis, sed etiam pro instrumentorum auctione generantur. Igitur pulsus magnos exposcunt. Cum verò satis nō sit magnitudo pro caloris copia attemperanda, cōtingit, vt celerissimi fiant, simulque creberrimi sic postulante necessitate. Maximi vero esse deberent: quoniā maximus est vsus distentionis, & contractionis. Cæterum pulsus maximos non solū creat vsus actus, sed etiam valida facultas, & instrumenta apta. At in pueris, quia non ad vltimum robur adaucta est facultas, & arteriæ ex humiditate mollescunt & excrementis ex ingluvie sint onustæ, causæ sunt, vt de magnitudine distentionis quidpiam detrahatur, atque pulsus, mediocri, paulò sit maior, licet vsus ratione maximus esse deberet. Resarcitur verò celeritate, & frequentia
magni

magnitudinis defectus. Hac etiã de causa pueris non vehementissimi, sed vehementes tantũ sunt pulsus: quia, scilicet, facultas summum robur non adipiscitur, sicut in iuuenibus, vt constat lib. 3. de caus. pul. capite. 5. & 2. de præsag. ex pul. capi. 4. Senibus contrarijs de causis oppositi fiunt pulsus. Nõ enim caloris copia constant, nec multa congerunt fuliginosa excrementa, nec in ipsis spirituum animalium generationis impendet necessitas: quare paruos, tardos & raros habent pulsus: & cum facultas parum constans sit, etiã languidos. Sed senes à pueris magis raritate, quàm celeritate distant. Quoniã in senibus distentionis motus non ità exolutus est, sicut contractionis. Nam in ipsis ventilandus est calor innatus, & spirituum animalium aliquantula est generatio, quæ omnia motu distentionis complentur: pro inde celeritate distentionis minùs distant, quàm raritate contractionis. Nã sic tyrones, qui systolẽ ignorant percipere possunt. Iuuenes pulsus habent maximos, celeres, frequentes & vehementissimos. Ex allatis facile est percipere iuuenes, quia aduentitio calore exuperant, & instrumenta re-
 ãtè habent disposita, multumque constantem facultatem, maximis constare pulsibus. Cumq; motus maximus calori copiosiori sufficiat, non opus fuit ita celerrimo nec creberrimo: vnde,

*Iuuenum
pulsus.*

solum celer, creberque fit pulsus. Vehementissimus idè est: quia per omnes ætates, validissimam iuvenes habet facultatem pulsatilem. Ex his in reliquis ætatibus pulsus inuenientur cõmodius. Quippe, prout copiosior fuerit calor, validior facultas, & instrumenta habiliora (hæ enim tres causæ continentes in ætatibus immutantur) pulsus constituentur varij, prout singulis conueniat. Iam etiam & ad rhythmos inueniendos non erit difficilis aditus. Nam, si ex vsus permutatione varij nascuntur, vt constat ex alatis: in quib⁹ pulsus vsus distentionis, ferè æquat contractionis vsum (vt de pueris lib. 3. de caus. puls. cap. 5. tradit Galenus) puerorum pulsus seruetur rhythmus, siquidem distentionis tempus perpaululum distat à contractionis tempore. In quibus verò exolutus sit contractionis, non verò ita distentionis motus rhythmi fiet, senibus conuenientes. Sed de his alibi latior cõstabit doctrina. Verum duo cõtrarietatem inuoluunt. Primum, quod Galenus li. 3. de caus. puls. citato, iuvenes aduētito calore, pueris calidiores esse tradit. Lib. tamen secundo de temp. ca. 2. calorem æqualem esse iuueni, & puero. Lib. 3. etiam 6. epid. com. 1. tex. 5. sic ait. Quo enim pacto iuuenis puero calidior sit in libris de tēpera-
 , mētis didicisti: vbi etiā quomodo puer iuvene
 , sit calidior, declarauimus. Iuuenis quidē abso-
 lute

solutè calidior, puer verò non absolutè, sed eo „
 quòd plus innati calidi possideat. Ex quibus „
 quidem iuuenem absolutè puero calidiorem „
 esse patet: æqualem tamen esse in vtroq; in se- „
 cundo de temperamentis dixit. Item pueros fa- „
 cultatem pulsatilem imbecilliozem habere li. 3. „
 de caus. pul. citato refert. At li. 3. prog. com. 34. „
 sic tradit. Cum enim tres vires genere existant, „
 ex quibus gubernatur corpus: duobus quidem „
 pueri, quam cæteri fortiores existunt: vna verò „
 debiliores, quæ in nervis innexa est. Quibus in „
 sinuat Galenus naturalem & vitalem facultatē „
 pueris esse robustiores cæteris: quod è directo „
 repugnat ijs, quæ in 3. de caus. tradit. Ad dubiū „
 primum dicendū est, exquisitè cognouisse Ga- „
 lenum æqualem esse calorem puero, & iuueni, „
 vt cōstat lib. 2. de tēp. ca. 2. Cæterū in pueris ca- „
 lor immergitur humiditate, proinde mitis est, „
 suavis, ac vaporosus: in iuvene materiæ ratio- „
 ne mordax & acris, ex quibus refrigeratione in „
 diget maiori, vt opus sit in pueris ad æqualitatē „
 diltētionis cū iuuenibus spiritū animalīū ma- „
 ior generatio: sic enim quod aduentitij caloris „
 defecit refarcietur. Ad secundum etiā patet res- „
 ponsio. Nā licet naturalis & vitalis facultas ro- „
 bustiores sint in puero: tamē q̃ attinet ad mu- „
 nus pulsandi, nō ita robustior est vitalis, sicut in „
 iuuenibus. Siquidem, vt ipse ait libro tertio de „
 S 2 caus.

caus. pul. cap. 5. facultas puerorum non potest peruenire ad summum robur in pulsando. Et lib. 2. de prælag. ex pul. cap. 4. facultatem, quæ pulsibus præsidet, imbecilliorē esse in pueris ait. Idem etiam & in actionibus, quæ in motu locali consistunt, est intelligendum: in quibus conatus apponere est opus. In cæteris verò, quæ in alteratione consistunt, & vt sic dicam, commutatione, fortiores sunt pueri. Quomodo etiam lib. 3. prognost. de vitali loquitur, pro vt, scilicet, commutat alimentum, alteratque, non verò pro vt motum præstat. Hoc enim in firmiori & solidiori consistit temperie: illud vero non nisi in calidi innati abundantia, quo iuuenibus præstant pueri. Qua ratione etiam lib. 4. de victus ratione. text. 19. pueros facultate vitali constare dixit.

*Pulsus pro
anni tem-
poribus.
Cap. 6. lib.
3. de caus.
pul.*

Pro anni temporibus. Medio vere pulsus maximi sunt, & vehementissimi, vt in temporibus: celeritate, & crebritate moderati: pari modo medio autumno: progrediens autē ver nonnihil de magnitudine & vehementia detrahit, sed auget celeritatem atque crebritatem: tandemque ineunte iam æstate, languidi, parui, & celeres, crebrique sunt. Autumni progressus cuncta imminuunt, magnitudinem, celeritatem, vehementiam, crebritatem: ita ineunte hyeme in paruitatem conuertuntur, & remissionem, & tarditatem, & raritatem. Respondet autem initium veris fini autumni,

ni, illius finis initio huius: æstatis item principium suo, & principium hyemis suo fini. Proinde quæ pari spatio à media æstate & media hyeme in utramq; partem deflexerunt, similiter variant. Porro media æstas partim conuenit cum media hyeme, partim dissidet: nam parui utrobique & languidi sunt: sed celeres atque crebri æstate, tardi, rariq; hyeme. Non perinde tamen parui æstate, ut hyeme: sed æstate minus: nec ita hyeme languidi, ut æstate: ceterum minus hyeme.

Qui pulsus hîc cuilibet tempori accommodatur, non simpliciter talis est intelligendus, sed adnotata comparatione temporû inter se. Nā & maiores & vehementiores in alijs naturis, quàm sunt in medio veris reperiri possunt. Vnde rectè Galenus adiecit particulam, ut, in temporibus, ut adnotaret tempora solum hic per pulsus esse comparanda. Quare cum in medio veris aër nos circundans omnium temporum temperatissimus sit, pulsus fiunt maximi, & vehementissimi. Quippe per hanc temperaturam facultas firmatur, & instrumenta recte sunt affecta: quæ continentes sunt causæ ad pulsus, tum maximos, tum etiam & vehementissimos. Vfus præterea moderatus est: quare in celeritate & frequentia moderati sunt pulsus. Cum vero aër à temperie discedat, progrediente vere, vsus plane proportionaliter augetur, facultas

Comm.

infirmatur, atque ita vertuntur in celeritatem & frequentiam. De robore verò & de magnitudine detrahitur: donec æstate media (aëre iam immodicè ad calorē conuerso) nō modo augeatur vsus, sed etiam languescat facultas, fiantque parui languidi, & vt vsui satis fiat, celeres & frequentes. Præterea cū media æstate ad autumnū vsque, iterum calor tēperetur augetur vehemētia & magnitudo, & de celeritate & crebritate detrahitur aliquid. Nā per hoc tēpus augeri incipiunt vires & vsus tēperari: donec rursus medio autumno natua veris vehemētia & magnitudo acquiratur, serueturq; mediocritas in celeritate & frequentia. Cæterū animaduersione dignū est, non ita vehementissimos & maximos, autumnus, sicut ver habere pulsus, quamquam vehementissimos maximosq; habeat, vt statim videbitur. A medio autumnī cuncta quidē minuuntur, vehementia, magnitudo, celeritas, & crebritas: nam vsus imminuitur & facultas languescere incipit, donec in medio hyemis, vsu immodū immunuto & viribus deiectis, fiāt parui, lāguidi, tardi & rari. Verū cū vsus magis imminuatur hyemē, quam æstate, paruitas in illo maior est, quam in hac. In æstate verò cū vires minū sint robustæ, languidior est pulsus, quam hyeme. Iam igitur & secundū hoc principium æstatis respondet sui ipsius fini: & hyemis

mis principium suo etiā fini. Siquidem quanto facultas infirmatur, & vsus minuitur in vtriusque temporis initijs, tantò etiam & in finibus. Et rursus, qualis accidit mutatio initio veris in facultate & vsu, accidit & in fine autumnī: & qualis rursus initio autumnī, talis in fine veris. Proinde ait Galenus respondere initiū veris finī autumnī, illius finis initio hui⁹. Verū & si hyeme copiosior sit calor, quā autumnino & æstate (nam ventres, ait Hippocrates, hyeme & vere calidissimi sunt, quod Galenus ex Aristotelis mente, reuocato calore in corporis profundū ob externum frigus, ait contingere) non propterea maximi sūt pulsus, sicut in autumnino, & vere: nec celeres & frequentes sicut in æstate. Nā calido innato vētres abūdare, non absolutè calido explicat Gale. 15. Apho. sectionis primæ & li. 3. de caus. puls. cap. 6. vbi hāc dirimit dubitationē: quare nec copiosiori indigens ventilatio ne (quippe innatus calor tēperat⁹ est) pulsus propterea non creat celeres nec frequētes: nō item maximos, quia actio vitalis facultatis, quæ pulsus est, nō mensuratur per actionē facultatis nutriticis, quæ in calidi innati copia cōsistit. Nā sic pueri fortius pulsarent, quam iuuenes: quod verū non est, vt mox explicuim⁹. Et per cōsequens hyeme vehementiores fierent pulsus, quā in autumnino, quod experimento repugnat. Quia

17. Aphorism. 15.

& Galenus lib. 3. de caus. puls. capite. 9. in principio somni debilitari vitalem facultatem tradit: quòd non fieret, si per nutritoriæ facultatis actionem regularetur. Somnus nanque nutricem roborat firmatque. Consistit ergo in solidarum partium temperie, cordis, nempe, & artieriarum, quæ per hyemem extremum frigus seruantem, potius debilitatur. Siquidem nimia frigiditas, per respirationem non mediocriter officit vitali robori, licet exterius cutis meatibus occursans vegetiorem reddat calorem in profundum refugientem. Sed cum medio autumno, maximos & vehementissimos fieri pulsus, sicut medio vere, in celeritate & frequentia moderatos Galenus dicat, & nos ei astipulantes, non mediocri errore videmur cõfundi. Nā Auerroës lib. 4. Colliget. cap. 20. penitus ita opnantes errare tradit. Quia in illo tempore, ait, virtutes sunt diminutæ propter paucum calorem spirituum. Imò in isto tempore est quasi similis lenum virtuti: quia istud tempus tempori senectutis assimilatur. Auicenna 2. 1. doctrina 3. cap. de pulsu temporum, in autumno, pulsuum esse diuersum, & trahere quandam debilitatem asserit, idque propter temporis inæqualitatem, nunc ad calorem, nunc verò ad frigiditatem. Ratio præterea id confirmat. Nam tempore, quo exitiales & acutissimi fiunt morbi,

*Qualis sit
pulsus au-
tumni con-
trahitur*

bi, quomodo vehementissimi & maximi fient
pulsus? At autumnus talis est libr. 3. Aphorism.
sent. 9. ergo maximos vehementissimosque nō
creabit pulsus. Item autumnus modo calor, mo-
do frigus fit: nam in quibus temporibus hoc
ipsum accidit, morbos autumnales fieri testa-
tur Hippocrates 3. lib. aph. 4. hæc verò diuersi-
tas virtutes labefactat, easque reddit imbecillio-
res: igitur pulsus potius languidi, parui, imo ve-
rò & diuersi, vt ait Auicenna (hoc est inæquales
in magnitudine, vehementia, celeritate, & fre-
quentia) pro ambientis diuersitate efficientur.

Miror maximè Vallesium in hoc à Galeni sen-
tentia discessisse. Se enim fatetur Galeni studio-
sum, sed veritati neminē præferre ait: at in hoc
nec Galeni est studiosus, nec veritatē præfert.

Quod sic ostēdemus. Licet autumnus inæqua-
le sit tempus, non adeò ad extremū caloris, aut
frigoris immutatur, vt sic in illo per calorē vi-
talis facultas dissoluatur, quemadmodum in
æstate: nec per frigus lædatur, quemadmodum
per hyemem. Quinimo qualitatum excessus su-
pra temperiem minor est, quam vt vires labe-
factet: quod Thomas Rodericus lib. 5. de locis
affectis, ad vnguem exposuit. Exiguus siquidē
cū sit recessus, non plurimum immutatur vi-
talis facultas; imò nec vsus. Quare ad quandam
temperie mediocrem in frigore, & calore, respe-

*Li. 3. cōtro
ca. 5. & li.
de pulsibus
19.*

*Conclusio
Quæstionis*

*5. de locis
affect. cap.
1. num. 15.*

Etu hyemis, & æstatis deductus autumnus, pul-
 sus (ipsorum respectu) vehementissimos maxi-
 mosque; in celeritate verò & frequentia mode-
 ratos, creat: licet non eundem magnitudinis, &
 vehementiæ gradum seruet, sicut vere medio.
 Vnde, supra, recte adiectum est, non adeò maxi-
 mos vehementissimosque autumnum, vt ver
 habere pulsus. At quid dicemus obiectionibus?
 Primæ respondet Galenus apho. 9. citato: ideò
 autumnū exitialem esse, & mortiferū: quia inæ-
 qualitas est frigoris & caloris (licet non ad extre-
 mum deducantur) & quod præcesserit æstas in
 qua multi humores assantur: qui ad cutē moti,
 ambientis frigoris, vi ad interna trūduntur. Et in
 quibusdā qui æstiuo tēpore fructibus abundā-
 ter replētur, malorū humorū multitudo gene-
 ratur. Cum his tamen vitalis facultas robusta &
 tēperata esse potest: nec inæqualitas, tū frigoris,
 tum caloris, eius actionem deijcere potest: cū
 exigua adeò sit, vt potius absolute siccus esset
 reponēdus autumnus, Galeno adhærēdo. Si ve-
 rò dicas, quid si nimis ad caloris aut frigoris tē-
 periem inclinet? Respondeo, iam non autumnus
 debitam seruari temperiem, sed ad hyemis sub-
 sequentis naturam accedere, si lapsus sit per fri-
 giditatem: sicut si per calorem æstatis præcedē-
 tis. Quare & pulsus his temporibus debitos fic-
 ri, neminem latere potest. Nec his contrariatur
 Hippo-

Hippocrates, dum de autumnno cibos difficillime ferri lib. 1. Aphorif. dixit. Apho. 18. & Galenus lib. 3. Apho. 2. in quibusdam vires debilitare per hoc tempus. Ná de naturalibus, quæ nutritoriam vim obtinent, intelligendi sunt: cum calor non adeò robustus in hoc tempore emergat in intimis corporis partibus, ipso non ita densato sicut per hyemen fieri solet, ob ambietis frigoris vim, in profundum sese insinuante calore. Quin etiã Auerroës citato loco fuisse hallucinatũ reperies. Siquidem postquã non esse simile in fortitudine pulsum in vere & autumnno, subdit, quod calor est similis senum virtuti: quia istud tempus, tempori senectutis assimilatur. Et propterea tunc plurima terræ nascentia senescunt: & etiam virtus generatiua in isto tempore in vegetalibus & animalibus debilitatur. Ex quibus liquet de facultatibus naturalibus, quæ ex nutritiuarum sunt genere, loquutum fuisse, vt ex ipsis ad vitalem, quæ pulsatilis est, non sit validum argumentũ. Infirmantur enim virtutes omnes, quæ naturales sunt, calido innato indigentes autumnni tempore. At pulsatilis firma robustaque esse potest, cum non immodicè offendatur, aëre per respirationẽ attracto. Ad secundũ argumentum satis constat solutio ex allatis. Qui exactè nouerit pulsus immutari, pro varia temporum temperie, inueniet facile

*Pulsus pro
regionibus
& aetatib⁹.*

regio-

regionum & statuum pulsus varios esse, prout diuersa fuerit temperies. Siquidē auctore Galeno li. 3. Aphorism. 4. appellationes temporum causæ morborum non sunt: vnde nec corpus pulsusve immutare possunt, sed eorum temperaturæ. Ad eundem modum pro regionibus, & statibus ad inueniendos pulsus, temperaturæ sunt cognoscendæ. Nam calida si fuerit, sicut in æstate, fiunt pulsus: si frigida sicut hyeme: si temperata sicut medio vere. His addimus si modicè a mediocritate deflectat, sicut medio autumnus. Creat enim medius autumnus maximos & vehementes pulsus, non tamen adeò vt verum. Verum Galenus lib. 3. de caus. pul. cap. 7. de pulsibus pro regionibus verba facit.

Pregnantium pulsus.

Cap. 8. lib. 3. de caus. pul.

Comm.

Pregnantium maiores, crebriores, celerioresque pulsus sunt. Præterea nil mutatur.

Indigent prægnantes maiori refrigerio, cum non solum sibi, sed etiam & foetui respirent & pulsent: quare vsus augetur; vsui vero adaucto familiares sunt pulsus magnitudo, celeritas, & crebritas. Atque secundum quod maior est foetus, maiores, crebriores & celeriores erunt. Cū tamen in facultate & instrumento nulla sit mutatio, nec vehementiores, aut languidiores, du riores aut molliores fiunt. Hæ namque differentie sunt, quæ necessario facultatē & instrumenta concomitantur.

CAPVT. SEXTVM.

Quales efficiāt causa non naturales pulsus.

CAUSÆ non naturales sunt, aër ambiēs, motus, & quies, cibus & potus, somnus & vigilia, inanitio, & repletio: & tandē animi motus celeris in præsentiarū est nobis agendū. Sed de aëris nos ambientis natura supra dum temporū & regionum pulsus exposuimus, actum est. Nam tales aër nos circundans præstabit pulsus, qualis fuerit ipsius tēperies, calida, scilicet, frigida, sicca, & humida. De animi motibus pertractat Galenus inter causas præter naturā: quia & si causæ non naturales sint: tamē excedentes in quāritate præter naturā corpus immutant: vnde inter causas præter naturales, tūc esse reponēdas animi passiones dixit libello ad tyrones c. 11. Nos verò clariorem intēdentes ordinē, in hoc capite de ipsarū pulsib⁹ in animo est scribere. Simul que de omnibus non naturalibus causis: ac in primis cum in motu sint exercitationes, & pro exercitationibus balnea substituātur, de pulsib⁹ exercitatorum & balneantium dicamus: mox vero qui otio particulares sint.

Exercitationes primò, quæ moderatæ sunt vehemētes, magnos, celeres, crebros pulsus efficiunt. Si multæ sint & vires excedant laborantis, paruos, lāguidos, celeres

*Excitatum pul-
sus.
Cap. 13. li.
3. de caus.
pul. 7.*

celeres & crebros in summo. Nimum immodicæ, adeò ut agrè seiam possint mouere, & multis interpositis quietibus: aut nil prorsus possit, sed exolutæ vires impensæ sint, pulsus mirè paruos & languidos, tardos, & raros. Quod si ad virium dissolutionem perueniant, pulsus creant illis proprios. Quales autem excitet pulsus facultas, quæ dissoluitur, dicemus paulo inferius.

Comm.

3. de offici.
med. text.
23.

Moderata exercitatio corpus firmat, ut ait Hippocrates: calorem etiam propter motum auget, & spiritum animale exhaurit. Vnde duplici ratione vrget vsus; calore adaucto & spiritu animali dissoluto; quare pulsus fiunt vehementes, magni & celeres. Et cum hæ differentię pro complendo vsu satis non sint, fiunt etiam crebri. Si verò exercitatio terminum excedat naturalem, ità ut vires exercitis deijciat (veluti si exquisitè fuerit labor) parui & languidi, celeres & creberrimi. Sed quoniam adhuc vrget vsus, magis creberrimi, quam celeres: nam virtus infirma est, cui magis peculiare est crebritas, quam celeritas. Quod si nimum fuerit immodica exercitatio & eo vsque perueniat ut corpus refrigeret, valde parui, & languidi, & quia vsus immodicè remissus est etiam tardi & rari. Tandem, si adeò excedens fuerit labor, ut animi deliquia affectat, pulsus huic affectioni proprios (firmi-

can-

Laboran-
tium pul-
sus.

cantes, scilicet, qui extremam consequuntur *Cap. 4. antecedenti.*
 imbecillitatem) planum est fieri, de quibus dixi- *Cap. 14. & 15. lib. 3. de caus. pulsuum.*
 mus, & in sequentibus dicemus. Balnea etiam
 in genere sunt exercitationis. Sunt verò quæ- *Balnea*
 dam calida, & quædam frigida. Quæ calida *quales efficiant pulsus.*
 sunt, si moderatè adhibeantur, vires firmant,
 & opportunum calorem adaugent, quemad-
 modum moderata exercitia. Atque ità pro in-
 ueniendis differentijs non est opus Galeni ver-
 barè ferre. Nam vbi modum seruant, cum vti-
 litas ex eorum vsu corpori præstetur, firmata
 facultate & vsu adaucto, sicut in moderata
 exercitatione magni, celères, crebri & vehemē-
 tes erunt pulsus. Vbi modum excedant, vt iam
 vires dissoluantur cum caloris copia, languidi
 & parui, & ratione vsus celères, & frequentes.
 Quod si in modum deijciatur facultas, detrahi-
 tur celeritas, & augetur crebritas modo dicto
 de exercitatione. At vbi corpus vniuersum con-
 sumptio sanguinè, & spiritu refrigeretur, qui pe-
 culiaries sunt vsui remisso nimis, tardi, scilicet, &
 rari, & facultati debili, parui & languidi. Bal-
 nea frigida cum primùm corpori occurrunt,
 pulsus efficiunt paruos, languidiores, tardos
 & raros. Nam intrò ob frigus recurrit calor,
 & in profundum corporis sese insinuat. Non
 sunt pulsus simpliciter languidi, sed lan-
 guidiores, quoniam ingens non fit mutatio
 ad

ad remissionem. Transacto primo occurſu pro
varietate corporis, cui occurrunt, varij etiã ſiũt
pulsus. Siquidem qui robuſtum habent calorẽ,
vegetioreſque ſunt, ex refrigeratione robuſtio-
rem conciliant calorẽ: ſicut cõtingit hyeme.

Quare magnos & vehementes habent pulsus,
tamen moderatos in celeritate, & crebritate.
E contrario qui natura ſunt frigidioreſ, per bal-
nea frigida magis refrigerantur, torporem cõ-
trahunt, & debilitantur. Ex quibus prædictæ
primæ differentiæ in hiſ augmentum recipiũt,
vt ſiant pulsus languidi, parui, tardi, & rari.

• *Otiũ quos
habeat pul-
sus.*
• *3. de off.
med. text.*
• *28.*
Otium contrarias pulsus differentias efficit, ac
exercitatio. Sicut enim labor firmat: ſic igna-
uia reſoluit, vt ait Hippocrates loco citato. Nã
& corpus per otium immodicum refrigeratur
& humectatur, atque excrementis impletur.

Similes igitur otium habebit pulsus mulierum
pulsibus. Siquidem omne corpus ubi in otio
degit effœminatur & imbecillum redditur: fir-
matur autem & vires collegit, ubi aliquid fa-
ciat, hoc eſt, aliquẽ vſum præſtet, vt ait Galenus
in commentario prædicti loci.

*Qui pulsus
à cibo ſiãt.*
Cap. 16. li.
Cibus largus, vt etiã grauet facultatẽ, pulsus inæ-
quales, atque inordinatos concitat. Archigenes vult

*3. de cauſ.
puls.*
celeriores, quã crebriores. Modicus, magnos, celerẽs,
crebros, vehementes. Parcior quã qui ſatis nutriat, nõ
cũquẽ ac moderatus: ceterũ minus mutat, nec id diu.

Faci-

Facilis est explanatio, si in mentem reuocemus, quæ dicta sunt capite. 4. antecedenti, quæ etiam Galenus tradit lib. 2. de caus. pul. cap. 1. & libello ad tyrones, ca. 11. de oppressa facultate. Nam ubi ipsa valens est: tamen onere opprimitur, sicut in largo cibo, pulsus creat inæquales inordinatosq; nec solum in vehemētia & magnitudine; sed etiam in celeritate & frequentia. Quare Archigenes aberrat, dū celeriores, quæ crebriores vult fieri pulsus. Sicut enim facultas libera non est ad omnes motus efficiendos, tū vehementes, tum etiam & magnos, sed pro varietate oppressionis, quosdam magnos, quosdā paruos, item vehementes alios, & alios languidos: sic non omnes celeres, nec crebros, sed nūc celeres, nunc tardos (requiritur enim & ad celeres motus facultatis robur, quod onere deficit) alios item crebros, & alios raros. Cæterum, si Archigenes in facultatis oppressionē magis vincere numero celeres, tardos, quam crebriores, raros, licet inæquales sint, existimet, adhuc tamen indistinctam proponit orationem. Nā interdum ubi facultatis offensio minor est, celeres vincent, ubi maior crebri. Namque celeritas facultatis robori peculiaris est, crebritas imbecillitati, ut constat capit 2. antecedenti. Qui verò modicus est cibus, cum robur adaugeat, & calorem, magnos, celeres, crebros, & vehementes

tes creat pulsus. Iá si minor ingestus fuerit moderato, cum non equè vires roborer, à prædictis differentijs quidquã detrahit: nec ita permanentes siue diu durantes facit. Verũ ob stare potest ijs, quæ à Galeno accepimus, quia cibaria frigida corpus alterant ad frigiditatem, quanquam moderata deuorentur. Quo igitur pacto vehementes & magnos, celeres & frequentes efficiet pulsus? Imò & quodlibet alimētum initio contrarium est alito, Aristotele auctore lib. 2. de anima, cap. 2. Nō de cibis statim ac ingeruntur loquimur in præfenti: sed postquam cocti & à natura superati remaneat, vt vires roborent, quod Aueroes li. 4. Colliget. ca. 20. sic aperuit. Quia cibus quãdo est nouiter in stomacho susceptus, pulsus ponit paruum, debilem & occultum. & quando digeritur ponit contrarium. Et hoc est, quia cibus antequam digeratur, calor naturalis ab eo est sepultus. Quemadmodum ignis multis sepelitur lignis, & quando digeritur tũc calor inualefcit naturalis. Galenus etiam lib. 2. Apho. 18. non statim ac ingeruntur cibi, pulsus in magnitudinem & vehementiam verti insinuat, sed vbi alere inceperit. Ait enim. Indiciũ tibi sit, id quod assumptum est iam nutrire. In pulsibus quidem, vehementia ac magnitudo, in moribus autem volũtarijs robur nutritis adiectum.

Cibus nouiter ingestus pulsum efficit paruum & debilem.

Vinū pulsus, ceterā quidem, vt cibus variat. Hoc Pulsus ex
potu vini, c.
7. lib. 3. de
caus. pul.
verò interest, quod illico immutet, & citius muta-
tio à vino profecta recedat, quā illa, quæ à cibo. Quod
item celeritatem amplius & magnitudinem, quam
vehementiam & crebritatem augeat. Quāto enim
vehementius moderatus cibus, constantiusq; robur
conciliat, tantum ferè vinum extollit magnitudi-
nem.

Quod celerrimè vinum alat, & velociter per Comms.
corpus digeratur tradit Galenus li. 2. Apho. 18.
Est etiam argumento, qui cita indigent refe-
ctione, vini potione instaurantur, vt constat li.
de alimento: habet enim cum humiditate calo-
rem permeantem. Ad eundem igitur modum
pulsus immutabit, quemadmodū & cibus. Ita
quod de ipso supra adieciimus; de vino etiam sit
intelligendū: nisi quod in quibusdam differat.
Nam cum celerius permeet, & celeris etiam sit
eius appositio; celerius etiam immutat, quam
cibus, & mutatio citius recedit: quoniam ob ca-
lorem discutitur breuiter. Eorum namq; quæ
velociter nutriunt, veloces sunt excretiones, vt
patet ex Hippocrate Apho. citato. Ob easdem
causas magnitudinē & celeritatē auget, incref-
cēte vsu, cui cū satis sit magnitudo & celeritas
non perinde opus est crebritate. Quales tamen
siant pulsus ex aquæ potu, non tradit Galenus
lib. 3. de caus. pul. vbi sermonis consequitione

Pulsus ex aqua potu. tales redditurus erat. Verum libello ad tyrones sic scripsit. Aqua minimam omnium ciborum, & potuum mutationem inducit: quanquā perinde, vt cibi hæc immutet. Quod non videtur ijs, quæ dicta sunt cōsentiri. Quia si cibi eò corpus immutāt, quod nutriant, & corpus firmet, grauentque interdum, aqua autem non nutrit, scribitur lib 3. de victus ratione, tex. 17. & 19. & Aristoteles id confirmat libello de sensu, & sensili: ergo non perinde vt cibus corpus immutabit. Aquæ potus ex se, quatenus attinet ad nutritionem, nullam inducit mutationem, nisi cibis misceatur. Nam tunc vt vehiculum cum cibis permixta nutrire potest. Quod modo, ait Galenus, minimam alterationem inducere. Verum, si vt frigida est consideretur, corpus planè alterat, vt medicamentum, aut quælibet alia res frigida, non si moderatus sit potus conuenienti ratione, & tempore adhibitus, sed vbi immodicus: tunc enim paruos, tardos & raros pulsus efficiet, & nonnunquam duos. Quando, scilicet, eo vsque bibatur, vt congelationem quandam præstet.

Pulsus ex somno, c. 9. li. 3. de cau. pul.

Iam somni etiam sunt, siquid aliud, secundum naturā, qui & ipsi variāt pulsus, initio minores, languidiores, tardiores, rarioresque redeunt. Postea tarditatem pedetentim augent, & raritatem, præsertim à cibo: at maiores sunt & vehementiores. Tandem ad remis-

remissionem & paruitatem redeunt, tarditatem & raritatem retinent.

Non de somno, prout est affectio morbosa, *Comm.* hic proponitur sermo: nam sic præter naturâ corpus alterat; & ad varias affectiones somniferas permutat, de quibus in sequenti capite tractabitur. Nunc de somno, qui naturalis est affectio, & etiam de illo, qui à natura discedens nō ad morbos disponit, sed longus cū sit nec præter naturam, nec omnino naturalis est appellandus, sed potius non naturalis. Initio somni pulsus languidiores sunt & minores, tardiores & rariores. Siquidem intro retracto calore obruitur, & veluti suffocatur, quare facultas oneratur & veluti languescit, minuiturque, cū refrigeretur calor: non aliter ac ignis inter initia lignorū multitudinem proximus est vt extingatur. Cum verò calor sese emergit victoria alimenti, sicut ignis quando ligna superat, maiores sunt, & vehementiores: præsertim si quis à cibo dormierit: nam roboratur tunc per alimentum facultas, quod iam superatum est. Cæterum tarditas & raritas augetur, quia cum impulsu duplex sit motus, distentio, per quam calor temperationem recipit, & contractio, per quam excrementa, quæ veluti fuligines sunt, expelluntur: per somnum, calore ad intima corporis tendente; motus distentionis, qui ad exteriora fit imminutus

est. E contra verò qui ad interiora, magis viget non solum initio, sed & per omne somnitēpus: unde distentionis vsus remissior est, cōtractio- nis celerior. Sic etiam & in raritate rarior etiam est distētio. Nam difficillimum est cōtractionis motum in dormiētibus percipere, quin etiā & multa opus exercitatione ad illam, quocunque statu percipiendam. Quare cum contractio, & multa etiam distentionis pars sensum effugiāt, per quietē totū illud accipitur, præcipuē tyronibus, qui non adeò exercitati sunt: atq; sic rarior iudicatur distentio cum in lōga ditineatur quiete, igitur tyronibus tardus & rarus dormiētū pulsus, præsertim à cibo, est reponēdus. Absolutè verò non talis est, sed nunc tardus, & rarus respectu distentionis, nunc celer, & creber ratione contractionis. Habemus ex his quales pulsus efficiat somnus naturalis. Vbi verò longus est (quia iam ad perfectionem alterati sunt succi) diutiusque aliquis in somno permanet, pulsus ad remissionem & paruitatem redeunt, Nam cū calor noster duplicē habeat motū: primus est & præcipuus, quo foras effertur: Secundus, quo versus alimentum interius reuocatur, quando nec motum proprium ad exterius seruat, nec amplius in alimento detinetur, sed otiosus remanet, exsoluitur, & propriā contē- tionem amittens, imbecillus redditur, vt mor-
tis

tis imaginem æmuletur. Proinde ait Galen. lib. 3. de caus. pul. ca. 9. mortis esse fratrem (vt Poëta canunt) nā & mortuis multa simillima præstat, non videre, non audire, nihil intelligere, nil cogitare, vel loqui, vel sentire, ratione carere, & proiectum esse: vnamque solam viuentibus similem seruat operationem, alimenti, scilicet, confectionem. Atq; si hæc fuerit ablata, quid aliud nisi via ad mortem dicatur? Vnde illud Ouidij.

2. amoris.

Stulte quid est somnus, gelida nisi mortis imago?
Et Seneca Poëta in Hercule furente.

Frater dura languida mortis.

Et Virgilius sexto Æneidos.

Tum consanguineus lethi sopor.

Cicero etiā in libro de senectute. Nihil videm⁹, inquit, morti tā simile, quā somnū. Quia igitur per immodicū somnū languescit facultas, oritur lāgidus, paruusq; pulsus, retinetur etiā tarditas & raritas: siquidē per omne ipsius tempus distentionis motus exsolutus est, vt diximus.

Qui expergiscuntur è vestigio pulsus magnos, vehementes, celeres, crebros & cum quadam vibratione habent: qui mox mediocritatem assequuntur.

*Expergiscē
tium pulsus
li. 3. de caus.
pul. ca. 10.*

Qui ex somno naturali expergiscuntur, hos habent pulsus; non solum quando per turbulenta insomnia vociferantur; aut motu violento excitantur: verū etiam quando confectionem iam

Comm.

alimento calor ad exteriora vertitur. Nam per somnum multa vaporosa humiditas in cute & corporis meatibus coaceruatur, caloris motum impediens. Igitur facultas, vt hanc eandem expellat, meatus repurgat, & corpus perspirabile reddat, excitat se ipsam: vnde magnos & vehementes, celeres & crebros præstat motus. Quin etiam & aliquali vibratione, hac eadem ratione fiunt. Postquam verò corpus perspirabile puriusque redditur, facultas propriam mediocritatem assequitur.

*Retentionis
& inanitionis
pulsus.*

Eorum, quæ vacuantur, aut in corpore retinètur, peculiare pulsus, siue proprios, nullos posuit Galen. solumq; per choleras, magnos alui fluores, aut vteri vacuationes immodicas fiant, in fine lib. 3. de cau. pul. & lib. 2. de præf. ex pul. ca. 9. has immodicas euacuationes adiecit. Nos id paucis supplicamus. Igitur eorū, quæ in corpore supprimuntur plus iusto, excrementa sunt alui. Quæ si eo deuenerint, vt fœtidorū vaporū distributionē per corpus efficiat, præter ea, quæ ab Actuario de aluo adstricta scribuntur, (ait enim. Aluum astrictam cōcomitantur capitis grauitas, oris amaritudo, & cibi insuauitas) in pulsibus etiam accedit mutatio. Sicut si fuligines multæ essent expellendæ, atq; ita cōtractionis motus, magnus fit & celer & in externa quiete creber. Nā vbi cōtractionis urget necessitas,

*Alui astricti
ita quales
præstet pul-
sus.*

exter-

externa quies breuior est, vbi è cōtra distētionis interna. Si verò quodlibet aliud excremētū immodicè retentū fuerit, calidū innatū suffocat & facultatē op primit. Eueniūt igitur per hāc distētionē, pulsus, quales natura humorū copia grauata efficere solet: de quibus suprā sermonē fecimus, inæquales scilicet, & inordinatos. Cæterū, si immodica fuerit vacuatio, sicut per choleras, magnos alui fluores, profluuiū muliebre vocatū, immodicū veneris vsum, & in summa per ea omnia, quæ vacuando facultatē dissolunt, euenire contingit: tunc pulsus fient vermiculantes, qui facultatem imbecillam sequuntur, vt explicatum est ad calcem capitis quarti. Fiunt enim tales pulsus per has immodicas euacuationes, absque febre, vt ait Galenus lib. 2. de præfag. ex pulsib. cap. 9. citato. Verū dubitat, lib. 3. de caus. pul. in vltimis verbis, cur per has immodicas vacuationes pulsus oriantur vermiculantes, facultatem autem, quæ à febre cacoete labefactatur, formicantes consequantur? Eò fieri ait, quia vermiculantes ex sua natura tardi esse debent & rari. Alioquin non prior arteriæ pars prius moueri videretur, nec quædam veluti circumscriptiones, quæ in vna sunt distētionē animaduertentur. At in febribus cacoetibus (hoc est mali moris) quæ acutæ sunt, pulsus summe tardus esse non

Ca. 4. & in hoc ca. §. de pulsu pro cōbo.

Immodica vacuationis pulsus.

Cur ab immodica euacuatione, vermiculantes, & à febre cacoetibus, formicantes, fiant pulsus

potest, nec rarus. Nam copia caloris ad celeritatem, & frequentiam excitat; tamen cum imbecilla est facultas, motus celeritatem fieri repugnat (licet summè tardus non sit) quare comparatur crebritas, quæ maior est, pro maiori caloris copia, ex qua nascetur formicans, qui mire est parvus, languidissimus & creberrimus, nō tamen ut quibusdam visum est, celer, ut cōstat lib. 2. de dignoscend. pulsib. cap. 1. Licet, ut ipse ait Galenus libello ad tyrones, cap. 11. celeritatis falsam speciem præbeat. Hac igitur ratione febres exitiales, formicantes habent pulsus: vermiculantes minimè, quod etiam loco citato ad tyrones dixit. Iam de animi passionibus, quas initio capitis hic annectendas decreuimus, opè ræpretium est agere, ab ira exordium sumentes, ut fecit Galenus.

*De hoc diximus
sect. 2.
ca. de pulsu
inæquali.*

Ira pulsus, cap. 2. li. 4. de cau. pul. *Ira altus est pulsus, magnus, vehemens, celer, creber.*

Comm.

Quia in ira mirum in modum incenditur calor per vehementem motum, quem vindictæ ratione natura intendit: ideo pulsus magnus est celer & creber. Nam vsui adaucto hi sunt peculiare pulsus. Vehementia adiungitur, quia impetum capescens facultas, maiori vi suam functionem obire est in cōperto. Verum vehementia non diu est persistens, sicut ea, quæ robur virtutis insequitur. Solum enim tempore, quo

quo impendet necessitas summos apponit conatus. Quod & in facultate cernas animali, nō tantum in vitali (ait Galenus.) Exsoluti enim quidam extremē, vel per senectutem, vel per morbum, vel aliam quampiam, quæ antecesserit lassitudinē, si latrones subitō conspiciant ingruere, vel hostes, vel feram aliquam, concitato cursu aufugiunt periculum, neque in eo validis cōcedunt. Item, qui in terræ motu ex ædibus exiliunt, aut per incēdium, atque ocyssimē discurrunt, cū antea per infirmitatem progredi vix possint. Ex quibus liquet, non solū vitalis facultas, sed etiam animalis moderatrices, si impendeat necessitas, maiori vi suas functiones obire. In pulsu igitur per irā facultas vitalis excitans se ipsam, ad repellendam iniuriā vim apponit, summosq; conatus & vehemētiā efficit. Altus prætereā fit pulsus, qui non iratus in quacūq; dispositione insequitur semper, vt probauimus cap. i. huius sectionis ex Galeno aduersus Vallesium. Nam ijs qui gracili sunt corpore nec multū firmam obtinent facultatem, alti non fiunt pulsus. Requiritur siquidem ad pulsus altitudinē, quod facultas maximē distendat arteriam, & arteriæ loca circumiecta, præ mole corporum, distentioni resistent. Vt sic partes mediæ quæ liberæ sunt, altius promineant per maximū distētionis motū. Gracilibus verò, qui

qui parum valentem habent facultatem, liberæ sunt arteriæ partes, non mediæ solû, sed & obliquæ. Maximum item distentionis motum efficere non possunt, ex quibus non altus, sed magnus fit pulsus, vt liquidò constet, non perpetuò iratis altum incidere pulsum, quod Galenus li. 2. de caus. pul. cap. 13. refert.

*Letitiæ pul-
sus ca. 3. li.
2. de caus.
pul.*

*Letitiæ magnus, rarus, & tardus est pulsus, at
vehementia nihil differt.*

Com. n.

Per letitiam licet hilaris reddatur animus, nō tamen facultas, vt antea maior acquirit robur: vnde pulsus in vehementia præcedentibus similes sunt. Cū verò calor ad partes exteriores efferatur, pulsus fit magnus: nō tamen celer, nec creber, cū non increscat vsus, licet enim ad exteriores partes in ira & in gaudio diffundatur; tamen in gaudio sine violento motu, & sanguinis feruore: vnde nec augetur vsus: cōtra in ira concitato fertur motu, vt patet supra. Ex quib⁹ colligit Galenus lib. 2. de caus. sympt. cap. 5. ab ira neminem interire, vtpote nec calore refrigerato, nec robore dissoluto. Quando letitia modū excedit, dissoluitur facultas, quare tunc pulsus, qui dissolutā facultatē insequūtur, cōsentaneū est fieri, parui, scilicet, lāguidi: quæ si plus iusto dissoluatur vermiculātes erūt, atq; si ad extremū dissolutionis, etiā formicātes, vt constat lib. 3. de caus. pul. capite vltimo, & libello ad ty-
rones

rones, cap. 11. & supra ostensum est. Aberrant verò, qui immodica lætitia facultatem opprimi contendunt, pulsusque esse inæquales & inordinatos (quod asserit Leo Roganus in expositione libelli ad tyrones) siquidem sanguine & spiritu ad exteriora effusis, non opprimitur facultas, sed potius dissolvitur. Nō alter ac ijs qui exhaustis viribus languescunt, & imbecilles fiunt in propria essentia.

Tristitia pulsus parvus, languidus, tardus & rarus.

*Tristitia
pulsus, c. 4.
li. 4. de cau.
puls.
Comm.*

Ex tristitia calor ad intima reuocatur, & refrigeratur. Quare hi fiunt pulsus, qui familiares sunt vsui imminuto, sed refrigescit calor: quia facultas, nec excitatur, nec ad opus disponitur.

Timoris recentis, & vehementis, celer & vibratus, & inordinatus est inæqualisq;: inueteratus iam similem habet tristitia.

*Timoruspul.
sus c. 5. lib.
4. de caus.
pul.
Comm.*

Timor inueteratus similes habet pulsus, cū tristitia; nam eodem modo in vtraque passione afficitur facultas. Qui verò recens est à tristitia solum differt magnitudine. Qualis enim fit motus subitò in sanguine & spiritu per repentinū timorem: talis lentè fit per tristitiam & timorē inueteratū, licet maior in his, quàm in illo fiat motus. Siquidem confertim retracto calore ad intima non nihil augetur vsus, fitque celer pulsus. Et quia vitalis facultas adhuc constans est, fiat

fiat etiam vibratus. Nam veluti opprimitur subita illa mutatione, quæ confertim fit in recenti timore, non tamen dissolvitur, nisi inueteratus fuerit timor (vt nec quidquam à tristitia differat) aut multum vehemens. In qua dispositione nec vibrati nec celeres fiunt (hi enim robur facultatis expostulant) sed tales tunc orientur pulsus, quales facultatis dissolutionem comitari diximus supra, languidos & paruos, tardos etiam & raros. Nisi increascat vsus simul cum facultatis dissolutione: nam tunc crebritas adiungitur, fiuntque formicantes pulsus. Ex quibus deprehenditur in recenti timore, non ità remitti, aut infirmari facultatem, vt pulsus vibratū efficere non possit, quod aduersus Vallesium, cap. i. huius sectionis ostenditur. Cæterū quod per vehementissimum timorem etiam subito allarum, aut per inueteratum, pulsus fiant, qui dissolutam facultatem insequuntur, & non vibrati, tradit Galenus in contextu huius loci, & libello ad tyrones, cap. de pulsu timoris. Inæquales etiam & inordinati sunt pulsus, vbi recens est timor, propter mentis conturbationem. Nā consentiunt animæ partes inter sese, quare superior potentia perturbata, conspirat vitalis, & compatitur. Fiunt verò in pulsu motiones similes ijs, quæ in mente, quæ inordinatæ inæquales cum sint eadem etiam sunt in pulsu, onerata

nimi-

*§. de pulsu
ex timia
enacuatio
ne.*

*In timore
quare fiant
pulsus in-
æquales &
inordinati.*

nimirum facultate, sanguine, & spiritu confer-
tim attractio subita illa mutatione: vnde pulsus
inæquales inordinatiq̃ue proveniunt: Hæ sunt
animi passiones, quibus potissimum pulsus im-
mutatur. De quibus solum mentionem fecit
Galenus existimans si alterari pulsus à reliquis
cōtingat, ira, lætitia, timore, & tristitia inter me-
dijs (simpliciter, aut per compositionem duarū,
aut trium, aut omnium simul) talem accidere
mutationem. Sed placet antequam caput hoc
finiamus, num amor ab ijs, quos hæ faciunt pas-
siones, pulsus habeat peculiare. Nam Galenus
lib. de prælag. ad Posthumum, cap. 6. nouercam
à priuigno amari ex arteriarum motu, amato-
rie pulsantium (vt quidam scribebant) Erasistra-
tum deprehendisse testatur. Quin & ipse Gale-
nus mulieris cuiusdam, quæ Pyladis amore te-
nebatur, pulsus attrectando, amorem cognouit.
Non est opus multa per digressionem tra-
dere, pro huius dubij solutione, sicut Vallesius
de amore in quadam quæstione pulchrè scrip-
sit. Nam alienum foret ab instituto omnia in
omnibus inuoluere, & vbi de aliquo perfuncto
riè sermo incidit, ad vnguem vsq; & absolutis-
simè omnia exequi. Effet profectò ad fastidio-
sam doctrinam tractationem attollere. Igitur
solum inquiramus, quæ hac in parte propria
sunt. Qui verò de amore plura desiderat legat

*An detur
pulsus, pro
amore.*

3. cont. c. 14

Valle-

Vallesiũ, ea adhibita cõsideratione, quæ necessaria est, pro re curiosa, & difficili. Amor igitur nõ aliter facultatẽ vitalẽ afficit, quã mentis perturbatione, pro varietate passionũ quibus animus turbatur. Mens verò perturbata facultatẽ veluti opprimat (sicut de timore diximus) quare inæquales inordinatosq; efficit puls⁹. Hac ratione Galenus, mulierẽ Pyladis amore captã cognouit. Siquidem multis prudenter adhibitis coniecturis, nulla corporis parte, mulierem afflicta ri, sed solũ animi molestia perturbari reperit. Contigit verò, vt quo tempore fœminam inspiceret, quidam è theatro accedens narrauit, se Pyladem saltaturum conspexisse, statim mulieris vultus, & faciei color immutatus est. Galenus hoc videns, brachio manum statim admo- uuit, pulsusq; subitò varijs modis agitatum inuenit. Altero verò die cuipiam ex familiaribus iubet, vt quo tempore ipse ad mulierem venisset, nuntiet eo die alterum, nomine Morphum saltasse. Quo audito, nec mulier mutationẽ fecit. Item & tertio die, alium à Pylade & Morpho diuersum simili tatione saltasse, nec vllam obseruauit mutationẽ mulierem habuisse. Donec tandem simili periculo vsus, mulieris pulsus, audito nomine Pyladis, diligenter adnotauit, varijs modis subsaltasse, atque ita Pyladis amore captam deprehendit. Sed cùm amor va-

rias

rias passionēs pro obiectōrum diuersitate patitur, varie potest alterare pulsum, ratione passionis, qua animus afficitur. Nam qui amat, num ira capitur, & obiecto apprehenso sub ratione contemptus ad appetitum vindictæ insurgit: aliquando tristatur obiecto apprehenso sub ratione disconuenientis: interdum timet, apprehenso obiecto sub ratione terribilis: aut gaudet si ut conueniens & iucundum est apprehendat ipsum. Pro varietate igitur passionum, hoc vel illo modo pulsus alteratur in amore. Ex his patet, pulsum nullum esse amoris proprium. Nunquā igitur sunt, quod aiunt aliqui pulsum amatorie moueri, eorum, qui vel nesciunt amoris pulsum nullum esse, vel putant re quapiam animo perturbato, pulsum non immutari, sed in eandem equalitatem & ordinem eum perseuerare: ait Galenus libello de præcog. citato, & libr. 1. prog. sent. 8. Eodē modo idem Galenus citato lib. de præcog cuiusdam diuitis seruū atriensem, nullo corporis morbo laborare, sed solum animo labefactari deprehendit, ex eo quod pecuniarum, quas administrauerat, rationem redditurus erat. Quin & Cyrillum Boethi filium etiam cibum assumere recedente matre, quem ipsa præsentē occultabat, capi. 7. eiusdem libri, experiri, scilicet, conturbatione adiunctis prudentiæ non paucis cautelis, quæ solertia aut vul-

gari prudentia, etiam si quis exiguam Medicinæ scientiam adeptus sit, inuenire poterit, ut ipse testatur. Non verò per pulsum, qui peculiariter insequatur passionem, præter eos, quos ire, gaudio, tristitiæ, & timori explicuim⁹ proprios.

Pulsus quales spei, desperationis, & verecundia.

Quare verecundia, spes, desperatio, reliquæ animi passiones, vel quatenus mentem interturbant, pulsus inæquales & inordinatos creant: vel interuenientibus ira, gaudio, timore, aut tristitia pulsus immutant, ut opus non sit, ad pulsus aliquos (qui proprij sint) præter eos, qui has concomitatur passiones, descendere. Pulsus qui pro ascititijs habitudinibus & temperamentis (Nam de his pertractat Galenus inter causas naturales lib. 3. de caus. pul. cap. 11. & 12.) fiunt, similes sunt ijs, qui pro naturali habitudine & temperamento oriuntur, de quibus ca. 5. antecedenti egimus. Quare ab ijs supersedemus, ad aliud caput, quod de causis præter naturam est, gressum mutantes.

Pulsus ascititijs habitudinibus & temperamenti.

CAPVT SEPTIMVM.

Quales pulsus faciant cause præternaturales.



RS, quod infinitum est, certis generibus & speciebus, quoad eius fieri potest, complectitur. Nam ad quædam vniuersalia theoremata, omnia

nia redigens, methodum aptam ad discendum proponit. Cum ergo causarum præternaturalium immensus sit numerus, auctore Galeno, *Libello ad tyron. c. 11.* qui nec comprehendi potest: ad eas mutationes inueniendas, quas in pulsu illarum ratione oriuntur, ad quædam vniuersalia capita siue theoremata dicta, reducendæ sunt: vt inuestigamus per vniuersalem methodum, quæ numero infinita esse possunt. Sunt etenim quædam, quæ excedente dumtaxat quantitate, præter naturam corpus immutant, & similiter pulsus, atque excessus ratione causæ etiam præter naturam dicuntur. In hoc genere sunt naturales, & non naturales causæ: de quibus iam actum est. Excessus enim harum causarum, deciscunt ad statum præter naturam. Alteræ sunt toto genere præter naturam, quorum numerus ferè est infinitus: vt nec redigi ad particularem methodum possint, nisi certis generibus, aut speciebus comprehendantur. Methodo tamen vera complectentur, vbi, duplici modo quæcunque sit causa præter naturam, facultatem immutare accipiemus. Primus est vbi ipsam dissoluit ac dissipat. Secundus, quando grauet & deprimat. Dissoluitur facultas & in propria essentia imbecillis redditur alimenti defectu, morborum malignitate, animi affectibus, doloris sæuitia, vel diu-

turnitate: aut denique immodicis euacuationibus, degranatur & opprimitur materiæ copia, & vbi instrumēta, quib⁹ vtitur ad actiones male affecta sunt, inflammationibus, scirrhis, tumoribus, varijsq̃ue abscessib⁹. De causis naturalibus & non naturalibus, quæ excessus ratione facultatem lædunt, satis hucusque egimus. Quin & de ipsa facultate varijs modis languida & dissoluta, aut oppressa & grauata, quos scilicet efficiat pulsus, hac de hoc egimus per vniuersalia theoremata. Reliquum est, vt in particularibus exemplis ampliùs nos exerceamus, cum nullius artis scientiam nancisci possimus, per ea solum quæ per vniuersalia vocata theoremata dicuntur, nisi in particularibus exemplis nos exercuerimus, vt ea quæ in vniuersalibus præstat methodus, præstet etiam & in particularibus exercitatio, vt adnotat Galenus lib. 9. method. capite 6. & 12. eiusdem operis capite. 7. Siquidem agnitio ex multa exercitatione, & curiosa omnium perpensione nobis tandem paritur, Igitur, vt per particularia nos exerceamus, quales in pulsu à causis quibusdam præternaturam proueniant mutationes, inquirendum est, eundem, vt à principio decreuimus, ordinem insequentes, & per singula Galeni capita, à pulsu doloris, procedentes.

*De pulsu
doloris c. 6.
li. 4. de can.
puls.*

*Dolor, qui quidem variat pulsus (variat autem
ingens*

ingens, aut qui principes partes tenet, ut etiam inflammatio) dum parvus est, atq; initio, pulsum edit maiorem, vehementiorem, celeriore, crebriorem: auctus verò iam & admodum validus, ut etiam vitalem contentionem offendat, minorem languidior, celerem & crebrum: ac quo diuturnior sit, vel vehementior efficiatur, hoc illorum quodq; increfcit magis. Qui vero facultatem iam diffoluit, in remissionem & paruitatem, & falsam celeritatis speciem ingentemq; crebritatem commutat.

Comm.

Dolor dum ingens est, aut principes tenet partes pulsus mutationem inducit. Dum verò exiguus, aut ignobiles occupat partes, nullo modo pulsum immutat. Nam & in dolore pedum, aut articulorum aliorum, aut reliquorum parui momenti partium, nullam in pulsu animaduertimus mutationem. Igitur vbi pulsus permutat initio, cum nondum facultas vitalis languescit, & per laborem animalis augeatur vsus, pulsus fiunt maiores, vehementiores, celeres & crebri: siquidem tales fiunt aucto vsu & facultate ad reiiciendum id, quod contristat, per vim excitata. Cum verò amplius infestat dolor, vt vitalis læsionem accipiat: minores, languidiores, celeres & crebri magis, aut minus, prout facultas magis, aut minus opprimitur, aut diffoluitur. Nam & laborantes, ad id ob doloris magnitudinem deuenire possunt, vt

sine pulsu reddantur, animique deliquia incurrant, ita referente Galeno libro 2. de virtus ratione, tex. 48. Si verò ità dissolvitur facultas, ut maximam contentionem amittat, crescente usu: iam pulsus mirè parvus & languidus, non tamen celer: siquidem ad motus celeritatem robur virtutis requiritur, ut patet supra. Suppletur tamen defectus crebri-
tate, quare pulsus fit creberrimus. Itaque erit mirè parvus, non tamen celer; licet falsam celeritatis effigiem referat, sicut de formicante constat capite antecedenti, de pulsu pro nimia vacuatione, & sectione secunda capite de pulsu inæquali. Galenus etiam tradit lib. 2. de dignoscendis pulsibus, cap. 1. & libello ad tyrones cap. 11.

Ca. 2. huius
secti. & 6.
antecedenti
& Gal. re-
fert li. 1. de
can. pul. ca.
5.

Inflamma-
tionis pul-
sus.

Ca. 7. li. 4.
de can. pul.

Inflammatiō habet omnis communem pulsum, veluti ferrantem, ut alia pars attolli arteria, alia non videatur, cum illa, scilicet, videatur durior. Habet etiam vibrationis aliquid hic pulsus, ac celer quidem & creber est, non perpetuò magnus tamen. At singulis est suus proprius. Nascentibus quidem maior iusto & vehementior, & celerior, & crebrior. Vigescentibus adhuc cum illa omnia increscunt, tum clarè iam durior & magis vibratus est. Vigescentibus autem manifestior est, durior, atque vibratus magis: sed minor est, quàm dudum, non tamen

ramen languidior, nisi facultatem excedat affectus, quin etiam crebrior fit & celer. Quæ si diuturnior sit, atq; in scirrhum iam indurescat, accedit illis gracilitas pulsus & durities. Hæc inflammatio habet, quæ pulsum per totum corpus immutat: vel quia magna est, vel quia principem partem insidet. Si verò vniuersum corpus non afficiat, pulsus in parte inflammata talis erit, qualem diximus. Crescunt autem, quæ commemorauimus singula, diminuunturq; , aut pro inflammationis quantitate, aut pro ipsius instrumenti natura inflammati. Siquidem partes nervosiores duriores edunt pulsus, magisq; serrantes, & minores, venosiores verò & arteriosiores contra. Ac inter hos maior est in arteriosioribus, atq; inequalis facillè fit inordinatusq;. Ex his liquet, qui pulsus sit illorum, quibus inflammatum iecur est, vellen, vel renes, vesica, colon, ventriculus. Præterea pleuriticorum, & peuripneumonicorum, & breuiter omnium, in quibus partis inflammationem comitatur febris. Nisi quibus in locis ob symptomatum naturam, quæ tum necessario ijs consequantur, tum casu adiuncta sunt, prout quodq; possit mutare, ita pulsus contingat variari: ut mixta ibi mutatio fiat, & quæ inflammationi congrua est, & quam loci natura vel presentis inducit symptomatis. Quibus enim inflammatum est septum trans-

versum, hi conuulsionibus sunt opportuni: quibus pulmo, suffocationibus: quibus Ventriculi os, syncopis: quibus iecur, atrophie: quibus Ventriculus, cruditati. quibus renes, Urinae suppressioni. Ad hæc partes insigniori præditæ sensu, etiam dolorum nomine pulsus mutant: quæ minus sentiunt pro affectu tantum. Igitur inflammationibus variè pulsus ex his omnibus mutantur. Quæ quemadmodum discernenda sunt, cùm alio loco exacte tractauimus, tum vero in præsentia quantum interest tyronibus persequemur.

Comm.

Merito adiectum est à Galeno tales fieri pulsus, quales hic describuntur, si inflammatio totum corpus immutet, qualis ea est, quæ magnitudine excedit, aut membrum obsidet princeps. Nam quæ externæ sunt non maximæ, vel internæ minimæ pulsus non immutabunt. Percipiamus igitur ad explanationem dicendorum, duo potissima præstare inflammationem, quæ corpus vniuersum afficit, immodicum calorem, & tensionem. Ex quibus, perpensis, quæ in continentibus causis fiunt affectus, facile erit intelligere quales pulsus ipsa creet inflammatio. Vbi arteriæ indurantur, ad motum sunt inhabiles, indurari vero contingit siccitate, tensione, frigore, aut inflammatione, vt patet libr. 2. de causis pulsuum, capite 6. & lib. 1. de diff. febrium, ca. 7. & lib. 1. de præfag. ex pul.
cap.

cap. 4. & 2. eiusdem operis ca. 5. In præfenti vbi de inflammatione incidit sermo, durities extensione acquiritur. Nā si distincte duritiem ab inflammatione prouenire asserimus, coest, quia tensio etiam ab alijs causis fieri potest. Ex duritie verò non potente natura equaliter arteriam mouere, ob sui tēfionem: quædam partes prius prominent, aliæ verò posterius: vt affectus ei similis repræsentetur, quem dum ferræ admouemus digitos, persentire solemus. Sed & vibrationis aliquid habet pulsus. Nam vbi valida est facultas, instrumentum durum, & vsus vrget, vibrati fiunt pulsus, vt traditum est ca. 4. antecedenti. Vrget vsus, quia immodicus est calor, ob quem etiam celer & creber fit: non tamen perpetuò magnus, siquidem motus magnitudini obest durities. Vnde incipiente inflammatione, maior vehementior, celerior & crebrior. Accrescente tamen, quia tēfio augetur, & proinde durities, de mot⁹ magnitudine detrahitur, & pro complendo vsu augetur celeritas, & crebritas, nec tamen languidior est: quia facultas: constat: quæ si vincatur ad languorem permutabitur. Hac eadem ratione manifestè durior & vibratus apparet, iam accrescente duritiæ, & natura nequeunte instrumentum, æqualiter attollere. Quod si diuturnior fuerit inflā-matio, vel ad eum statum ducatur, vt induref-

Ca. 4. antecedente.

car & in scirrhum vertatur: cum pulsus duritie coniungitur gracilitas, quæ fit quando in quantitate distentionis angustus fit pulsus, excedit tamen longitudine, aut altitudine. Quæ commemorantur singula, crescunt aut diminuuntur, pro inflammationis quantitate, partis inflammatae natura. Nam quæ maior est inflammatio tensionem efficit maiorem, durioresque pulsum, & magis vibratum: sic etiam & pars suapte natura dura, qualis nervosa est, quia ab ipsa magis tenduntur arteriæ, minores, duriores, magisque serrantes: quæ verò mollis, arterias minus distendit (quales sunt partes, quæ tum venis, tum arterijs, aut molli substantia constant) atque sic maiores efficit pulsus, & si quæ inæqualitas accidit, inflammatis partibus arteriosis, clarius percipitur: nam & facultas opprimitur, & instrumenta vitio sunt affecta, quæ, ut diximus, inæqualitatis sunt causæ potissimæ. Nec solum natura partis affectæ, varium præstat inflammationis pulsum, sed & peculiaris aliqua conditio, aut symptoma ipsius. Sic, ubi partes diuturna pituitæ fluxione infestantur, quæ arteriarum tunicas emollit, & humectat, quam ex inflammatione tensionem accipiant, cui convenit durus pulsus, nimia pituitæ humectatione obscuratur, mollisque apparet:

paret: ad hæc etiam & symptoma superuenientia non parum detrahunt. Quare ait Galenus, mistam fieri mutationem, & quæ inflammationi congrua est, & quæ loci naturæ, aut præsentis symptomati conueniens est. Ex quibus liquet, qualis pulsus esse debeat inflammato iecore, liene, renibus, vesica, ventriculo, & reliquis internis partibus, adiuncta tamen inflammatae partis conditione & natura, & symptomatis quod superuenire solet. Itaque natura partis mollis, licet tensionem patiat ex inflammatione, minus duros præstat pulsus, ut Galenus adnotauit libro 4. de prælag. ex pulsibus cap. 9. quod latius nobis est prosequendum in sequentibus. Verum cum de iecoris inflammatione incidit sermo, hæsitandi non mediocrem occasionem præbet Galen. lib. 4. de prælag. ex pulsibus, cap. 9. citato, ubi iecori edema innasce posse scribit. Contra tamen in eodem lib. 4. antecedenti immemor sui, contrarium scriptis mandauit. Nam inquirens, qui pulsus fiant affecto iecinore, ait. Nunquam ex thoracis vel iecinoris tumore fit mollis pulsus. Eo quod, nec innascitur his instrumentis edema pituitosum. Repugnantiam diluere nititur quidam Lupeius Cureleanus (vir multælectionis & optimi ingenij) libro tertio de Arte curatiua, capite de inflammatione
icci-

iecinoris, vbi Galenum non posse ædema iecori innasci tenuisse credit. Si tamen cap. 9. citato contrarium dicat, de Hepatis mēbrana, in qua vesicæ aqua plenæ generari solent (vt libro. 7. aphorif. 61. idem refert Galenus,) intelligendum esse arbitratur. Hæ verò vesicæ generali nomine ædemata appellantur: quod consentiri cum ijs, quæ citato capite. 9. Galenus affirmat. Sed laude dignum sit Lupeij placitum, quod Galenus à crimine contradictionis vindicet, non tamen ijs, quæ citato loco tradit ipse conuenire videtur. Siquidem pars, quæ suapte natura dura est, etsi ædemate afficiatur, molles efficere pulsus non posse (licet minus duros) statuit Galenus. Deinde addit: Si iecori & lieni ædemata oriantur, pulsus in mollitudine vicini erunt, ijs, qui cerebri & pulmonis gratia, molles fiunt. Quomodo ergo membrana illa, quæ in iecore est, etiam si ipsi, vesiculæ aqua plenæ (quæ ædematis naturam sapiunt) innascentur, vicinos procreauit pulsus, ijs, qui pulmonis & cerebri causa (quæ partes molles sunt) molles fiunt? Nec enim tantam mollitiem membrana, quæ dura est, contrahet, vt molles illos efficiat pulsus, qui vicini sint, pulsibus pulmonis, & cerebri. Repugnat præterea Galenus Lupeij placito, per hæc verba. Sin dura arripiantur humidantibus

*Libro. 4. de
p. æf. expul.
cap. 9.*

tibus affectibus, aut mollia indurantibus, nunquam assequentur extremum cōtrarij sibi status. Quod idē est, ac si diceret, quod licet pars, quæ in se dura est, affectu, qui ipsam humectet, arripiatur, non poterit molles absolutē efficere pulsus, sicut pars sua natura mollis. Sicut ē cōtra hæc, quæ mollis est, etiam si affectu indurāte, duros, quemadmodum pars, quæ in se est dura. Membranam igitur iecur amplectētē etiā ædemate correptam, non posse molles præstare pulsus, quales citato loco petit Galenus, satis ex dictis accipiemus. Vnde Lupei inuentū pro soluenda repugnantia sufficiens non est. Sed licet difficillimū videatur loca hæc adeo ex diametro pugnancia conciliare, quid sentiam paucis exponam, cuique altiori ingenio perscrutanti relinquens, vt propriam possit pandere opinionem, quæ melius Galenum à calumnia excuset. Existimo igitur, quod ca. 4. adiectum est: nec iecori, scilicet, nec thoraci ædema innasci posse, verum esse. Nam vt ait ipse, compactior est thorax, quam qui eam fluxionē admittat: iecur non compactius modo, sed innata facultate alterat pituitam. At capite 9. conferens quæ partes absolutē duros procreent pulsus, & quæ absolutē molles; adiecit quasdam minus duros habere, si inflammentur, vt iecur & alias similes partes, quæ non dura substantia constant; sicut
arte.

arterioſæ & venoſæ. Fit igitur, vt pars, quæ quẽ-
admodum mollis eſt velut iecur, & lien, ſi æde-
mate afficiantur vicinos habeant pulſus in mol-
litie ijs, qui ratione pulmonis & cerebri molles
ſunt abſolutè; quia partes hæ reliquis molliores
ſunt & rariores. Vnde ex conditione loquitur
Galenus, ac ſi diceret: Si iecur ædemate affice-
retur molles procrearet pulſus, vicinos ijs, qui
gratia pulmonis & cerebri molles ſunt. Condi-
tionalis tamen propoſitio (vt Dialectici aiunt)
nihil ponit in re. Turpe ſiquidem foret, paulò
antea affirmatiuam protuliſſe ſententiam, ei ta-
men contrariã tam breuibꝰ paginis cõmon-
ſtraſſe. Lien verò ædemate affici poſſe, demon-
ſtrat contraria ratio. Quippe ait, ideo iecur id
pati non poſſe, quod compactum ſit: lien è cõ-
tra rarum & ad ſuſcipiendum idoneum, nec in-
nata facultate pituitam alterare, ſicut iecur, quæ
cauſæ ſunt diſponentes ad ædema generandũ.

Qualis ſit pulſus iecore inflammato. Qualis denique ſit pulſus iecore inflammato
iam fuſe oſtenſum eſt: ſiquidem pro inflamma-
tionis magnitudine, & instrumenti inflammati
natura, creſcit, aut diminuitur. Quæ cõmemo-
rata ſunt pro pulſu inflammationis. Cũ igitur
iecur, quodammodo mollis ſit ſubſtantix, &
pars venis & arterijs conſita, minus pulſus præ-
ſtat duros, & ſerrantes ijs, qui ex thoracis inflã-
matione fiunt: vt ait Galenus libr. 4. de præſag.

ex pulsib. cap. 4. Quare & maiores fiunt iecore inflammato, quo signo distinguit iecoris inflammationem, ab inflammatione membranæ costas succingentis, quæ pleuritis nominatur, lib. 2. de locis affect. cap. 9. Itaque iecore inflammato pulsus fiunt minus duri, minus serrantes: proinde maiores, sunt etiam & celeriores, & crebri, inæqualesque, & inordinati que manifestè. Quod si prægrandis fuerit inflammatio, ita quod ingens sit tēsis (ob quam pulsus minor reddatur) duriores, & magis serrantes fient pulsus: & quantum imminuta fuerit magnitudo, tantum sibi vibrati motus conciliabit pulsus, ut colligitur ex Galeno in contextu.

Pleuriticorum celer pulsus, & creber, nec admodum magnus, videatur etiam vehemens esse. Est ille verò non languidus quidem, sed tamen non vehemens statim, quod ad effectum refert. Siquidē ubique hoc memoria seruandum est in unaquaq; re mutationem esse pro illa re æstimandam, distinguendāq; quod alia de re, non de illa acciderit. Pulsus itaq; pleuriticorum, quia nervosiorum quodammodo, duriorēq; efficit arteriam, quasi conuerteret in vehementiam, imperitis imponit, quos quid intersit inter durum iētū & vehementem, latet. Itaque quoq; vulgus Medicorū, quod alias etiam differentias pulsuum discernere nesciat, has fortassis institutiones accusabit, atq; ex sua ignorantia damnabit recta præcepta. Verum non faciam,

*Pleuriticorum pulsus.
Cap. 8. li. 4.
de cau. pul.*

ciam, ut hic longior sim, cum separatim de pulsibus dignoscendis scripserim. Quare, ut rationem exerceatis simul, & tactum, admoneo, ut in experiundo pulsum valcat tactus cognoscere, non discernere solum ratione. Principiū vero est experientia sermone expressa doctrina. Quippe nequeas vel crebritatis quantitatem verbis explicare. Tametsi multum intersit, excedat iustum pleuritidis modum, an non assequatur. Siquidem excessus, ubi in perineumoniam migret, aut denuntiet syncopam, necesse est fieri defectus in soporem, vel nervorum desinere lesionem. Simili modo illa inequalitatis species, quæ serrantis imaginem præbet, imprimis pleuritis proprium est signum, si remissa est, mollis, & probe maturanda: si vero magna, difficilis & admodum crude pleuritidis. Tales cum imbecilli facultate coniuncta periculum præsens habent. Si cum firma, aut tarde coquentur, aut ad suppurationem deflectēt, aut tabidus eas excipiet marcor. Atq; eius, quæ concoquitur, pulsus pedetentim omnem deponit illam præter naturam mutationem. Quæ deflectit ad suppurationem. Habet pulsus suppuratorum proprios. Itā quoq; quæ tabide marcescet, pulsus marcorum.

Comm. Hic pulsus proponitur, qui exquisitam pleuritidem concomitatur, quæ membranæ costas succingentis est inflammatio, ut constat libr. 5. de locis patientibus cap. 2. & de constitutione artis Medicæ capit. 15. & in præsentī contextu.

Ad

Ad inflammationē sequitur febris, proinde fiūt
 pulsus celeres, & frequentes, non tamen parui
 inter initia. Nam etsi durities motus magnitu-
 dini resistat, instat tamen vsus accretio, quæ ad
 magnitudinem facit. Quare Galenus lib. 2. de
 crisibus ca. 10. in pleuritide pulsum posuit ma-
 gnum. Sed apertior est celeritas magnitudine;
 quoniã ad motus qualitatem magis apta sunt
 instrumenta dura quam ad quantitatem. Durus
 est pulsus pleuriticorū, non solū inflammatio-
 nis ratione: sed quia pars nervosior est, pleura
 scilicet, quæ copiosis nervis est cōtexta. Quod
 si pulsus induretur summoperè, iam paruitas ac-
 cedit, & accrescet crebritas. Quia si pulsus sit
 magnoperè durus, & parvus, ob ambo hæc calo-
 remque sit creberrimus (quod pleuritidis est exi-
 tiale signum) vt patet lib. 4. de prælag. ex pulsi-
 bus cap. 5. resartiente crebritate pro attempe-
 rando calore, quod magnitudo, ob duritiem ar-
 teriæ efficere nequit. Quoad vehementiam at-
 tingit, non est pleuriticorum pulsus inter initia
 vehemēs: quia opprimitur natura, nec est aper-
 tē languidus, nisi admodū vehemens sit inflam-
 matio. Vnde metiendam esse mutationem pro
 magnitudine rei immutantis dicat ratio. Cæ-
 terum cū durus pulsus vehemētiae fictam si-
 militudinem repræsentet, oportet quæ inter
 vehementem ictum & durum sit differentiae

ratio, cognoscere, ne decepti vnū pro aliō vsurpemus, euercentes recta præcepta, quæ ad vsum artis non mediocriter conducunt. Sed quo pacto distinguantur, dictum est supra, sectione 3. cap. 5. Crebritas verò non per omne inflammationis tempus, neq; semper vna est, imò inæqualis. Nam humorum inflammationem committentium, nō est vna species. Siquidem biliosi acutiorem excitant febrem: pituitosi, vel sanguinei nō ita acutiorem, sed lenem & suauem. Item quanto accrescit inflammatio, tātò arteriæ redduntur tensæ, minusque habiles ad magnos motus: quare crebriores aggreditur facultas, vt attemperet caloris excessum. Sic, si in peripneumoniam aut syncopen migret, pleuritidi crebritas accrescet, in peripneumonia: quoniā inflammatio viciniore cordis occupat partes, in syncopa, affecta facultate, & non potente tantam molliri magnitudinem, quantam efflagitat vsus. Serrās pulsus pleuritidis est proprius (sic enim ait Galenus: Inæqualitatis species, quæ serrantis imaginem præbet, imprimis pleuritidis esse proprium signum.) Quod accipiemus, non quod soli pleuritidi sit proprium, & inseparabile signum; sed quod omni conueniat. Siquidem supra omnem inflammationē, pulsum habere serrantem scripsit, & li. 2. de crisi bus c. 10. esse inflammationē in pleuritide cognouit, quia

Pulsus serrans quomodo sit pleuritidis proprius.

quia ferræ similis sit pulsus: indicans hunc pulsum pleuritidi ideò conuenire, quòd inflammatio sit. Proprius igitur omni pleuritidi, quatenus inflammatio est, erit pulsus ferrans, non tamen inseparabilis. Inflammationis tamē magnitudinem, & difficultatē indicare potest hic pulsus. Siquidē vbi admodū ferrans fuerit, difficilis & crudæ pleuritidis erit indicatiū, quæ cū virtute lāguida periculo nō caret: cū firma in longū protrahitur tempus, aut ad suppurationē vertitur, aut tabidus marcor eam excipit. Hæc enim incocta est pleuritis, quæ vel celeriter hominem rapit, vel longo temporis spatio finitur, lib. 5. de locis affect. capite. 2. Vbi verò remissa ferrantis pulsus est imago, mollis & probè maturandæ pleuritidis est signum: quæ vt incipit concoqui, incipit etiam paulatim pulsus mutationem illam, quam præter naturam acceperat, repone-
 nere. Sed cū ad suppurationem vertitur, aut ad alium quemlibet affectum, ipsius proprii orientur pulsus: veluti si ad suppurationē, qui ipsam concomitantur, de quibus sequitur sermo.

Suppuratorum pulsus initio statim pulsum refert vigescentis inflammationis: ipsa enim initium est suppurationum. Nonnunquam inequalis est; & inordinatus, sed omnibus hecticus. Cum autem pus propè sit maturum, cetera similis est: nisi quod equalior sit.

*Suppurato-
rum pulsus
Cap. 9. li. 4.
de caus. pul.*

at cum erumpit, languidior, latior, tardior & rarior.

Comm.

Suppurati, siue purulenti dicuntur, quicunque pus intus in quacunque corporis parte obtinent, ut scribitur lib. 2. prog. 60. & apho. 8. & 45. septimæ sectionis: sed medici solos aut potissimum eos, qui in thorace, aut pulmone pus habent, purulētos, aut suppuratos nominare cōsueverunt, ut constat citato prognostico. Hæc suppuratio duplici modo contingit, aut versa inflammatione in pus, quia, scilicet, ipsa tota, vel magna illius pars ad pus transmutatur: aut puris ipsius fit effusio, siue collectio inter thoracē & pulmonē. Vtroque enim modo suppuratio dicitur, ut ait Gale. apho. 8. sectionis quintæ. Qui pulsus insequatur suppuratos ex inflammationis transmutatione referuntur hic. Nā suppuratos initio similes habere pulsus ait, quales fiunt inflammationibus vigescētibus: qui duri sunt manifestè, simul & vibrati, celeres & frequentes, non ita magni, sicut initio inflammationis, nec languidiores, nisi facultatem excedat affectus. Inæquales item & inordinati: nam vitio afficiuntur instrumenta; & affecta etiā est facultas. Pugnāt siquidem aduersus humorem putridū, qui sine ordine huc illucque confluit, spirituum vias occludens, atque excitans se facultas pulsus præstat magnos, vehementes, altos, celeres (nam tales sunt natura suos apponente conatus) post fati-

fatigata & secundum aliquam partem insigni facta obstructione, ad contrarias vertitur differentias. Quare dum pugna hæc viget, nunc vicissim facultate suppurante & in se vires colligens; nunc defatigata & oppressa, deuicta, inæquales inordinatiq̃ue sunt pulsus: duratq̃ue inæqualitas, quo vsque fiat ruptio. Hecticus etiam est pulsus; quia idem semper permanet, non accessiones per circuitum faciens, sic à febre hectica appellatus, in qua vna fit consentiens temperies, & partes similes sunt redditæ, nec per circuitus repetit sicut in alijs contingit febribus. Sic hecticus pulsus vnde quaque similis, inæqualitatem, quam suscipit, constantissimè retinet, suppurati hunc obtinet pulsum, eò quòd perpetua est in motu arteriarum agitatio, donec fiat ruptio. Sed ante eruptionē cum pus iam propè maturum est, inæqualitas remittitur non contendente vapore illo putrido aduersus facultatem, nec ita vias occludente; quia iam est veluti euietus. Pure namque confecto dolores ac febres minus affligunt, libro secundo aphorism. 47. Vnde æqualior apparet pulsus respectu temporis antecedentis, id est; minor multò est inæqualitas. Vbi erumpit pus languidior, latior, tardior & rarior. Nam nec vasa tenduntur, & facultas est imbecillis, & homo extenuatus. Quæ causæ sunt facientes ad-

*De pulsu
hectico egimus
cap. 8.
sect. 2. in fine.*

languorem, & pulsus latitudinem, non verò ad altitudinem. Quia languor facultatis, & corporis gracilitas huic obsistunt, vt traditum est capite antecedenti, de pulsu iræ: & capite primo huius sect. & Galenus refert lib. 2. de caus. puls. cap. 13. Tandem tardior & rarior fit pulsus de crescente usu, & imbecilla existēte facultate.

Marcescē-
tium puls.
Ca. 10. li. 4
de caus. pul.

Marcescentium pulsus non uno modo variat. Quare differentijs hi, quam apertissimis, discernendi sunt, qui una cum inflammatione, quæ non discussa sit, commarcuerint, languidos, & celeriores, valdeq; crebros pulsus habent, ac decurtatos magnitudine in uno ictu, quos Archigenes ineuntes & circumeuntes appellat, vt aperte declaret distentionis breuitatem cum utriusq; extremitatis quasi inclinatione. Neque enim; vt præcisus affatim, sed ceu partibus, utrimque inflexis contrahitur decurtatus magnitudine, & in utrisque partibus. Atque hoc quidem nō hi modò, sed marcescentes qualibet de occasione habēt ferè omnes: qui ex inflammatione marcescunt. Eritq; hic marcescentium ex inflammatione proprius nulli conueniens, qui aliam ob causam marcuerit. At heceticus omnibus marcescentibus pulsus est, qui quidem ijs est communissimus. Secundum illum inæqualitas secundum magnitudinem distentionis, decurtata, quæ etiam adest plerisque: deinde crebritas. Etenim hæc quoque omnibus, qui ex inflammatione marcuerint perpetua adheret. Omnibusq; adeo qui ob

Syn.

*syncopā ex corde vel stomacho affecto profectam in
 præsens periculū venerūt, ac deinde vini potione præ
 ceptis declinauerunt periculum: sed tempore tamē mar
 cuerūt. Nisi sanè hos quoq; dicas ex paruis inflamma
 tionibus perire, nobis incognitis: siquidē sunt inter eos,
 qui ineuntem habent pulsum. Nisi etiā hos dicas ex
 inflammatione, alios citra inflātionem marcesce
 re. Verū hoc in dubio est. Pulsus igitur hi habent hecti
 cum, languidum, admodum crebrum, quem ineuntem
 quidam appellant: atq; alteram hanc marcescentes
 differentiam pulsum sunt sortiti. Alia item tertia
 est eorum, qui rarum habent. Verū & his cum an
 tegressa febris pulsus reddit crebros, tum facultatis ex
 trema dissolutio abundè efficit crebros. Quod autem
 intercedit omnibus refrigeratis febribus, nondum ta
 men extinctis ijs, in raritatem commutat. Genus hoc
 marcoris senibus proprium est: præsertim cum aliquid
 vitij pulmo, & thorax contraxit. Hi febrilem re
 tinēt pulsus duritiem, etiā si rarus sit. Omnino paucis
 marcescentibus in aliā inæqualitatem pulsus, ac illā,
 quam diximus magnitudinis vertitur.*

Breuiem explicationem petit hic textus, cū *Comm.*
 multa inuoluat ex ijs, quæ supra sunt repeti
 ta. Qui marcescūt facultatem habere debilem
 ex eo deprehenditur, quod calor natiuus pusil
 lus sit, & extinctioni proximus: quare & pulsus
 esse languidos & paruos accipimus. Sed cū ma
 rasimus interdum cum calore coniungatur, ut

3. de præ-
sag. ex pul.
cap. 3.

in febre hectica (est enim tunc siccitas intensiori calori, in solidis particulis facta, coniuncta) interdum cum frigiditate, sicut in marasmo, quem senium ex morbo appellabat Philippus libro primo de diff. febr. capite octauo: quando calore fit marasmus, pulsus sunt celeres, & quia parui sunt, & excessus non corrigitur, accersitur crebritas, ut multoties est dictum. Qui igitur ex inflammatione marcescunt, non discussa inflammatione, pulsus habent languidos, celeres (quoniam hæc febricitantibus est perpetua, nisi vires summè languidæ fuerint) & valde crebros, & decurtatos in vno ictu in magnitudine distentionis, quos ineuntes, & circumeuntes appellat Archigenes. De quarum causis egimus capite quarto antecedenti; ubi cum Galeno facultatis languorem insequi affirmauimus, ut constat libro secundo de causis pulsum capite 10. Quare hic eas silentio prætermittamus, ad locum proprium relegantes lectorem, ne nimis simus prolixi, bis & ter idem afferentes. Quibus marasmus fit cum frigiditate, ij pulsus habent paruos, languidos, tardos, & raros, qui marasmus senibus est peculiaris. Iuuenibus etiam qui citra febrem marcescunt alimenti defectu, nam his cum virium languore imminutus est usus. Sed cum hoc etiam pulsus horum febrilem duritiem retine-

retinere ait Galenus : quia propter siccitatem duræ sunt arteriæ : quam febrilem nominat duritiem, non quia sit febris nota, sed quod Archigenes ita nominare cōsueverat. Et sic libro de marasmo reprehendit Philippum, qui marasimum hunc inter febres tabidas reposuerat, quòd febrilem duritiem ierarat. Pulsus hecticus sicut suppuratis conuenit, sic & marcescentibus & phthisicis. Nam cum affectus non ex humoribus, neque spiritibus, sed in solidis consistat particulis, pulsum præstat vnde quaque similem, qui hecticus appellatur, de quo sectione 2. in fine capitis 8. scriptum est.

Phthisicorum quos vocant, pulsus parvus & lã Phthisicorũ pulsus.
guidus est, mollisq; & modicè celer, atq; hecticus. *Cap. II. li.*

Planum est cum virtutis imbecillitate, qualem habent phthisici, pulsus fieri paruos & languidos : sed & molles etiam, quoniam pulmonis substantia (quæ pars est affecta) mollis & rara est, vt sensus indicat. Licet processu temporis ob siccitatem ex consumptione factam, durus debeat esse : cum indurentur arteriæ. Nam & phthisici quatenus marcescunt, duros habent pulsus. Quia verò febris pusilla est, nec ad modum vrens, ideo modicè celer est pulsus : qui sufficiens est pro necessitatis vrgentia, & nec opus est crebritate. Sed quando phthisicis & marcescentibus cum febre, celeritatem in

4. de caus. puls.

Comm.

Ca. 2. & 6.
anteced. §.
de pulso pro
cibo. & ca.
7. ad finem
de pulsu do
loris.

esse dicimus (quoniam celeritas febrientibus omnibus est inseparabilis) virtute non extremè languida subaudire oportet. Nam & ad motus celeritatem, opus esse quadantenus facultatis firmitudine iam diximus supra. Quod simul tum imbecillis sit, creberrimus apparet pulsus, falsam celeritatis speciē præ se ferens, vt in formicante diximus cap. 4. huins sectionis & ca. 6. de pulsu inanitionis.

Peripneū-
monicorum
pulsus.
Cap. 12. lib.
4. de causis
pulsuum.

Peripneumonicorum magnus est pulsus, & vndosus quid habens, & languidus, mollisq; similiter atque lethargicorum pulsus: nisi quatenus prepollet inaequalitate, & in vno pulsu, & collectiua, quam vocant. In vno ictu cum veluti interpellatur, & vndosus est ac dicrotus interim fit. In collectiua cum alias differētias habet, tū modo intermittit, modo intercurrit.

Comm.

Magnitudo pulsus non solum mollibus instrumentis, sed & facultatis robori familiaris est. Quare si in peripneumonicis magnus sit pulsus nec extremè languida erit facultas, nec magnitudo ingēs esse potest, cum facultas simpliciter non sit valens. Qua etiam ratione languidus est pulsus: & eadem simulq; instrumentorum magna mollitudine, vndosus quodā modo. Omnes verò inæqualitates (tā simplex quæ in vnico sit ictu, quam composita, quæ collectiua appellatur) fieri inflammato pulmone, ex eo liquet, q̃ degrauentur & constringantur principes

pes arteriæ. Tum etiam, quia celerrimam omnium membrorum, cordi dat noxâ pulmo. Habet enim sedem omnium ei coniunctissimam & ei vasis quam maximè affinis est, & confluxû habet, per maxima ostia in vtrumque sinum, vt scribitur lib. 4. de prælag. ex pulsib. cap. 2. Dicrotus pulsus in pulmonia infrequens est. Nâ quanta necessaria est durities ad dicroti generationem, esse non potest in hoc affectu. Fieri tamē aliquando contingit, quando affectus ex bili crassiori procedit, quæ arterias tendit, indurat & exiccat, qui duo rarò eueniunt. Vnde & interrim dicrotum esse pulsum infrequentemq; ait Galenus in contextu & cap. 14. sequenti. Intermittentes & intercurrētes pro læsionis magnitudine fiunt pulsus, de quibus fecimus explanationem. Illud etiam annectendū restat quod cū peripneumonici, feбри infestentur acuta atq; comate, licere ex pulsus frequētia, qui nam affectus præpolleat colligere. Nâ vincente febre, cum maior sit calor, crebrior erit pulsus: è contra comate minus creber. Sed inquiramus breuiter, quomodo supra inflammationem omnem, pulsum serratē & durum habere tradidimus, hic verò peripneumoniā, quæ pulsus est inflammatio, mollem habere affinemus. Quidā non simpliciter molles, sed minus duros, peripneumonicos habere pulsus credunt: eo sumpto funda-

*Videquæ
Gale. addit
libello ad ty
rones cap.*

*proprio. inci
pit cum au
tē febre te
neatur. acu
ta &c.*

*An pulmo
nis inflam
matio durū
habeat pul
sum.*

fundamento, quod omnis inflammatio, tensionem efficiat, & calorem, ut constat de pulsu inflammationis libro 4. de causis pulsuum. Licet igitur pulmo rarus sit viscus & molle, inflammatione correptum, minus erit molle tensionemque potius patietur, etsi reliquis partibus minorem, atque sic minus duos non verò molles præstabit pulsus. Accedit quod Galenus dicrotum fieri pulsum peripneumonicis tradit, qui duritiem acquirit extensione acquisita. Nec enim dicrotus erit, si mollis est pulsus, efflagitante illo insignem pro sui generatione duritiem. Cæterum hi vera loquuntur, quantum attinet ad membri naturam. Nam pulmo re vera cum inflammatur, tensionem quodammodo acquirit, minusque mollis redditur, quā dū nulla inflammatione afficitur. Numquam tamen eam consequitur tensionem, quæ in membro duro fieri potest. Igitur ex natura membri inflammatione laboratis, non molles simpliciter, sed non ita duri orientur pulsus. Facilis est huius nodi dissolutio, animaduertendo quæ pro pulsu inflammationis adnotauimus. Omnis inflammatio quantum ex se est, pulsum durum & serrantem habet, tamen natura membri affecti simul cum aliqua peculiari conditione, quæ ferè semper membrum insequitur, talem pulsum obscurare potest, & re vera

*Questionis
solutio.*

ei contrarium efficere. Habet pulmo laxam & mollem carnem, quæ nec solâ, dum inflammatur, molliem præstat, nisi peculiarem haberet conditionē, pituitosa, scilicet, fluxione fere semper irrigari. Siquidem vt ait Galenus li. de cōst. art. med. cap. 15. & libro. 2. de locis affect. ca. 9. in peripneumonia pituitosum magis in pleuritide biliosum sputum sequi consuevit. Quin & in contextu ait. Quia pulmo laxū est, & molle viscus, & vndique vacuū, à pituitosiori & crassiori sanguine inflammatur: cum subtilis biliosusq; fluat ferè, nec cū viscere vlla ratione coherere possit. Et Auicenna id confirmat. Quoniam, dixit: in membro raro non continetur humor subtilis. Iam constat responsio ex his. Si enim pulmonis inflammatio, ferè semper ex crasso pituitosoq; sanguine nascitur (nec solū de exquisita loquimur inflammatione) qui tunicas arteriarum irrigans, humectat, & emollit: planum est pulsū efficere (cum natura membri quæ mollis est) re vera mollem, obscurariq; inflammationis pulsus, prævalentibus aduersus inflammationem, humectatione & mollietie membri, & humoris. Hoc perspicuè refert Galenus lib. 5. de locis affect. cap. 2. qui in peripneumonia nullam prorsus apparere duritiem (aut à pleuritide eam separet) in pulsu scribit: Si tamen cōtingat biliolo sanguine inflamma-

ri,

ri, cuius proprium est siccare, tendere, & indurare, tunc pulsus apparebit durities, quæ sanè rara erit, sicut minus sæpe pulmonem biliosus sanguis infestare solet. Quod Galenus explicuit in contextu, reddens rationem, cur dicrotus pulsus, peripneumonicis infrequens sit, raroque adueniat. Quod etiam libro 4. de præfag. ex pulsibus cap. 2. indicauit, dicens. Duriores quam oportuit, fiunt pulsus per intemperiem siccam; & inflammatorios atque induratos pulmonis tumores, cōtra vero molliores, per ædematosas affectiones. Et in fine capituli iterum ait. Tantū abest, vt induret pulsus ædemata, vt etiam molliant diuturnitate arteriarū tunicas humectando, nec quidquā intēdendo, id q̄ in tumoribus inflammatorijs & scirrhis, vsui euenit. Sed quare absolutè molles pulsus peripneumonicos cōcomitari scripsit Galenus lib. 5. de locis affect. citato? Quia quod frequens est & ferè semper vsurpatur, cōgit absolutā proferre doctrinam, relinquere verò quæ rara sunt quæ velut contingentia omittuntur. Præterea durities, quæ in pulsu apparet, pulmone bilioso sanguine inflammato, non æmulatur cā, quæ fit in parte dura; sicut si in cerebri meningibus esset affectus. Siquidem corpora sua spontè dura, quæ in affectus indurantes inciderunt maximam contrahunt duritiem: sic, quæ natu-

ra

ra mollia sunt, si in humectantes & liquefacientes incurrant, semel exoluuntur mollescuntq; , si dura arripiantur humectantibus affectibus, aut mollia indurantibus, nequaquā assequuntur extremum cōtrarij sibi status, auctore eodē Galeno lib. 4. de pręlag. ex pulsib. cap. 9. Igitur natura partis mollitiem aut duritiem pulsus attēperat, aut auget, prout ipsa mollis, aut dura fuerit. Quare cōstat, pulmonē, qui rarus est, & mollis licet inflāmatione à sanguine bilioso affectū, tendi & indurari minus, quā pars altera suapte natura dura, atq; ita pulsus minus duros pręstare. Ex his ad alia, quę eadē indigent dispositione, patet facilis aditus.

Lethargicorū pulsus similis peripneumonicorū est, magnitudine, imbecillitate, mollitudine sed eo est tardior rariorq; , ac minus inæqualis, intermittens potius, quā intercurrens est, cum dicrotus fiat. At rufosus semper in altis soporibus est, de quibus hæc dicuntur. Morborum enim pulsus exponimus, qui omnibus suis indicijs constet: quo si qui aliquatenus deficiant, neque dum sint integri, satis cognoscere magnitudinem, & quā iam sunt præditi, & quæ accidere ijs potest, valeamus.

*Lethargicorum pul.
Cap. 13. li.
4. de caus.
puls.*

Conueniunt lethargus & peripneumonia, quod pars affecta, sit mollis & laxa, & q̄ humor pituitosus utrumq; gignat affectum. Ratione igitur horum, pulsus eosdem habent, molles, scilicet

scilicet, & magnos & imbecillos, in quibus morosa oratione nō procedemus, si attēto animo nuper dicta percurramus. Verū qua parte differāt explicare oportet. Cerebrum procul à corde situm est; pulmo vicinior, & cum eo maximum obtinet consensum, vt explicatū est. Item lethargus frigidior est affectus peripneumonia. Sicut igitur celeriores, & crebriores fiūt pulsus in peripneumonia: sic tardiores & rariores in lethargo: quare etiam intermittentes; nam sicut intercurrentes fiunt in crebritate, sic intermittentes in raritate. In lethargo verò, qui frigidus est affectus, valde debilitata facultate fiunt interdum intermittentes. Similiter inæqualior est pulsus in peripneumonia: quoniam ob vicinitatem cum corde, magis comprimuntur & grauātur cor & arteriæ. Cum altus est sopor immodicè irrigantur arteriæ, & molles extremè fiūt, & cū valens non sit facultas, pulsus semper oriuntur vndosi, de quibus iam actum est ca. 4. Nam solida corpora nimia humiditate imbuta, & mollita sunt, in hoc affectu, quod facit ad vndosi generationem, vt Galenus ait libr. 2. de præfag. ex puls. ca. 9. Cæterum notatione dignū est, quod ipse tradit li. 4. de præfag. ex pulsib. ca. 9. subtilē meningem, quæ cerebrū amplectitur, nunquā lædi solā, nisi vna cerebrū lædatur: sicut è cōtra, nec cerebrum, etiam citra meningem.

Quare

Quare necessum est, prædictam pulsum imaginem, quam lethargicis apponimus, quodammodo euerti & obscurari. Qua ratione existimo Galenum dixisse lethargicos, nonnunquã dicrotos habere pulsus. Siquidem aliter tantam acquiri duritiem, quanta pro dicroti pulsus generatione necessaria est in lethargicis affectionibus, non capit intellectus; cùm affectio semper ex humore nascatur pituitoso in parte molli, & rara, quibus durities repugnat; si memores benè sumus, eorum quæ Galenus hoc loco & capitibus antecedentibus refert. Sed in lethargo cùm præcipuè cerebrũ lædatur, non ita subtilis menix (quoniam humor pituitosus crassus, & lentus cum sit, eam penetrare nequit, sicut & ipsum cerebrum) prædicto modo apparebũt pulsus, nisi summè lædatur membrana. Quo casu diffiteri non possumus, pulsus euerti, & commutari, pro magnitudine læsionis vtriusque partis.

Phreniticorum paruus pulsus est (rarissimè autè conspectus est magnus esse) & contentus est, modicè durus & nervosus est, valde est celer & creber. Habet præterea nõnihil vndosi, interimq; vel subitremere tibi videbitur, interim etiã præcisus cum conuulsione quadam. Quodenim febres in celeritate propriũ habent symptoma, hic obtinet clarissimè, in vtroq; termino distentionis præcipuè externo. Inuenias etiam

Y in aqua-

inequalitatis in positu genus insigniter aliquando in illo apparere. Imo totam subinde arteriam, sua sede deserta conspicias, attolli potius, cū vibratione ebullientem, quam more pulsus distentam: pari modo delabi detractam potius, quam contractam. At verò immodica eius crebritas proximam denuntiat syncopā.

2. de sympt.
caus. ult.

Licet cerebro læso lædatur meninx subtilis: & è contra ipsa læsa, cerebrum; fiunt tamen pulsus pro ratione principalioris affectus & partis, quæ principaliter afficitur: quare effecto cerebro in lethargo, dicti superius fiunt pulsus. Nū verò eius meningibus inflammatis in phrēnitide orientur, qui restant exponendi. Est igitur phrēnitis, meningarum cerebri inflammatio, quæ à bilioso sanguine nascitur. Natura igitur partis affectæ, quæ membranæ sunt cerebrum amplectentes, vel septum transversum (nā ipso inflammato delirium est perpetuum parum à continuo distans lib. 5. de locis affect. cap. 4.) & ratione humoris biliosi, cuius munus est siccare & indurare: duri fiunt pulsus. Qua ratione parui magni rarissimè, quoniam durities repugnat ad motus magnos, proinde fiunt crebri, & celeres. Vndosi ferè nunquā fiunt pulsus in phrēnitide: siquidem mollitudo pro ipsis necessaria, illi nō adiungitur: sicut quia peripneumonici rarissimè aduenit durities, rarissimè etiam fiunt dicroti. Reliqua quæ difficilia videntur, sigilla-

Exquisi-
ta phrēni-
tis ex bile
fit flava. I.
pror. com. I.

tim

tim exponere oportet. Ait enim Galenus: Interimque vel subtremeretibi videatur. Cruciat-
 tur Leo Roganus pro his exponendis: ni fallor,
 tamen inexplicata relinquit. Vult Galenus his
 verbis, quandam vibrati pulsus differētiam in-
 telligere. Nam quanquam ad vibratum virtus
 requiratur valida, & in contextu, subtremeret fa-
 cultatis imbecillæ signum esse dicat, non ita
 imbecillam eam reposuit, vt parcissimè disten-
 dat arterias, adeò, vt ad formicantis naturam
 accedat (vt contendit Leo Roganus.) Siquidē
 inquit libro 2. de præfag. ex pulsib. capi. 12. de
 tremulo. Ita enim futurū est, vt nec pulsus mag-
 nopere parui sint, sed parum distātes à natura-
 libus, nec plane languidi. Et in contextu. Vbi er-
 go quæ in arterijs est facultas ampliùs distēdere
 eas conetur, idq; duritia tunicæ hoc fieri prohi-
 beat, videtur pulsus quodāmodo subtremeret.
 Si igitur facultas conatus apponit, non extrēmè
 languida est, vt formicantē efficiat: nā vibratos
 fieri posse, modo nō extrême languida sit facul-
 tas, refert ipse Gal. li. 1. de præf. ex puls. c. 4. Verū
 cū ad pulsū vibrati generationē, dura requiratur
 instrumēta, v^o auct^o & cōtendens facultas, vbi
 ipsa itā valēs nō est, subtremeret videtur, qui pul-
 sus speciē quandā vibrato finitimam cōstituit.
 Quod si multū sit debilis, aut crescat nimis du-
 rities, cōuulsius efficitur pulsus, qui à vibrato

*Pulsus tre-
 mulus ad vi-
 bratum re-
 ducendus.*

*Quando tre-
 mulus adeò
 uulsiuū re-
 ducatur.*

tantum differt, eò quòd ea omnia, quæ manifestè in ipso apparent, in conuulsio obscurè, propter paruam distentionem, còspiciuntur, vt explicauimus sectione 2. cap. 8. Ex quibus constat Galenum non pulsum tremulum distinctum à vibrato & conuulsio, adnotasse; cum in libris de diff. puls. cum non explicuerit. Quare si quis est tremulus pulsus, sub vibrato, aut conuulsio reponetur. Nam vbi parua fuerit distentio conuulsius erit: vbi maior, ità vt conspicuus sit motus, vibratus, magnam enim petit distentionem ipse, paruam vero conuulsius. Quod si Galenus lib. 2. de prælag. ex pulsib. cap. 12. tremuli pulsus mentionem fecit dicens, imperitis interdum tremulum pulsum videri vibratum: tunc de tremulo, qui sub conuulsio continetur venit intelligendus. Quod ipsius verba manifestè declarant: siquidem non conspicuum esse motum in tremulo ait, simulque pulsum esse paruum & languidum (qua ratione ipsius motum sensum fugit) quod proprium est conuulsio. Est enim vibratus pulsus similis rigori, siue correctioni, in quo validus est facultatis impetus: tremulus tremori, in quo perexiguus est motus & languidus, perinde inconspicuus: quemadmodum in conuulsio fieri adnotauimus. Præterea, inquit Galenus. *Interim præcisus cum conuulsione quadam.* His verbis conuulsium aliquan-

aliquādo fieri pulsum in phrēnitide fatetur. Nā inflāmato neruorū principio, tātā sequi tēsiōnē & siccitatē, quāta ad pulsus conuulsiui generatiōnē requiritur: ac pręsertim si immineat conuulsio superueniens phrēnitidi. Sequitur inde. *Quod enim febris in celeritate propriū habet symptoma hic obtinet clarissimē in utroq; termino distentionis, præcipuē externo.* His inēqualitatē febrilē, quę li. i. ad Glau. ca. 6. omnib⁹ febricitātibus ex humore putrido (qua scilicet, distētiōnis motus, velocior in principio & in fine apparet) explicuit. Hanc enim magis manifestā phrēnitici habēt, imò & febricitātes ex inflāmatione reliqui. Nā cū vsu adaucto durū est instrumētum: vnde facultas in celerem prorumpit distentionem: obstat tamen durities arteriarū, quominus omnem adimpleat, quare in medio retardat, veluti quiescens, moxq; iterum eadem vrgēte necessitate, parem celeritatem versus dilatationis finem aggreditur. Propter easdem causas, duritiem, scilicet, instrumentorum, tensionem & vsum immodicū pulsus sit inæqualis in situ arteriæ, de quo cap. 4. huius sectionis abundē egimus. Id autē est, quod vult Gal. sequentibus verbis, addens in fine, immodicā crebritatē proximam denūtiare syncopā. Quod meritò adiecit: nam immodica crebritas, imbecillam esse facultatem nimis, ostendit, cum copioso calore.

Typhoma-
nia pulsus.
li. 4. de cau.
pulsus.
cap. 15

Iam etiam & alius est affectus, qui siue medio loco ponendus sit, inter lethargum & phrenitim, ut qui cum neutro in totum conueniat: siue communis esse ambobus existimandus, ut ex phrenitis speciebus & lethargi mistus, suo loco considerabimus. Nunc de eius pulsibus agemus. At ne quasi enigma quoddam propositum sit, per signa, quaecum eo sunt connexa, eum ob oculos ponam. Conniuet ferè oculis, somnolenti sunt, atq; stertunt. Rursus oculis fixis ac inconniuentibus diutissimè, ut catochi, intuentur, & si quid roges atq; ad colloquium compellas: difficiles sunt ad respondendum, & tardi. Plerumque etiam stultè loquuntur, nec rectè respondent, ac temerè nugantur. Is est affectus quem dico, qui ex signis sibi adiunctis defectu proprii nominis cognoscitur. Pulsus eius celeres sunt, & crebri, perinde, ut phreniticorum, minus tamen: & roboris item minus ac illi obtinet. Lati autem sunt & breues. Externum motum non habent subito truncatum: sed alio modo veluti intro se proripientes, subterfugiunt ac concitant contractionem, & quasi suffurantur distentionem. Verum in ea pulsui phreniticorum non sunt similes, quod truncatione illa careant.

Comm.
Et lib. de co-
mate, ca. 4.

Affectus, qui mistus est ex phrenitide & lethargo typhomaniā, lib. 1. pror. com. 1. quosdam appellasse, quin & Hippo. 3. de morb. fert Gal. Alij verò, quod ex bile & pituita mistis, fiat affectio, coma nō soporiferū, siue coma vigilās, nomināt. Hic verò per propria signa, affectum

cognoscit defectu proprii nominis, ne obscurū & ancipitem reddat sermonem, veluti qui enigma proponūt. Cæterū expensis, quæ antecessentibus dicta sunt, nō erit difficile percipere, puls⁹ in typhomania min⁹ celeres esse & frequētes & min⁹ roboris habere. Histolen in hoc affectu nō præscinditur cōuulsione quadam, quæ admodum in phrænitide: nam causarum contrarietas id ipsum impedit. Quippe pituita irrigans & humectans, quā bilis potest efficere tensionē & duritiem, corrigit: imo pulsus distentio breuior eā suffuratur, & citiorē contractionem reddens. Nā propter mistionē frigidi & lenti humoris, qualis pituita est, magis fuliginū expulsionis, minus refrigerationis, necessitas inlstat: quare phrænitici hac truncatione carent.

Catochorū pulsus (catochos enim & catocho appre, *Catochi pul*
hēsos Græci appellant, iuniores ipsum affectū catochū *sus c. 16. li.*
& catalepsi vocāt) cætera lethargicis similes sunt, *4. de caus. pul.*
magnitudine, tarditate, crebritate: ut nec toti⁹ huius affect⁹ species late ab eo disidet. Catochorū tamē non imbecill⁹ est pulsus, nec mollis, sed in his sanē multū differt: ut etiā in hoc, quod laxatur lethargicis, atq; intumescit in iuerso corp⁹: cōtra stipatur & cogitur catochis. Adhæc inæqualitate & equalitate inter se distāt: equalis enim pulsus catochorū, inæqualis lethargicorū. Archigenes arterie locū auctor est propriē in his inueniri calidiorē: sicut illis, quib⁹ cōuulsio imminet, cū sopore.

Comin.

Qua parte catochorum pulsus differunt à lethargicorum pulsibus, oportet explicare: nam qua similes sunt, eadem est ratio, quam supra exposui. Catochorum non est imbecillus pulsus, nec mollis, sicut lethargicorum: siquidem illis non tanta est virium imbecillitas, cum intemperies nondum vniuersum habitum occupet, nec arteriarum tunicae molles reddantur; frigido & sicco existente humore, qui catochum causat, ut Paulus libro tertio capite decimo aduertit. Qua etiam ratione in catocho corpus cogitur & stipatur: in lethargicis laxatur, & intumescit, ex nimia humiditate. Fit præterea, ut humiditas irrigans arteriarum tunicas, admotionem minus firmas reddat: è contra siccitas magis firmas, & admotiones vegetiores efficit: & proinde minus imbecillus in catocho quam in lethargo, conspicitur pulsus. Quare autem æqualitas catocho laborantibus accadat, non explicuit Galenus, licet consideratione dignum sit (quod tamen inæqualitas lethargicis insit iam constat) arbitror non simpliciter æqualem pulsum inesse catochis, sed minus inæqualem lethargicorum, quod non ita humor obstruat & degrauet præualente magis frigida & sicca intemperie, quam copia humorum. Cæterum quoad arteriarum regio calidior ferè semper, manifest-

manifestè inueniatur, causa est in hoc affectu & in alijs, vbi accidit hoc symptoma, quod refrigeratio habitus, non æquè arterias attingat, quare calet magis arteriarum regio, partibus reliquis: vel quia minus est frigida: vel quia magis est calida. Simile signum adduxit Galenus, ad dignoscendam hecticam febrem, cap. 9. & 10. lib. 1. de diff. febrium. Quippe ait; quare & cum arteriæ circumstantibus partibus calidiores sentiuntur, maximum sunt hecticarum febrium indicium: siquidem hoc illis, nequaquam alijs aduenit febribus. Adhuc autem manifestius hic aduenit casus, cum sunt loti, aut quouis alio modo elaxati, ita, vt aliqua profluat humiditas, ac caliditas esset: tunc enim alijs partibus omnibus calor percipitur moderatus, vbi calor ita exuperavit. Qui verò in arterijs existit, nihilominus, quam antecedens sentitur. Quibus constat arterias magis calidas esse, quòd refrigeratio & humectatio, quibus moderatus redditur calor non æque eas attingat, vt partes reliquas. Similiter & in catacho, quia arteriæ non æquè vt partes aliæ perfrigerentur, fit vt calidiores sentiantur, atque ita intemperies est inæqualis.

Conuulsorum ipsum corpus arteriæ videtur contractum, et vndequaq; coarctatum, non ceu compressum sit abs quopiam, vel constipatum, nec etiam

*Conuulsorū
pulsus.*

*Ca. 17. li. 4.
de can. pul.*

veluti rigidum, ut in febris, praesertim in accessioni-
bus, nec vero ut praeduritia ad intentionem contu-
max: veluti quod sit diuturnitate temporis, praesertim
cum quid offensum sit, vel viscera vitata: sed ut
corpus nervosum, cauumq, veluti intestinum, aut si-
mile, ex utroq, sine tantum. Ad eundem modum in-
equalis motus est arteriae in modum chordae sursum
deorsumq, agitata. Neque enim species distentionis,
vel contractionis representatur. Verum vibrationis
potius similis est, seu exilientis sursum iterumq, retra-
cta intro. Quod nec constituto quidem tempore habet:
sed uno saepe tempore alia eius pars videtur ferri sur-
sum, veluti eiaculata, altera intro, seu à quopiam at-
tracta: atque una moveri citatè, altera tardè. Iam
vehemēs quoq, & magnus cōvulsorū pulsus videtur
esse. Est verò hic nō imbecill⁹, neque parv⁹, nō perinde
tamē, ut videtur, vehemēs vel magnus. Ictus enim
imponit, dū obtensionē validus, ob vibrationē exilire
apparet. Quamobrem altior interim videtur, ac ve-
luti strepitum quendam ad tactum edit asperum, Sa-
nè neminem, qui quidem sit expertus, fugiat hic pulsus.
Quippe nulli est similis, vel tensione in utramq, par-
tem, vel convulsione motus. At quando cū pulsus
sopitorum commistus est, difficillime motus deprehen-
ditur: Solusq, qui ad amussim utrumq, cognoscere se-
paratim meditatus est, poterit confusos cognoscere.

Comm.

Quia cerebrum, cuius affectus est convul-
sio per nervos, licet exiguos, cum corde socie-
tatem

tatem habet, & cor ipsum per arterias cū cerebro: quin etiam & arteriæ, & nerui inter se cōpatiuntur: sit per affectum conuulsium pulsus appellatus conuulsuus, cuius hic sigillatim fit mentio. Quia tamen nos, capit. 4. antecedenti, eius explanationem fecimus, non opus est longius procedere. Ex illis siquidem & ex ijs, quæ Galenus li. 2. de cau. pul. cap. 12. refert, facilis est doctrina.

Paraliticorum paruus & languidus, tardusq; est. Nonnullis rarus quoq; alijs creber, sed nōnihil inordinatè intermittens.

Paraliticorum pulsus cap. 18. lib. 4. de caus. puls. Comm.

Quando vsus diminuitur, paruus, tardus, & rarus est pulsus. Cū verò paralisis, quæ frigidus est morbus, vsū imminuat prædictos efficit pulsus, atque languidos etiam quod facultas sit infirma. Si tamen immodicè dissoluatur ipsa, accrescatq; affectus, crebritas accidit, quæ vt sæpe diximus virtuti nimis imbecillæ familiaris est. Sed nonnihil prætereà intermittunt, idq; inordinatè, quod vitium arguit non firmum nec stabile, sed quod variatur.

Comitialium, & attonitorum similes pulsus sunt. Quare de comitalibus quæ exponemus, eadem de attonitis, sed cumulatius accipienda sunt. Dum modicè infestatur natura, neque dum eam multum superauit morbus nullam inuenias mutationem in-

Comitialium & attonitorum pulsus cap. 19. lib. 4. de caus. puls.

signem,

signem magnitudinis, vehemētie, celeritatis, crebritatis, & duritie: tantum est conuulsis intenta iure utringq, arteria. Sin autem grauis sit affectus, ut one ret facultatem, inequalitatem quandam comparat, atq, tensionem validam, ac minor, languidior, rarus, tardusq, efficitur. Si comprimat magnopere & facultatem deiiciat, languidos, paruos, celeresq, creat.

Comm.

Si attonitus morbus paralisis est, omnium corporum partium, ut constat libro tertio de locis affectis capite 10. eosdem habebit pulsus, quos habent paralisi affecti: nec opus erat distinctum caput ab eo, quod paraliticis inscribitur apponere; sed fortè quia maior est affectus, ideò Galenus hic, cum morbo comitiali eum coniungit. Si tamen attentè perpendamus, quos hic apponit pulsus, & quos pro paralisi posuit, paruam inueniemus differentiam: solum eam quæ à tensione sumitur, secundum quam pulsus in morbo comitiali & attonito, veluti conuelluntur. Verùm licet in morbo comitiali, qui de genere conuulsionis est (licet perpetua non sit conuulsio, sed quæ ex temporum accidit interuallis, libro tertio de locis affect. capite 7.) hæc accadat tensio: in attonito potius arteriæ laxæ conspiciuntur, si ad partem affectam & humorem lædentem attendam⁹: qui & læsionis modus idipsum declarat. Siquidem resolutio, siue laxatio vniuersalis est

est apoplexia. Quod, vt nostra fert opinio, Cō-
 plutenſis Mena ad hunc locum ingenioſè ad-
 notauit. Quare attonito morbo laborātes, pul-
 ſus habent eodẽm, quos paraliticos diximus
 obtinere: ſed quia maior eſt affectio intenſiores
 illos præſtat. Lupeius in ſuis annotationibus in
 Galenum, in annotatione ad hunc locũ, prop-
 ter crebritatem, duritiẽ ſiue tentionẽ in apo-
 plexia, pulſum repræſentare credit. Comitialis
 morbus, tentionem habet propter conuulſio-
 nem: atque ita ſupradictas pulſus differentias,
 creat. Quod tamen Galenus ait, attonitũ mor-
 bum, & comitiale nullã inſignem mutatio-
 nem in primis quinque differentijs efficere,
 quando naturam morbus non multum ſupe-
 rauerit: non ſolum his, ſed & paraliſi commune
 intelligas velim.

*Anguinæ pulſus tẽtione quadam præditus eſt, con-
 uulſi ſuo ſimili. Magnus eſt & undosus, vt pulſus pe-
 ripneumonicorum: ac, vtrum inſigniter in eo polleat,
 pro eo expectanda mutatio eſt. Nam ſi peripneumo-
 nica ſpecies ſuperior ſit, in peripneumoniam; ſi verò
 cõuulſiua in ſpaſmum anguinæ deſinet. Quicunq;
 autem ex illis vehementer ſuffocantur, paruum hi ha-
 bent, & rarum pulſum: vbi iam animam agant, cre-
 brum, atq; inaequalem.*

*Anguinæ
 pulſ⁹, c. 20.
 li. 4. de cau-
 ſis pul.*

Supra de pulſu inflammationis, & pulſu pe-
 ripneumonicorum ſcriptum eſt inflammatio-
 nem

Comm.

nē omnem tentionem efficere: verū maiorem, aut minorem pro natura laborātis particulæ, & humoris, ex quibus ortum trahit inflammatio. Nam diximus inflammationem largiori significato vsurpari; non modo pro exquisita, quæ ex affluente fit sanguine, hic anginam tentionem habere, quia inflammatio est, constat: sed maiorem, aut minorem esse ostendet fluens humor & natura inflammati particulæ. Nam si nervosiores & duriores asperæ arteriæ partes occupaverit, tentionem committens, conuulsivo per similem creabit pulsum: si vero carnosiores, vndosum. Ad hæc etiam & humor biliosus, tentionem maiorem: pituitosus, molliitudinem, præstabit. Tamen cum angina in peripneumoniam commigrat, aphorismo 10. lib. 5. vel in conuulsionem, vbi durior & magis tensus est pulsus conuulsionem portendit: vbi mollis & vndosus pulmoniam: siquidem commutatis morbis commutantur pulsus, in eam, scilicet, formam, quæ cuique morbo prior & conueniens est. Præterea quando angina laborantes suffocari incipiunt, imminuitur vsus, & vires redduntur imbecilliores, & fit pulsus rarus & parvus. Vbi tamen ulterius progreditur suffocatio; ita, vt magis dissolutæ sint vires, quam vsus imminutus (velut fit in proximè morituris) pulsus fiunt parui & crebri. Multoties enim ostensum est,

par-

paruas distentiones, quæ calorem non attemperant, crebritatē excitare. Hic verò, quia ad portionem vsus, languet facultas, id ipsum accidit: sed & inæquales etiam sunt in raritate. Nam victa facultas subsistere cupit: creatque intermit- tentes pulsus, qui inæquales sunt, vel in aceruo pulsationum: vel in simplici vocata inæqualitate, quæ in vno committitur pulsu.

Orthopnea acuta inaequalem & inordinatum pulsum habet, & nonnihil deficientem. Quæ mediocriter est grauis, crebrum: quæ violentissima, tardū & deficientem: quæ iam perimit hominem, crebrum, & languidum. *Orthopnea pulsus. c. 21. li. 4. de can. pul.*

Genus respirandi idē habere, eos qui ex fluxione difficulter respirant, annotat Galenus li. 4. de prælag. ex pulsib. capit. 2. Nam coarctatus est pulmo, & arteriæ eis proximæ etiam sunt obstructæ. Quare spiritu pauco attracto, qui nec sufficiens est vsui, fit vt altera actio sequens succedat magna: altera ex oppressione parua & frequens: vnde respiratio inæqualis & inordinata est. Similiter etiam consentiente corde per leues arterias: & ex ijs, quæ per vniuersum corpus disseminantur, inæqualis & inordinatus fit pulsus. Sed hoc animaduertito, quòd vbi exigua est pulmonis & instrumentorum respiratori in- seruientium læsio: respiratio læditur citra pulsus permutationem: sicut è contrario interdū

pulsus

pulsus alterari contingit, non immutata respiratione, vt Antipatro euenisse refert idem Galenus libr. 4. de locis affectis, cap. vltimo. Huius namque pulsus omne inæqualitatis genus monstrabat, citra respirationis læsionem: quia vitium leues arterias occupauerat: postquam tamen asperas pulmonis attingit, respiratio læsa fuit. Ex quibus liquet crassos, & lentos humores in leuibus arterijs cumulos, pulsum citra respirationem commutare. Igitur orthopnici pulsum habent inæqualem & inordinatum, ob obstructionem, aut compressionem vasorū pulmonis: siue obstructio ex crassis & viscidis humoribus procedat, siue ex crudo tuberculo. Hac de causa decurtati etiam sunt pulsus, hoc est in quantitate distentionis, deficientes, de quibus seorsim supra egimus ca. 4. huius sectionis. Cū verò mediocris est læsio, creber fit pulsus. Nam labefactata facultas, ob arteriarum impedimentum, nec celeres nec magnos motus præstat. Vbi ita vehementer affligit affectus, vt calor suffocetur, adeò, vt veluti extincta sit facultas, tardum & deficientem (non enim amplius potest) sicut iam in morte, crebrum & languidum. Nam impensissimè natura spiritum animale requirit: nimis tamen imbecilla facultas, ita vt infra vsū sit, crebros motus & imbecillos efficit.

*Vterina suffocationis pulsus, ut si conuelleretur, Vteri stran
proensus est, & rarus: quod si exitialis sit suffocatio, gultus pul.
creber, inordinatus, & nonnihil deficiens. ca. 22. li. 4.
de cau. pul.*

Affectis partibus nervosis fieri pulsum con- Comm.
uulsiuum ostendimus. Quia igitur vterus qua-
dam similitudine nervosus est, ut constat libro
sexto epid. sectione. 1. com. 3. ideò eius suffoca-
tio pulsum protensum, ad modum conuulsio-
nis habet. Rarus etiam fit; quia frigidus est affe-
ctus, ut est in libro 6. de locis affectis cap. 5. Ve-
rùm quando exitialis sit suffocatio, cū dissoluta
sit facultas, crebri, inordinati, & quadam tenus
deficientes fiunt pulsus. Interim tamē mulieres
ita affectas paruum & obscurum, aut omnino
nullum habere pulsum constat, libro sexto de
locis affectis ca. 5. citato. Est enim conuulsiuus
pulsus, qui obscurè satis sui imaginem præbet, Ca. 8. prope
ut sectione 2. dum de eo verba fecimus, explica finem.
tum à nobis est.

*Stomachus affectus (ut sic etiam vocemus in præ Stomachis
sentia os ventriculi, quod is usus apud vulgus ob- affecti pul.
tinuit) non uno modo commutat pulsum. Nam si in- ca. 23. li. 4.
flammatum sit dumtaxat, ita mutat pulsum, ut cor- de cau. pul.
poris nervosi diximus inflammationem solere: si com-
primatur, vellicetur, languescat, singultiat, vomat,
nauseat, fastidiat, doleat: pro genere symptomatis. Nā
vellicationes, vomitus, nausea, singultus, & languor,
non solum paruum & languidū efficiunt, & interim*

etiam modicè celeriores, & crùm etiam admodū crebrum. Sola Verò compressio, remotis illis omnibus, rarum, tardum, paruum & languidum. Ea compressio, tum à cibis oritur gravātib; neque ulla insigni præditis virtute, sed sola abundantia molestis. Tum ab humoribus, quibusdam, qui in eum confluant, non inordicantibus. Quasi ab ijs simul refrigeretur, tum Verò vel maxime talis pulsus existet. Ac canina famis talis pulsus est. At omnes quidem affectus, qui in crebritatem mutant, si diurni sint, vel euaserint grauiore, pulsus vermiculantem creant. Qui Verò in raritatem, præter quod commemoratas differentias adaugent, talem præterea speciem inequalitatis in uno pulsu generant, ut multis locis pertusum corpus arterie videatur, neque esse continuum. Ac sentit tactus in distensione, veluti arene occursum.

Comm.

Per stomachū, os ventriculi intelligere oportet. Siquidem hac affecta particula, potissimū immutantur pulsus, ipsa cū corde maximè cōsentiente: tū propter vicinitatem: tū etiā propter colligantiā. Quare antiqui illā cor appellabant, ut ait Galenus, lib. 5. de locis affect. cap. 6. Igitur hæc pars varias patitur affectiones: quæ licet diuersis nominibus cognoscātur, breuioris & clarioris doctrinæ gratia, ad tria capita reducamus, inquirentes per ea, pulsus, quos hic refert Galenus. Afficitur stomachus, tumore, aut intemperie nuda; aut tandem tertio intemperie

rie cum humoris affluxu. Ab his proueniūt inflammationes, compressiones, vellicationes, vomitus, nausæ, singultus, & languores, & alia his similia. Quando tumorem patitur ex inflammatione, siue alio modo, pulsus fiunt sicut in parte dura & neruosa, duri, scilicet, & serrantes: minus tamen duri quam ex membrana costas succingente, & ex septo transuerso fieri solent. Quippe, licet os ventriculi, magnis & copiosis neruis ex sexta cōiugatione enatis constet; quia insigni sensu sunt præditi, molles sunt. Partis etiā substantia carnosa est, quæ duo de puls^o duritie detrahunt magis: proinde minus duri esse debent, vt Gal. refert lib. 4. de præsa. ex pul. ca. 6. Si verò simplici intēperie afficiatur ventriculus pro natura ipsius orientur pulsus. Nā si æstuet & calida sit intemperies: fient pulsus qui peculiare sunt vrgente vsu, magni, scilicet (ni partis durities id prohiberet) aut saltem non multum magni, celeres & crebri. Si frigida, qui familiares sunt exoluto vsui; rari, scilicet, tardi & parui. Intemperies humida, molles creat pulsus; sicut sicca, duros. Quod accipiendum est, dum intensæ ita fuerint intemperies, vt cor ijs compatiatur. Restat intemperies cum humoris affluxu, à qua proueniunt compressione (de inflammatione iam actum est) vellicationes, vomitus, nausæ & reliqua. Vbi

igitur simul cum compressione ex humoris affluxu, vellicatur, aut vomit, & nauseam patitur, paruum, languidum, modicè celerem & ad modum crebrum præstat pulsum. Siquidem maximè grauata, & laceffita natura, tales fiunt pulsus. Quibus addendum est cum eodem Galeno lib. 4. de præfag. ex pul. cap. 6. inæqualé fieri & inordinatum, vt etiá constabit li. 4. de caus. pul. ca. 27. Et lib. 1. de diff. febr. cap. 7. sic ait. Sæpius enim vbi humor aliquis vitiosus in ore vetriculi fuerit aceruat⁹, quod ipsum aut mordeat aut refrigeret, parui simulatq; inæquales fiunt pulsus. Paruitas quidem in frigidis: inæqualitas vero in mordacib⁹ accidit. At vbi euomuerint, hæc ambo protinus cessant. Et Auicenna. 2. 1. doctr. 3. cap. 6. Sed cum in stomacho malus fuerit humor, non cessabit diuersitas. Ex quibus inæquales fieri pulsus, per humores mordaces, ad ventriculum confluentes, percipitur. Cæterum quænam sit inæqualitas ex eo patet, quoniam ait Galenus omnes affectus, qui crebritatē mutant, si diuturni sint, vel euaserint grauiorē, pulsum vermiculantē creare, qui virtutem insequitur languidam, vt diximus supra ad finem capituli. 4. Nam nimis sensibilis cum sit hæc pars, vbi diuturni fuerint affectus vel graues, nimis deijcitur facultas, & labefactatur. At si euomāt laborantes, quanquā inæquales sint pulsus in prin-

in principio (non tamen vermiculantes, cū valens sit facultas) cum affectus vlteriùs non progrediatur, protinus cessat inæqualitas, vt optimè animaduertit ipse lib. i. de diff. febrium citato. Cæterùm, si sola fuerit compressio oris ventriculi, remotis vellicatione, vomitu, nausea, & singultu, & languore, pulsus sunt rari, tardi, parui & languidi. Præsertim si compressio ex humoribus sola abūdantia molestis oriatur, & adhuc magis si frigidi sint. Siquidē facultas in hac dispositione imbecillis est reddita, vel ex intemperie, aut ex externa aliqua causa: ita vt vel grauetur vel irritetur. Cum hoc etiam diminutus est vsus, cui prædicti pulsus familiares sunt. Quia tamen canina fames calorem refrigerat, & inde nimis facultatē prosternit, fit vt similes habeat pulsus. Verum tamen licet Gal. li. i. de diff. febr. citato: in frigidis humoribus ventriculo contentis, magis paruitatem, inæqualitatē in mordacibus fieri testetur: vbi affectio nimis intēditur & eradicatur augeri, ait in præsentī, non solum diuersas pulsus differentias, sed inæqualitatē accersiri, quæ in raritate fit, in ea effigie in qua corpus arteriæ in vno pulsu & in multis locis, veluti pertusum videatur, & nec esse continuum, quæ inæqualitas de genere est pulsuum intermittētium. Nisi, quia in vno pulsu eā considerat Gal. ad decurtatos reducere volueris, qui pulsus ex

instrumentorum intēperie ait oriri. Si tamē verū dicamus nō solum ex hac, sed etiā ex dispositione, in qua grauatur facultas, & deijcitur ex humoribus frigidis, fieri potest. Nā dū eradica-
tur affectio, deijcitur adeo, vt deficientes vel in-
termittentes creet pulsus. Addendū etiam his
est, quòd si stomachus ex tumore, aut ex intem-
perie sola, vel cum humore doleat, præter du-
ros pulsus, qui partis natura duræ, excitantur,
paruos, & perinde crebros & languidos fieri
par est. Nam propter eximium sensum defati-
gatur quam primum facultas & deijcitur, si qui-
dem partēs, quæ insigniori sensu præditæ sunt,
dolorum nomine pulsus immutant, vt constat
lib. 4. de caus. pul. cap. 7. Exposuimus enim su-
pra de pulsu doloris, quos pulsus dolor, præfer-
tim si facultatem lædat, efficere soleat. Dum ta-
men dolore afficitur stomachus, vtroque mo-
do læditur, & quòd degrauetur, & quòd debi-
litetur. Vnde pulsus interdum languidi, parui,
crebri, meritò fiūt, interdū inæquales, tū in his
tribus differentijs, tū etiā & in celeritate, & tar-
ditate, vt li. 4. de prælex pul. ca. 6. ostendit Gal.

*Hydropis
pulsus. cap.
24. li. 4. de
caus. pul.*

*Aquæ inter cutē pulsus. Ascitè paruus, crebrior, sub
durus, cū quadā tensione est. Tympanitæ, longior non
imbecillus, celerior, creber, subdurus, cū quadā tensio-
ne. Illius quā hydropē Anasarcā Græci vocant, un-
dosus, lator, molliſq̃.*

Tres sunt hydropis species, vt hic refert Gal.
 & li. 5. de locis affectis. ca. 7. & 4. de vict. rat. tex. *Comm.*
 111. Vt intelligam⁹ anasarca à leucophlegmatia
 nō esse distinctā, quemadmodū Areteus existi-
 mauit li. 2. de cau. & sig. diutur. pass. c. 1. & Chri-
 stophorus Vega lib. 3. meth. med. ca. 10. Quare
 nō est quod puls⁹ ab his tribus speciebus alios
 inquiram⁹. Ascites propter aquæ copiā, quæ se-
 cundū ventrē accruat tentionē quandam præ-
 stat, ex qua puls⁹ fit sub durus, & cū durities re-
 pugnet magnitudini, paruitas accedit: quæ fit
 etiā imbecilla existente facultate, tū quia grau-
 rur ob pōdus, tū quia ex intēperie frigida deijci-
 tur. Quod tamē paruitati, vbi virtus non est va-
 lida, vt vsum non impleat, accedat crebritas,
 multoties dictum est. Item tympanites minus
 grauat, minusq; distemperat: vnde nec pulsus
 ita imbecillus est, & fit etiam celerior. Cate-
 rum cum tendat, sicut ascitis, efficit durum, &
 eadem ratione crebrum, sed longiorem præ-
 stat ex eo, quod non multum sint oneri, corpo-
 ra arterijs incumbētia. Sunt etenim spiritus,
 quæ arteriarum corpora implent. Deniq; ana-
 sarca totum corpus humiditate copiosa irrigat
 & humectat: ex qua arteriarum tunicæ molles
 redduntur. Docuimus autem vndosum pul-
 sum, latiore esse simulque mollem, quæ om-
 nia ex nimia arteriarum mollitudine pro-
 ficif-

Ca. 4. huius
 sectionis.

ficiscuntur. Quare hæc vltima Hydropis species pulsum habet vndosum, vel vermiculante. Præsertim si iecur, aut membrum aliud, nullus scirrhus, aut inflammatio teneat; vt adnotauit Galenus lib. 2. de præfag. ex pul. cap. 9.

Elephantiasis pulsus.

Cap. 25. li.

4. de causis pul.

Elephantiasis pulsus paruus, languidus, tardus, creberq; est.

Peculiares sunt hi pulsus ijs, qui facultatem habent languidam, qualem habere solent Elephantiasis laborantes: vbi plurimum accrescat affectio. Sed licet paruitati accedat crebritas; vbi vsus vrgeat, hunc affectum potius raritas comitatur: quia frigidus est ex crasso & frigido humore ortus, qualis est melancholicus. Sic enim legit Galenus in contextu, licet aliter sentiat Ferdinadus Mena libello ad tyrones in expositione ad hunc pulsum. Nec ratio, qua nititur firma est. Quia crescens illa tumorum magnitudo, quæ elephantiasicis adest, paruitatem adiungit non crebritatem, cum vsus diminutus sit ex frigiditate.

Ictericorum pulsus.

Li. 4. de cau

sis pul. cap.

26.

Comm.

Ictericorum pulsus est, si adsit febris, minor, durior, crebrior, non languidus, nec celer.

Celeritas inseparabilis est febricitantibus, vt constat supra, dum de pulsibus phthisicorum & marcescentium egimus. Quare icterici sine febre, pulsus non habent celeres: habent tamé duriores, quoniam biliosus succus exiccandi vim obtinent,

tinent, vt muria, atque sic magis tendit, vt tradit Galenus lib. 4. de caus. pul. cap. 12. quia durus est: fit etiam minor, & quantò minor est infra vsus tantò etiam erit creber. Cumque nec imbecilla sit facultas, non erit languidus.

Veratrū qui sumpserunt, hi paulo ante vomitum, ubi comprimantur, pulsum habent latum, rarum, languidiorem, tardio- rem, interea dum vomunt & diu- uelluntur, inaequalem, & inordinatum. Cum rectius habere cœperint, ordinatum quidem, sed inaequalem adhuc, minus tamen, quàm antea. Vbi verò iam ad naturalem statum propè reuerterint, æqualē, & maiorem, quàm dudum, vehementioremq̃. Qui horum syncopa corripuntur, conuelluntur, atq; singultiunt: paruum hi & languidū, inordinatumq̃, & celeriorē, atq; multum crebrum habent. Qui ex ijs suffocantur, paruum, languidum, inordinatum, inaequalem, non autem crebrum, nec celerem, imò potius tardum. Representat etiam nonnihil undosi, & lati, atq; paruam quandam interdum arteria tensionem.

Eorū qui veratrum sumpserūt, pulsus. Cap. 27. li. 4. de causis pul.

Syncopis pulsus.

Adiccimus supra de pulsu oris ventriculi, Comm. habere pulsum inæqualem, & inordinatum; qui nauseam, vomitum, aut vellicationem patiebatur ex compressione, non solum paruum & languidum, modicè celeriorē, & admodum crebrum. Quod quam rectè fuerit animaduersum ex hoc loco accipi potest. Ait enim Galenus interdum qui vomunt, & diuelluntur, inæqualem

& inordinatum habere pulsum. Quo etiam loco constabit facilis explanatio eorum, quæ hic tradit Galenus. Nam qui comprimuntur secundum os ventriculi ex humoribus frigidis, sicut contingit ijs, qui elleborum sumpserunt: pulsus habent paruos, tardos, & raros. Illud solum restat annotare, quòd quando syncopa corripitur, quia conuelluntur & singultiunt; pulsus fieri similes conuulsiuo, paruos, nempe, languidos, inordinatosque, aliquantulum celeres, multum crebros. De cuius essentia & causis egimus sect. 2. & in hac sect. capit. 4. Quare iam ad ultimam totius tractationis partem, quæ de præsigitione inscribitur, nos conuertamus, in qua si quæ hic deficiunt supplebimus.



ILLEPHONSI
 NVNESII MEDICINAE
 DOCTORIS, DE PVL SVVM
 PROGNOSTICO, SECTIO
 QVINTA.

CAPVT PRIMVM.

*De præſagitione quinque primarum pulſus
 differentiarum.*



ÆC eſt poſtrema totius tra-
 ctationis pars, quæ de præſa-
 gitione inſcribitur, Medicis
 ſanè præ cæteris honoratiſſi-
 ma: philoſophis etiã, qui ſcien-
 tiam naturalem inueſtigarũt,

non planè neglecta. Cuius partis nomine reli-
 quas Medici tractant, ita referente Galeno li. 1.
 de digno. pulſi. cap. 1. Nam ad hoc potiſſimum
 omnes, quæ de pulſibus diſſecantur, partes, diri-
 gi videntur, vt præſens aliquod, aut præteritum
 cognoſcamus, vel futurum inueſtigemus, quo-
 rum omnium doctrina ad præſagitionem, ait
 vetuſtiſſimus Hippocrates pertinere, libro pri-
 mo prog. tex. 2. Nec enim futurorum tantum
 eſt præſcientia, ſed præſentium etiam atque
 præte-

præteritorum, vt exponit Galenus ipse libro. i. de prælag. ex pulsib. capite. i. Bipartita verò est huius tractationis notitia, sicut ea, quæ remedium (quorum facultates vel seorsim considerantur, vel in ordine ad affectus varios, quibus conuenire possunt.) Prima generalior est, quæ quid denūtiat vnaquaq; pulsus differentia scrutatur. Altera particularis, quæ singulorū affectuū proprios exponit puls°. Cū igitur in vltima præcedentis sectionis parte, non paucis aliquot vsi sumus exēplis, in quibus nos exercuimus, ad pulsus singulorū affectuū dignoscēdos: ex quibus quid denūtiarent percepimus: nō itā in hac, vt in illa, quæ cōmunior est, morosa oratione procedem°. Sat enim erit, si quæ illinc deficere videbātur, hic paucis suppleamus: vt ex omnibus vna absoluta, perfectaq; relinquatur doctrina. Atq; placuit partē hanc, quæ singulorū affectuū puls° explicat supra ad perfectionē nō exequi. Quoniā vt cōfusionis vitiū vitarem° ab initio Galeni ordinē sectari statuimus: qui sic suos libros de prælagitione diuisit, vt duo primi generaliorē partē (quæ de singularū pulsus differentiarum prælagitione inscribitur) cōtinerent; duo reliqui peculiare vniuscuiusque affectus, pulsus explicarent. Ne tamen crimen illud cōtrahamus, quod scribentes de pulsibus post Erophilū, vt fert Galen°, cōmiserunt, qui nec se-

paratim

*Quomodo
videt Gal.
libr. de præ
lagitione.*

*Libro. i. de
dis pul. c. i.*

paratim de qualibet pulsus parte pertractarunt, sed omnia simul confundebant, suo loco singula tractemus: vbique distinctionem, & claritatem intédentes, quę in omni tractatione, quę utilitatem allatura est, vt præcipua reponitur pars. Sed cū doctrine ordine abvniuersaliorib⁹ sit incipiendū, vt ait Philosophus, ab ea præfagitionis parte, quæ generalior est vt Galen. fecit initium capiamus. Ac in primis eo procedamus ordine quo in inquirēdis causis vñ sum⁹, à primis quinque generibus pulsuū præfagitionē patētes. Hoc igitur potissimū iaciamus fundamentū, quod si cognoscātur causæ, à quibus puls⁹ proueniunt, graues ne sint an leues, facillimè præfagiū de illis præstabim⁹, vim, scilicet, & efficaciam vniuscuiusq; causę firmiter scrutantes: vt certò, quid simul aut seorsim denūtient, præfagiamus. In primo ordine magnus est pulsus: qui bifariam dicitur talis. Primū cum moderato cōparatus, & naturalis: secundò cū quolibet alio: atq; rursus hic vel moderato maior est vel minor. Prætereà magnus pulsus in homine reperitur egrotante tantū, aut sano simpliciter, aut ascititio aliquo statu affecto, aut tandem alteratio quæpiam externa ipsi superuenit. Demum pulsus, aut verè magn⁹ est, aut magnitudinis speciem quandam apparentem refert. His igitur cognitis sparsa semina colligamus, & ad propositum quæ dicta sunt deduc-

1. Physicorum. cap. 1.

*Potissimū
fundamētū
præfagij, in
quo cōsistat*

*Magni pul-
sus prognos-
ticum.*

deducamus. Vbi pulsus magnus solū apparet, nec
 verē talis est, gracilitatē corporis, aliqua de cau-
 sa solito maiore, tantū denūtiat. Si verō verē
 magnus est, respectu naturalis & moderati, nec
 simul mollis, aut vehemens, vsum adauctū esse
 indicabit, vel quoad eam partē, qua calor exce-
 dens est, vel quoad eā, qua spiritus animalis im-
 pendet. Generatio siquidē ex his duabus parti-
 bus vsum cōponitur. Quod si simul magnus est,
 & vehemens pulsus, aut mollis, iā nō solū vsum
 adauctū, sed & facultatem firmā, & mollia in-
 strumenta ostendit. Expostulat enim magnus
 tres causas cōtinentes; vt sectione antecedenti
 explicuimus. Vnde duabus minimē affectis, fa-
 cultate, scilicet, & instrumēto, reliquū est tertiā
 immutari, vsum nempe. Quod si omnes muta-
 tionem accipiant, iam non solū magnus, sed &
 vehemens fit, & mollis. Verū cū quando tantū
 est magnus pulsus, vsum adauctū, siue calorem
 increfcentē significet, in corpore sano docebit
 hominis temperamentū, & corporis habitudi-
 nē, in egro & valitudinario, affectū esse calidū
 denūtiabit. Si corpus ascititio statu corripitur,
 & pulsus sit magnus tantū, illū præpollere signi-
 ficabit, cui peculiaris est pulsus magnus, velut
 corporis gracilitas, vt constat ca. 5. & 6. antecē-
 dentis sectionis de pulsu graciliū. Cū vero dili-
 gentivſ fuerimus examinatione, atq; inueneri-
 mus

mus hunc permutatum esse ab externa alteratione illū. vindere motū affirmabimus, cui peculiaris est magnus pulsus. Sed id annotandum est, quòd ubi fuerit recēs, siue externa alteratio, parum perdurare solet; adeò vt si pulsū attremus, breui temporis spatio, eius mutationē percipiamus. Nā aduentitia qualitas citò perijt, auctore Aristotele lib. 2. de partibus animalium ca. 2. Quare Gal. ait, motus ascititios mox desinere lib. 1. de praef. oxipul. capi. 10. Permanet verò amplius ob gracilitatē, & temperamentū. Id est, quæ pulsus sit magnitudo p̄ter recentem alterationē desinit citò. Permanet è cōtra magis quæ per gracilitatem corporis, & per caloris augmentum gignitur. Ceterum ad has recētes dignoscendas alterationes, quæ externæ accidunt, à quibus pulsus excitatur magnitudo (vt sunt balneæ, cursus, frictiones, vinū, cibus, ira & reliqua) multa artificiosè excogitauit Caelius, vt fugiat insidiatorum, & malignorum tentatorū cauillos, non contentus egrī relatione illa quibus nō est opus plurimū insudare. Nā quam obsecro excogites prudentiā singularem, aut solertissimā industriā, imò & miram humanorum sciē-
tiam, aduersus insidiatores & cauillosos homines? Poteris fortè tam sagaci animo continuo agere, & ubiq; tam contentiosè aduersus omnes, præcipuè illos, cum quibus vsū nūquam

*Aduersus
insidiatores
& cauillosos
homines
nullum est
remedium.*

depre
f. g. ex pul.
cap. 1.

quã habuisti, attēdere, vt si eger voluerit, eiusq;
assistentes, nō decipiaris? Ipse iudicato. Quin &
Gal. in historia diuitis illius, qui familiares nulli⁹
certē scientiæ arguerat, dū medicamentū sump
sisse ipsum, à quo pulsus in magnitudinē verte
retur, cōtendebat, adeò incertē assequutus est,
vt ad iuramentū illi fuit op⁹ diuitē tradere. Cer
tē melius mihi videtur, in ijs, quæ exterius acci
dūt, ab egrotibus & assistētibus rationē petere,
quã laboriosa machina minimē euidēti cōfun
di Quod si homo ex ijs fuerit, quorū natura no
bis est cognita, facilē alterationē inueniemus: q̃
non parū adiuuat quæ nos interrogatione inda
gare possum⁹. Restat vltimo altera pars diuisio
nis, quid, scilicet, denuntiet pulsus magnus, ad
quēlibet aliū pulsum cōparat⁹; siue is sit maior,
aut minor moderato & naturali. Quādo magn⁹
est isto modo, si facultas & instrumenta nō sunt
affecta, & homo semot⁹ est ab ascititio motu, cō
mune habet prælagiū cū pulsu magno, qui res
pectu naturalis, & moderati talis dicitur, caloris
scilicet, augmentū. Quod si ascititius fuerit mo
tus, siue status, indicabit corporis gracilitatem,
sicut in magno respectu moderati. Verū habet
id particulare, quod nunquam accrescet mag
nitude sine celeritate, interdū etiā & crebrita
te. Contrarium tamē fieri potest in magno qui
talis est respectu moderati, cū non adfuerit
excessus

excessus immodicus. Nam si immodicus fuerit ita quod maximus fiat pulsus, etiam celeritas & crebritas interdum excitatur: sed diuersa ratione, in eo qui maior est moderato, ac in eo qui minor (vterque tamen non ad moderatum, sed ad quemlibet alium collatus.) Nā in eo qui maior est, ex immodica vsus accretione celeritas adiungitur magnitudini, quæ si non sunt satis pro complendo vsu etiam crebritas. In eouero, qui minor est, quia cum vbi pulsus iusto minor est, debet etiam esse rarus & tardus accrescente vsu, necessario in magnitudinem, celeritatem, & crebritatem vertitur. Siquidem vbi pulsus parvus est (talis enim est, qui moderato est minor) inerescenti vsui satisfacere non potest, nisi celeritas & crebritas annectantur. His cognitis de magni pulsus prælagio, de paruo, qui est ei oppositus, facilis est ratio prælagitionis; siquidē oppositorum eadem est doctrina. Opposito ergo sensu accipiamus, quæ dicta sunt, non solū, quod attinet ad causas externas: nam id prælagium facile est: sed etiam quoad internas. Paruus fit pulsus ex vsus decretione, virtutis lāguore, & duritiæ instrumentorum, quæ tres sunt oppositæ causæ, alijs tribus, quæ magni pulsus sunt continentes. Item paruus similiter est talis, vel ad moderatum, & naturalem pulsum collatus, vel ad quēlibet alium: atq; rursus hic moderato

vel maior, vel minor est. Omnes hi pulsus parui
cōmunem habent præsagiendi rationē, scilicet,
vsum decrescētē, siue frigiditatē in corpore sa-
no, siue ægro. Tamē id intelligito, vbi nec facul-
tas imbecillior facta est. Nā iā paruus esset & lā-
guidus. Nec instrumēta dura, tūc namq; paru⁹
& durus erit: vel paru⁹, durus & lāguidus, si vsus
facultas, & instrumēta affecta sint. Igitur paruus
tantū calorē significat diminutū, aut morbū fri-
gidū. Qui verò moderati respectu paru⁹ est, aut
ad quēlibet alius cōparatus, tamē moderato mi-
nor particulariter id habēt, quod nunquā parui
sint, sine eo, quod simul sint tardi, & rari. Nā ha-
bet humanū corpus, dū naturali regitur statu,
mediocritatē quandā, à qua recedit, vel quia fri-
gidū, vel quia calidū redditur. Tamen diuersi-
modē. Siquidē vbi calefit, magnitudo primū cō-
paratur, mox celeritas, demū crebritas. E cōtra
si refrigeratur, primò raritas, deinde tarditas, &
postremò paruitas (vt ostensum est sectione 2.)
Quare constat paruos pulsus, simul esse tardos,
& raros. Iam qui paruus est ad quemlibet aliū
collatus, tamen moderato maior, particulariter
id habet, vt interdum celeritate & crebritate va-
riet; quando, scilicet, supra modū augetur vsus.
Quod si paululum adauctus fuerit, nulla fit mu-
ratio, nisi in sola magnitudne: quia ex paruo cō-
stat caloris incremēto, cui ipsa sufficit. Hoc igitur

tur modo de internis causis cōtinentib⁹ in paruo pulsu præfagiū faciemus. Externæ permultę sunt, omnes tamen frigiditatem inducentes, vt aër frigidus, balneū, & medicamenta infrigidātia, & alia, quę similē inducant intēperiē. A quibus præfagiū accipiemus modo dicto decalidis. Ascititius vel naturalis corporis habitus pulsus magnitudinē præpediūt, atq; paruitatis imaginem repræsentat. Veluti in corpore natura, vel morbo obeso, quanquā arteria maximè distendatur, corporū incūbentium ratione depressus inhibetur, & magnitudo obscuratur, vel interdū vniuersus motus per totū animal sensum nostrū effugit, adeò vt puls⁹ appareat priuatio. Quod intelligendū esse adnotat Galenus, ad nostrum tactum, motū referentes, li. 1. de præfag. ex puls. cap. 3. Nam in rei veritate, nunquam in viuum animal talis cadere potest priuatio, cum semper, perdurāte vita, cor cum arterijs motu agentur. Quæ verò reliquę sunt differentię inter paruitatem, & magnitudinem (quæ ab his 24. sunt) ad eundem modum quo attinet ad præfagium inuestigauimus: cum omnes vel ad mediocritatem, vel ad magnitudinem, vel ad paruitatem reducantur, à quibuscunque oriantur causis. Nam cognita quænam sit magnitudinis differentia, & inuentis causis, à quibus ortum trahit, facile erit, quidnam denuntiet præ-

*Præfagium
ex differen-
tijs quanti-
tatis disten-
tionis.*

lagire. Eas tamen oportet adhibere distinctiones, quæ de magno & paruo pulsu annotauimus, cum illarum differentiarum quæhbet, vel magna est, aut parua, aut moderata. Vnde quod attinet ad rei naturam: tres sunt in quantitate distentionis differentiæ, videntur tamen. 27. ob crassitiem, vel gracilitatem corporis, vel ob cutem rugosam vel regionē arteriarū inæqualem angustiam, vel proprietatem conformationis. Sed exempli gratia, aliquam ex ipsis pro exemplo ponamus, vt facilis pateat ad reliquas doctrina. In nona differentia fit pulsus, longus, angustus, humilis: hic igitur magis ad paruitatem accedit: siquidem à virtute languida, duro instrumento & remisso vsu gigni potest. Videtur tamen longus ob corporis marcorem. Vbi igitur nec admodum debilis apparet pulsus, nec duræ sunt arteriæ à diminuto vsu ortum habere existimabimus. Ad eundē modū de reliquis differentiis licet iudicium ferre, vt ait Galenus, lib. 1. de præfag. ex pulsib. ca. 4. in fine. Si tamen cupis particulatim in omnibus exempla, legito ipsum, cap. 3. antecedenti. In celeri & tardo pulsu eadem ferè est præfagitionis via: nec opus est multa conterere. Siquidem celer ab eisdem causis, à quibus magnus, oritur. Sunt autē hæ vsus accretio, vehemens facultas, & instrumentorū mollitudo: tardus cōtrarias postulat causas. Simili-

*Celeris &
tardi prog-
nosticum.*

militer, vel celer est pulsus ad moderatū cōparat°, aut ad aliū quemlibet moderato celeriorē, qui moderato vel celerior, vel tardior sit. Vbi igitur celer est puls°, immota facultate, & instrumēto calidius tēperamētū declarat: è cōtra tardus, frigidus. Sed qui celer est moderati respectu nō solū celeritatē, sed & magnitudinē habet adiunctā. Nunquā enim celeritas acquiritur, nisi quādo pro cōplendo vsu, magnitudo satis non est, & sic pri° magnitudo supponitur. Qui verò ad celeriorē, moderato celer est, ei magnitudo, celeritas, & crebritas adiūgitur: quia nimis supponit vrgentē vsum. Siquidē cōsonū est talē pulsum accidere corpori, in quo maximā inuenim° distentionē. Quare nō solū celeritas, sed & crebritas cōparatur. Ait tamē Gal. in tali pulsu, solā crebritatē cū celeritate acquiri, quoniā maxima illa distētio, cui celeritas superuenit, ex corporis natura insita erat. Similiter qui min° est celer moderato, etiā cū celeritate magnitudinē & crebritatē habet. Nā cū ex diminuto vsu rar° sit factus primū, mox tardus & paruus, si permute tur vsus, non solū aufertur tarditas, sed & paruitas & raritas: vnde fit magnus, celer, & creber. Eodē modo in tardo, qui talis est moderati respectu, tarditas est sine raritate (nā hęc prima est, quæ deperditur) nō tamen sine paruitate: quoniā posterius amittitur. Ita & per hęc in tardo,

qui ad moderatū, vel magis vel minū talis est, poteris coniecturam facere, ne multū tempus conteramus in re clara. Hæc est prælagitionis via ex celeri & tardo pulsu, quādo ex vsu increfcente vel decrefcente fiūt. Nā si celer fuerit pulsus simul & mollis, aut celer & vehemens, aut celer, mollis & vehemens, via altera incedendū est, metientes excessū pro causæ vincentis mutatione. Exēpli gratia, si puls^o est celer & mollior, tūc animaduertendū est, an tātō sit celer, quātō mollior: nā tūc à sola mollitudine talis apparet. Quod si multo magis sit celerior quā mollior, iā altera præpollet causa vsus, scilicet auctus. Simili discursu procedendū est in celeri, & vehementi. Cæterū quando omnes tres causæ conueniunt simul ad efficiendam celeritatem: difficile est alteri⁹, vel aliquarū excessū rimari. Quare Galen. lib. i. de prælag. ex pul. cap. 5. singulari experientia, ait, ap⁹ est cognituro, utrū, scilicet, tātō sit celerior moderato, quātō vehementia, & mollitudo addere possunt: nā tunc à solis his proueniet mutatio. Quod si multō magis proportionē exuperat ipsas, iā vsus accretio ad generationem talis pulsus accidit. In tardo, qui simul duritiem & virtutis lāguorem habet, similiter est philosophandū, & pro excessus ratione causam inueniemus. Sed ne aliqua prætermittātur, annecte cū his causas præcedentes, & externas,

nas, quas licet cognoscere ægri, & assistentiū relatione, nec curandū est incertis alijs notis animū torquere, vt diximus supra: sunt tamen non parui momenti, ad præſagitionem certiorē prædicandā. In reliquis differētijs, quę in celeritate sūt & tarditate nō inueniem⁹ distinctū præſagiū ab eo, quod per celeritatē, & tarditatē acquirim⁹: siquidē omnes ad has reducūtur. Quare cū ab eisdem proueniant causis pro ipsarū varietate præſagitionē præstare poterimus, quod constat cap. 6. lib. 1. de præſag. ex pul. Verum in vehementi, & languido, duro, & molli facilior reliquis nobis apparet præſagiendi ratio, cū quilibet causam insequatur vnā, eamq; necessariam. Atq; sic vehemens puls⁹ facultatis denūtiat firmitudinē, ac rātō maiorem; quātō maior fuerit vehementia. Lāguidus è cōtra facultatis imbecillitatem; tātō etiā maiorem, quantō lāguidior sit pulsus. Similiter, durus arteriæ duritiem, & mollis mollitudinem: qui pulsus quantō magis accrescant, tantō maiorem declarabunt recessum, vt patet capite 7. sequenti, eiusdem operis. Cæterū in molli & duro medius, naturalis est in vehementi & languido, medium, qui naturalis sit, inueniemus nullum. Nam vehemens ex facultate rectē se habente originem ducit. De hoc tamen actum est latius sectione secunda, ad quem locum recurrat lector. Quanquam ta-

In differētijs celeritatis præſagiū

Præſagium vehementis & languidi; atq; duri & mollis puls⁹.

men ab vna semper oriatur causa: interdū alias differētias sibi adiungunt, quod dignoscere præstat ad certius prælagiendū. Sic languidus puls⁹ paruitatē asciscit, simul & crebritatē: qui maiore tunc significat languorē, quā si lāgvidus steterit solū. Itē vehemens, simul solet esse magn⁹, & nihil variante vsu, rarus, quod planē vehemētissimū facultatis denūtiat robur. Durus nūquā solū talis esse potest, nisi exigua admodum sit durities. Nā si aucta fuerit, semper parvus simul est, & ob duritiē & paruitatem creber, ac tantō magis creber, quāto parvus fuerit. Hisquemadmodū in alijs differentijs, causæ præcedentes, & externæ annotādæ sunt, tā in vehementi & languido, quā in duro & molli. Vehementiā augēt præcedentes causæ, vt sunt humores semicocti, qui iā coquūtur, naturę impetus adiudicationē, & ira. Externe quę idē nactæ sunt efficere, sunt, vinū, cibus, modica exercitatio, & reliquę his similes. At languidā reddūt facultatē vigiliæ, inēdiæ, vacuationes immodicæ, dolores vehemētissimi, vt scribitur lib. 1. de præf. ex pul ca. 8. Duritiem tamen inducūt siccitas, cōstrictio à frigore, vel tensio, quæ à varijs causis externis, tū & præcedentibus oriūtur, quas artificiosē docet cognoscere Galenus, cap. 4. eiusdem libri. Molliem inferunt, vita otio dedita, cibus humidus, frequentia balnea, somnus, siue is sit multus,

tus, non tamen extra naturæ septa: siue è contra præternaturalis, vt lethargus, coma, & in summa quælibet humiditas larga, adeò vt arterias imbuens, eas humectet, & emolliat. De his tamen causis ià supra sectione antecedenti copiosè satis sermonem exsequuti sumus. Nunc ad causas cōtinentes redeamus, ac inuento præfagitionis modo in primis quatuor pulsuū differētij, magno, scilicet, & paruo, celeri & tardo, vehementi & languido, atq; duro & molli, perpendamus, an sicut in distentione cognoscūtur ad præfagiū, dignoscantur etiam in cōtractione. Nā si rei naturam consideremus, non minùs contractio magna erit, & parua, aut celer & tarda, vehemens & languida, dura & mollis, quam distentio. Cæterum quo ad nostrum tactum solummodò celeritas & tarditas in contractione dignoscuntur, reliquæ verò minimè. Imo & celeritas & tarditas non in omnibus, sed in illis, in quibus cōtractio sub sensum cadit, vt animaduertit Galenus ipse lib. 2. de præsa. ex puls. ca. 1. Quæ tamē sint corpora, in quibus dignoscatur contractio, explicatum est sect. 3. ca. 3. & Galenus etiam explicuit lib. 1. de digno. pul. à cap. 3. vsque ad 7. Sed inuestigemus, quid denuntient celeritas & tarditas contractionis, quando sub sensum cadunt. Nec enim erit multi laboris, si quod munus præstet cōtractio, cognoscamus.

Prognosticum ex contractione.

Fuligines namq; quæ actione caloris generantur expurgat. Vbi igitur celerior est, quâ naturæ conueniat, fuliginum ingentem copiâ, colligi ac expurgari declarabit. E cōtra vbi tarda, nec multâ coaceruari copiâ, nec excrementorum opus esse magnâ euacuatione, colliguntur multa fuliginosa excrementa, per putredines humorû in febr. bus putridis, & magis adhuc in accessionibus, quâ intermissionis tēpore, magis in pituitosis, minus in biliosis, & melancholicis: medio modo in sanguineis. Sic & in corporib⁹ pessimis humoribus imbutis maior cōgeritur copia, minor in ijs, qui bona educatione, meliores generât. Itē per cibos & pot⁹ magis, quâ per inēdias & vigilias. Et in summa quacunq; corporis parte inflammatione obfessa, pro natura putrescentis humoris minor, aut maior quantitas respondet dictorū excrementorū. Restat inquirere, quid præfagiât creber & rarus pulsus. Crebritas & raritas aut in quiete fit externa, aut in interna: sed interna difficilis admodū est cognitionis. Quin etiâ solū in vehementibus pulsibus posse cognosci, & à medico exercitato optimo tactu prementi, tradidimus sectione 3. in fine capitis tertij. Ex impetu tamen vtriusq; motus eam colligit Galenus lib. 2. de prælag. ex pulsi. cap. 2. Igitur quies vtraque brevis est, aut producta. Brevis fit, vel quia prior motus productus

*Præfagiū
crebri & rari
pulsus.*

Etus est: vel quia sequens anticipat. E cōtra producta, vel quia prior motus brevis est, vel posterior remoratur. Iam in externa, quę apertior est iudiciū faciamus. Quando pulsus sit creber, cōtingit, quia quies externa breuior est, vel motus distentionis productus, hoc est magnus, & tunc idē significat: quod & colligere licet ex distentionis magnitudine, nēpe, calorē esse copiosum. Si verò brevis est, quia anticipat cōtractio, multam fuliginosorum excrementorū coaceruati copiam declarat. Quod si nō solum distentionis magnitudo, sed & contractionis anticipatio, in vnum cōierint, licet per vtramq; causam calorem copiosum, & fuliginosa excrementa copiosa esse colligere. Poteris ad eundem modum, licet difficile admodum, in interna quiete iudicium ferre. Nā si brevis sit, quia contractio producit, excrementa esse copiosa, denunciat: si verò quia anticipat distentio, calorem ingentem: sicut vtrumq; simul, si distentionis anticipatio, & contractionis productio cōueniat. De raritate in vtraq; quiete præsagiū præstabimus, contrario sensu accipiendo quę dicta sunt. Nā si quies externa longior est ob breuitatem contractionis, refrigeratum calorem demonstrabit, si quia contractio remoratur, imminuta esse excrementa. Colliges item facile vtrumque significari per distentionis breuitatem, & con-

contractionis cunctationem: quare & in interna nō est opus maiori diligentia hæc perquirere. Interim tamen meminisse expedit Ferdinā-
dū Mena immeritò Galenū notasse circa doctrinā huius præfagij, quòd ex crebritate & raritate desumitur: existimans solū ad quietum breuitatem sequentes motus esse consulendos, non præcedentes. Nam quod præcedens motus maior sit ad quietis breuitatem parū momenti credit. Sed fortè, quia nimis dictionibus Græcis obrutus est, in errorem fuit adduct⁹, quod in commentario Galeni libelli ad tyrones capite. 25. §. de crebro & raro pulsu leges manifestè. Vbi motus productionem, siue prolongationem tardam significare actionem affirmat: quam Galenus pro motus magnitudine, si attentè perpendis, vsurpare reperies lib. 2. de præfag. ex pulsibus cap. 2. Nec obstat instantia, quam ex libr. 3. de præfag. ex pulsibus. capit. 4. refert, vbi Galenus interdum, cor iustius frigidius esse posse ait, & simul in venis acres & fumosos redundare succos, quo tempore distentio minor & tardior fit: celerior vero contractio & tamē externa quies breuior fit. Ex quo infert motus sequentes cōsulendos esse. Cæterū si benè attēdimus, quies externa breuior fit, nō solū quia maior est distentio, sed etiam separatim ex contractionis anticipatione. In instantia igitur hac,

hac, quæ in venis copiosa ponit fuliginosa excrementa, instat ratio, propter quam anticipet contractio; siquidē facultas intendens ipsa expellere, minorē efficit quietem ad contractionem properans, quæ causa est efficiens, ad quietis breuitatem. Licet dilatationis motus in prædicto statu ad id parum præstet, dummodo in alio, in quo producta fuerit distentio quietem breuiorem efficiat. Sed hæc plana sunt, qua notandi Galenum occasionem præstent. Vltimò inquirendum est, quæ nam harū quinque differentiarum, plus mali, aut boni magis minetur altera; cū prælagium dispar sit in omnibus.

Quod ex Galeno planum reddemus, percepta doctrina lib. 2. de prælag. ex pulsib. capit. 5. Primum igitur extremitates singularum differentiarum attendamus. Omnes siquidem dum à mediocritate recedunt, periculosas esse dicebat Archigenes: non tamen omnes par portendūt periculum. Quare ea differentia pulsus perniciosissima erit omnium, cuius extremitas reliquis periculosior est. Pone igitur, exempli gratia, hominem nobiliorem esse equo, qui nobilissimus homo equo nobilissimo nobilior erit. Similiter pone languidum pulsum, deteriorē esse frequenti: qui igitur languidissimus est, frequentissimo erit deterior. Expendamus ergo prædictas quinque differentias ad hunc modū,

*A quam
harumquin
que differē
tiarum, de-
terius suma-
tur præsa-
gium.*

bene

bene memores caufarum, à quibus oriuntur. Summa vehementia periculo vacat (quia in hac differentia gradus omnes naturales funt) extremum magnitudinis dum naturali arterie dispositioni adiungitur fimiliter: fed eo non caret, fi arterie mollities annectatur. Celeritas nimia etiam eft periculofa: fed minus tarditate extrema. Itē crebritatis extremum ad raritatis extremum collatum, minus periculi denuntiat. Verum attentis caufis omnium plana hæc efle percipimus. Nam magnitudo pulfus etiam cum mollitie inftrumentorum validam infequitur facultatem: celeritas eadem cum vfu adaucto: crebritas eundem concomitatur immodicum. E contra extrema remiffionis, paruitatis, tarditatis, & raritatis, à contrarijs oriuntur caufis. Conftat ergo has reliquis perniciofiores efle, quando enim facultas valens eft, vfuq; adauctus immodicè, minus multo periculi minatur, quam fi è contra remiffa fit, plurimumque imminutus vfu, vt extinctioni fit proximus calor, ficut per extrema remiffionis, paruitatis, tarditatis, & raritatis fieri folet. Hinc colliges, quando deteriores funt pulfus languidiffimi, parviffimi, tardiffimi, & rariffimi, ijs, qui maximi funt, vehementiffimi, celerrimi, & creberrimi. Exemplum etiā id declarat. Nam elige iuuenem fanum, quem velociffimè iubeto currere, ei mox prædicti comparan-

parantur pulsus, citra periculum præsens aut futurum. Restat durissimus, aut mollissimus, qui perinde periculosi sunt ambo. Nam sicut ille ex scirrho, aut inflammatione insigni, aut constrictione ex frigore, aut siccitate, aut valida cōuulsione nascitur: sic mollissimus ex humectantibus affectibus irrigantibus arteriarum tunicas; sicut comate, à qua inter cutem & alijs proficiscitur. Ex his catalogum faciem⁹ sic. Languidissimus, tardissimus, & rarissimus omnium pessimi sunt: deinde ab his minus, durissimus & mollissimus: mox creberrimus: verum celerissimus & maximus parum sunt periculosi: vehementissimus periculo vacans optimus est inter omnes.

CAPVT SECVNDVM.

Quid rhythmi, inæquales, & inordinati pulsus denuntient.



RHYTHMORVM facilis est prælagien-
 diratio, inuenta causa, à qua fiūt.
 Nam ex vsus permutatione, permutari rhythmos dicimus. Comparata natura mutationis, poteris prælagium præstare. Si enim à propria natura decidunt (nam qui naturales sunt, cum citra læsionem

Rhythmorum prognosticum.

nem fiant, culpa vacant, & nihil periculosum denuntiant) aut fit, quia motus dilatationis ad contractionis motum collaus, citior est: & tunc copiosorem esse calorem, aut spirituū animalium indigentiam significabunt. Si verò contractio dilatatione maior efficiatur, copiosa coaceruari fuliginosa excrementa, sicut in putridis febribus accidere solet, de quibus infra dicemus. Qui igitur rhythmī omnino alieni sunt, & maximè distantes à propria vniuscuiusque natura, adeo, vt ad contrarios permutentur, deteriores sunt reliquis. Si tamen vicini minus deteriores, mediij, mediocrem denuntiabunt læsionem: atque sic de rhythmis præfagiemus. Sed ad inæqualitatem accedamus, eo ordine, quem in causis & differentijs seruauimus, à collectiua initiantes. Hæc à triplici causa ortum trahit, à facultate malè affecta, læsis instrumentis, & cordis inæquali intemperie, vt fusius dictū est antecedenti sectione. Præfagium sic inueniemus. Vbi inæquales sunt pulsus attendendum est, facultatem læsam esse, eiusque instrumenta vitata, aut inæqualem quandam cordis intemperie adesse. Læsionis magnitudinem pro maiori, aut minori pulsus inæqualitate oportet rimari. Sic namque oppressam maximè esse facultatem, si maior fuerit inæqualitas, adè vt si plures sint pulsus lægidi, parui, & tardi, tunc grandi onere premi

*Inæqualis
pulsus præ
fagium.*

Cap. 4.

premi facultatem existimemus: quod et si contendat plures vehementes, magnos, & celeres præstare, non possit. E contrario si lægidi, parui, & tardi pauciores fuerint, plures vehementes, magni, & celeres, minor est noxa; mediocris ubi tot sunt languidi, parui, & tardi, quot vehementes magni & celeres. Quæ Galeni est doctrina lib. 2. de cau. puls. c. 1. & 3. eiusdem operis cap. 16. & lib. 4. de præfag. ex puls. capi. ult. Verum per hanc inæqualitatem facultatem magis oppressam, quàm per se imbecillam denuntiamus. Quia quæ est imbecillitas per se facultatis, nullo onere oppressæ, non ita crebrò, imò rarissimè inæquales efficit pulsus, ut annotatum à nobis est, & Galen. etiam refert lib. 2. de caus. puls. cap. 1. Ad eundem modum arteriarum ingentem læsionem (validam, scilicet, cõpressionem, obstructionem, aut tumorem in locis arteriæ vicinis adiacentè) aut cordis inæqualè intemperie, per pulsus inæqualitatè maiore, licet præfagire. At si facultas vna sit affecta, cù eo affectu instrumentorũ, itemq; ipsum cor inæqualis infestet intemperies: clarissimũ est magis variã oportere inæqualitatè existere, ut ait Galen. lib. 2. de cau. puls. c. 2. Nam nec solũ eò quòd grauior sit causa, maior sit inæqualitas, sed cõcurrentibus etiã pluribus causis ad eam gignendam. Qui in hac collectiua inæqualitate decurtati dicuntur,

*Seff. antec.
capit. 4. in
prin. & fin.*

*Decurtati
in præfagiũ*

omnes imbecillā portendūt facultatē, adeo vt ipsi sint oneri applicati digiti. Verū cū quidam sint reciproci, alij nō reciproci: item etiam deficientes alij, alij nō deficientes: qui decurtati sunt reciproci, minorem annūciant imbecillitatem: siquidem facultas in se se colligens veluti resistit. Nō reciproci ē cōtrario imbecillio: deficientes imbecillimā ostendunt. Sed in hac exploranda imbecillitate multū confert manus applicandi modus. Nā si digitis suspensis & mox applicatis, inueniamus in singulis pulsationib⁹ motū deficientem, vera pulsus est abolitio, quæ extinctam ferē significat facultatem: quare omnīū hic deterrimus est pulsus; vt cōstat lib. 2. de cau. puls. cap. 3. Verū per pulsus abolitionem, arteriarū motum accipiemus, quæ licet ad nostrū tactū sit referenda (vt ait idem Galenus lib. 1. de prælag. ex pul. cap. 3.) periculosissima censenda est ex morbo proueniente. Siquidem denotat adeo languidē pulsare facultatem, vt nec digitorū applicationibus, motū percipiamus. Etenim bifariam, & ipse aboletur pulsus: vel quia prorsus non pulsant arteriæ, quod extremum malum denotat: vel quia pulsant quidem, sed ita languidē, & parum, vt sensum effugiant, vt idem refert lib. 2. de prælag. ex pul. cap. 10. Si tamen ob corporum incumbentium onus, motus priuatio contingat, vt per ascititiam, aut

natu-

naturalem corporis constitutionem fieri solet, nō ita periculo vrget pulsus: quanquam talis habit⁹ sit periculosus. Hinc ad intermittentes pulsus præsagium constat. Nam haud quaquā mo- *Quomodo*
 ueri arteria, quod vocatur intermittere, in *intermit-*
 vno pulsu, siue in plurib⁹ periculosum est, adeò, *ribus sit præ-*
 vt inæqualium omnium pulsuum periculosissi- *sagiendum.*
 mus sit intermittens: quod pulcherrima doctri-
 na vtiliq; , si quæ altera, refert Galenus libr. 2. de
 præsag. ex pul. capit. 4. Quo loco multa tradit,
 quæ hic apponentur, additis nonnullis, quibus
 certiores simus ad intermittētis puls⁹ progno-
 sticum. Necverò quidquā habet admirationis,
 inæqualiū perniciosissimū esse intermittētem.
 Nā cæteri quidem vitiosi aliquatenus sunt mo-
 tus: at intermittens in motus abolitione posit⁹
 est: siquidem quo tempore intermittit puls⁹, tū
 nihil arteria mouetur. Quare quantū fere inter *Lepida pul-*
 se sanitas, mors & morbus differunt, tantū na- *sus intermit-*
 turalis motus ab immobilitate & prauo motu. *tentis com-*
 Igitur naturalis pulsus motus, est veluti sani- *paratio.*
 tas: vitiosus eius motus instar morbi: immo-
 bilitas pulsus, quod est intermittere, morris
 imaginem æmulatur. Atque itā instar est ve-
 terni siue apoplexiæ. Nam qualis contingit
 cessatio motus & sensus in cerebro per apo-
 plexiam, aut veternum: talis per intermitten-
 tem pulsum in corde, quod pulsus est origo

*Apulsu in
termittente,
repentina
mors corri-
pit.*

*Intermittē
tium quile
uires*

Dubium

Solutio.

Vt ergo soluere apoplexiam fortem est impos-
sibile, debile non facile apho. 45. secundæ sectio-
nis: sic intermittens pulsus, in quo diuturna agi-
tur quies (talis enim est velut vehemens apople-
xia) vt tollatur est impossibile. Sin brevis appa-
reat quies, non citra negotium propulsabitur,
sicut levis apoplexia non facile aufertur. Vnde
merito à pulsibus intermittentibus repentina
mors corripit; non aliter ac ab apoplexia. Vtro-
bique enim calor cordis extinguitur, destitutus
respiratione. Imò & citius ipsam venturam,
præfagire poteris, quò diuturna fuerit quies.
Porro diuturna ea erit, quæ duorum pulsuum
tempus excedit, brevis, quæ intra eundem ter-
minum remanet. Quare intermittentium pul-
sus minus sunt periculosi, qui vnius temporis
pulsu intermittunt. Quod si duorū pulsuum
tempora excedant, iā periculosissimi sunt. Gra-
uius namque offenditur facultas, vbi plures; le-
uius, vbi pauciores motus deficiunt, libro 2. de
caus. pulsuum cap. 3. Cæterum cur quies duo-
rum temporum pulsus diuturna erit, in moti-
bus verò voluntarijs ea, quæ duorum, vel trium
est temporum, adhuc diuturna, aut longa non
dicetur? Quia motus cordis animantibus con-
tinuò necessarius est, & breuibus quietibus
sufficit, nec eis indiget maioribus: cerebrum
contraria ratione ob labores per vigiliam edi-
tos,

ros, requie indiguit lōgiori, qua possit tātis motionibus sufficere. Huius argumentū est, quod ab exercitationib⁹, & prōptius, & profundius dormitur, vt cōstat li. 2. de cau. sympt. ca. 8. Hæc est

Quæ obseruāda in intermittenti ad prognosticum.

præflagitionis ratio in intermittente; obseruatis tamē quibuscūq; ad certius iudiciū præstandum. Primū ne naturalis & ingenitus sit. Namq; plures quotidie nobis occurrūt, quibus absq; morbo pulsus intermittit. Vidi ego Societatis I E S V

Historiæ.

patrē admodū eruditū, cui singulis pulsationibus tribus, vna quiescebat ordinatē. Agricola m præterea robustissimū cognoui, cui inordinatē etiā pulsus intermittebat, sicut & huic similem alterū, cui in meta-carpis nullatenus pulsabāt arteriæ, de quo mentionē feci supra sect. 3. c. 2. Galenus item lib. de præcog. ad Posthumum, c. ultimo, Medicos, qui iuuenis cuiusdam medellam habebant, hortatus est, vt illum securissimē reficerent, licet pulsus intermittentem haberet, eo quod is ita fuerit à natura procreatus, non ab aliqua morbosa causa. Tamen deprehēdetur, nū is naturalis sit, an à causa præternaturali intermittat perpenſis rectē accidētibus omnibus, quæ circa egrotantē apparent: ac quadā artificiosa coniectura, quoad fieri potest, optimē examinatis. Si salubria minimeq; mortifera inueniemus, salubrem esse intermittentem pulsus affirmabimus. Iuuat etiam & clariorem no-

Intermittēs quando naturalis.

Cap. 9.

*In quibus
ætatibus, pe-
riculosior sit
intermittēs*

bis reddet notitiam, si cū quibus familiaritatem seruauim⁹, inter cōsuetā negotia à morbo prorsus liberis, eorū tangamus arterias, vt Gal. consuluit libello ad tyrones. Quod nō solū ad hoc particulariter, sed etiā ad omnes præter naturā puls⁹ differentias dignoscendas maximi est momenti. Siquidem omniū alterationū, quæ corpori accidunt, certissimā assequimur in illis corporibus cognitionem, quorū nōscimus naturā, vt ait Gal. lib. 1. de præf. ex pul. cap. 1. Et ad dignoscendos puls⁹ nil perinde facit, vt notitia natiui puls⁹, quē quisq; habet, vt ipse tradit libr. 2. eiusdē operis, ca. 11. Secūdo, ætas etiā obseruanda est. Nā nō æquē periculū ostendit intermittens puls⁹ in omnibus ætatib⁹. Sic senibus min⁹ est periculosus, magis multò iuuenibus: & pueris minus quā iuuenib⁹, magis tamen, quā senili ætate cōfectis, Quāquā enim sua spōte imbecilles sint, eorumq; facultates labefactētur, atq; accedente altera ex morbo imbecillitate, videātur magis periclitari; non sic iudiciū accipiendū est, si physicā rationē scrutemur. Quia enim senes imbecilles sunt à quauis causa facilē offendūtur: vnde minus periclitantur. At qui habitu sunt valēti, velut iuuenes, omnē paruā excipiūt causam, & nō nisi à magnis læduntur. Sic enim qui assiduē ad omnes causas obiecti sunt, facillimē seruantur: qui vero exiguas excipiūt, & solū à mag-

à magnis vincuntur, cum ægrotant in maiora
veniunt pericula ; quia impropotionalis est
affectus apho. 34. sectionis secūde. Pueri magis,
quā senes, sed minùs, quā iuuenes periclitātur.
Tū quia facultate pulsatile min⁹ robusta cōstant
(vt latius explicuimus sect. 4. ca. 5. de pulsu eta-
tum) tum quia facultas cōcoctrix robustior est
illis, à qua facilè offensæ corriguntur. Tū demū
quia perspiratu faciles sunt: quod non parū cō-
fert ad tollendos morbos. Hoc roborat experi-
mentū. Nā iuuenis, cui pulsus intermittat, etiā
si quies vnus temporis pulsus fuerit (quæ leuif-
sima est) seruatus est nullus. Ex eo tamen, senes,
pueri & mulieres (nā & hæ habent debilem fa-
cultatem pulsatilem) iam euāserūt. Verum qui-
dam imperitia ducti, ex hoc pulsus vitio, iuue-
nes fuisse superstites putant, quod longā rari-
tatem intermissionem existiment. Tamen licet
longa raritas, grauis sit iuuenibus (leuior multo
senibus & pueris) non ità exitialis est, sicut puls⁹
intermissio: vnde ex illa superstites esse poterūt,
nō vero ex intermissione, etiam si leuissima sit,
vnus, scilicet, temporis pulsus. Longa raritas in
multis discernitur ab intermittente pulsu. Pri-
mum: quia intermittentes pulsus, rhythmum
pulsus deperdunt totū; at nimia raritas, rhyth-
mum sano homini conuenientem non amittit.
Secundò, quietis tēpus in intermittente: minus

*Quare inter-
mittens mi-
nus sit peri-
culosus pue-
ris,*

*Ex lōga ra-
ritate ena-
dūt iuuenes
In quib⁹ dif-
ferant, lon-
ga raritas,
& intermit-
tens pulsus.*

in longa raritate. Tertiò, raritas hæc interdum equalitate seruat, intermittens inæqualis est semper, nunc in tribus pulsationibus, nunc in quatuor, aut quinque, aut etiam pluribus; quiescereque solet unum motus tempus, aut etiam plura. Quartò, cum intermittente, aliud etiam inæqualium pulsus generum complicatur, cum longa raritate ferè nunquam. Quinto, cum hac raritate tarditas adiungitur maior, aut minor, aut æqualis, prout exigit dispositio, intermittens celeresse potest. Tandem sextò, longa raritas in producta consistit quiete, intermittens in motus abolitione positus est. Ex quibus de raritate prælagium colligamus. Minus enim periculosa, sicut motus non est abolitio, sed quies vitata, nepe nimis producta; quare veluti via est ad intermittente pulsum. Id confirmat Gal. quia intermittentes originem ducunt à raritate producta: qui dum ad naturalem mediocritatem reuertuntur, eam non assequuntur, donec longa illa quies aduenerit: lib. 2. de præf. ex pul. c. 4. Cæterum raritas hæc magis, aut minus est periculosa, pro affectionum diuersitate. Cum enim ingens debeat esse frigiditas, quæ longam efficiat raritatem, aut cordis occupat corpus, aut sanguinem & spiritum, quem continent eius sinus, vel pars aliqua vicina. Si cordis corpus frigiditas illa excedens inuasit, non modo rarissimos, sed & languidissimos, tardissimos, simul & minimos efficit. Proinde affectio

*Ex nimia
raritate præ
lagium.*

*Dignoscitur ingens
cordis frigiditas.*

est

est altera deterior, in qua humores & spiritus in sinu cordis contenti, aut in vicina aliqua parte occupantur frigiditate. Quæ dignoscitur, quia licet raritatem excellentem habeat: non ita gradum imbecillitatem, tarditatem & paruitatem inuehit. In utraque affectione mors accidere potest repentina, sed magis in qua cordis corpus læditur. Nam qui ita affecti sunt inter dormiendum moriuntur, nec amplius expergiscuntur. Siquidem per somnum detractio calore ad intima, imbecillima existente facultate, ad extra illum expandere nequit. At qui non secundum cordis corpus, tantam passi sunt frigiditatem, sed vel secundum humores in cordis sinibus contentos, aut in quapiam alia vicina parte, hoc etiam modo moriuntur, & inter loquendum. Quod decipit Medicos parum cautos & exercitatos, existimantes, egrotantes habere commodè. Et hoc precipue accidere solet, dum præter rationem à febre liberantur. Quippe ad summum prostrati, accedente Medico, ac inuento arteriarum motu satis raro, qui contrarius est prorsus ei, quem per febrē patiebantur antea, ad meliorem statum commutatos fuisse egrotantes arbitrantur, quos subito perire contingit. Euenit hoc mihi cum quodam Medico septuagenario, qui se in experiendis rebus Æsculapio similem ostentabat. Hic igitur ad quendam egrotantem accedens, qui quartana continua diutius correptus fuerat, me præsentem, à febre liberum prorsus decla-

*Historia de
longa rari-
tate.*

rat: solumque roborantibus iusculis, rebusque optimi nutrimenti, sed facilis coctionis, parum & sæpe reficiendum esse affirmabat. Ego qui hominis habitum antea cognoueram temperatūra biliosum, & mediocriter bonis alimentis nutritum, (licet ex morbo, & multis solitudinibus imbecillum) longissimam illam quietem, qua detinebatur pulsus, contemplor, ac ad expertum Medicum conuersus, dico. Ne forte nobis in præsentiarum sese exponat symptoma, quod Galenus ad calcem capitis quarti libr. 2. de prælag. ex pulsib. mirifice aperuit. Ac eo per me relato, ait senex Medicus (fortè longæua ætate caducus, ut aiunt.) Iuuenis cum sis memoriam nobis ac ingenium ostentas, quod nos iocundè accipimus, sed rei euentus nil declarat. Ad huc tamen ego meæ sententiæ nixus, assistentibus ipsam patefacere non recusavi, ac hominem breui perituum, proinde oleo sancto à sacerdote inungendum oportere. Sed statim ac id profero, senex risu ac cachinno pergrandi perfusus discessit; ego etiam ad inuisendos alios ægros pergo. Sed bone Deus, non trāsactis quatuor, aut ad summum quinque horis, cursu præcipitato ad me veniens quidam familiaris amicus, ægrotantem potum affectantem dixit, atque manu, ut biberet, apprehenso vase, animam exhalasse. Quod mihi annotatū maxi-

maximoperè fuit, atque ad præsentē tractationē nō immeritò adductū, vt vtilitatis quippiā scientiarū amatores ex eo Galeni loco capiant auidius. Senes præterea nōnullos absq; morbo hoc etiā modo pereunt, cōtracta ex nimia frigiditate lōga raritate, quæ ipsos inter loquendū, aut dormiendū, aut officio alio functos ad interitū ducit, quæ mors æmulatur naturalē. Atque hoc modo mortua est Domina Anna à Médoça, Llerenæ, illustris Antonij de Paz vxor nobilis octuagenaria. Quæ cū filijs suis colloquebatur, ac dixit, se sudorē sentire pusillū circa corp⁹ vniuersum. Inde accedēs Dñs Petrus à Médoça ei⁹ fili⁹, pulsum tetigit ac inuenit (vt mihi narrauit) rarissimū, interiecto tamen exiguo tēporis spatio, inter comedendū in Dño requieuit. His omnib⁹ annectemus tertio, quòd licet Gal. & experimentum confirmet, iuuenem ex pulsu intermittente seruatum esse nullum, etiam si levis sit intermissio, id accipiendum esse dum iuuenes robusti sūt, habeantq; vitalem facultatem valentem, adeò vt paruas excipiant causas, solumq; à magnis vincantur. Nam qui lāgidi sunt, & quilibet causarum generi maximè obiecti, sicut valitudinarij, cum intermittente pulsu superstites aliquando esse poterunt. In collectiua inæqualitate aliud fit genus inæqualium pulsum, qui ex crebritate inæquales fiunt,

*Intervenire
tis præsagium*

fiūt, functionē enim efficit facultas minus plenam ac postulareť vsus, eò quòd vel degrauiatur & opprimitur humorũ copia, aut obstructa sunt instrumēta, aut coarctata. Licet ergo ab eisdem causis, à quib⁹ intermittētes oriātur, minus his sunt periculosi intercurrētes. Huius argumentũ est, quod facultas, cũ noxis decertat causis, & valēs est conatus apponere. In intermittētib⁹ adeo læsa est, vt nec motũ præstet, minimè pugnans. Sed & crīsim denũtiare solēt intercurrētes, vt patet li. 2. de cau. pul. c. 3. & li. 2. de præf. ex pul. ca. 5. Præsertim si ipsis alia cōiungantur signa eandē indicātia. Nā per indicationes conat⁹ apponit facultas, excitās seipsam, vt ea quæ infestabant per vim expellat lib. 4. de cau. pul. c. 2. Archigenes intercurrētē deteriorē esse intermittente arbitratus est, vt ipse refert Gale. lib. 2. de præf. ex pul. ca. 5. Nititur tamen parũ validis fundamentis. Primũ, intercurrentes, cum ex nimia crebritate fiant syncopis socij sunt, quippe nimis creber pulsus proximā denuntiare syncopen solet, vt patet ex eodē Gal. lib. 4. de cau. pul. c. 14. Secũdò, multi iudicati cũ pulsu intercurrēte perierũt. Tertiò, peripneumonicos cōcomitatur, dum in statu sunt periculosiori. Et febres etiā, in quib⁹ oppletę sunt principaliores arterię. Verũ quantũ distat deprauat⁹ mot⁹ ab abolitione, tantum perniciosior est intermittens pulsus inter-

*An inter-
mittens in-
tercurrente
sit deterior.*

intercurrentes: siquidem hic in motu est deprauato, ille in ablata actione. Item in intercurrente valens est certare facultas, licet non absoluat: in intermittente succubit prostrata. Quod si multi ex intercurrentibus pereunt, multo plures ex intermittentibus perire confirmat ratio & experimentum: siquidem febres omnes valde videntes pulsu constant crebro, quædam tamē extra periculū sunt. Nec obstat syncopam precedere intercurrentes: nā id ex facultatis languore, qui perpetuo cū omnibus cōiungitur syncopis, nō ex crebritate procedit. Iā ad simplicē veniamus inæqualitatē, quā incōmodiorem esse, ea quę in aceruo pulsationū cōsistit, tradit Gale. libr. 2. de præsa. ex pul. c. 4. Quare & intermittētes pulsus, qui in simplici sūt inæqualitate periculosiores esse, ijs, qui in collectiua intermittunt, refert etiā eodem lib. 2. ca. 6. Nā & vtraq; inæqualitas causas easdē genere habet. Simplex deterior est multo, quoniā motus etiā simplices, quos præter nullū obstaculū permittit collectiua inæqualitas, simplex destruit, fieriq; prohibet, ac motu priuat arterias in ipso statim ingressu. Verūcūmotus interruptus sit, aut cōtinuus, sed dispar, aut tandē 3. intercurrents, præsagiū diuersificatur pro ipsi⁹ motus varietate. Deterior enim est status, vbi motus est intermissio, quæ actionis est abolitio partialis, quā vbi cōtinu⁹ & dispar,

aut

Simplicis inæqualitatis præsagium.

Simplex inæqualitas deterior collectiua.

Motus cōtinuus, interruptus & intercurrentis præsagium.

aut recurrens, qui deprauatus est motus. Item motus, qui intermittit, & nō redijt, multò magis omnibus est periculosior. Quare quæ pars motus est sequens, post quietē cōsideranda est. Nā si vehemētior fuerit, minorē ostendit lēSIONEM quā languidior: tardior etiā si appareat, signum est periculosius, quā celerior. Ratio est, quia cū certat natura aduersus insalubres causas, vbi vehementiorem, & celeriorē præstet motum signū est eas debellasse, & pugnx sufficere, rediens à vinculo aliquo veluti soluta. At vbi languidū & tardū efficit, veluti cuiēta apparet, vt auctor est Gal li. 2. de præf. ex pul. c. 6. & 4. eiusdem operis ca. vlt. Quod tamen maior aut minor, aut par sit motus à quiete, parum interesse, videtur insinuare Gal. ca. 6. citato. Sed si maior pulsatio robustiorem denotat facultatem, nescio cur in parte motus à quiete acta, magnitudo expendenda nō erit: ita quod maior à quiete motus cōmodior sit, deterior verò quæ paruior. In duritie & mollitie nulla potest tā breui spatio animaduerti differentia. Siquidem arteriæ ex mollitie in duritiem tā breuiter migrari nequeunt. Hic etiā trāsferenda sunt quæ de intermittēte in collectiua inēqualitate dicta sunt. Solū discriminantur quod mortem celeriorē denūntient inæquales in vno ictu, quā collectiua appellata: quoniā noxijs causis deterius affligitur

tur facultas cū simplicem interpellat mōtum. In continuo motu, sed dispari procedit sermo ad eundem modum. Nam si motus in celeritatem, & vehementiam finiatur, salubrius est signū. periculosius si in languorem & tarditatem. Adde & in magnitudinem meliorem significare statum, quam in paruitatem. In tertio ordine recurrentes, siue dicroti sunt pulsus: qui si manifestè vibrationem præ se ferant, ingentem arteriarum duritiem denuntiant, cum quadam etiam inæquali intemperie, aut humoris copia, vel crassitudine, aut corporum vtrinque incubentium numero: quæ arteriæ partem mediam liberè mouere desinunt; non sic appositae vtrinque partes. Si tamen obscuri vibrati sunt recurrentes, magnam intemperiem inæqualem declarant cum parua duritie arteriæ, vt colligitur ex lib. 2. de caus. puls. cap. 6. Est præterea & alius pulsus, qui improprie dicrotus, siue recurrendi citur, cum potius bis pulsans sit, vt diximus sectione 4. cap. 4. Qui nihil aliud denuntiat, quàm cordis intemperiem, & præcipuè cū partes quædam calidæ vehementer sunt, alteræ vero fuliginosis excrementis onustæ, vt patet ex libr. 2. de prælag. ex pul. cap. 8. & libr. 3. eiusdem operis cap. 4. Restat præsagium simplicis inæqualitatis, quæ in pluribus fit arteriæ partibus, quæ cum ab eisdem causis, à quibus inæqualitas

*Præsagium
recurrentis
siue dicroti.*

*Simplicis
inæquali-
tatis, in di-
uersis arte-
riæ partibus
progenitum*

colle-

collectiua oriatur, eadem in ea erit prælagendi ratio. Nam vel affectam esse facultatem: vel instrumenta vitiata, vel cordis inæqualem intemperiem denuntiabit. Sed qui in hoc genere dicuntur decurtati, particulariter languidâ ostendunt facultatem: sicut decurtati in collectiua inæqualitate. Differunt tamen: quia in hoc genere simul cum virtutis imbecillitate adiunctâ habent corporis gracilitatem. Si igitur hic pulsus pluribus arteriæ partibus occurrat, min⁹ est periculosus, quàm si paucioribus. Nam quantò est firmior facultas, tantò pluribus occurrit, & quantò languidior tantò paucioribus. Siquidem quâdo illa benè comparata est, simili operatione ad fines usq; arteriarum permeat. In pulsibus verò decurtatis paulatim exsoluitur, ac tâto afficitur imbecillior, quantû est à principio remota. Igitur quantò pluribus digitis occurrat, tantò minus dissoluetur imbecillisq; remanebit. Gracilitas item corporis ad id non parum facit. Nâ in graciliori corpore, magis arteria apparet in crassiori minus. Cæterû hos decurtatos pulsus, sua sponte efficit arteria, aut tales fiunt ex admotis digitis. Et licèt utroq; modo facultatis môstretur imbecillitas, maior significatur, quando arteriæ sponte decurtatam præstat distentionem, minor quando ex admotis digitis. Nam illic facultas ex se dissoluitur, dū discedit à corde: hic manet

manet quantum in se est, grauata tamen ab in-
iectis digitis: & sic imbecillius mouetur. Perci-
piemus decurtatum pulsum ex admotis digitis,
aut arteria sua sponte mota fieri: si postquam
retigerimus ipsam, primum applicatorum digi-
torum tollamus: ac si similem agnoscamus mo-
tum ei, quem antea, dum digitus erat applici-
tus, patiebatur, arteriam ex se tale pulsum effi-
cere decurtatum dicemus. Si tamē sublato pri-
mo digito validiorem, & vehementiorem cog-
nouerimus ex admotis digitis procedit decurta-
tio. Sed hi pulsus reciproci sunt, vel nō recipro-
ci, in quibus prognosticum præstabimus ad eū-
dem modum, quo supra de decurtatis in colle-
ctiua inæqualitate. Reciproci enim semper sunt
min⁹ periculosi, cōtrarij magis, sed magis adhuc
deficientes. Quod si mot⁹ fiat abolitio, iā extre-
mum est malum, ad nostrum tactum id referen-
tes. Nam re vera talis abolitio in viuum animal
cadere nō potest. Quod si Galenus lib. 2. de præ-
sag. ex pulsib. cap. 10. quodammodo verā pul-
sus abolitionem concedere videtur, viuo existē-
te animali, intellige iam iam proximum morti,
vt demortuæ sint arteriæ; prope tamen, at &
demoriatur cor: nam sic ait extremum denun-
tiare malum. Abolitio verò motus, quæ tempo-
re aliquo perdurat ad nostrū tactum refert, vt
ex lib. 1. de præsag. ex pulsib. cap. 3. deprehen-

*Quo pacto
pulsus aboli-
tio in viuū
animal ca-
dat.*

deimus, vt diximus cap. antecedenti de præfag.
parui pulsus, & in hoc cap. de intermittenti. De
curati igitur, qui in collectiua sūt inæqualitate,
& qui in simplici, facultatis significant imbecil
litem: qui tamen in simplici sunt cū hac cor
poris gracilitatem. Nam nisi corpus gracile ef
fet, talis non percipietur affectio: cum alioquin
pulsus distentio brevis esset. Requiritur autem,
vt magna sit, quo in pluribus arteriæ partibus
percipi possit: nō sic in collectiua inæqualitate,
cum plures occurrāt motus, quorum respectu
mensuratur decurtatio. Similiter affectio non
itā grauis decurtatos in collectiua efficit: quare
illi sensus effugere solent, vel propter motus
breuitatem, vel affectionis paruitatem. Gracili
tas etiam perpendenda est. Nam cum arteria
pluribus occurrit digitis, & corpus extremè gra
cile est, non est denuntiandum de robore facul
tatis: cū talis affectio ex corporis colliquatio
ne, non ex facultatis firmitudine procedat. Cū
mediocri ergo gracilitate denuntiandum est
robur facultatis, pluribus digitis occurrente ar
teria. Sed hoc varium est pro singulorum cor
porum natura, quam si exquisitè cognouerim
us plurimum confert, vt diximus supra in
hoc capite de intermittente pulsu, si nos ta
men lateat ex communibus differentiis id in
uestigemus, edocti ex communi hominum
natu-

natura, vt Hippocrates consuluit. i. epid. com. 3. textu primo. Sunt præterea quidam pulsus, in quibus interdum contraria decurtatis imago repræsentatur, eo quòd decurtari contingat versus partem superiorem, seu cordi propinquiorem. Sicut quando motum cordis in carpo versus digitos, magnum & vehementem; in eadem tamen arteria versus cubitum, paruum & languidum sentimus. Hi pulsus ex naturali conformatione ortum trahere diximus, dum decurtatorum in vno motu causas exposuimus, quare salubres sunt, nilque vnali portendūt. Iudicium est, quod integra sanitate tales apparent. Potest enim arteriæ pars, quæ ad carpum est insuperficie esse, solaq; cute tegi, atque motus conspicuos habere: at in altera illius parte, que ad cubitum vertit, multa superesse obiecta corpora, quibus veluti demergatur in profundum, ac motus deprimatur, appareatque minor & languidior. Quod ad notat Galenus libro secundo de præsagio ex pulsibus capite vndecimo, & libro secundo de causis pulsuum capite nono. Rarò tamen talis apparet affectio, sicut rara est quoque talis partium conformatio. Quod si contendas pari situ locari arterias, sicut alij affirmant, inæqualem intemperiem ipsius arteriæ causam fore consonum est rationi. Nam quæ

Decurtatorum versus regionē cordis præsignum.

*Ineunti in
& circū
euntium
præſagium.*

temperatiores ſunt partes à pari facultatis impetu liberalius moueri, quam intemperatiores, ſuadet ratio: ſicut ipſe explicuit lib. 2. de cauſis pulſ. citato. Ineuntes & circumeuntes non habēt diſtinctum præſagium ab illis: ſiquidē ſemper ſiunt ex naturali conformatione virtutē lāguida exiſtente. Cum enim arteria ad latera circumiectis corporibus oneretur, non perinde in medio, maiorem præſtat motum in hac parte: quod non fieret, ſi facultas in ſe valens eſſet,

*Qui obſitū
arteriæ ſūt
inæquales,
quale habeant
prognosticum.*

arteriam æqualiter diſtendere. Qui ob ſitum arteriæ ſunt inæquales in hoc genere ſimplicis inæqualitatis, inſtrumenta denuntiant nimis intentas, quemadmodum in conuulſiuo, & vibrato cernimus. Sed de vibrati præſagio actum

*Vibrati &
conuulſi
prognosticum.*

eſt ſuprà, vbi de recurrente egimus. Nunc vero peculiariter ſat eſt ſcire vibratum, & conuulſiuum arterias intentas indicare. Quod ſi perfeueret talis affectio periculoſi ſunt, & magis adhuc, quantò languidiores, minores, & frequentiores ſiant pulſus. Conuulſiuus non ſolū ſignificat arteriarum tensionem, ſed & facultatē languidam, vibratus, oppreſſam, ſed excitatam

*Compoſitæ
inæqualitatis
præſagium.*

ad actionem. Qui pulſus ſiūt in compoſita inæqualitate proprium habēt præſagiēdi modum: itaque & de illis aliqua explicemus, licet ex proprijs cauſis, non ſit difficilis aditus. Vndosus & vermiculans arteriam mollem denuntiant:

quod

quod commune ipsis est. Vnde affectuum, qui
 tensionem arteriarum, aut earundem duritiem
 consequuntur, nunquam soboles sunt. Quare
 vermiculans, quantum ex facultate est hectica
 poterat consequi, nisi coniuncta esset siccitas.
 Sequuntur ergo omnes dispositiones, in quibus
 molles & humectæ sint arteriæ, ut in leuco-
 phlegmatia, lethargicis affectionibus, & alijs, de
 quibus egimus sect. 4. proprijs capitibus: præ-
 sertim si nec scirrhus, nec inflammatio mebrum
 aliquod princeps obsideat. Peculiariter vndosus
 indicat facultatem non multum valentem, ut
 quæ distentionis partes inæqualiter moueat, ta-
 men humoribus oppressam: vermiculans facul-
 tatem debilitatam insigniter: quare immodicas
 cocomitatur euacuationes, quæ sine febre fiunt,
 ut diximus. sect. 4. cap. 6. de pulsu inanitionis.
 Vndosus cum facultatem indicet non absolute
 languidam, sed valentem quodammodo, decre-
 torium sudorem protendere solet, quando, sci-
 licet, vehemens fit & altus. Nam per bonas iu-
 dicationes, tales debere esse pulsus constat li. 4.
 de caus. pul. cap. 2. In eo & magis futurum spera-
 bimus sudorem, si plures appareant pulsus ve-
 hementes, & alti, quam languidi & humiles. Quod
 si æquales fuerint etiam salubre promittunt iu-
 dicium, dummodo signa adfuerint coctionis,
 siquidem talia debet habere perfecta & indefi-

*Quid signifi-
 cent vndo-
 sus & ver-
 miculans.*



*Quando vn-
 dosus portē
 dat sudorē
 futurum.*

ciens iudicatio, auctore Gal. li. 1. aphor. 20. Igitur vndos⁹ pulsus non semper pertimescendus est, quemadmodū vermiculans: hic enim facultatem ostēdit magnopere læsam: ille humorib⁹

*Formicis
tis
gum.*

oppressam, sed mediocriter valentē. Formicans deterior multò est vermiculati. Superuenit etenim formicans vermiculanti imminuto, vnde maiorem significat virtutis lāguorem. Nā formicans est mire parvus, & languidissimus, adeò vt in extremam recidat imbecillitatem, paruitatemq; vt Gal. tradit li. 2. de dignos. pulsib. c. 1. & lib. 1. de differ. puls. cap. 27. & libello ad tyro-

*Quid denū
ciet capri-
zans.*

nes cap. 11. Ad compositam inæqualitatem pertinet caprizans pulsus: qui non quidpiā distinctū denuntiat à pulsib⁹, qui in simplici fiūt inæqualitate in vna arteriæ parte, sed in medio interrūpūtur: posterior tamē pars mot⁹ à quiete, celerior & vehementior est, vt dixim⁹. Hi enim instrumētōrū læsionē significant, aut facultatē oppressam nimis, itā vt in medio motus præpediatur, valētē tamen, posteriorē motus partem

*Serrinus
quid indi-
cet.*

vehementiorē & celeriorē efficere. Serrin⁹ pulsus, qui cōpositorū inæqualium est, arteriā duram, aut tēsam indicat, estq; inseparabilis inter narū inflammationū, vt cōstat sectione antecedenti c. vltimo, de pulsib⁹ inflāmationis, pleuriticorū, & peripneumonicorū. Quid significet pulsus hecticus tradidimus, dum suppurato-

*Quid signi-
ficet hec-
ticus pul-
sus.*

rum

rū & marcescentiū & phthificorū pulsus explicuimus. Quare ad huius capitis cōplementum, quid ordinati & inordinati pulsus præsagiant, exponamus. Gale. sententia de pulsu ordinato varia est. Interdū enim ordinem naturæ conueniētem esse asserit: interdum certo cum periculo in esse posse testatur. Sed quò clarior ei⁹ aperitur mens, & simul rectū ordinati & inordinati pulsus inueniamus præsagiū, caput vltimū li. 2. de præsag. ex pulsib. in qualdam diuidam⁹ suppositiones; ex quibus clariori sensu percipiem⁹, quæ dicēda sunt de pulsu ordinato, & inordinato. Prima suppositio: ordo ordinis perturbatione eiusdē generis præstat: quoniā ordo imprimis naturæ est familiaris. Exēplū in magnitudine & celeritate ostēditur, in quib⁹ præstat ordo ordinis perturbatione. Quod si ordinis perturbatione cū ordine alteri⁹ generis cōparetur, fieri potest vt præstat ordinis perturbatione ordine alteri⁹ generis. Sicut si pulsus inordinat⁹ sit in magnitudine, vel celeritate, min⁹ erit incōmod⁹ in termittente ordinato. Secūda suppositio. Licet ordo eiusdē generis præstat perturbationi ordinis, non absolutè id est proferundū, sed adhibita distinctione, quæ talis est. Ordo fixa & perpetuam causam quodāmodo indicat. Ordinis perturbatione variantem, & minimè permanentem in aliqua differentia, aut regione. Hinc

*Ordinatus
inordinatus
præsignum.*

colligitur tertia suppositio. Ordo nō pernitiore
 florem nec deteriore denuntiat causam, sed
 certiore: ordinis perturbatio è contra incertiore.
 Igitur in quibus affectibus adiungitur
 ordo, firmiter declarabit iudiciū, certumq; even-
 tū. Quare si in incommoda inæqualitate. v. g.
 in intermittente reperiatur cum certo periculo
 cōiunctus est, si in moderata magnitudine, aut
 celeritate, constāter securitatem portendit. At
 ordinis perturbatio incertior est. Vnde in affe-
 ctibus, in quibus lenis est, ad deteri⁹ potest per-
 mutari, & in quibus periculossima ad melius. Si
 enim causa ex ignobilioribus ad nobilia cōten-
 dat membra periculosior fit affectus, è cōtra le-
 nis, si ex his ad illa. Nihil ergo certi nec firmi or-
 dinis perturbatio habet, nec tale quale ordo,
 vel bonum vel malum. His iactis, quæ ex Gale.
 desumuntur præsagium iuxta ipsa inueniam⁹.
 Cum ordo pulsus æqualitati accidat (licet min⁹
 propriè vt diximus sect. 2. in fine) in differentiis
 eiusdem generis, quæ secundum naturam sunt
 præstantior semper est ordinis perturbatione
 quippe firmiter, & certum annunciat bonum.
 Quo sensu lib. 3. de crisi cap. 9. in bona de-
 clinatione fieri pulsum æqualem, & ordinatum
 traditur. Et lib. 2. de præsag. ex pulsib. ca. ultimo
 citato, ordinem nostræ naturæ familiarem ait.
 Sunt etiam & eodem interpretandi sensu Aui-
 cennæ

cenna & Celsus, qui naturalem pulsum vocarūt
 ordinatum. Secus res se habet in prognostico, si
 ordinem & eius perturbationem, magis ad me
 dicorum mentem sumamus, pro vt solum ineq- *Quando or-
 do & eius
 perturbatio,
 in sum indi-
 ce.*

quali pulsui insunt, quomodo de illis agit Gale.

lib. 1. de differ. puls. cap. 10. & lib. 2. de caus. puls.

cap. 14. Tunc nanq; opus est distinctionem ad

hibere. Nam ordo solā stabilem fixamq; osten-

dit causam: ordinis perturbatio è contra varian-

tē minimèq; fixam. Igitur ex se semper malum

inducant, cum inæquali accidūt pulsui, qui pror-

sus est præter naturam, sed ordo malū dicit fir-

miter stabile; ordinis perturbatio variās. Qua-

re pro causæ facientis inæqualitatem magnitu-

dine, cum ordine certius iudicium, cum ordi-

nis perturbatione incertius habebimus. Cū igitur

queris, quis nā sit deterior pulsus ordinat⁹,

an inordinatus, si de ipsis procedit quæstio, pro

vt solum inæqualitati accidunt, manifestum est

ordinatum deteriolem esse inordinato: dūmo-

do eiusdem generis sit differentia. Pone exem-

pli causa, pulsum intermittentem esse sine ordi-

ne: nūc singulis tribus pulsationibus, nūc qua-

tuor, vel quinque, vel nouem: alterum verò or-

dinatè singulis quatuor per circuit⁹, intermit-

tere: hunc illo esse deteriolem inuenies sine du-

bio. Nam causam fixam & malum permanens

inducat: ille verò variā, & quæ migrādo à mēbro

*Quæ sit de-
 terior, ordi-
 natus, an
 inordinat⁹.*

principe ad ignobile, potest ad melius permutari. Securius tamen est, ubi spes aliqua salutis promittitur: quod fit in ordinato, quā ubi adeo permanēs est dispositio, ut prorsus nulla relinquatur. Hoc insinuat Galenus lib. 2. de præsag. ex pulsib. citato dum ait. Ordo enim in incommoda inæqualitate, ut exēpli gratia in intermittēte, certo cum exitio coniunctus est. Igitur ordinat⁹ pulsus inæqualis deterior est inæquali inordinato eiusdem generis. Atq; id ad Gale. mentem verius arbitramur: licet Vallesius lib. 3. controuersia. cap. 13. alia incedat via, quam si volueris, insequitor libenter: nō enim inficior, dūmodo attendas agitatum, non tamen solutū ipsum reliquisse controuersia. Quid autem vult Gale. libello ad tyrones de pulsu lethargicorum, quādo ait. Ac nimirum minores offensæ inæquales & ordinatos: maiores inæquales pulsus, atque inordinatos creant. Si legis Vallesiū in fine controuersia, de inordinatis, qui ex ordinatis inter⁹ permutatis fieri possunt, Gale. fuisse loquutū inuenies: quasi ordinatos facta cōmutatione posse in deter⁹ migrari in inordinatos; tuncq; ipsi deteriores sint multo ordinato, ex quo deciderūt. Sed quā hoc sit rationi cōtrariū ex Gale. percipietur, ex eo quod ipse semper inordinatos ordinatis incertiores esse siue ad malū siue ad bonū refert. Ait nanq; citato li. 2. de præsag.

ex pul. Perturbatio ordinis, si in nobiliore par-
tem causa migret quæ concitat inæqualitatē,
lene potest periculosum reddere: & periculosū
lene; si hic quoq; trāseat causa in ignobiliores
ex nobiliorib°. Nil igitur certi, nihil firmi pertur-
batio ordinis habet. Ex quib° si inordinati incer-
tiores sūt, ordinati certiores in eodē genere ma-
li, cōstat certiores periculosiores esse semper in
certioribus. Nā quid quæso maius est malū, cer-
tū malum an dubiū malum? Dubiū enim abesse
potest, certum necessitatē ponit eūētui. Igitur
ordinati semper maiorem inferunt pernitiem,
quam inordinati, etsi hi ex illis petmutentur.
Quid ergo de Gal. loco dicemus? Ego percepta
Gale. intetione, qua ipse vsus est in instruendis
tyronibus, nō puto difficilē esse respōsiōnē. Di-
ximus, siquidē sect. 2. contractionem quietem
existimasse, vt tyronibus non exercitatis in re
difficillima facilis cognitio, ad reliqua donec
sæpius incumbendo omnia exactē percallerēt.
Nā, vt ipse ait lib. 12. meth. cap. 7. agnitio nobis
tandem paritur ex multa exercitatione, & curio-
sa omniū rerum perpēsiōne. Multa igitur Gale.
refert prædicto libello ad tyrones, quæ minus
congruē, imo & rudi oratione dicta appareant:
quia sic tyronib° clariora erant, ideò vt utiliora
cēsantur. Hinc inæquales puls° esse ferē semper
inordinatos prædicto loco de pul. lethargicorū

tradit:

tradit: ordinatos vero raro. Quare cum ex utroque malo, maius sit existimandum, quod crebrius est, minus quod rarum sit, inde infert minores offensas inæquales ordinatos, maiores inæquales inordinatos creare. Quasi diceret: quia inæquales inordinati frequentissimi sunt, rari inæquales ordinati, ideò hi a minoribus offensis, illi a maioribus procedunt: sic autem oportuit pro tyronibus exercendis rem explicare.

Cap. 13.

Huius argumentum est, quod in lib. 4. de causis puls. ubi de eodem lethargicorum pulsu pertractat, quia cum prouectioribus iam agebat dicta verba silentio præterijt. Verum notare oportet ordinis perturbatio, si coniungatur cum pulsus vehementia, adfuerintque signa coctionis denuntiare aliquam iudicationem: multòque magis si signa crìsim præmonstrantia accesserint alia. Atque sic inordinatus pulsus in hoc excelsit ordinatum. Sed cur inordinatus magis instat crìsim, quàm ordinatus prælagit? Quia natura ad excernendum paratior est, cum affectus causa fixa non sit, sed huc atque illuc trahatur. Hoc enim iuuat ad expulsionem: at non procliuior, ubi fixa & permans est. Si namque paulo post iudicium futurum est, causam iam motam esse oportet, non fixam, nec stabilem.

(?)

CAP.

Quando ordinis perturbatio indicet crìsim.

CAPVT TERTIVM.

*Cordis & arteriarum intemperiei, qui pulsus
sint peculiare.*

PRIMA diuisionis partem, quæ proposita fuit initio sectionis, iam absolui-
uimus. Incidit nunc nobis sermo de
secunda, ut promissis stemus, & Ga-
leni ordinē insequamur. Nam quæ generalior
erat pars præfagitionis pulsum capitibus an-
tecedentibus proposita fuit; altera, quæ particu-
larior, ferè omnis in antecedenti sectione dum
de causis egimus, exposita est. Aliqua tamē cla-
rioris doctrinæ gratia in præsentem locum di-
mittimus, de quibus opportunus est sermo. Et
imprimis à cordis & arteriarum intemperatijs
aggrediemur. Siquidem & Galenus ipse li. 3. de
præfag. ex pulsi. de illis agit. Ut ergo nihil ex ijs,
quæ ab ipso in vniuersum tradita sunt, omitta-
mus, de quatuor intemperatijs, caloris scilicet,
frigiditytis, humiditatis, & siccitatis inquiram⁹,
quaten⁹ cor & arteriæ ijs diuersimode affecte,
varios efficiunt pulsus. Nam nisi ad hæc pertin-
gat intemperies pulsus non alterabitur, cū cau-
sæ sint ipsius continentis. Possunt tamen arte-
riæ nihilo læso corde affectas esse (quo ad expla-
nationem dicendorū animaduertere oportet)

at affecto corde, vt innoxæ permaneant arteriæ, fieri haud potest; sed necessarium est eas in partem intemperiei cordis venire, vel maiorem, vel minorem, vt adnotauit Galenus citato li. 3. de prælag. ex pul. ca. 1. Rursus etiam, & ante reliqua notemus, arterias, dū cor tenet aliqua intemperies, aut in naturali esse statu ita vt solum intemperiem à corde influentē, abiq; aliquo alio affectu, contineat: aut simul cum intemperie propriam quandam habeant affectionem, ita vt tunc pulsum non solum reddant pro intemperie a corde fluente, sed mistum pro suæ affectionis natura, & pro intemperie à corde accepta. His suppositis, ab intemperie caloris initiū sumamus. Cum enim cor ingenti caloris copia premitur, & arteriæ in naturali sunt statu (nā aliter affectæ quos præstent pulsus dicemus potestea) virtute existente valida, pulsus fiunt, qui peculiare sunt vsui adaucto, magni, celeres & frequentes: comparabiturq; post magnitudinē celeritas vel crebritas, pro vt caloris accrescat copia. Nam vbi à magnitudine satisfactum est calori, non opus est celeritate nec frequentia: quod latius ostendim⁹ sect. 2. ca. 4. & sect. 4. c. 2. ex Galeni mente. Sed quod ad prælagiū attinet, excessus in vnaquaq; differētia, aut defect⁹ animaduertendus est. Nam si magis pulsus ad magnitudinem declinet, quam ad celeritatē & frequen-

Calidæ intemperiei pulsus.

quentiā, minor est caloris excessus; è contra maior, si ad celeritatem & frequentiam magis, quā ad magnitudinem. Ita q̄; qui pulsus sit maxim⁹, celerrimus, & creberrimus ingentissimum denuntiet calorem. Quid ergo, si pulsus sit celerrimus & creberrimus, non tamen maxim⁹? Mōstrabit quidem calorem copiosum: sed quando maximus non fit, virtutem etiā languidā, vel durum instrumentum: siquidem magnus nō solum fit vrgente vsu, sed vbi valida est facultas, & instrumenta concinnè disposita. Quod si in modum fiat creberrimus, citra celeritatem & magnitudinem, calorem significat copiosum, verū facultatis imbecillitas & arteriæ durities adiūgetur, quæ causæ sunt magnitudinis & celeritatis detrahentes. Vnde erit non solum creberrimus, sed imbecillus, & durus cap. 2. lib. 3. de præfag. ex pulsib. Cæterum, quomodo cum ingenti caloris copia cor occupante facultas valida est? Siquidem sic imbecillitas intemperiem consequitur, quæ prægrandis est in corde; sicut temperiæ robur. Quælibet autem immodica intemperies virtutem deijcit. Soluitur dubiū citato lib. 3. de præfag. ex pulsib. Nam aliud est incalescere cor; aliud incaluisse. In illo enim in fieri calor est: in hoc in facto esse, vt aiunt philosophi. Cum igitur ingens est caloris copia, in substantia, siue in humoribus, aut in spiribus,

Dubium.

Solutio.

in ven-

in ventriculis cordis contentis, in facto esse, ab ipsis cor incalescit tantum: quare & constantē facultatem habere potest. Repugnat namq; ad huc calfacienti substantiæ, & foris altera etiam est, quæ refrigerat per respirationem, & pulsum: vnde in fieri calorem concipit cor. Quod si incaluisse cōstet, & in facto esse sit caliditas, sicut in heceticis fit febribus, & habitualibus intemperiebus: tunc nec constantem, nec validam sortietur cor facultatem. Nam habitualementem periem consequitur facultatis lāguor, vt docuimus sect. 2. cap. 4. dum huic simile proposuim⁹ dubium. Sed vlteri⁹ sciendū est, calorem qui cor & arterias occupat, aut qualitate excedere, aut quantitate. Qualitate vbi acris & mordax est, quemadmodum in putridis accidit febrib⁹: quātitate vbi occursum eius tactui copiosus est, mitis tamē & suavis, vt visitur in diarijs, quæ insolationem, balneas, cibum calidum, iram, aut aliud eiusmodi consequuntur. Qui in quātitate excedens est, vsum auget distentionis, breuēq; facit internam quietem, qui acris, & mordax est, quia in eo fuliginū copia aceruatur, contractionem accelerat, breuēq; similiter efficit externam quietem. Quare si vtriusq; motus tēpus inter se cōferam⁹, in putredinali brevis est cōtractionis, eo quod est dilationis: in copioso & miti cōtrarium accidit. Sed de hoc inferi⁹

incidet sermo, in pulsibus februm. Frigiditatis intemperies similes procreat pul^o, quales familiares diximus vsui diminuto, sect. 4. cap. 2. paruos, scilicet, tardos & raros. Ceterum excessum rigiditatis commensurabimus pro ratione commutationis in vnā vel duas vel tres differentias. Nam quod primum cōparat facultas, vsu diminuto, raritas est, mox tarditas, tandem paruitas. Quare pro commutationis ratione, frigiditatis maiorem, vel minorem gradum colligemus. Sed hæc ita sunt accipienda, vbi valida sit facultas. Siquidem si languida sit (quod ex debili pulsu agnosceretur) tunc paruos & tard^o sine raritate fit, requiritur facultatis robur ad motus magnos, & celeres, vt sæpius dictum est. Cumque inualida sit facultas ad contrarios vertitur, augeturque pristina crebritas. Quod si facultatis læsio exigua sit, & frigiditas ingentissima, rarissimus fit pulsus, non æquè magnus, vt antea, & in tarditate ferè moderatus. Si frigiditati accidat fumosa excrementa, quæ expellēda sunt contractionis motus celerior est, sicut etiam quies externa: distentionis tardior & rarior & similiter interna quies. Nam cor frigidius cum sit, remisse ad distentionem progreditur, vnius adhuc tantum gratia vsus ventilandi, altero iā qui maior erat refrigerandi remisso, li. 3. de prælag. ex pul. cap. 4. Humiditatis & siccitatis intē-

*Frige cor
dis intempe
rieipulsus*

*Cor humi-
dū vel siccū
quales præ-
stet puls.*

peries dum cor occupant, etiam pulsus variant. Sed hanc variationē ex ante scriptis dignoscitur manifestē. Vbi enim cor plus iusto humidius est, cū eandem ab ipso intemperiem participent, arteriæ molles redduntur: proinde molles fiunt pulsus, è contra duri, si siccitas cor peruat. Nam quod perpetuò dura instrumenta duri comitentur pulsus, mollia molles, sect. 4. cap. 2. tradidimus. Causæ autem, per quas cor siccius, aut humidius redditur, speciatim narrat Galenus lib. 3. de præfag. ex pulsib. cap. ultimo. Sūt autē, quibus siccatur, victus siccus, vbi quis eo diutius vtatur; esus, siue potio medicamentorū siccantiū, veluti vinum merum, cibi defectus, aut potus id etiam præstant, vt contingere solet per famem publicā, aut longā nauigationē, immodicus labor, sollicitudo, tristitia, hectica febris, & omniū maximè si marasmū adiunctū habeat. Humida intēperies fieri solet per affectus humectātes, vt ædemata, quæ partes diu infestarūt leucophlegmatia, & alia, de quibus satis sect. 4. in proprijs affectibus habuimus sermonē. Vnū tamen scitu dignissimum, annotat Gal. nūquā tumores cordi innasci posse, à quib⁹ pulsus duri reddatur, sicut in reliquarū viscerū partiū inflammationibus, aut scirrhis animaduertimus. Prius enim morietur homo syncope affectus in tumoris generatione ante perfectā abso-

*Cor non pa-
titur tumo-
res à quib⁹
fiant pulsus
duri.*

absolutionem. Siquidem cor omnium viscerū pretiosissimū tam graues nō fert læsiones, vita permanente. Sic etiam & vulnus cordi illatum eadem die animal enecat lib. 5. de locis affect. c. 2. & præsertim si sinister cordis vētricus vulneratus fuerit. Igitur cū cor simplici intēperie caloris, frigoris, humiditatis, siccitatis afficitur, quos exposuimus præstat pulsus magis, aut minus pro intēperiei magnitudine, arterijs tamen naturalē statū possidentibus, solumq; efficiētib; pulsum pro acceptæ à corde intēperiei ratione. Quod si eādē etiā, quæ in corde est, in arterijs etiā resideat, in prædictā formā augmentū suscipiūt puls°. Si enim calor, qui cor occupat arterijs etiam impartiat, maiores, celeriores, & frequentiores erunt pulsus, quam vbi solum calidæ sint arteriæ per influxum à corde, & moueantur pro vi caloris in corde residētis. Similiter si frigidiores in se sint, perinde ac cor, augebūt motus raritatē, tarditatē, & paruitatē. Idem dicendū constat de humiditate, & siccitate. Nā molliores sunt vbi arteriæ in se molles, nō solū à corde fuerint, & duriores vbi siccæ. Verū contingere solet arterias diuersimodè affici ac cor intemperatum est, quare pulsus prodeunt, non solum intemperiei cordis conuenientes, sed & arteriarū statui. Erit ergo mixtus vtriusque affectionis pro natura. Cor nanq; calidius esse solet,

Quales fiāt pulsus cum arteriæ, eandē cū corde, tenent in temperiem.

Cor intemperatum cōtrario modo ac arteriæ quales erēt pulsus.

& arteriæ frigidiores. Quo circà contingit aliquando, auctore Galeno li. 3. de prælag. ex pul. ca. 3. vt arteria, quæ frigida est, sed à corde calefit, nec paruum pulsus, qui frigida est intemperiei edat, nec magnū, qui calida, sed inter vtrūque medium, qui ferè naturalis est. Hic non solum magnitudine, sed & celeritate, & vehementia talis fit. Nam pro ratione mixtionis vtriusq; intemperiei mixtus procreatur pulsus. Quod si maior sit cordis calor, quam arteriarum frigiditas inclinabit magis ad celeritatem, magnitudinem & frequentiam. Si verò maior arteriarum frigiditas, magis ad contrarias vertetur. Semper enim pro vincentis qualitatis ratione, prodibunt pulsus. Dignoscetur cor calida intemperie affectum esse, & arterias frigidas; si eodem tempore manu vna cor tangas, altera arteriarū aliquam, percipiemus motus vna fieri; sed qui in corde sunt maiores celeriores & frequentiores, illius verò arteriæ quam tangimus, minores tardiores, & rariores, vel non ita magnos, celeres & frequētes. Eadem ratione in reliquis cordis & arteriarum intemperiebus procedit sermo. Vt si cor frigidum sit, arteriæ calidæ vel cor humidum, aut siccum, & arteriæ cōtrarijs qualitatibus affectæ. Hinc Galenus de calida cordis intemperie dum arteriæ frigida sunt, solū mentionem fecit, quia ex his ad alia facilis erat processus.

Quibus dignoscetur cor calidum & arteriæ frigida.

Libro. 3. de prælag. ex pul. 4.

cessus. Cæterum, quia nonnunquam huiusmodi pugnancia temperamentorum, inter cordis corpus & substantiam in eius ventriculis contentam percipitur, particulariter quæ possunt accidere differentiæ, in his explicuit, atq; ita nos eas speciatim nominem⁹, ut clariorem pariterque vtiliorem reponamus doctrinam. Contin- git cordis corpus quadam infestari intemperie, sanguis autem & spiritus, qui in eius ventriculis sunt, altera contraria, ex quibus non inæqua- les fiunt pulsus, sicut quando ipsum cordis cor- pus contrarijs afficitur intemperantijs (de quo in sectione de causis pulsum cap. 4. actum est.) Sed & pulsus quidam fiunt, qui ex contrarijs constantur, mediam quandam obtinentes na- turam. Igitur si cor calidius est: spiritus verò & sanguis frigidiores sunt aut cor frigidus, san- guis & spiritus calidiores. Prima mistio tribus constat differentijs. Prima cùm corpus cordis tantum calidius est, quantò humores frigidio- res. Secūda cùm multò illud calidius est, quàm humores, & spiritus frigidiores. Tertia, quando minus calidius cor est, quàm illi frigidiores. In secunda mistione, in qua cor frigidius est, & humores calidiores eadem fiunt differentiæ, eodem modo. Nam substantia in ventriculis contenta, vel tanto est calidior, quanto cordis corpus frigidius, vel illa multò calidior, quam

*Qui fiant
pulsus dum
cordis cor-
pus & eius
sul. ſatia di
ue. ſ. intē-
t. ſ. an. ...
nentur.*

hoc frigidius, vel substantia minus calida, quā
cor frigidius. Animaduertendum tamen est,
quod simul cū humoribus, siue cordis substan-
tia, in eius sinibus cōtenta, partes cordi vicinas
etiam esse intelligendas, à quibus non minus
pulsus alterari contingit, quam à prædicta sub-
stantia, veluti sunt pulmo, membrana, tam ea
quæ ambit, quā quæ iuxta cor thoracem inter-
cipit. Hæ enim partes dum contraria intem-
perie, ab ea quæ in corde est detinentur, pul-
sus immutant, non aliter, atque sanguis, & spi-
ritus, siue contenta substantia in cordis sinibus
Galenus clarioris doctrinæ gratia, cordi vicina
appellare voluit. Sed explicemus quæ sunt dif-
ferentiæ, sicut & ipse fecit. Vbi cor tantò calidi-
1. est, quantò in ventriculis eius contenta substan-
tia, siue quæuis alia vicinior pars frigidior (quæ
prima est differentia) pulsus prodeunt natura-
libus ferè similes. Nam inueniemus eos magni-
tudine, celeritate atque crebritate moderatos.
Dixi ferè quoniam ad remissionem permutari
solent tantò, quantò ipsa intemperies, in cordis
corpore radicetur, ipsumq; à proprio, & nativo
distet tēperamento. Item quia celeritas, in signe
interdum solet suscipere incrementum, licet,
perspicuè semper nobis nō appareat. Perspicua
est celeritas, quando ingenti caloris copia pre-
mitur, cum tunc firma non existat facultas. Nā
si va-

si valida esset primùm magnitudinem compareret. Quare licebit ingentē calorē corporis cordis conijcere ex conspicua celeritate, & remissione, nulla facta mutatione in magnitudine, & crebritate. Si è cōtra nō conspicua sit celeritas, nec remissio exiguo calore cordis corp⁹ afficitur, fiuntq; pulsus naturalibus similes. Incidunt hī puls⁹, vt ait Gal. c. 3. citati lib. in febres pestilētes, quę in speciē hecticarū progrediūtur, quas tales pulsus cōcomitantur à principio ad finem vsq;, vel per aliqua febris tempora, cū præcipuē cordis corpus calidum est, cōtenti verò humores in sinibus frigidi. Siquidem sunt pestilentes nō paucae inde vsq; ab initio hecticæ, distantq; ab omnibus alijs febribus, quæ ex magna putredine oriuntur, quales in maxima sui temporis pestilentia viguerunt. Nostra hac tempestate, proximis præteritis annis, inualuit quædam pestilens constitutio ferè per totam Hispaniam, quæ à Gallo Græcorum confinibus anno 1596. incepit. Hinc in diuersas regiones scintillauit maxima cum perniciē, vsque in annum 1601. quo tempore maiorem Vandaliæ partem irruit, & præcipue Hispalim opulentissimam inter omnes ciuitates, cuius incolas non paucos ad interitum duxit. In hac ergo cōstitutione visi fuerunt permulti, hecticis pestilentibus corripī febribus, qui intra duorum,

Hecticæ pestilētes puls⁹ habent similes naturalibus, velut vidit Gale. in peste quadam, & nos obseruauimus in altera quæ his temporibus viguit.

aut ad summum trium quatuorve dierum, gra-
uissimis symptomatibus perierunt. Vidi ego ali-
quos, quib⁹ pulsus, parū à naturalibus distabāt,
vrinæ etiam ferè secundum naturam se habent-
tes; tamen non multum post defunctos. Cum
enim vitiosa, & maligna qualitas cordis corpus
propriè quadam, confestim penetrat, magis
quam humores, in sinibus illius contentos he-
cticam febrem excitat, quare laborantes pusil-
lo premuntur calore, adeò, vt se febre carere ar-
bitrentur. Sunt enim hecticarum febrium hæc
perpetua signa, vt constat lib. 1. de diff. febrium
c. 7. quod pusillæ sint, & æquales. Sed placet Ga-
leni selecta verba his addere. Nā citato lib. 3. de
prælag. ex pul. ca. 4. sit ait. Sanè videtur quibus-
dam perplexa & incognita, si quando nec diffe-
rentia vlla pulsum à naturali statu deficiat, &
ipse ægrotus febrem non dicat percipere: at in-
æqualitatem, quæ vna molesta erat balneis pro-
curauerit. Et vt rem difficiliorem faciat. Nec ex
vrina quidē petere in huiusmodi affectibus fir-
mam notitiam semper licet. Sed est etiam ferè
anceps colore & sedimento similis naturali. Ex
quibus quàm anceps & dubia sit pestilentis he-
cticæ cognitio percipitur. Siquidem præcipua
in omnibus febricitantibus signa in pulsu, &
vrina consistant; vt ait etiam ipse libro. 1. ad
Glaucnem capite 2. In hac verò febre nullum
quod

*Hæctica fe-
bris signa
perpetua.*

quod firmum sit iudicium ex ipsis assequemur. His consentiunt quæ Auicenna 1.4.tract.4.ca. 2. tradit. Et quandoque, ait, est de his febribus pestilentialibus, in qua non percipit æger, nec tâgens propinquus multitudinem caloris, & nō alteratur pulsus, & à qua magna alteratione, & cum hoc ipsa est interficiens velociter, & hæsi- tant Medici in esse eius, & 2.4.tract.1.ca.80. Sic quādoq; est vrina in ægritudinibus pestilentia- libus bona naturalis, in substantia sua, colore, & sedimine, & ille, cuius est, tēdit ad mortem. Hęc à Galeno Auicenna mutuatus est, vt ex his luce clarius cōstat. Quare nec opus est, vt tantopere in explicāda Auicēnæ sentētia cruciemur; sicut eius expositores angī vidētur. Ac inter eos no- ster cōterraneus Ioānes de Carmona, qui ex suo

*Taxatur
Carmona.*

Iacobo & Fulginati, multa machinatus est, quę potius aniles fabulas, quam veram medicinā redolēt; & quod adhuc magis est, vt se aduersus Lemosium, virum nostræ facultatis studiosissi- mum, riualem ostentaret, libellum quendam truncatum (cui solus depuncticulari febris datur titulus, de ipsius tamen febris essentia, siue natu- ra nihil tractat) multis à proposito alienis inor- dinatim imbutum, in lucem edidit: quod fortè, Deo fauente, alibi exquisitius per otium osten- demus. Sat etenim est, quanquam à proposito aliquantulum diuagati sumus, causam pateface-

re, cur pulsus in pestilētibus febribus interdum naturalibus similes sint, & vrina à naturali statu nihil distet, ac se febricitare æger non percipiat, atque ita vnde egressa est, nostra conuertatur oratio. Cum igitur cordis corpus tanto calidius est, quantò eius contenta frigidiora, pulsus apparent naturalibus similes. Si verò cor

2. calidius est, quàm vicina ei frigidiora, secunda fit differentia, in qua pulsus celeriores sunt maiores & crebriores: simul etiam & languidiores, sed sunt celeriores magis, quam maiores. Quoniam ratione intemperiei cordis, facultatis adiungitur remissio: quæ quia magnitudinem non ità potest comparare, urgente usu, addit celeritatem. Tertia differentia secundæ

3. est contraria. Nā magis frigidiora sunt vicina cordi, quàm calidius corpus ipsius, sic & pulsus minores, & rariores erunt, in celeritate moderati, si non magnus sit recessus per frigiditatem. Quod si magnus fuerit tardiores etiā fiūt. In altera mistione, in qua cor frigidius est, vicina verò è contra calidiora, totidem fiunt differentiar, ac in superiori, quas colligere non est admodum difficile, attentis quæ exposita sunt. Paucis igitur eas exponamus, hac sumpta Hippothesi, quod sicut febris fit hectica in prima mistione, in qua cordis corpus incaluit & eius vicina frigescunt: ità in hac secunda, in qua cor

dis

dis corpus frigidum est, vicina è cōtra incalescunt, nulla hectica fit, sed aut diaria, aut putrida febris, secundum substantiarum diuersitatem, quas apprehēdit calor, humores scilicet, aut spiritus. Hoc supposito, in prima differentia 1. secundæ mistionis, in qua cor tantò est frigidior, quantò vicina aliqua pars calidior, pulsus in magnitudine, & crebritate sunt moderati, in tarditate, vbi plurimum discedat vtraque intemperies, tardiores, vbi non plurimū, non ita conspicua est tarditas, imo nec remissio facultatis. Nam & hæc, prout magis, aut minus habitualis est intemperies, maior fit, aut minor. Hoc etiam modò variant pulsus, si cum cordis frigiditate, diaria febris complicetur. Si verò putrida coniungatur, in magnitudine nihil variant pulsus, nec etiam in reliquis, si exiguum quidpiam vtraq; intemperies euariet. Si tamen multum distent, motus contractionis celerior est, & in externa quiete crebrior, & languidior tantò, quantò refrigeratum sit cor. Secun- 2. da differentia, in qua cor magis accedit ad frigiditatem, quàm eius vicina ad caliditatem, tertiæ primæ mistionis ferè respondet, si febris sit diaria. Si putrida, quāquam distentionis motus, minor & tardior erit, contractionis celerior debet esse naturali, & præcipuè in accessionis principio, & incremento: minus in vigore

gore, & adhuc minus cùm remittit febris. In tertia differentia, cùm cor minus ad frigiditatem inclinatur, quàm vicina eius ad calorem, pulsus similes fiunt. Secundæ differentiæ primæ missionis differunt solùm: quia maiores sunt, quàm celeriores. Nam exigua frigiditate cor infestante validior est facultas, atque apta ad motus magnos. Hęc omnia sunt accipienda, si arteriæ debite sint dispositæ. Quia si ad mollitudinem inclinauerint, & pulsus etiam ad magnitudinem, raritatem interdum, & tarditatem augebunt: si ad duritiem labantur, è contra ad paruitatem & crebritatem, & nōnunquam ad celeritatem. His explicata remanent quæ Galenus tradit ca. 4. & 5. libr. 3. de prælag. ex pulsibus. Si quid tamen omissum est, quod ad certiorē notitiā intemperierum cordis conferat, sequenti capite explicabitur; in quo de pulsibus febrium instituemus sermonem.

CAPVT QVARTVM.

De pulsibus febrium.



ERITO in hoc capite de pulsibus febrium agemus, in quibus utilior, & frequentior nobis supeditatur exercitatio. Siquidem febris

febris vulgare est morbi genus, vt ait Celsus lib. 3. cap. 3. Ne tamen à Galeno discedamus, quem in cunctis sectati sumus, ab eodem caput accipiamus dicendorum: & paulatim singula exponamus, vt nostratum est vbiq; mos. Caput igitur ex lib. 3. de præfag. ex pul. capit. 7. sic habet.

Omnes diarie in magnitudinem, celeritatem crebritatemq; pulsus, quantum in ipsis est, mutant. Cap. 7. li. 3.
de præfag. ex pul. *Nā si concurrat alius affectus, mistam oportebit esse mutationem ex illo, & hoc, qui comitatur febrem. Pari modo febres hectice, pulsus in easdem differentias cōuertunt, quantum in ijs est: ampliusq; in his mutatur celeritas. At quæ orta sunt ex putredine humorum, in vigoribus, & utrumq; habent motum celerem, & distentionis, & contractionis. Præterea crebritatē ex æquo mutant, cum externa quietes, tum interna initio accessionis non perinde, sed magis contractionis celeritatem: in incrementis, tum hanc, tum etiam externam quietem plurimum concitant, vt pulsus in illa creberimus videatur.*

Hoc est caput, in quo Galenus pulsus per se proprios febrium, quatenus febres sunt, refert. Comm. Nam alij accidentales, alias insequuntur causas, vt generatim explicabimus. Omnes febres sui ratione in calore adaucto consistunt, quare pulsus in magnitudinem, celeritatem & frequentiam cōmutant, quæ differentiæ sunt vsui adaucto familiares. Hoc vero subaudiendum esse opti-

optimè adnotauit Galenus, quātum in ipsis est febribus. Nā si quid aliud accidat, à quo nō vsus solū, sed & facultas, & instrumenta (quæ pulsus sunt causæ cōtinentes) permutentur, tūc pulsus necessū est pro causæ superueniētis ratione, mīstos fieri. Sic diariæ febres (vt à primo incipiam⁹ genere ex tribus, in quib⁹ febris dissecatur) quātū in ipsis est, pulsus habent magnos, celeres, & frequētes, æquales etiā (nā æqualis & incōpressus ascensus in caliditate, & pulsu diariæ signum est inseparabile.) Vrgēte enim vsu, facultas valēs est: siquidem in nulla alia febre minus, quam in hac, lædūtur, aut opprimūtur arteriæ, atq; etiam liberè suo fungūtur officio. Facultas item non grauatur, quæ causæ sunt pulsus inæqualitatem inducentes, auctore eodem Gal. li. 2. de cau: pul. ca. 1. 2. 3. & 4. de quibus sect. 4. c. 4. actū est. Quæ ratione li. 2. de crisi bus ca. 13. & li. 1. de Arte ad Glauconē ca. 2. inæqualitatē, quæ in vna sit arteriæ cōpulsatione, in diaria febre nō apparere dixit; aut si appareat eius aliquid prorsus esse imbecille. Quæ verò sit hæc inæqualitas in pulsib⁹ putridarū febriū ostendemus. Nā in ipsis cōmōdior erit, de hac inæqualitate sermo. Tandem animaduertendū est pulsus, quo attinet ad dilationis motū, & externā quietē, frequentiores esse debere, ac celeriores, quā sunt in eo, qui cōtractionis est. Nam docuimus vsus pulsus ex duplici

Diaria febris pulsus.

Sum. l. esp. vltimo.

plici constare vtilitate. Vna, vt calor vbi excedens est attemperetur, quod præstat distentio. Altera, vt fuligines, quæ actione caloris congeruntur, contractionis motu repurgentur, vt sic calor corporis purior remaneat. Quia igitur in diaria fuliginosa non sunt excrementa, nec contractio celerior est, nec quies externa breuior: motus tamen distentionis maior & celerior: quia caloris feruor restringendus est, quies etiã interna breuior. Nam properans facultas ad distentionem, internam quietem breuem efficit. Vnde pulsus celeriores & frequentiores fiunt in diaria, secundum distentionem & internam quietem. Quare Galenus lib. 1. de diff. febr. c. 7. de diaria ait. Ac præterea pulsus ad magnitudinem & celeritatem effatu dignam accedentes: ita vt frequentia proportionem deficiat, secundum exteriorem quietem. Amittit hos pulsus diaria ratione aliorum affectuum, qui superuenire possunt; ac pro ipsorum ratione immutantur. Sic fames nimia, aut nimius labor, paruum interdum reddunt pulsum; quia facultatem debilitant, rigor, horror, nimium frigus, paruos tardos & rares, interdumque inæquales creant pulsus, humores ad intima confluentes & facultatem grauantes, aut obstructions & compressiones efficientes. Stomachi etiã affectus varij variè in diaria commutare solent pulsus. Quorum

doctri-

doctrina in calce sectionis 4. latius nobis fuit exposita. Diariæ etiam, quæ ex bubonibus, aut cutis nimia constipatione, vel obstructione ortum trahunt, inæqualitatem pulsus inducunt, non tamen multum sensu percipitur. De quibus Galeni locus lib. 1. ad Glauconem ca. 2. intelligendus venit, cum diarias nullum inflammationis signum habere, nec omnino inæqualitatem in vna arteriæ compulsionem apparere refert, aut si hoc adfuerit omnino sit imbecille. Diariæ enim, quæ ex bubonib⁹, aut cutis cōstipatione, vel obstructione fiunt, imbecille quoddam huius inæqualitatis signū præ se ferunt; quæ verò ex ira, mœrore, insolatione, aut his similibus causis fiunt, nullam inæqualitatem ostendunt, sed in magnitudinem, celeritatem, & si opus fuerit crebritatem dumtaxat vertūt.

*Hæcticæ feb-
bris pulsus.*

Hæcticæ febres, quantum in ipsis est, easdem haberent pulsus differentias, si facultas constaret, & optimè essent dispositæ arteriæ. Verum cum vtrumque necessario peruertatur per habitualementem intemperiem, pulsus à prædictis euariāt: atque ita nec magnus, nec vehemens pulsus cum hæcticis febribus vnquam concurrunt. Fiunt igitur parui, celeres & frequētes. Euariāt tamen hi, prout hæcticæ febres magis aut minus radicantur, aut (vt vulgari Medicorum vtar sermone) in prima secunda, aut tertia specie sint. Nā febris

febris hectica, quæ in prima est, languidos, non ita duros, paruos, nec crebros præstat pulsus, licet celeriores efficiat. Siquidem vrgente vsu nisi in modum deiiciatur facultas, tales solent fieri, requiritur ad celeritatem, vt quadantenus valens sit. De hac igitur specie intelligendus est Galenus lib. 3. de prælag. ex pulsib. citato, cum ait, amplius ad celeritatem mutari pulsus in hectica. Quin & omnibus febribus perpetuam esse celeritatem constat li. 3. de prælag. ex pul. ca. 3. & li. 4. de caus. puls. ca. 10. dummodo facultas aliquatulum constans sit. In tertia specie, vbi adiuncta est maxima, tum arteriarum, tum & reliquarum corporis partium siccitas cum facultatis insigni imbecillitate, minus fiunt celeres, languidiores item, magis parui, creberrimi ac duriores propter siccitatem. Nam vrgentis caloris cum imbecillitate facultatis insigni tales sunt pulsus in secunda specie, medij inter hos prodibunt, secundum quod magis prosternuntur vires, & augetur habitualis siccitas. Quare Galenus lib. 1. de differ. feb. ca. 9. in hectica pulsum tenuem, durum, debilem & frequentem reposuit, nulla celeritatis facta mentione. Fortè, quia cum de tertia specie pertractaret, in qua maior est facultatis languor, motus celeres fieri non posse existimauit. Est itaque pulsus hecticæ febris, durus, debilis, paruus, frequens & tandem magis aut minus celer, secundum

-hani

quod in vna aut altera specie fuerit constituta: siue hectica sit ex siccitate suborta febris, aut ex visceris alicuius inflammatione ortum trahente. Marasinus verò, qui sine febre fit (quem Philippus senectutem ex morbo dicebat) similes habet pulsus, quales de senectute explicati sunt, sect. 4. cap. proprio, & in pulsu marcescentium. In omni tamen hectica nulla inæqualitas adiungitur. Namque hecticorum pulsus æquales sunt, sicut & febres ipsæ à principio ad finem usque æqualiter infestant, lib. 1. de differ. febr. c. 9. Et eadē ratione hecticus pulsus, quivnde quaq; similis est, talem sortitur appellationem. Putridæ febres etiam habent propria signa in pulsu, per quæ distinctionem accipiāt, à pulsibus diariarum & hecticarū. Sed per putridas non solū intermittentes, verum & continuas (sub quibus continentes comprehenduntur) intelligere oportet. Continuæ verò accipiendæ sunt, vbi tertium diem superent, sicut adnotavit Gal. li. 3. de præfag. ex pulsib. citato. Nam qui intra trium dierum spatium subsistūt, ad genus diariarum pertinent, qualis est synochus citra putredinem, ut ipse tradit lib. 9. meth. cap. 2. & lib. 2. de differ. febr. cap. 9. Solemusque appellare tales febres diarias trium dierum. Omnes rursus tam continuæ, quàm intermittentes, tertianæ sunt, aut quartanæ, aut quotidianæ. Interim tamen ani-

1. de diff.
feb. cap. 8.

Putridarū
febrū pul-
sus.

maduersione dignum est, sub febribus putridis continuis Gale. citato li. 3. de prælag. ex pulsib. eas, quæ inflammationes concomitantur (quæ febris accidentia dicuntur) cōprehēdisse. Adco vt harum pulsus in eodem genere sint cum reliquorum putridarum pulsibus: solumq; discernuntur duritie ex inflammatione suborta, vt patet de pulsu inflāmationis. Omnes itaq; febres, quæ inflammationes internas concomitantur denatura sunt putridarum, atq; ad ipsarum genus esse reducendas, manifesta est Galeni mēs, non solum citato li. 3. de prælag. ex pulsib. verū lib. 2. de crisib. cap. 12. & 13. ac plerisq; in locis. Quare minus vera videtur Vallesij sententia libello de febrib. & lib. 5. controuers. capite 23. qui febres omnes, quæ verè sunt accidētia in genere diariarū reposuit. Præterquā enim quòd Galeno cōtraria est, quin & Hippocrati, qui febres ex bubonib⁹ præter diarias malas esse dixit innuens de putridarum genere esse) experimēto probatur febres esse putridas, ex siti, inquietudine, iactatione, impotētia, ac caloris nimia mordacitate, & pulsus inæqualitate, in pleuritide & peripneumonia: etiam si nulla existat inuenis humorū putredo à qua febris altera morbus exciteretur (quod licet colligere per vrinas naturalibus similes). Quod si quis contendat ab inflammatione, in quā necessario putref-

Febres quæ inflammationes infequantur de genere sunt putridarū, aduersus Vallesium

cunt humores, prædicta accidentia, imo & ple-
raq; alia originem trahere, non inficiabor: dum
modo febris, quæ ipsis adiungitur ex putridarũ
genere fateatur. Nam quis, quæso, in partibus
cordi adeò vicinis, putridum humorẽ aggrega-
tum & efferuescentem circumclusum ponit,
corde sola diaria febre, quæ leuissima est, affe-
cto? Tã enim proxima cordi est putredo, vt in-
telligi minimè possit, cor ipsius particeps non
fieri, & ex sequenti putridi corripì febris. Omnes
igitur febres, quæ inflàmationes consequuntur
internas & externas, ad putridas referrem⁹. Cæ-
terum de externis ea adhibita distinctione, quã
Galenus lib. 4. aphor. 55. adnotauit. Quod si in-
flammatiõ aliqua externa, veluti est bubo, ex
causis manifestis consistat, febris, quæ eam con-
sequitur diaria est. Nam inseparabile diariarũ
februm signum est, à causa procatartica, siue
præincipiente initium habere, vt constat lib. 1.
de diff. febris. capite 7. Proinde libro primo de
arte ad Glauconem capite 2. postquam varias
diariarum præincipientes causas numerauit,
subdit, & quæ ex bubonibus febres ortum ha-
bent ex hoc genere sunt: præterquam, si absq;
vlcere fiant manifesto: tunc enim suspicionem
afferunt & nullo modo mites sunt. Sed iam ad
inueniendos singularum putridarum pulsus ac-
cedamus, quæ præcipua est in præsentì intètio.

Ac primum, quid omnibus commune sit, quid verò vnicuiq; proprium inuestigemus. Febres omnes putridæ per inæqualitatem pulsus à diarijs & hæcticis separantur. Nam omni prorsus inæqualitate, tam diariæ, quam hæcticæ vacât, cum ipsis nulla obstructio, aut compressio sit arteriarum facultatem opprimens. Cum tamē ea inæqualitas, quæ putridis febribus inest, duplex sit: vna quæ in vno fit pulsu, siue arteriæ motu secundum diuersas arteriæ partes: altera quæ in pluribus fit pulsationibus. De vtrâq; seorsim verba faciamus, ab ea quæ in pluribus fit pulsationibus initium sumentes. Febres omnes putridæ, accessionis initio celeriores habent contractionis motum eo, qui est distentionis: in incremento similiter, atque extrenam quietem plurimum concitant, ità vt secundum illam pulsus sit creberrimus. In vigoribus vterque motus tam distentionis, quam contractionis celeris agitur: & quies vtrâq; brevis etiam est. Hæc est inæqualitas febribus putridis propria, quam inseparabilem ab ipsis interdum fatetur Galenus: interdum è contra separabilem. Est quidem separabilis, quia licet necessario, in putridis omnibus natura sua, tam caloris, quam pulsus excitetur inæqualitas: tamen in quibusdam nostrum effugit sensum. Veluti contingit in simplicissimis tertianis;

*Duplex
inæquali-
tas febrilis.*

*Inæquali-
tas febrilis
in pluribus
pulsationi-
bus.*

in quibus nec multa nec crassa infestat materia, sed tenuis & exigua. Quomodo ipse in diarijs febribus in compressum accessum in caliditate & pulsu, fecit signum inseparabile. Nec tamē proprium, quoniam & alijs quibusdā ad sit, scilicet, simplicissimis putridis, quales sunt exquisitissime tertianæ, in quibus tenuis & exigua peccabilis copia, vr tradit lib. 1. de diff. feb. ca. 7. Et in eodē capite dixit. Inæqualitas verò pulsus atq; caloris, siue in principijs, siue in augmento contingat, est huiusmodi febrium generis propriū indicium, non tamen & ipsum inseparabile. Multæ enim sine sensibili inæqualitate incipiunt, atq; ad cōsistentiam accedunt. Ecce quomodo hæc inæqualitas, licet sit putridarū propria, non tamen est inseparabilis. Cæterum erit inseparabilis, quantum ad febris naturam pertinet, de cuius ratione est, humorem putrem habere, qui facultatem grauans & opprimens, prædictam facit inæqualitatem. Quomodo loquitur est idem Gal. in eodem capite cum ait. Propriū verò atq; inseparabile est febriū, quæ in humoribus accenduntur submissionis pulsum, Græci sistolen appellant &c. Verum hæc inæqualitas inuasioni putridarum febrium perpetua est & propria. Est etiam & in incremento: ita vr quoddam sit certissimum signum, cui maxime fidendum est, aperte ad dignotiones conspicuo.

*v. de diff.
feb. cap. 7.*

spicuo. Quo vsus Galen⁹ in multis, quorum antea pulsum non cognouerat, nec per sanitatē, nec per ægritudinem, nunquam fuit lapsus, vt ipse refert lib. 3. de prælag. ex pulsib. cap. 7. citato. In vigorib⁹ & declinationibus in omnib⁹ putridis aperte non sentitur. Nā per initia & incrementa putridarū febriū, fuligines multæ coacervantur, quæ contractionis motum celeriores reddunt, non perinde eum, qui distentionis est. Similiter quies externa abbreviatur eadem ratione: adeo, vt secundū illam crebrior fiat pulsus. Et præcipuē in incrementis, in quibus fuliginum copia crescens, externam quietem cōcit facultas ad contractionem properans. In vigoribus iam calor materiam superans, veluti emicat, & efflorescit, omni ex parte, accensus. Quare nec tanta fuliginosorum excrementorum copia congeritur, sicut præcedentibus temporibus: atq; ita celer agitur vterque motus: ex æquo similiter quies vtraque, externa & interna. Nam sicut expellenda sunt vaporesa ac fuliginosa excrementa; sic calor accēsus æqualiter per omnem materiam refrigerari postulat. Vtrumque autem tam distentionis, quā contractionis motu adimpletur, ac quiete vtraque, quarum quælibet eandem vtilitatem cum motu, eam insequenti, intendit. Verum exemplum hoc perspicuam reddet narratio-

nem. Modico igni ligna iniicias affatim, qui ipsa irruat paulatim. Primum fumens calor euaporat, ac inde in actionis prosecutione magis, donec ex tot deuietis lignis, calor incēditur & flamma excitatur pura. Ad eūdem modum initio accessiones, intrò calore recurrente, humores decertat, ex quibus fuligo generatur, ac increfcit magis, secūdum quod calor suam imprimit actionem, veluti fit in incremento. Donec tandem in vigore, humoribus iam superatis, ac deuietis, calor æqualiter incenditur, & ad exteriora emicat. Propter quod etiam in declinatione, celeritas contractionis dissoluitur. Præsertim cū ad integritatem, aut prope eam febres peruenerint. Non tamen perinde sensum effugit hæc inæqualitas in febribus, quæ perfectam integritatem non assequuntur; imò aliquantum sentitur, sicut in quotidiana contingit, ità referente Galeno libro primo de diff. feb. capite 4. Inæqualitas igitur, secūdum quā contractionis motus celerior est, initio & incremento accessionum putridarum febrium perpetua est, & propria: non perinde vigoribus nec declinationibus earundem. Cæterum pro hæc percipienda inæqualitate, in dignoscenda contractione exercitatum medicum esse oportet, vt adnotauit Galenus libro tertio de præfag. ex pulsibus citato. Hinc videmus his nostris tem-

pori-

poribus (imo, & antiquitus) per celebres medicos, ab huius inæqualitatis notitia desistere, ac talem cognitionem laboriosam satis existimauerunt, & apud quosdam prorsus impossibilem. Licet Galenus hoc signo fretus, eadē die genus febris ex putridis esse cognosceret. Si tamen operā naueamus sedulò, in quibusdā huius inæqualitatis firmam consequemur notitiā, suppositis ijs, quę pro cōtractione dignoscēda exposuimus. Altera febrilis inæqualitas, quę in vna fit arteriæ compulsionē, à putridis febribus inseparabilis est, ac per omnia tēpora febres ipsas concomitatur. Mouetur enim arteria in ipsa secundum distentionis motum, velocius in principio & in fine, quam in medio. Percipitur hæc clarius multò in quartanis, quam in quauis alia febre, propter motus tarditatem, nō solum vigente febre, sed etiam in intermissione: namq; velocitas motus multa facit, quo minus hæc inæqualitas discernatur. Siquidem ubi ceteris fit tota distentio, sensus in extremorum velocitate à medijs velocitate obscuratur. Hinc Galenus lib. 1. ad Glauconem cap. 6. de quartana ait. Et ipsius vni⁹ motus inæqualitas, in quartana febre eius formam ostēdit. Nam quę omnibus cōmunis est febribus, in vno pulsu arteriæ inæqualitatem, in hac manifestissimē licet comprehendere. Multo enim velocius, principium,

Sect. 3.

Inæqualitas febrilis in vna arteriæ compulsionē.

finemque motus inuenies, quàm medium: non tamē in tertiana ità se habet: breuis etenim in ipsa est velocitatis excessus, atque in consistentia præsertim. De hac inæqualitate etià loquutus est lib. 4. de caus. puls. cap. 14. dum ait. Quod enim febres in celeritate proprium habent symptoma, hic obtinet clarissimè in vtroq; termino distentionis, præcipuè externo. Quibus inæqualitatē hanc, phræniticos in pulsu, clarissimè obtinere fatetur. Verum licèt à putridis febribus inseparabilis sit, non tamen in omnibus æque sensibilis est. Nam in tertianis, in quibus sincera peccat bilis, cum nec facultas, nec instrumēta grauentur, aut opilentur, non ità conspicuam efficiunt inæqualitatē. Præter quàm quòd motus celer est, vt possimus hanc eandem discernere. Vnde li. 2. de crisi bus cap. 3. in tertianis aliquam in vno motu non adesse inæqualitatem, nec etiam in collectione testatur Galen⁹: quòd rarum esse, & quòd paucis accessionum principiis solet accidere. Nam fieri potest, vt tertianæ aliquæ ad eò leues sint, vt in inuasiōe puls⁹ naturalibus similes habeant. Non tamē negandū est ipsas omni prorsus inæqualitate carere; præsertim quæ non ità exquisitæ sunt. Vt visus est insinuare lib. 1. de arte ad Glauconem cap. 5. Adeò, vt si à febre quiescat homo: propria verò hæc febrium inæqualitas in arteriarum motu
relin-

relinquatur. Nec his obstant, quæ de tertiana refert lib. 2. de diff. feb. cap. 3. dum inquit. tempus autem in hac febre intermissionis, nullum habet humoris putrescentis ex pulsu perceptibile iudicium in die aut nocte, quæ cōsequitur accessionem. Nam hoc loco non de inæqualitate vnus pulsus, secundum quam distentionis principium, & finis velociorem habet motum, quam medium: sed de altera inæqualitate, secundum quam, contractio velocior est distentione, & quies externa breuior interna. Hæc enim inæqualitas intermissione reliquarum febriū, nedum tertianarum non percipitur, vt clarè constat citato lib. 3. de præfag. ex pulsib. ca. 7. Atq; ita in tertianis ait intermissionis tempore nullū putrescentis humoris fit ex pulsu perceptibile iudiciū. In quotidianis tamen ob humoris crassitiem, qui difficulter resoluitur, aliquod putredinis indicium sensibile, possumus ex pulsu accipere, etiam intermissionis tempore, vt manifestatur li. 1. de diff. feb. c. 4. Sic opprimit autem atq; grauat aliquantulum virtutem; hinc inæquales, ac debiles magis paruosq; efficit pulsus: & in inuasionib⁹ & in primis incrementorum partibus. Fiunt autem & in biliosa febre, in accessionū principijs, singuli, quos diximus circa puls⁹ affect⁹. Et subdit post aliqua: nec intermissionis tempus est: adeò, vt in tertiana syncerū,
sed

Dubium.

&

*Cap. 4.
Solutio.*

sed humoris putrefacti, semper in calore, & pulsibus seruat indicium. Verum ex his instaret aliquis aduersus dicta, nec mediocris difficultatis orietur dubium. Propter quid inæqualitas febrilis, quæ in vna fit pulsatione, febrium omnia tempora concomitatur, etiam tertianarum non exquisitarum: non perinde altera inæqualitas, quæ in pluribus fit pulsationibus, secundum quam contractio distentione celerior est & quies externa, interna breuior. Omnis siquidem inæqualitas ab iisdem prouenit causis, tã ea, quæ collectiua appellatur, quam simplex & singularis, vt explicatum est sectione 4. Non negamus febres putridas, quantum in se est, quocunque tempore ambas obtinere inæqualitates. Verum, quia magis quæ in vna fit arteriæ pulsatione, per omnia febrium tempora perceptibilis est, ideò febres omnes eam habere dicimus. E. contra altera carere: quia sensu non ita percipitur, licet in quibusdam etiam tempore intermissionis percipiatur, vt de quotidiana affirmavit Galenus, citato li. 1. de diff. feb. ca. 4. Quod autem magis, quæ in eadem distentione committitur inæqualitas, non ita quæ in pluribus: facit sensus, qui eiusdem motus ad se ipsum iudicium fert facilius, quam diuersorum motuum, quos de necessitate intersecat quies. Quare absente vno, nõ sic denuo alio superueniente, quæ

quæ inter sit inæqualitas cognoscitur: nisi magna sit & sensibus multum conspicua. In vna verò distentione motus continuus agitur: atque ita facilè exigua inæqualitas percipitur, cum eiusdem motus ad seipsum sit iudicium conferendum. Pulsus igitur putridarum febriū duplici hac inæqualitate, inæquales sunt, per quam potissimum à reliquis febribus distinguuntur, diaria scilicet, & hæctica: quamquam ut hæ, magnos, celeres, & frequentes sicut & putridæ febres obtineant. Sed qui proprii sint pulsus vniuscuiusque febris inquiramus (nam quid commune ipsis sit hæctenus explicuimus) ex humoris natura, à quo ortum trahunt, eos inuestigantes. Biliosæ febres siue continuæ, siue *Biliosæ febres pulsus.* intermittētes, maiores, celeriores & frequentiores, vehementiores item pulsus habent. Siquidem putrescens bilis maiorem, quam reliqui humores, calorem præter naturam reddit: nec ita grauat, ac deprimit. Quare quas diximus inæqualitates minores biliosæ præstant. Febres melancholicæ, & pituitosæ minores, tardiores, & rariores & lægüdiore habent pulsus, si cum biliosarum pulsibus conferantur. Sunt tamen magis inæquales: quoniam plus quam bilis obstruunt, ac degrauant. Adeo ut in melancholicarum inuasiōe (quales sunt quartanæ) pulsus paruos, & obscuros & tardos & raros percipiamus:

mus: vt in nulla altera dispositione similes appareant. Videtur enim arteria ad interiora trahi, ac si ligata esset, nec liberum habere accessum, vt patet libro secundo de crisi- bus, capite tertio. Quod ità verum existimat Galenus, vt ex nimia tarditate & raritate inter initia accessionis, quartanam inuadentem quibusdam ex suis familiaribus, quorum pulsus per sanitatem cognouerat pronunciauit. In tertianarum principijs, licet parum obscuri & rari fiant pulsus, tamen multum distant ab iisdem quartanarum. Nam nec percipitur veluti alligata arteria. Imò pulsus in exquisitis tertianis, prope accedit ad eum, qui secundum naturam fit motus. Quare licet in accessionis cuiuscumque inuasionibus, pulsus fiant parui, tardi & rari, & languidi, inæqualesque secundum contractionis motum, qui celerior est respectu distentionis: tamen multò magis tales sunt, in quartanis. In quotidianis medijs inter hosprehenduntur pulsus, dum inuadit febris, & eorū qui sunt quartanarū, & eorūdem tertianarum. Verum postquam calor emergit, ac de profundo corporis, quo confluxerat, excitatur: maiores fiunt quartanarum pulsus & rariores: quotidianarum minores, & propterea crebriores: tarditas in vtrisque par est. Nam & quotidianis multò minores sunt pulsus, pulsibus quartanarum

*Pulsus in-
uadentis fe-
bris.*

rum

rum, quam istarum pulsus, pulsibus tertianarum. Rursus verò tantò ratiore sunt in quotidianis ijs qui in tertianis, quantò illis pulsus quartanarum, ac tarditas in vtrisque eodem modo se habet, ait Galenus lib. 1. ad Glauconem capite 7. Itaque quotidianarum pulsus minores, languidiores sunt, magisque inæquales, quàm pulsus tertianarum, & quartanarum. Nam & pituita magis opprimit, quàm humores reliqui: quoniam copiosior est: tarditas tamen eadem est in quartanis & quotidianis. Tertianæ semper celeriores, crebriores, maiores, atq; vehementiores habent pulsus, ut dictum est. Repugnat Galenus his, libello de typis ca. 4. Siquidem tertianarijs, pulsus paruum ac frequentem adesse refert. Et in eodem capite sic ait. Pulsus autè nò adeò exiguo magnitudine tertianarios insequitur, sicut quartanarios: nec vsque adeò in tumorem eleuatur, sicut illis, qui quotidiano morbo vexantur. Quibus pulsus tertianæ febris medios esse inter quotidianarum, & quartanarum pulsus asserere videtur. Quod manifestè repugnat ijs quæ li. 1. ad Glauconem cap. 7. tradit. Nam & tertianæ febris pulsus maximum inter aliarum febrium pulsus fecit. Vallesius lib. 3. controuerliarum: cap. 97. hanc contradictionem soluere tentat, leui quodā assumptò fundamentum. Ait enim tertianarum inuasionem grauissimam

*Galenus pugnat
locus.*

*Vallesius res
ponso.*

man esse, ac proinde maximè refugere virtutem ad profunda; minimè grauem quotidianæ; mediam quartanæ. In febribus qui maximè riguerunt, maxime ardent: minime qui minus. Hinc igitur colligit, qui minimus est pulsus in inuasiōe, maximus est in febre: è contra qui maximus, minimus. Similiter tertiana febris quia maximum habet pulsum in febribus, minimum debet habere ipsum in inuasiōe. Quomodo existimat intelligendum esse Galeni locum libelli de typis, de tertiana, scilicet, in accessionis principio. Ceterum hæc adhuc magis Galeno repugnant. Qui licet tertianas valido rigore, tanquam symptomate quodam proprio incipere tradit, tamen pulsus in febris inuasiōe parum à naturalibus distare fatetur lib. 2. de crisi- bus capite 3. Quod verum non esset, si minimus omnium febrium fieret pulsus. Ratione præterea deducitur. Nam quò magis facultas opprimitur, aut instrumenta grauantur, paruiores fiunt pulsus: sed bilis minus multò opprimit, ac degrauat arterias: adeò, vt in principio aliarum accessionum, nulla percipiatur inæqualitas (licet rarum hoc sit) vt constat eodem libro secundo de crisi- bus citato. Non igitur minimos pulsus potest tertiana obtinere, quales lib. 1. de typis describuntur. Id etiam videretur Galenus insinuare libro 2. de diff. feb. capi. 4. Idcò enim
quia

quiavirtus à pituita magis grauat ac opprimitur, ait, inæquales, paruos, debilesque fieri pulsus in inuasionibus, & in primis incrementorū partibus. Quid ergo pro abiicienda contradictione dicemus? Nil planè nisi quod plurimi Medicorum respondent, libellum de typis Galeni non esse proprium, cum multa contineat, quæ Galeni doctrinæ ex omni parte aduersantur. Nam præter hæc de tertiana, quæ è directo contraria sunt ijs, quæ in alijs libris scripsit: vide in eodem capite, quomodo semitertianæ intermittentes ex Hippocratis mente reponantur, cum tamen lib. 2. de crisi- bus, cap. 8. contrariam Galenus scribat sententiam. Quod si libellum de typis in suis operibus scripsisse se fateatur, alium intellige verio- rem, cuius defectu hic substituitur, qui nec Galeni redolet veram eruditionem. Putridæ igitur febres, quos exposuimus pulsus, siue continuæ sint, siue intermittētes, habent. Verum quæ continentes sunt ex sanguine non putri, quas synochas vocant Græci, similes habent cum diarijs. Nam ubi tertium diem non excedunt, ad putridas non pertinet, vt supra cum Galeno supposuimus. Si verò continentes putridæ fuerint, pulsus, quales biliosæ febres, creant, maiores, scilicet, celeriores, & frequentiores reliquis, minusq; inæquales vtraque inæqualitate febrili (nisi nimis aucta sit humoris

Libellus de typis nō est proprius Galeni.

Cōtinentiū citra putredinem pulsus.

Cōtinentiū cū putredine pulsus.

copia : nam tunc crescet inæqualitas .) Vbi enim sanguis putredinem subit , ex eo simpliciores , quàm ex alijs humoribus febres fiunt , assumitque accessionum proportionem , præcipuè in tertiano circuitu , vt ipse tradit libro 2. de different. capite. 9. Quare & pulsus similes etiam obtinent ijs febribus , qui ingenitum habent tertiatum circuitum , quales biliosæ sunt. Tandem , vt omnium febrium pulsus ad vnguem exequamur pro complemento huius capituli , oportet animaduvertere , quosdam nonnunquam cum febribus complicari affectus , pro quorum natura pulsus , ab ijs , qui alicuius febris naturam insequuntur variare solent. Quare non solum ad rectè pulsus inuestigandos in quocumque febris genere , quæ propria sunt cognoscemus , sed & quæ superuenire consueuerint , vt quantum à propria distent natura metiri valeamus : ac simul qualis sit ex vtrisque constatus pulsus.

(?)

CAP.

CAPVT QVINTVM.

Quomodo præsagienda sit futura salus, aut mors per pulsus, & de futuris iudicationibus præsagiendis.

PER pulsus non solùm, quæ præsentia, vel præterita sunt cognoscuntur, sed etiam & futura: imò & circa hæc præfagitionis non contemnenda pars versatur. Præsentium cognitionem docuimus per pulsus cuiuslibet affectus; nam affectuum cognitio, est præsentium prognosticatio. Præterita per causarum inuentionem manifesta sunt, de quibus antecedenti sectione in vniuersum, & sigillatim egimus Galenum imitantes. Restat igitur ad futurorum cognitionem deuenire, inquirentes, quænam sit futura ex pulsui. Quod verò magis desideratur in affectibus omnibus, ac primum Medico obijcitur considerandum, an æger seruandus sit, an moriturus. Deinde quænam futura est iudicatio, ut possit Medicus debita methodo adhibere præsidia, ne minùs quàm conueniat adhibitis, potius ad ægrorum sit exitium, quàm salutem, impedita iudicatione, quæ futura est ad meliùs. Quemadmodum de illis Medicis ait Galenus,

lenus, qui quoties ad agros accedunt, toties peccant, continuò nullam seruantibus metho- dum, libr. i. de diebus decretorijs, capit. ii. Pri- mo ergo quæsito in prima huius capituli parte absolutionem demus. Id autem est, an morbus ad salutem, vel mortem terminadus sit. In quo includuntur aliæ duæ dubitationes. Vna quo tẽ pore mors aut salus accidet: altera, qui nam erit modus mortis, aut salutis. Primum ergo operam nauemus oportet in morbo dignos- cendo, atque illius magnitudinem mētiendo; deinde facultatis robur, aut imbecillitatem exactè calleamus. Hæc etenim inter se con- ferenda sunt ad futura prælagiendā. Atque vbi facultas robusta est, itā, vt morbi vi- gori sufficiat, salutem denuntiabimus, dum- modo nihil erratum sit extrinsecus. Si verò contrario accadat modo, vt facultas succum- bat, morbus tamen superet & vincat, mortis certissimum est prælagium. Quod refert Ga- lenus lib. 4. de prælag. ex pulsib. cap. ii. Tria er- go necessaria sunt ad mortem vel salutem præ- lagiendam, morbi magnitudo, seu vis, virium robur; & futuri morbi vigoris præcognitio. Nec enim sat est si exitiosis symptomatis, mor- bum inuadentem cognoscamus mox inter initia, vt periturum hominem affirmemus: sed ætatem, vires, seu facultatis robur attendemus:

tanquam ad alterum membrum, cui præsa-
gitionis rectum iudicium nititur. Sic Gale-
nus libro primo epidemion, com. 3. in histo-
ria vxoris Philini in Tharso, quæ filiam pepe-
rit, & die vigesimo defuncta est: licet praua
symptomata, quæ cohibita purgatione à par-
tu, mulieri acciderunt, colligerat. Nondum
tamen de morbi longitudine, & vtrum ob-
scuram quandam haberet, præter opinionem,
spem salutis ausus est prædicere, quia quo ef-
fet robore mulier ei non constabat: Quare
huius certè (inquit) debetis meminisse, vt
quando ægros inspiciatis cum exitiosis sym-
ptomatibus, notam quæ à viribus proficiscitur,
coniungatis: atque ita demum securè pro-
nuntiare poteritis. Futuri status præcogni-
tio etiam necessaria est; nam in ordine ad ip-
sum virium robur est metiendum. Siqui-
dem fieri non potest, vt deinceps virtus luc-
cumbat, postquam vehementiori morbi co-
natui, restitit, ac superauit (hinc in declina-
tione vniuersali mors accidere non potest, vt
morbi declinantis.) Ex omnibus igitur nos ra-
tio coëgit in id maximè esse incumbendum, vt
eam morbi partem præcognoscamus, quæ sta-
tum vocant. Nam si moriturus sit eger, aut nō,
nemo præcognoscet, nisi status tēpus præcog-
nouerit. Et quidem sine horum trium exacta

cognitione, nihil de salute inuestigare contingit, non magis, quàm hoc: nunquid, aliquis portando, oneri sufficiat, sciri potest, hominis robore, oneris magnitudine & viæ longitudine antea non perspecta. Nam egri vires, portanti onus, morbus oneri, tempus autem quod vsque ad statum extenditur, longitudini viæ respondet. Verba sunt Galeni, cap. 5. libro tertio de crisi- bus. Ex quibus virium robur, morbi magnitudo, & eius futuri status præcognitio ad mortem, vel salutem præfagendam, necessaria sunt. Cæterum quomodo dignoscatur morbus, quantaque sit eius sæuitia: atque quomodo etiam futurus status præcognoscatur, à nostro instituto aliena sunt, qui nō omnium affectuum naturam declarare, nec absolutè mortē aut salutē futuram prædicere intendimus, sed ex pulsu tantum. Quare nec de omnibus actionibus, quibus virium robur, hic erit opportunus sermo, sed de vitalibus solum, quæ per pulsum dignoscuntur. Facultas vitalis valens est, ubi pulsus omnes vehementes sint: languida ubi omnes per se languidi. Si tamen quidam languidi nunc sint, nunc vehementes, facultas non est quidem per se imbecilla, sed copia humorum grauatur, libro 4. de præfag. ex pulsib. capite ultimo, & libro secundo de causis pulsum, capit. primo, & lib. 3. eius.

eiusdem operis cap. 16. de quo egimus in sect. 4. & in hac lectione, initio secundi capitis. Cæterum oppressionis modus dignoscitur ex inæqualitatis forma, quæ non solum in vehementia, sed etiam in celeritate, & magnitudine, & crebritate animaduertenda est. Nam cum facultas degrauatur, & opprimitur, non solum pulsus secundum vehementiam, & languorem, sed etiam secundum tria hæc commutantur genera: ita ut nunc celeres, nunc tardi, nunc magni, nunc parui, nunc crebri, nunc rari, quemadmodum vehementes, aut languidi vicissim fiunt. Si igitur pulsus vehementes, & magni plures fuerint quàm languidi, & parui, minus opprimitur facultas; siu verò è contra parui & languidi plures sint, multò magis. Robur etiam ostendunt facultatis inæquales pulsus in vno ictu (siue interrupti sint, siue continui) si fines motus validiores, & celeriores efficiant, ut diximus in simplici inæqualitate. Altus etiam pulsus idem indicat, quin & superiorem fuisse facultatem supra humores, quibus opprimebatur. Nam altus pulsus permagnus est, & liberum exhibet motum, atque ita altus, languidus esse non potest. Iam poterimus de facultatis vitalis robore, iudicium ferre, ac ad morbos, quibus affligi solet, de morte aut salute cōiecturā assequi, ipsorū

rectè perspecta magnitudine . Si enim facultas vitalis valida est, ac morbi respectu superior, salutem tutò denuntiare poterimus . E contra si morbus ipsam vincat, aut nimis opprimat, ita quod nec ad futurum sufficiat vigorem præ òneris magnitudine . Nam si ad statum usque sufficere non possit, necessarium est ægrotantem perire, vt ait ipse Galenus libro tertio de crisibus capite sexto . Reliquis etiam dubitationibus ex solutione primi quaesiti, facilis est enodatio . Nam eo potissimum tempore mors accidet, quo facultas à morbo prostermitur, adeò vt functio vitalis pereat . Quoniam hac sublata, protinus reliquas actiones naturales, scilicet, & animales pereunt, libro quinto de locis affectis capite primo . At quodnam est tempus, quo particulariter actio vitalis aufertur? Respondet Galenus libro primo de diebus decretorijs capite 12. manifestè in pessimo accessionis tempore (in eo enim facultas à morbo superatur) hominem moriturum . Verum quibus ducti signis certò id assequamur, refert citato loco ; nec huc transferentur: ne nimis extendatur sermo, vt confusionem pariat . Eo etiam tempore euadent, qui superstites erunt, quo facultas morbum superet ac vincat . Constat tamen infra ex pulsu quando ipsa

ipſa ſuperatura eſt , dum futuræ criſis iudicium inquiremus . Modus mortis , aut ſalutis , quæ altera eſt dubitatio , ex allatis percipietur , ſimul item & ex infra dicendis . Nam modum ſalutis per criſim venturam , aut quod paulatim ſoluatur morbus denuntiabimus . Modum verò mortis ex affectu colligere licet . Quidam namque ſuffocati pereunt , quidam diſſoluti , aut partim ſuffocati , partim diſſoluti ; ſic qui affectu laborant , qui reſpirationi officiit , ſuffocantur , veluti ij , qui in thorace , pulmone , gutture , aſpera arteria , inflammationem patiuntur , aut affectum quemlibet ſuffocari aptum , ſicut fortis eſt apoplexia , aut affectus alter cor immediatè tenens . Diſſoluuntur ex ſtomachicis affectibus , ſyncope , ingentiſſimo dolore , aut diuturno nimis , hecticis febribus ; & tandem quælibet ingens intemperies , quæ cor immediatè , ſive per conſenſum prehendat , vitalem deijcit , ac proſternit ; ſcilicet cui meſura facultatis ad vnguem perſpecta fuerit ; ſimul & morbi , hic ad mortem vel ſalutem perſentiendam , commodus erit explanator . Verùm diluamus oportet dubia aliqua , quæ obijci poſſunt , aduerſus hæc , quæ dicta ſunt . Pri- *Dub. 1.*
mum , ſi morbus eſt ſuperior natura , æger
Ff ; peribit:

peribit : si verò natura morbo, liberabitur :
 at non efficitur morbus, nisi causa morbifica
 naturam vincat : igitur nunquam natura su-
 perabit, ipsa semper dum præstat morbus, à
 causis morbificis cuieta. Respondetur, quod
 causæ morbificæ actiones lædunt sensibilibiter,
 quas natura optimè adiuta à Medico supe-
 rare potest. Ad mortem verò actionis requi-
 ritur abolitio : quæ numquam fit, nisi na-
 tura deiecta summoperè ac prostrata, vt ni-
 hil profint præsidia. Secundum. Vel mor-
 bus est supra naturæ vires, & tunc peribit
 æger : vel natura ipsam superat, & tunc sa-
 nabitur : igitur Medica præsidia superflua
 sunt. Non est difficilis solutio. Siquidem
 vbi morbus superior est natura, superat
 ipsam, ità quòd Medicis cedat auxilijs, vel
 hæc simul & naturam vincit, aut ità levis
 est, quod externo non indigeat auxilio. Si
 morbus Medica auxilia despicit, simulque
 ipsam naturam superat, tunc nec admouen-
 da sunt, recordantibus nobis, quod deplo-
 ratos non oportet attingere, sed relinquere,
 & finem morbi prænuntiare. libro 2. apho-
 rism. 29. Quod si planè natura tantum vin-
 catur oppressa à morbo, Medica auxilia con-
 uenientissima sunt, dummodò rectè sint ad-
 hibita. Nam Medicus vnà cum ægro morbo
 aducr-

Solutio.

2. dubium.

Solutio.

aduersatur : siquidem naturæ est minister, suppeditans præsidia , quæ ipsi commoda sunt. Si levis est morbus , non opus est Medico, nec Medicis auxilijs. Namque soli illi morbi externo indigent auxilio , quos natura præ magnitudine vincere non potest, libro primo de locis affectis , capite primo . Tertium dubium. Cur vincente natura salus prædicatur , cum conditionali , si nihil erratum sit extrinsecus : mors verò absolutè colligitur vincente morbo ? Accedit : quod natura Medicum habet præsidijs adminiculantem, non sic morbus . Certè sanitas cùm sit medium quoddam permanens difficiliùs acquiritur , quàm morbus, qui motus est: qua ratione à morbo nonnulli ægrotarunt, à sanitate alterius, nemo sanatur, Aristotele auctore sect. 7. prob. quæst. 1. Verum commodius soluetur hoc modo . Morbus agens est naturalis, cuius munus est vniformiter agere ad finem vsque . Si igitur vincit, certius agit . Natura tamen licet vincat , impediri potest ex parte ægri, vel Medici, vel assistentium , qui aliqua liberè operantes , repugnare possunt, vt futura deleatur salus . Reliquum est, vt futuram crism ex pulsu inuestigemus. Quando pulsus inæqualitatem habet in magnitudine, celeritate, & reliquis differentijs, permutari solet

3. dub.

Solutio.

Futura crisis inuestigatur.

ex hac

ex hac in magnitudinem , & altitudinem
ita vt plures sint pulsus magni , & alti , quam
contrarij : nec solum alti , sed etiam vehem-
mentes & magni , quo tempore futuras ex-
cretiones denuntiant . Quod libro primo
de Arte ad Glauconem capite vltimo , dum
signa futuræ crisis , vel per vomitum , vel
fluxum sanguinis narium , Galenus inqui-
rens , de pulsu loquens , sic aperuit . Si enim
post hæc omnia pulsus , in tumorem subi-
tò elati , non reciderint in paruitatem , nec
debiles facti fuerint , crisis expectanda est .
Si verò non modò non deciderint , sed
etiam in altum attollantur , & vehemen-
tiam assumpserint , iam faciem ægrotantis
inspicere oportet , & cætera . Sed alti præ
alijs multo magis . Siquidem postquam facul-
tas , humores , quibus opprimebatur , supe-
rat , liberum præstat motum , qui magis conspi-
cuus est , qua parte arteria sola carne tegitur .
Quod si contingat liberum habere motum se-
cundum obliquas partes , non solum alti ,
sed etiam magni , & vehementes apparent ,
qui crisin futuram etiam ostendunt , licèt
minùs , quam alti . Habent enim hoc peculia-
re , quòd nulla præcedente inæqualitate , crisin
semper possint venturam monstrare , licèt mi-
nus copiosè , tunc fiant excretiones , exigua
humor-

humoris copia, prius grauata facultate. Nam ubi plurimum opprimitur, maiores sunt excretiones, quia maior ab ipsa superata est copia: sicut contingit inæqualitate præcedenti. Hinc libro tertio de crisis, capite ultimo, alium pulsum dicit Galenus, absolute excretionis esse notam. Idem refert, libro secundo de causis pulsuum, capite tertio. Verum qui magni sunt & vehementes, non nisi inæqualitas præcedat, crisin protendunt. Quippè opus est, ut constet facultatem, aduersus humores, quibus opprimebatur, pugnasse. Quod contingit ubi inæqualitas magnos, vehementesque præcedat pulsus: quod citato lib. 3. de crisis sic dixit: Inæqualis autem pulsus, in pluribus quidem crisis fit, & præcipuè cum non fiunt, sine pugna & periculo. Eadem etiam ratione intercurrentes pulsus, sæpè iudicationem attulere, quia in ipsis est veluti quidam naturæ conatus ad pugnandum paratæ. Præterea & libr. 2. de prælag. ex pulsib. capite. 5. Qui igitur alti sunt pulsus, semper futuras excretionem denuntiant, copiosas, ubi simul inæqualitas sit: minus copiosas, ubi hæc absit. Magni verò & vehementes, non nisi inæqualitas eos antecedit, ut constet ex hac ad magnitudinem & vehementiam fuisse permutatos: ita quod plures sint magni & vehementes pulsus, quam

Cap. ultim.

con-

contrarij. Hi sunt pulsus, qui excretiones, quæ iudicatoriæ fiunt à natura, solent absolute præcedere. Mos autem, siue modū dicas, crisis, hoc est, vtrum bona vel mala futura sit, ex pulsu edicere licet. Nam Galenus in fine lib. 4. de præsa. ex pulsib. non modo futuram iudicationem ex pulsu præsagire docet, sed & qualis ventura sit. Attendendus siquidem est contractionis motus. Nā cū pulsus altus sit, & contractionis celeritas remittitur, bona solet fieri iudicatio, præsertim si alia signa accedāt, exactam humoris coctionem præmonstrantia (hoc nanque signorū genus primum & maximum esse, ait Gal. lib. 3. de crisib. ca. 3.) Quod si contractionis celeritas parum sit remissa, & morbus nōdum videatur probè coctus, licet sequatur excretio aliqua à natura facta; non tamen vndequaque perfecta, est, sed tantū ab optima distabit, quantum minùs remittatur celeritas contractionis, minoraque fuerint coctionis signa. Quapropter tantò crisis deterior censenda est, quantò morbi statū anticipauerit: siue id propter morbi magnitudinem, vel motus celeritatē, vel aliquod aliud irritamentum, eueniat, vt ca. 6. lib. 3. de crisibus, idem tradit Galenus. Cæterum dubitat li. 4. de præsa. ex pul. citato, propter quid quando altus sit pulsus, simul cum remissa celeritate contractionis, optimas iudicationes denūtiat: non itē

cū

Dabium.

cū distentionis celeritate moderata. Sicut enim per contractionis motum, arteriæ, quod noxiū est, excernunt: sic per distentionis motum, vtile attrahunt. Licet contraria fuerit Archigenis opinio, qui in distentione expellere arterias, in contractione attrahere existimauit: Respondet Gale^{Responsio.} nus, non eandem esse facultatem vitalem, & naturalem, siue nutrititiā. Nam vitalis pulsum gignit; naturalis quod familiaris est ad nutriendum allicit. Vtraque tamen excernendi excrementa facultatem habet. Vitalis quæ fuliginosa sunt, & calido innato obsunt, vt explicatum à nobis, sect. i. Naturalis, quæ ex alimento supersunt, expellit: atque etiam iudicationis causa est effectrix, non sic vitalis. Quare arteriæ vtraque gaudent facultate. Nam quatenus nutriuntur facultate nutritiua gubernantur: quatenus fumosa excrementa motū contractionis expellūt vitali. Igitur quando arteriæ fuliginosis istis excrementis abundant, motu citatiorem reddunt contractionis, cū purus ac sincerus est calor, eum qui distentionis est. Abundant verò fuliginosa excrementa; eo tempore, quo animal, putrescentibus coinquinatur humoribus. Cū vero hi ad coctionem perducti sint, exigua admodum congeruntur, vt nec opus sit contractionis celeritate ad ea excrementa excernēda. Quin potius eius fit moderata celeritas, non urgente

ge te necessitate, quæ illam exciter. E contra
dissentionis augetur, cum sincerus calor refri-
gerium postulet. Hac ratione, quando altus est
pulsus, & contractionis celeritas remissa, opti-
ma fit iudicatio; quia cocti iam sunt humores,
qui febrem comitabantur; unde facultate libe-
rè operante, altos præstat pulsus, cū contractio-
nis celeritate remissa. Porro omnis excretio na-
turæ lege perfecta sequitur, coctionem, vt de
optima crisi fert Galenus lib. 4. aphorismorum,
sent. 22 Etenim in ventre conspicitur, natura à
coctione excrementa excernere, omnes alias
excretiones, quæ antequam, cibo coctus fuerit
fiunt, nunc quod vellicetur ab illis, quæ conti-
net; nūc quia degrauiatur ante tempus coctio-
nis, cogitur moliri. Ergo quia cōtractionis mo-
derata celeritas putrescentes humores à natura
superatos indicat cum alto pulsu, optimā por-
tendit excretionem, quam deinde naturalis fa-
cultas molitur. Caterum per quam partē ex-
cretio futura sit exactè ex pulsu, non possumus
præfagite, sed naturæ inclinationem attendere
oportet: adiunctis etiam alijs signis, quæ cuius-
libet crisis certiolem possunt præbere notitiā.
Summatim enim (ait Galenus libr. 3. de crisis
capit. vltimo) nihil aliud oportet considerare in
modo crisis, præter naturæ inclinationē; quam
manifestè Hippocrates ostēdit in prognosticis,
præci-

*Per quam
partē futu-
ra sit crisis.*

præcipuè tamē citatis illis locis, quæ à Galeno, pro futuræ crisis modo præcognoscēdo adducuntur. Quædam tamen ex pulsu addiscere licet. Veluti si morbo pituitosior sit, cū ab æqualibus pulsibus mutatio fiat in plures, vehementes & magnos, iudicatio expectanda erit per abscessum, maximè si diuturnus sit: magis quæ etiam cum adhuc hyeme, & frigida ætate, natura, aut regione, lib. 4. de præsag. ex pulsib. cap. ultimo auctore Galeno. Similiter pulsus considerandus est, ut interdum sciamus, num per sanguinis è narib⁹ profluuium futura sit crisis, aut per sudorem, aut per vomitum, aut denique per vètris excretionem. Nam si magnus fuerit motus pulsus, ad exteriora potius, quam ad interiora, aut per sanguinis fluxum è naribus, aut per sudorem fiet excretio. Si verò ad interiora motus vergit, vel per vomitum, aut vètris excrementa: sic undosus pulsus sudorem denūtiat. Si magnus, & non undosus fluxum sanguinis: motu verò ad interiora superante, cum non adsunt alia signa vomitum ostendentia, per vètris excrementa excernetur humor. Si tamen adsunt per vomitum: iam etiam & per vtramque partem, si cū vomitus signis prognosticis, humores per ventrem insigniter subducantur. Licet tandem aliquando partem, per quam futura sit excretio, ex ipso affectu cognoscere, affect⁹ præ-

tercè ex pulsu. At quomodo partes affectæ ex pulsu dignoscantur, explicatum est sectione antecedenti. Non tamen grauabor, exempli causa, hicaliquod transferre. Si vis ex pulsu dignoscere, an per vomitum crisis sit ventura, inquire, qui nam sint pulsus, vbi ventriculus grauatur, ac mordetur, humoribus ad ipsum confluentibus, eos siquidem inuenies inæquales, inordinatos, ac paruos. Ac tunc hi pulsus cum reliquis alijs signis, crisin per vomitum ostendentibus coniunge (vel si vndosus sit, cum ijs, qui sudorẽ indicant, aut si magnus & nõ vndosus, cum ijs, qui fluxum sanguinis denuntiant) minimè quæ falsus eris in parte præfagiẽda, per quam futura sit crisis. Quibus hic noster de pulsibus finiat, liber ad honorem & gloriã omnipotentis Dei, & laudem intemeratæ Virginis Mariæ, nostri Redemptoris Matris purissimæ, nec non vtriusque Ioannis, omniumque Sanctorum: & tandem ad vtilitatem proximi.

(?)

F I N I S.

*Quæ dicta sunt sacrosanctæ Ecclesiæ
correctioni subijcio.*

ERRATA SIC CORRIGITO.

Pag. 2. lin. 7. prius. leg. quin prius. pag. 13. lin. 25. subirciūtura. leg. subiiciuntur. pag. 17. lin. 14. leui. leg. leuis. pag. 33. lin. 2. vix. leg. vis. pag. 77. lin. pen. ad & spatium. leg. ad spatium. pag. 85. lin. 21. hūc. l. hīc. pa. 105. lin. 25. tertia. leg. tria. pag. 173. lin. vlt. violentias. leg. violentas. pa. 194. lin. 16. fluuiorē. leg. fluuiorū. pag. 225. lin. 12. celiiores. leg. celeriores. pag. 248. lin. 13. 15. opore. appenit. le. opere. apponit. pag. 257. lin. 14. quemaddum. leg. quemadmodum. pag. 265. lin. 4. physicorū. leg. phthysicorum. pag. 286. lin. 22. peculiāres. leg. peculiaris. pa. 308. lin. 10. hac. le. ac. pa. 338. lin. 10. effecto. le. affecto. pa. 368. lin. 9. ægrotibus. le. ægrotis. pag. 401. lin. 24. at &. leg. vt &. pag. 403. lin. 12. vnali. leg. mali.

Con estas erratas está impresso conforme a su original este libro de pulsibus . en fee de lo qual lo firme en Salamanca oy primero de Março, 1606.

El Corrector &c.

Manuel Correa de Montenegro.

INDEX ALPHABE- TICVS EORVM QVÆ IN hoc libro præcipuè continentur.

A



EFFECTVS quo cō-
tractio dignoscitur.
pag. 173.

Altitudo & latitudo
pulsus quomodo cognoscan-
tur. 185.

Aduersus insidiatores & cauil-
losos homines nullum est re-
medium. 367.

Amoris an detur pulsus. 303.

Anguinæ pulsus. 349.

Anima nō efficit motū cordis
nisi mediante calido. 14.

Aristotelis opinio de animæ
facultatibus. 9.

Aristotelis opinio de causa
pulsus efficienti. 27.

Aristoteles ad eundem mo-
dum cor pulsare cū arterijs
tenet. 45.

Argumentum de sagitta sursum
projecta. 38.

Arteria corporū in quibusdā re-
cipit variationem in situ. 164.

Attonitorum pulsus. 347.

Alius adstricta quales prestat
pulsus. 296.

Auerrois sententiā falsā de fa-
cultate pulsifica. 16.

Auerrois sententiā de pulsus
utilitate taxatur. 55.

Auicennæ sententiā de pulsus,
& urinæ bonitate in febre pe-
stilentī à Galeno mutuata &
quomodo intelligenda. 425.

B

BALNEA quales efficiant pul-
sus. 287.

Bis pulsans nō est dicrot⁹. 127.

Bis ferientis pulsus causæ. 245.

C

CALOR naturalis conseruatur
sicut externa flamma. 52.

Calidæ cordis intemperiei pul-
sus. 414.

Caprizans pulsus quid. 130.

Caprizantis pulsus causæ. 258.

Caprizantis pulsus prognosti-
cum. 406.

Cathochi pulsus. 343.

Carmona conterraneus noster
taxatur. 425.

Causa finalis pulsus est, calidi
conseruatio & spiritus ani-
malis generatio. 49.

Causa finalis pulsus dilatione &
cōtractione cōparatur. ibidē

H Causæ

I N D E X

- Causa continentes pulsus. 205.
 Causæ naturales pulsus. 211.
 Causæ præternaturales. ibidē.
 Causæ continētes pulsus sunt tres. 214.
 Causa inæqualis pulsus in pluribus ictibus. 288.
 Causa pulsus inæqualis inæqualiter. 240.
 Causæ inæqualium pulsuum in vno motu secundum diuersas arteriæ partes. 255.
 Causæ conuulsiui pulsus. 257.
 Causæ compositæ inæqualitatis. 258.
 Causæ non naturales quæ & quot. 285.
 Causarum præternaturaliū infinitus est numerus. 307.
 Causæ præternaturales deglisciter lædunt. ibidem.
 Celeris pulsus quid. 75.
 Celeris pulsus cognitio. 189.
 Celeris pulsus prognosticum. 372.
 Celeritas dignoscitur leuiter applicata manu. 191.
 Celeritatis differentiarum præfagium. 375.
 Cerebri motus an sit pulsus. 45.
 Chordosus pulsus. 130.
 Cognitio pulsus ad quæ sit necessaria. 144.
 Cognitio pulsus quàm sit difficilis. 145.
 Cognitio ex multa exercitatione, & curiosa rerum perpen-
 satione acquiritur. 398.
 Cibus nouiter ingestus pulsuum facie paruum & debile. 290.
 Conimbrifenses Societatis Iesu melius quàm Leo Roganus de quodam experimento reddunt rationem. 31.
 Conuulsiuus pulsus. 130.
 Conuulsiui pulsus causæ. 257.
 Conuulsiui pulsus prognosticum. 404.
 Conuulsiui pulsus. 345.
 Comitialium pulsus. 347.
 Contractio pulsus an percipiat-
 tur. 170.
 Contractio quomodo dignoscenda. 171.
 Contractio comprimendo percipienda. 175.
 Contractionis & distentionis quantum percipiat. 177.
 Contractionis pulsus præfagium. 375.
 Cor & arteriæ sunt pulsus instrumenta. 42.
 Cor & arteriæ ad eundem modum pulsant. ibidem.
 Cordis ingens frigiditas dignoscitur. 392.
 Cor humidū & siccum quales præstet pulsus. 418.
 Cordis fugidi intemperiei pulsus. 417.
 Cor nō patitur tumores à quibus pulsus duri reddatur. 418.
 Cor & arteriæ dum eandē habent intemperiem quales faciunt pulsus. 419.
 Cor intemperatum contrario modo

ALPHABETICVS.

modò ac arteriæ quales faciat pulsus. ibidem.

Cor calidum & arteriæ frigida quomodo dignoscatur. 420.

Cor & eius substantia si contrarijs intemperantijs afficiantur quales præstet pulsus. 421.

Cor diuersis intemperantijs affectum quales faciat pulsus differentias & quâtas. 422. usque ad. 428.

Crebri & rari pulsus cognitio. 191.

Creber pulsus quid. 80.

Crebri & rari pulsus præsagium. 378.

Crebritas pulsus instrumento duro & lægida facultati familiaris. 218.

Crisis futuræ ex pulsu cognitio. 459.

Crisis per quam partem futura. 464.

D

Decurtati pulsus. 110.

Decurtati deficientes. ibidem.

Decurtatorum pulsu causæ. 245.

Decurtatorum præsagiū. 385.

Decurtatorum versus cordis originem præsagium. 402.

Definitio quid nominis pulsus. 2.

Definitio pulsus essentialis. 3.

Deficientes pulsus decurtati dupliciter fiunt. 110.

Deficientes reciproci. ibidem.

Differentiæ pulsus genericæ. 61.

Differentiæ pulsus quo pacto inuestigantur. 171.

Differentiæ pulsus quæ propriæ & necessariae, & quæ familiares. 214.

Dicrotus pulsus quid. 116.

Dicrotus & intermittens in vnica pulsatione in quo differant. 124.

Dicrotus pulsus quomodo fiat. 252.

Distentio quomodo dignoscenda. 169.

Distentio quo affectu cognoscatur. 170.

Disciplina omnis ab essentia debet exordiri. 1.

Diuisio facultatum ex Platonis sententia. 12.

Diuus Thomas eandem profert sententiā de cordis motu cum medicis. 23.

Diui Thomæ dictum explicatur. 26.

Dilatato corde an dilatentur arteriæ. 43.

Durities & mollities an sint pulsus differentia. 63.

Durum quid sit. 99.

Durus pulsus & mollis. ibidem.

Durus pulsus nimia pituitæ humectatione obscuratur. 341.

Duri & mollis pulsus præsagium. 375.

Dubia examinantur quædam circa modum mortis prædicendū aut cognoscendū. 458.

Desperationis pulsus. 306.

Doloris pulsus. 308.
Dextra sinistris non sentiunt
exactius. 167.

E

ELEPHANSIASIS puls⁹. 306
Æqualis & inæqualis pulsus
definitio & diuisio. 109.
Æqualitatis pulsus causæ. 238
Ætatum pulsus. 271.
Exercitationum pulsus. 285.
Expergiscientium pulsus. 295.
Expiratio quando sit facultatis
actio. 35.

F

FACULTAS quid sit. 13.
Facultates animal gubernan-
tes sunt tres. 5.
Facultas vitalis quid. 7. & 14.
Facultas vitalis distincta à nu-
triente, & rationes quibus id
probat⁹. 17.
Facultas pulsifica duplex. 36.
Facultas pulsifica per arteriarū
tunicas communicatur. 33.
Facultas robusta necessario ef-
ficat⁹ pulsum vehementem, &
infirma languidum. 214.
Facultati infirmæ paruitas, &
tarditas sunt familiares. 217.
Facultas & instrumēta quales
præstent pulsus. 225.
Facultas, vsus, & instrumenta
quales. 226.
Facultas humorum aggraua-
tione oppressa pulsus effi-
cit inæquales, quod osten-

ditur Galeni exemplo. 241.
Facultatis imbecillitas an per
se sufficiat facere inæquales
pulsus. 262.
Febris exitialis formicantes fa-
cit pulsus. 297.
Febris hectica pestilens pulsus
habet similes naturalibus ex
Galeno, quod & nos vidim⁹
in cōstitutione pestilēti. 423
Febris hectica signa perpetua.
ibidem.
Februm pulsus. 429.
Febris diariæ pulsus. 430.
Febris hectica pulsus. 432.
Februm putridarū pulsus. 434
Febres quæ inflamationes cō-
sequuntur de genere putrida-
rū aduersus Vallesium. 435.
Febrilis inæqualitas duplex.
437.
Febrilis inæqualitas in pluri-
bus pulsationibus. ibidem.
Febrilis inæqualitas in vna ar-
teriæ pulsatione. 441.
Febris biliosæ pulsus. 445.
Febris inualescētis pulsus. 446.
Februm continentium citra
putridinem pulsus. 449.
Februm continentium cum
putridine pulsus ibidem.
Formicans pulsus. 134.
Formicans nō est celer. ibidem
Formicans, vndosus, & vermi-
culans in quo differant & cō-
veniāt cum vibrato & con-
uulsuo. 135.
Formicantis pulsus causæ. 259.
Formi-

ALPHABETICVS.

Formicantis pulsus præfagiū. 406.

Frigidæ cordis intēperiei pulsus. 417.

Frigus & calor nullā efficiunt pulsus differentiam. 64.

Fundamētum præfagij potissimum in pulsibus. 365.

G

GALENVS fatetur se animæ substantiam ignorare. 9.

Galenus in inquirenda animæ substantia ubiq; confunditur. 15.

Gentilis error. 162.

Galenus quomodo diuidat libros de præfagatione ex pulsibus. 364.

Galenipugnantia loca diluuntur. 262.

Galenipugnans locus ex libro de typis. 447.

H

HABITVS corporis pulsus. 270.

Habitus & temperamēti accititij pulsus. 306.

Hæticus pulsus quid significet. 406.

Hæticus pulsus quid. 137. & 325.

Hæticipulsus causæ. 265.

Hidropis pulsus. 358.

Hidropis species tres. 358.

Hippocrates an sit assequutus cognitionem pulsus. 148.

Hippocratis aliqui libri dissipati sunt, alteri aliquid habent adiectum. 151.

I

IOANNES Brauus doctissim⁹, & præceptor noster. 36.

Immodicæ vacuationis pulsus. 297.

Immodica vacuatio vermiculātes præstat pulsus ibidem.

Imflammationis pulsus. 310.

Imflammatiō externa vel minima interna pulsus non immutat. 312.

Imflammatiō duo potissimum præstat: immodicum calorē, & tensionem ibidem.

Iecur an patiatur ædema. 315.

Iecore inflammato quales sint pulsus. 318.

Ineuntium & circumeuntium præfagiū. 404.

Inæquales pulsus an reperiantur in vehementia & duritie & quomodo. 111.

Inæquales pulsus in situ arteriæ. 130.

Inæqualitas pulsus composita. 131.

Inæqualitatis simplicis causæ. 247.

Inæqualitatem febrilem magis manifestam habent phrenetici. 341.

Inæqualis pulsus prognosticū. 384.

INDEX

- Inæquales pulsus ob arteriæ situm quale habeant prognosticum.** 404.
Inæqualitatis compositæ præsagium. 404.
Initium distentionis & contractionis finis, sensum effugiūt 176.
Inquirendo quomodo difficilia cognoscantur. 148.
Inter æqualem & inæqualem pulsus non datur pulsus medius naturalis. 109.
Intercurrens & intermittens pulsus. 113.
Intermittentes & deficientes quomodo differant, ibidem.
Intermittentis causæ. 246.
Intercurrentis causæ. ibidem.
Intermittentibus quomodo sit præsagiendum. 387.
Intermittentis pulsus læpida comparatio. 387.
In intermittenti pulsu repentina mors. 388.
Intermittentium qui læuiiores. ibidem.
In intermittenti quid obseruandum ad prognosticum. 389.
Intermittentis pulsus historiæ ibidem.
Intermittens naturalis quādo. ibidem.
Intermittens in quibus ætatibus periculosior. 390.
Intermittens pulsus pueris minus periculosus. 391.
Intermittens pulsus, & longa raritas in quo differant, ibidem.
Intercurrentis præsagiū. 395.
Intercurrens an intermittenti sit deterior. 396.
Interrupti motus continui & recurrētis prognosticū. 397.
Iuuenum pulsus. 273.
Iuuenes ex longa raritate pulsus euadunt. 391.
Iræ pulsus. 298.
Ictericorum pulsus. 360.
- ## L
- LABORANTIVM pulsus** 286.
Languidos pulsus premere interdum licet. 168.
Lāgūidi pulsus quomodo cognoscantur. 195.
Lemosij lapsus. 15.
Leo Roganus impugnatur. 30.
Lætitix pulsus. 300.
Lethargicorum pulsus. 335.
Libellus de typis non est Galeni. 449.
Ludouici Mercati opera variæ & multæ lectionis. 19.
Lupeius iecori adema non innasci credidit. 316.
Lupei lapsus. 269.
- ## M
- MAGNITUDO pulsus non sumitur a corporis arteriæ magnitudine.** 72.
Magnus & paruus pulsus quomodo dignoscantur. 184.
Magni

ALPHABETICVS.

Magni puls⁹ prognosticū. 365
 Maxima signa febricitantiū in
 pulsu & vrina consistūt. 152.
 Marcescentium pulsus. 326.
 Medici quidam male interpre-
 tantur sancti Thomæ sen-
 tentiam. 21.
 Mena taxatur. 56.
 Moderatus pulsus in quātitate
 distentionis non datur vnus.
 72. & 180.
 Moderatus invehementia non
 est naturalis. 94.
 Modus mortis quomodo di-
 gnoscendus. 457.
 Molle quid sit. 99.
 Mollis puls⁹ quomodo dignos-
 cendus. 195.
 Mollities immodica motui ma-
 gno, & celeri obest. 217.
 Morbus an ad salutem vel ad
 mortem sit terminādus. 452
 Mors in pessimo accessione
 tempore accidit. 456.
 Mors accidit dissolutione aut
 suffocatione. 457.
 Mot⁹ cerebri est respiratio. 46
 Mesalius pulsus ab Auicenna
 sic appellatus. 128.
 Myuri pulsus, vide decurtatos.
 Myuri in simplici inæqualitate
 128.

N

NATVRALIA non assuescūt.
 85.
 Neotericus taxatur, quia anti-

quos increpat in opinione
 dicroti. 126.
 Notitia dilatationis clarior quā
 notitia cōtractionis. 173.
 Notitia contractionis in qui-
 bus pulsibus sit clarior. 174.

O

OPINIO diui Thomæ de mo-
 tu cordis. 21.
 Ordinatus, & inordinatus pul-
 sus. 138.
 Ordinatus, & inordinatus me-
 dium habent pulsum. 139.
 Ordinati pulsus minus propriè
 sunt naturales. 142.
 Ordinati & inordinati pulsus
 causæ. 265.
 Ordinati & inordinati pulsus
 prælagium. 407.
 Ordinatus an inordinato sit de-
 terior pulsus. 409.
 Ordo quo comparatur celeri-
 tas & crebritas & magnitudo
 83.
 Ordo quo amittantur celeri-
 tas, crebritas & magnitudo
 87.
 Ordo, & eius perturbatio quā-
 do malum indicet. 409.
 Ordinis perturbatio quatenus
 indicet crism. 412.
 Os ventriculi cor appellabant
 antiqui. 354.
 Os ventriculi tumore affectū in-
 tēperie, aut humoris affluxu
 quales faciat pulsus. 355.

- Orium quales habeat pulsus. 288.
 Orthopneæ pulsus. 351.
P
 PARALYTICORVM pulsus. 247.
 Platonis opinio de animæ facultatibus. 11.
 Pleuriticorum pulsus. 319.
 Pleuritis quid sit. 320.
 Pleuritidis signū exitiale. 321.
 Perineumonicorū pulsus. 330.
 Phreneticorum pulsus. 337.
 Phrenitis exquisita. 338.
 Profunditas nō dignoscitur in languidis. 189.
 Prægnantium pulsus. 284.
 Prælagium quantitatis distentionis. 371.
 Prælagium a quam quinque primarum differentiarū pulsus sit deterius. 381.
 Præsentia, præterita, & futura cognoscuntur per pulsus. 451.
 Puerorum pulsus. 272.
 Pulmonis inflammatio an durum habeat pulsus. 331.
 Pulsus, & respiratio in quo cōueniant & differant. 59.
 Pulsus vacuus & plenus an sint. 65.
 Pulsus quælibet differentia habet mediocritatem. 65.
 Pulsus differentię prima genera appellari possunt. 69.
 Pulsus promptius tangitur in carpo. 161.
 Pulsus inæquales & inordinati per passionēs reliquarum differentiarum cognoscuntur. 202.
 Pulsus non alteratur nisi causis continentibus inter medij. 205.
 Pulsus magni, & celeres cui causarum continentium sint familiars. 216.
 Pulsus bis feriens quando non est caprizans. 254.
 Pulsus a cibo quales. 288.
 Pulsus abolitio quo pacto inuiuum animæ al cadat. 401.
 Pthysicorum pulsus. 329.
Q
 QVÆ obseruanda pro recta pulsus cognitione. 161.
 Quæ requiratur ex parte laborantis pro tegēdo pulsū, & quæ ex parte medici. 162. & 165.
 Quies an intercīdat inter motus contrarios semper. 37. & 81.
 Quietēs an sint a natura intentæ. 40.
 Quietēs quare per accidens partes pulsus dicantur. 41.
 Quies gemina pulsui non est. 81.
 Quietēs quomodo cognoscantur. 178.
 Rari-

ALPHABETICVS.

R

RARITAS pulsus mollitudi-
ni arteriarum & infirmæ fa-
cultati familiaris. 218.
Raritatis longæ historia. 399.
Raritatis longæ præfagium.
392.
Ratione inquiritur facultas vi-
talis. 15.
Recurrentes pulsus. 523.
Recurrentis pulsus causæ. 251.
Recurrentis præfagium. 399.
Regionum pulsus. 283.
Retentionis & inanitionis pul-
sus. 296.
Retortus pulsus. 130.
Rhythmî natura sumitur ex di-
latationis tempore, ad cōtra-
ctionis tempus. 101.
Rhythmorum naturam distin-
ctius tradit Galenus. 106.
Rhythmorum sententia vera
Galenî, quam aliqui ex mē-
te aliorum esse credunt. 107.
Rhythmî quo tactus genere
cognoscantur. 198.
Rhythmî in non languidis cog-
noscuntur. ibidem.
Rhythmorum causæ. 236.
Rhythmorum prognosticum.
383.

S

SANGVINIS copia invenis
& arterijs efficit inæquales
pulsus. 242.
Senum pulsus. 272.

Serrans pulsus. 136
Serrantis causæ. 264
Serrans pulsus quomodo pleu-
ritidi proprius. 322.
Serrans quid denuntiet. 406.
Sexus pulsus. 266.
Syncopis pulsus. 361.
Simplex inæqualitas. 115.
Simplicis inæqualitatis diffe-
rentiæ secundum vnā arte-
riæ partem. ibidem.
Simplex inæqualitas in diuer-
sis arteriæ partibus. 127.
Simplicis inæqualitatis præfa-
gium. 397.
Simplex inæqualitas deterior
collectiua. ibidem
Simplicis inæqualitatis in di-
uersis arteriæ partibus prog-
nosticum. 399.
Symptoma corporis triplex.
143.
Spamosus pulsus. 130.
Somni pulsus. 293.
Spei pulsus. 306.
Spiritus non generantur ex so-
lo aëre. 57.
Spiritus quid. ibidem.
Spiritus potissima pars. ibidem.
Spiritus animalis generatio nō
est vera nutritio. 59.

T

TABELLA inæqualis pulsus
in plurib⁹ pulsationibus. 115.
Tabellæ simplicis inæqualita-
tis. 117.
Hh 5 Tabel-

I N D E X.

- Tabellæ cum causæ continen-
tes implicantur. 219. 231.
232. 233.
- Tactus triplicimodo applican-
dus pro cognoscendo pulsus.
167.
- Temperiei pulsus. 268.
- Temporum anni pulsus. 276.
- Thomas Rodericus malè inter-
pretatur diui Thomæ sen-
tentiam. 24.
- Thomæ Roderici ratio impug-
natur. 48.
- Tristitiæ pulsus. 301.
- Tremulus pulsus ad vibratum
reducendus. 339.
- Tremulus quando ad conuul-
suum reducatur. ibidem.
- Typhomania pulsus. 342.
- Timoris pulsus. 301.
- Timor quare faciat pulsus in-
æquales & inordinatos. 302.
- V**
- VALLESIVS taxatur circa
sententiam de vehemēti pul-
su. 91.
- Vallesius existimat solutionē
suo ingenio inuentam quam
Galenus fert. 201.
- Vallesij opinio de causis con-
tinentibus pulsus. 206.
- Vallesius existimat Galenum
non tradidisse causas pulsuū
inæqualium in eodem ictu in
eadem arteriæ parte, cum ta-
men eas referat. 251.
- Vallesius à Galeni sententia
discedit. 281.
- Vallesius de amoris passione
pulchrè scripsit. 303.
- Vallesius soluit repugnantiam
inter loca Galeni, non ta-
men difficultatē diluit. 448.
- Vehemens pulsus quid habeat
commune cum duro, & quo
pacto discernatur. 194.
- Vehementis, & languidi pul-
sus non est medius naturalis
195.
- Vehementis & languidi cogni-
tio. ibidem.
- Vehementis & languidi pulsus
præfagium. 375.
- Verecundiæ pulsus. 306.
- Veratri assumpti pulsus. 361.
- Vermiculans pulsus. 133.
- Vibratus pulsus. 130.
- Vibrati pulsus causæ. 251.
- Vibratus, & cōuulsius in quo
differant. ibidem.
- Vibrati præfagium. 404.
- Vndosus pulsus. 132.
- Vndosi pulsus causæ. 259.
- Vndosi pulsus naturam non
intellexit quidam neoteri-
cus. 134.
- Vndosus & vermiculans quo-
modo differant magnitudi-
ne distentionis. 261.
- Vndosus & vermiculans quid
significent. 405.
- Vndosus quando portendat fu-
turam crism. ibidem.
- Vrina & pulsus quomodo
æqua

A L P H A B E T I C V S.

aqua demonstrent certitudi- dine.	155.	pulsus.	221.
Vrina in hectica febre pesti- lenti, naturali similis.	423.	Vfus adauctus per se non effi- cit inæqualitatē pulsus quæ sensibilis sit.	239.
Vfui adaucto familiares diffe- rentiæ sunt, magnitudo, cele- ritas & crebritas.	215.	Vtilitas pulsus.	49.
Vfui diminuto contrariæ dif- ferentiæ familiares. ibidem.		Vtilitas pulsus in refrigeratis.	31.
Vfus & facultas quales faciāt		Vtilitas pulsus secunda est vt spiritus animalis in cerebro generentur.	54.

F I N I S.

S A L M A N T I C A E.

Excudebat Artus Taberniel Antuerpianus

Anno M. DC. VI.

FINIS

SALEMAN TICE

Excelsior & Co. Tice & Co. Tice & Co.

1850







A 079/078

UNIVERSIDAD DE SEVILLA



600156881

i 24612613

nº 123.

